

- 10.001.01a अग्ने॑ बृ॒हन्नु॑षसामू॒र्ध्वो॑ अ॒स्थान्नि॑र्जगन्वान्तमसो॒ ज्योति॑षागात् ।
- 10.001.01c अग्नि॑र्भानुना॒ रुशता॑ स्व॒ङ्ग आ॒ जातो॑ विश्वा॒ सद्मान्य॑प्राः ॥
- 10.001.02a स जा॑तो गर्भो॒ असि॑ रोद॒स्योरग्ने॑ चारु॒र्विभृ॑त ओषधीषु ।
- 10.001.02c चि॒त्रः शि॒शुः परि॑ तमा॒स्यक्तू॑न्प्र मा॒तृभ्यो॑ अधि॒ कनिक्र॑दद्वाः ॥
- 10.001.03a विष्णु॑रि॒त्था पर॑ममस्य॒ विद्वाञ्जा॑तो बृहन्नभि॒ पाति॑ तृतीयम् ।
- 10.001.03c आसा॑ यदस्य॒ पयो॑ अ॒क्रत॑ स्वं स॒चेत॑सो अ॒भ्यर्च॑न्त्यत्र ॥
- 10.001.04a अत॑ उ॒ त्वा पि॑तुभृतो॒ जनि॑त्रीरन्नावृधं॒ प्रति॑ चरन्त्यन्नैः ।
- 10.001.04c ता ई॑ प्रत्येषि॒ पुनर॑न्यरूपा॒ असि॑ त्वं वि॒क्षु मानु॑षीषु होता ॥
- 10.001.05a हो॒तारं॑ चि॒त्ररथ॑मध्वरस्य॒ यज्ञस्य॑यज्ञस्य॒ केतुं॑ रुशन्तम् ।
- 10.001.05c प्रत्य॑र्धि॒ देव॑स्यदेवस्य॒ महा॑ श्रिया॒ त्वश्नि॑मतिथिं॒ जनाना॑म् ॥
- 10.001.06a स तु॑ वस्त्रा॒ण्यध॑ पेश॒नानि॑ वसानो॒ अग्नि॑र्नाभा॒ पृथि॑व्याः ।
- 10.001.06c अ॒रुषो॑ जा॒तः प॒द इ॒ळायाः॑ पु॒रोहि॑तो राजन्य॒क्षीह॑ देवान् ॥
- 10.001.07a आ॒ हि द्या॑वापृथि॒वी अ॒ग्न उ॒भे सदा॑ पु॒त्रो न मा॑तरा॒ ततन्थ॑ ।
- 10.001.07c प्र या॒ह्यच्छो॑शतो॒ यवि॑ष्ठाथा॒ वह॑ सहस्येह॒ देवान्॑ ॥
- 10.002.01a पि॒प्रीहि॑ दे॒वाँ उ॒शतो॑ यवि॒ष्ठ वि॒द्वाँ ऋ॒तूँऋ॒तुप॑ते यजेह ।

- 10.002.01c ये दैव्या ऋत्विजस्तेभिरग्ने त्वं होतृणामस्यायजिष्ठः ॥
- 10.002.02a वेषि होत्रमुत पोत्रं जनानां मन्धातासि द्रविणोदा ऋतावा ।
- 10.002.02c स्वाहा वयं कृणवामा हवींषि देवो देवान्यजत्वग्निर्हन् ॥
- 10.002.03a आ देवानामपि पन्थामगन्म यच्छक्रवाम तदनु प्रवोळ्हुम् ।
- 10.002.03c अग्निर्विद्वान्स यजात्सेदु होता सो अध्वरान्स ऋतून्कल्पयाति ॥
- 10.002.04a यद्वो वयं प्रमिनाम व्रतानि विदुषां देवा अविदुष्टरासः ।
- 10.002.04c अग्निष्टद्विश्वमा पृणाति विद्वान्येभिर्देवाँ ऋतुभिः कल्पयाति ॥
- 10.002.05a यत्पाकत्रा मनसा दीनदत्ता न यज्ञस्य मन्वते मर्त्यासः ।
- 10.002.05c अग्निष्टद्वोता क्रतुविद्विजानन्यजिष्ठो देवाँ ऋतुशो यजाति ॥
- 10.002.06a विश्वेषां ह्यध्वराणामनीकं चित्रं केतुं जनिता त्वा जजान ।
- 10.002.06c स आ यजस्व नृवतीरनु द्वा स्पार्हा इषः क्षुमतीर्विश्वजन्याः ॥
- 10.002.07a यं त्वा द्यावापृथिवी यं त्वापस्त्वष्टा यं त्वा सुजनिमा जजान ।
- 10.002.07c पन्थामनु प्रविद्वान्पितृयाणं द्युमदग्ने समिधानो वि भाहि ॥

- 10.003.01a इनो राजन्नरतिः समिद्धो रौद्रो दत्ताय सुषुमाँ अदर्शि ।
- 10.003.01c चिकिद्धि भाति भासा बृहतासिक्रीमेति रुशतीमपाजन् ॥
- 10.003.02a कृष्णां यदेनीमभि वर्षसा भूजनयन्योषां बृहतः पितुर्जाम् ।
- 10.003.02c ऊर्ध्वं भानुं सूर्यस्य स्तभायन्दिवो वसुभिररतिर्वि भाति ॥

- 10.003.03a भद्रो भद्रया सचमान आगात्स्वसारं जारो अभ्येति पश्चात् ।
- 10.003.03c सुप्रकेतैर्द्युभिरग्निर्वितिष्ठन्नुशद्विर्वर्णैरभि राममस्थात् ॥
- 10.003.04a अस्य यामासो बृहतो न वयूनिन्धाना अग्नेः सख्युः शिवस्य ।
- 10.003.04c ईड्यस्य वृष्णो बृहतः स्वासो भामासो यामन्नक्तवश्चिकित्रे ॥
- 10.003.05a स्वना न यस्य भामासः पवन्ते रोचमानस्य बृहतः सुदिवः ।
- 10.003.05c ज्येष्ठेभिर्यस्तेजिष्ठैः क्रीळुमद्विर्वषिष्ठेभिर्भानुभिर्नक्षति द्याम् ॥
- 10.003.06a अस्य शुष्मासो ददृशानपवेर्जेहमानस्य स्वनयन्नियुद्धिः ।
- 10.003.06c प्रत्नेभिर्यो रुशद्विर्देवतमो वि रेभद्विररतिर्भाति विभ्वा ॥
- 10.003.07a स आ वक्षि महि न आ च सत्सि दिवस्पृथिव्योररतिर्युवत्योः ।
- 10.003.07c अग्निः सुतुकः सुतुकेभिरश्वै रभस्वद्भी रभस्वाँ एह गम्याः ॥
- 10.004.01a प्र ते यक्षि प्र त इयर्मि मन्म भुवो यथा वन्द्यो नो हवेषु ।
- 10.004.01c धन्वन्निव प्रपा असि त्वमग्न इयक्षवे पूरवे प्रत्न राजन् ॥
- 10.004.02a यं त्वा जनासो अभि संचरन्ति गाव उष्णमिव व्रजं यविष्ठ ।
- 10.004.02c दूतो देवानामसि मर्त्यानामन्तर्महँश्चरसि रोचनेन ॥
- 10.004.03a शिशुं न त्वा जेन्यं वर्धयन्ती माता विभर्ति सचनस्यमाना ।
- 10.004.03c धनोरधि प्रवता यासि हर्यञ्जिगीषसे पशुरिवावसृष्टः ॥
- 10.004.04a मूरा अमूर न वयं चिकित्वो महित्वमग्ने त्वमङ्ग वित्से ।

- 10.004.04c शये॑ व॒त्रि॒श्वर॑ति॒ जिह्वा॑द॒त्रे॒रि॒ह्यते॑ यु॒वतिं॑ वि॒श॒पतिः॑ सन् ॥
- 10.004.05a कू॒चि॒ज्जा॑यते॒ सन॑यासु॒ नव्यो॑ वने॒ तस्थौ॑ प॒लितो॑ धूम॒केतुः॑ ।
- 10.004.05c अ॒स्नाता॑पो॒ वृष॑भो न प्र वे॒ति स॑चे॒तसो॑ यं प्र॒णय॑न्त॒ मर्ताः॑ ॥
- 10.004.06a तनू॑त्यजे॒व त॑स्करा॒ वन॑र्गू॒ रश॑नाभिर्द॒शभि॑रभ्य॒धीता॑म् ।
- 10.004.06c इ॒यं ते॑ अ॒ग्ने न॑व्यसी॒ मनी॑षा यु॒द्ध्वा रथं॑ न शु॒चय॑द्भि॒रङ्गैः॑ ॥
- 10.004.07a ब्र॒ह्म च॑ ते जा॒तवे॑दो॒ नम॑श्चे॒यं च॑ गीः॒ सद॑मि॒द्वर्ध॑नी भूत् ।
- 10.004.07c र॒क्षा॑ गो॒ अग्ने॑ तन॒यानि॑ तो॒का र॒क्षोत॑ न॒स्तन्वो॑श्च॒ अप्र॑युच्छन् ॥

- 10.005.01a ए॒कः स॑मु॒द्रो ध॑रु॒गो र॑यी॒णाम॑स्मद्भृ॒दो भू॑रि॒जन्मा॑ वि च॒ष्टे ।
- 10.005.01c सि॒षत्त॑यू॒धर्नि॑ण्यो॒रुप॑स्थ॒ उत्स॑स्य॒ मध्ये॑ नि॒हितं॑ प॒दं वेः॑ ॥
- 10.005.02a स॒मानं॑ नी॒ळं वृ॑ष॒णो व॑सानाः॒ सं ज॑ग्मिरे॒ महि॑षा अ॒र्वती॑भिः ।
- 10.005.02c ऋ॒तस्य॑ प॒दं क॑वयो॒ नि पा॑न्ति॒ गुहा॑ नामा॒नि द॑धिरे॒ परा॑णि ॥
- 10.005.03a ऋ॒तायि॑नी॒ मायि॑नी॒ सं द॑धाते॒ मित्वा॑ शि॒शुं ज॑ज्ञतु॒र्वर्ध॑यन्ती ।
- 10.005.03c वि॒श्वस्य॑ नाभिं॒ चर॑तो॒ ध्रुव॑स्य॒ कवे॑श्चित्तन्तुं॒ मन॑सा॒ विय॑न्तः ॥
- 10.005.04a ऋ॒तस्य॑ हि॒ वर्त॑नयः॒ सुजा॑तमिषो॒ वाजा॑य प्र॒दिवः॑ स॒चन्ते॑ ।
- 10.005.04c अ॒धीवा॑सं॒ रोद॑सी॒ वाव॑साने॒ घृ॒तैर॑न्नैर्वा॒वृधा॑ते॒ मधू॑नाम् ॥
- 10.005.05a स॒प्त स्व॑सृ॒रुषी॑र्वा॒वशा॑नो॒ वि॒द्वान्म॑ध्व॒ उज्ज॑भारा॒ दृशे॑ कम् ।
- 10.005.05c अ॒न्तर्ये॑मे॒ अ॒न्तरि॑क्षे॒ पुरा॑जा॒ इच्छ॑न्व॒त्रिम॑वि॒दत्पू॑षणस्य ॥

- 10.005.06a सप्त मर्यादाः कवयस्ततत्तुस्तासामेकामिदभ्यंहुरो गात् ।
- 10.005.06c आयोर्ह स्कम्भ उपमस्य नीळे पथां विसर्गे धरुणेषु तस्थौ ॥
- 10.005.07a असच्च सच्च परमे व्योमन्दत्तस्य जन्मन्नदितेरुपस्थे ।
- 10.005.07c अग्निर्ह नः प्रथमजा ऋतस्य पूर्व आयुनि वृषभश्च धेनुः ॥
- 10.006.01a अयं स यस्य शर्मन्नवोभिरग्नेरेधते जरिताभिष्टौ ।
- 10.006.01c ज्येष्ठेभिर्यो भानुभिर्ऋषूणां पर्येति परिवीतो विभावा ॥
- 10.006.02a यो भानुभिर्विभावा विभात्यग्निर्देवेभिर्ऋतावाजस्रः ।
- 10.006.02c आ यो विवाय सख्या सखिभ्योऽपरिहृतो अत्यो न सप्तिः ॥
- 10.006.03a ईशे यो विश्वस्या देववीतेरीशे विश्वायुरुषसो व्युष्टौ ।
- 10.006.03c आ यस्मिन्मना हवींष्यग्नावरिष्टरथ स्कन्नाति शूषैः ॥
- 10.006.04a शूषेभिर्वृधो जुषाणो अकैर्देवाँ अच्छा रघुपत्वा जिगाति ।
- 10.006.04c मन्द्रो होता स जुहा३ यजिष्ठः सम्मिक्षो अग्निरा जिघर्ति देवान् ॥
- 10.006.05a तमुस्त्रामिन्द्रं न रेजमानमग्निं गीर्भिर्नमोभिरा कृणुध्वम् ।
- 10.006.05c आ यं विप्रासो मतिभिर्गृणन्ति जातवेदसं जुह्वं सहानाम् ॥
- 10.006.06a सं यस्मिन्विश्वा वसूनि जग्मुर्वाजे नाश्वाः सप्तीवन्त एवैः ।
- 10.006.06c अस्मे ऊतीरिन्द्रवाततमा अर्वाचीना अग्न आ कृणुष्व ॥
- 10.006.07a अघा ह्यग्ने महा निषद्या सद्यो जज्ञानो हव्यो बभूथ ।

- 10.006.07c तं ते देवासो अनु केतमायन्नधावर्धन्त प्रथमास ऊमाः ॥
- 10.007.01a स्वस्ति नो दिवो अग्ने पृथिव्या विश्वायुर्धोहि यजथाय देव ।
- 10.007.01c सचेमहि तव दस्म प्रकेतैरुरुष्या ण उरुभिर्देव शंसैः ॥
- 10.007.02a इमा अग्ने मतयस्तुभ्यं जाता गोभिरश्वैरभि गृणन्ति राघः ।
- 10.007.02c यदा ते मर्तो अनु भोगमानड्वसो दधानो मतिभिः सुजात ॥
- 10.007.03a अग्निं मन्ये पितरमग्निमापिमग्निं भ्रातरं सदमित्सखायम् ।
- 10.007.03c अग्नेरनीकं बृहतः सपर्य दिवि शुक्रं यजतं सूर्यस्य ॥
- 10.007.04a सिध्ना अग्ने धियो अस्मे सनुत्रीर्यं त्रायसे दम आ नित्यहोता ।
- 10.007.04c ऋतावा स रोहिदश्वः पुरुक्षुर्द्युभिरस्मा अहभिर्वाममस्तु ॥
- 10.007.05a द्युभिर्हितं मित्रमिव प्रयोगं प्रत्नमृत्विजमध्वरस्य जारम् ।
- 10.007.05c बाहुभ्यामग्निमायवोऽजनन्त विक्षु होतारं न्यसादयन्त ॥
- 10.007.06a स्वयं यजस्व दिवि देव देवान्किं ते पाकः कृणवदप्रचेताः ।
- 10.007.06c यथायज ऋतुभिर्देव देवानेवा यजस्व तन्वं सुजात ॥
- 10.007.07a भवा नो अग्नेऽवितोत गोपा भवा वयस्कृदुत नो वयोधाः ।
- 10.007.07c रास्वा च नः सुमहो हव्यदातिं त्रास्वोत नस्तन्वोऽप्रयुच्छन् ॥
- 10.008.01a प्र केतुना बृहता यात्यग्निरा रोदसी वृषभो रोरवीति ।

- 10.008.01c दि॒वश्चि॒दन्ताँ॑ उ॒पमाँ॑ उ॒दान॒ळपा॒मुप॒स्थे॑ म॒हिषो॑ व॒वर्ध॑ ॥
- 10.008.02a मु॒मोद॑ ग॒र्भो॑ वृष॒भः क॒कुद्धान॒स्त्रेमा॑ व॒त्सः॑ शि॒मीवाँ॑ अ॒रावीत्॑ ।
- 10.008.02c स॒ दे॒वता॒त्युद्य॑तानि कृ॒णव॑न्स्वेषु॒ क्षये॑षु प्रथ॒मो जि॑गाति ॥
- 10.008.03a आ॒ यो मूर्धा॑नं पि॒त्रोर॑रब्ध॒ न्यध्व॑रे दधि॒रे सू॒रो अ॒र्णः॑ ।
- 10.008.03c अ॒स्य॑ प॒त्मन्न॑रु॒षीर॑श्च॒बुधा॑ ऋ॒तस्य॑ यो॒नौ त॑न्वो जुषन्त ॥
- 10.008.04a उ॒षौषो॑ हि व॒सो अ॒ग्रमे॑षि त्वं य॒मयो॑र॒भवो॑ वि॒भावा॑ ।
- 10.008.04c ऋ॒ताय॑ स॒प्त दधि॑षे प॒दानि॑ ज॒नय॑न्मि॒त्रं त॑न्वे॒स्वयै॑ ॥
- 10.008.05a भु॒वश्च॑क्षु॒र्मह॑ ऋ॒तस्य॑ गो॒पा भु॒वो व॑रु॒णो य॑दृ॒ताय॑ वे॒षि ।
- 10.008.05c भु॒वो अ॒पां न॑पा॒ज्जात॑वे॒दो भु॒वो दू॒तो य॑स्य॒ ह॒व्यं जु॑जोषः ॥
- 10.008.06a भु॒वो य॑ज्ञ॒स्य र॑ज॒सश्च॑ ने॒ता य॒त्रा नि॑यु॒द्भिः स॑च॒से शि॒वाभिः॑ ।
- 10.008.06c दि॒वि मूर्धा॑नं दधि॒षे स्व॑र्षा जि॒ह्वाग्ने॑ च॒कृषे॑ ह॒व्यवा॑हम् ॥
- 10.008.07a अ॒स्य त्रि॑तः क्र॒तुना॑ व॒त्रे अ॒न्तरि॑च्छ॒न्धीतिं॑ पि॒तुरे॒वैः प॑रस्य ।
- 10.008.07c स॒चस्य॑मानः पि॒त्रोरु॑प॒स्थे जा॑मि॒ ब्रु॒वाण॑ आ॒युधा॑नि वेति ॥
- 10.008.08a स॒ पि॒त्र्याण॑या॒युधा॑नि वि॒द्वानि॑न्द्रेषि॒त आ॑प्त्यो अ॒भ्ययु॑ध्यत् ।
- 10.008.08c त्रि॒शीर्षा॑णं स॒प्त॒र॒श्मिं ज॑घ॒न्वान्त्वा॑ष्ट्र॒स्य चि॒न्निः स॑सृजे त्रि॒तो गाः॑ ॥
- 10.008.09a भू॒रीदि॑न्द्र उ॒दिन॑क्ष॒न्तमो॑जोऽवा॒भिन॑त्स॒त्पति॑र्म॒न्यमा॑नम् ।
- 10.008.09c त्वा॒ष्ट्रस्य॑ चि॒द्वि॒श्वरू॑प॒स्य गो॑ना॒माच॑क्रा॒णस्त्री॑णि शी॒र्षा प॑रा॒ वर्क॑ ॥

- 10.009.01a आ॒पो॒ हि॒ ष्टा॑ म॒यो॒भु॒व॒स्ता॑ न॒ ऊ॒र्जे॑ द॒धा॒त॒न॒ ।
- 10.009.01c म॒हे॒ र॒णाय॑ च॒क्ष॒से॑ ॥
- 10.009.02a यो॒ वः॑ शि॒व॒त॒मो॑ र॒स॒स्त॒स्य॑ भा॒ज॒य॒ते॒ह॒ नः॑ ।
- 10.009.02c उ॒श॒ती॒रि॒व॒ मा॒तरः॑ ॥
- 10.009.03a त॒स्मा॒ अ॒रं॑ ग॒मा॒म॒ वो॒ य॒स्य॑ क्ष॒याय॑ जि॒न्व॒थ॑ ।
- 10.009.03c आ॒पो॒ ज॒न॒य॒था॑ च॒ नः॑ ॥
- 10.009.04a शं॑ नो॒ दे॒वी॒र॒भि॒ष्ट॒य॒ आ॒पो॒ भ॒व॒न्तु॑ पी॒त॒ये॑ ।
- 10.009.04c शं॑ यो॒र॒भि॒ स्र॒व॒न्तु॑ नः॑ ॥
- 10.009.05a ई॒शा॒ना॒ वा॒र्या॑णां क्ष॒य॒न्ती॑श्च॒र्ष॒णी॒ना॒म् ।
- 10.009.05c अ॒पो॒ या॒चामि॑ भे॒ष॒ज॒म् ॥
- 10.009.06a अ॒प्सु॒ मे॒ सो॒मो॑ अ॒ब्र॒वी॒द॒न्त॒र्वि॒श्व॒ानि॑ भे॒ष॒जा॑ ।
- 10.009.06c अ॒ग्निं॑ च॒ वि॒श्व॑श॒म्भु॒व॒म् ॥
- 10.009.07a आ॒पः॑ पृ॒णी॒त॒ भे॒ष॒जं॑ व॒रू॒थं॑ त॒न्वे॑३ म॒म॑ ।
- 10.009.07c ज्यो॑क्क॒ सूर्यं॑ दृ॒शे॑ ॥
- 10.009.08a इ॒द॒मा॒पः॑ प्र॒ व॒हत॑ य॒त्किं॑ च॒ दुरि॑तं म॒यि॑ ।
- 10.009.08c य॒द्वा॒ह॒म॒भि॒दु॒द्रो॒ह॒ य॒द्वा॒ शे॒प॒ उ॒ता॒नृ॒त॒म् ॥
- 10.009.09a आ॒पो॒ अ॒द्या॒न्व॒चा॒रि॒षं॑ र॒से॒न॒ स॒म॒ग॒स्म॒हि॑ ।
- 10.009.09c प॒य॒स्वा॒न॒ग्न॑ आ॒ ग॒हि॑ तं॒ मा॒ सं॒ सृ॒ज॑ व॒र्च॒सा॑ ॥

- 10.010.01a ओ चित्सखायं सख्या ववृत्यां तिरः पुरू चिदर्णवं जगन्वान् ।
- 10.010.01c पितुर्नपातमा दधीत वेधा अधि क्षामि प्रतरं दीध्यानः ॥
- 10.010.02a न ते सखा सख्यं वष्टयेतत्सलक्ष्मा यद्विषुरूपा भवाति ।
- 10.010.02c महस्पुत्रासो असुरस्य वीरा दिवो धर्तार उर्विया परि ख्यन् ॥
- 10.010.03a उशन्ति घा ते अमृतास एतदेकस्य चित्त्यजसं मर्त्यस्य ।
- 10.010.03c नि ते मनो मनसि धाय्यस्मे जन्युः पतिस्तन्वश्मा विविश्याः ॥
- 10.010.04a न यत्पुरा चकृमा कद्ध नूनमृता वदन्तो अनृतं रपेम ।
- 10.010.04c गन्धर्वो अप्स्वप्या च योषा सा नो नाभिः परमं जामि तन्नौ ॥
- 10.010.05a गर्भे नु नौ जनिता दम्पती कर्देवस्त्वष्टा सविता विश्वरूपः ।
- 10.010.05c नकिरस्य प्र मिनन्ति व्रतानि वेद नावस्य पृथिवी उत द्यौः ॥
- 10.010.06a को अस्य वेद प्रथमस्याहः क ई ददर्श क इह प्र वोचत् ।
- 10.010.06c बृहन्मित्रस्य वरुणस्य धाम कदु ब्रव आहनो वीच्या नृन् ॥
- 10.010.07a यमस्य मा यम्यंश काम आगन्समाने योनौ सहशेय्याय ।
- 10.010.07c जायेव पत्ये तन्वं रिरिच्यां वि चिद्वृहेव रथ्येव चक्रा ॥
- 10.010.08a न तिष्ठन्ति न नि मिषन्त्येते देवानां स्पश इह ये चरन्ति ।
- 10.010.08c अन्येन मदाहनो याहि तूयं तेन वि वृह रथ्येव चक्रा ॥
- 10.010.09a रात्रीभिरस्मा अहभिर्दशस्येत्सूर्यस्य चक्षुर्मुहुरुन्मिमीयात् ।

- 10.010.09c दि॒वा पृ॒थि॒व्या मि॒थु॒ना स॒बन्धू॒ यमी॒र्य॒मस्य॑ बि॒भृ॒या॒द॒जामि॑ ॥
- 10.010.10a आ॒ घा॒ ता ग॒च्छा॒नु॒त्तरा॑ यु॒गानि॑ यत्र॒ जाम॑यः कृ॒णव॑न्नजामि ।
- 10.010.10c उप॑ ब॒र्बृ॒हि वृ॒षभा॑य बा॒हु॒म॒न्यमि॑च्छस्व सु॒भगे॑ पतिं मत् ॥
- 10.010.11a किं॑ भ्रा॒ता॒सद्य॑दनाथं भ॒वाति॑ कि॒मु स्व॑सा यन्नि॒र्ऋ॒तिर्नि॑गच्छात् ।
- 10.010.11c का॒ममू॑ता ब॒हे॒श्तद्र॑पामि तन्वा॒ मे तन्वं॑श् सं पि॒पृ॒ग्धि ॥
- 10.010.12a न वा॑ उ॒ ते तन्वा॑ तन्वं॑श् सं प॒पृ॒च्यां पा॒पमा॑हुर्यः स्व॒सारं॑ नि॒गच्छा॑त् ।
- 10.010.12c अ॒न्येन॑ मत्प्र॒मुदः॑ क॒ल्पय॑स्व न ते भ्रा॒ता सु॒भगे॑ व॒ष्टये॑तत् ॥
- 10.010.13a बतो॑ ब॒तासि॑ यम॒ नैव॑ ते॒ मनो॑ हृ॒दयं॑ चा॒वि॒दाम॑ ।
- 10.010.13c अ॒न्या किल॑ त्वां क॒द्येव॑ यु॒क्तं परि॑ ष्वजा॒ते लि॒बुजे॑व वृ॒क्षम् ॥
- 10.010.14a अ॒न्यमू॑ षु त्वं य॒म्यन्य॑ उ॒ त्वां परि॑ ष्वजा॒ते लि॒बुजे॑व वृ॒क्षम् ।
- 10.010.14c तस्य॑ वा त्वं॒ मन॑ इ॒च्छा स॒ वा त॒वाधा॑ कृ॒णुष्व॑ सं॒विदं॑ सु॒भद्राम् ॥

- 10.011.01a वृ॒षा वृ॒ष्णे दु॒दुहे॑ दो॒हसा॑ दि॒वः प॒यांसि॑ य॒हो अ॒दि॒तेर॑दा॒भ्यः ।
- 10.011.01c वि॒श्वं स॑ वे॒द व॒रु॒णो यथा॑ धि॒या स॑ य॒ज्ञियो॑ य॒जतु॑ य॒ज्ञियाँ॑ ऋ॒तून् ॥
- 10.011.02a र॒प॒द्गन्ध॑र्वी॒रप्या॑ च॒ योष॑णा न॒दस्य॑ ना॒दे परि॑ पा॒तु मे॑ मनः ।
- 10.011.02c इ॒ष्टस्य॑ म॒ध्ये अ॒दि॒तिर्नि॑ धा॒तु नो॑ भ्रा॒ता नो॑ ज्ये॒ष्ठः प्र॒थमो॑ वि॒ वोच॑ति ॥
- 10.011.03a सो॑ चि॒न्नु भ॒द्रा क्षु॒मती॑ य॒शस्व॑त्यु॒षा उ॒वास॑ मन॒वे स्व॑र्वती ।
- 10.011.03c य॒दी॒मु॒शन्त॑मु॒शता॑मनु॒ क्रतु॑म॒ग्निं हो॒तारं॑ वि॒दथा॑य जी॒जनन् ॥

- 10.011.04a अ॒ध॒ त्यं॑ द्र॒प्सं॑ वि॒भ्वं॑ वि॒च॒क्ष॒णं॑ वि॒रा॒भ॒र॒दि॒षि॒तः॑ श्ये॒नो॑ अ॒ध्व॒रे ।
- 10.011.04c यदी॑ वि॒शो॑ वृ॒ण॒ते॑ द॒स्म॒मा॒र्या॑ अ॒ग्निं॑ हो॒ता॒र॒म॒ध॒ धी॒र॒जा॒य॒त ॥
- 10.011.05a सदा॑सि॒ र॒ग॒वो॑ यव॒से॒व पु॒ष्य॒ते॑ हो॒त्रा॑भि॒र॒ग्ने॑ म॒नु॒षः॑ स्व॒ध्व॒रः॑ ।
- 10.011.05c वि॒प्र॒स्य॑ वा य॒च्छ॒श॒मा॒न उ॒क्थ्यं॑ वा॒जं स॒स॒वाँ उ॒प॒या॒सि भू॒रि॒भिः ॥
- 10.011.06a उदी॑रय॒ पि॒तरा॑ जा॒र आ॒ भ॒ग॒मि॒य॒क्ष॒ति ह॒र्य॒तो ह॒त्त इ॒ष्य॒ति ।
- 10.011.06c वि॒व॒क्ति॑ व॒ह्निः॑ स्व॒प॒स्य॒ते म॒ख॒स्त॒वि॒ष्य॒ते अ॒सु॒रो वे॒प॒ते म॒ती ॥
- 10.011.07a यस्ते॑ अ॒ग्ने सु॒म॒तिं म॒र्तो अ॒क्ष॒त्स॒ह॒सः॑ सू॒नो अ॒ति स प्र॑ शृ॒ण्वे ।
- 10.011.07c इषं॑ द॒धा॒नो व॒ह॒मा॒नो अ॒श्वै॒रा स द्यु॒माँ अ॒म॒वा॒न्भू॒ष॒ति द्यू॒न् ॥
- 10.011.08a यद॒ग्न ए॒षा स॒मि॒ति॒र्भ॒वा॒ति दे॒वी दे॒वेषु॑ य॒ज॒ता य॒ज॒त्र ।
- 10.011.08c रत्ना॑ च यद्वि॒भ॒जा॒सि स्व॒धा॒वो भा॒गं नो॑ अ॒त्र व॒सु॒म॒न्तं॑ वी॒तात् ॥
- 10.011.09a श्रु॒धी नो॑ अ॒ग्ने स॒द॒ने स॒ध॒स्थे॑ यु॒च्वा रथ॑म॒मृ॒त॒स्य द्र॒वि॒त्तु॒म् ।
- 10.011.09c आ नो॑ व॒ह रो॒द॒सी दे॒व॒पु॒त्रे मा॒कि॒र्दे॒वा॒ना॒मप॑ भू॒रि॒ह स्याः॑ ॥
- 10.012.01a द्या॒वा ह द्या॒मा प्र॒थ॒मे ऋ॒ते॒ना॒भि॒श्रा॒वे भ॒व॒तः स॒त्य॒वा॒चा ।
- 10.012.01c दे॒वो य॒न्म॒र्ता॒न्य॒ज॒था॒य कृ॒ण॒व॒न्सी॒द॒द्धो॒ता प्र॒त्य॒ङ्स्व॒म॒सुं यन् ॥
- 10.012.02a दे॒वो दे॒वा॒न्प॒रि॒भू॒र्ऋ॒ते॒न व॒हा नो॑ ह॒व्यं प्र॒थ॒म॒श्चि॒कित्वा॒न् ।
- 10.012.02c धू॒म॒के॒तुः स॒मि॒धा भा॒ऋ॒जी॒को म॒न्द्रो हो॒ता नित्यो॑ वा॒चा य॒जी॒या॒न् ॥
- 10.012.03a स्वा॒वृ॒ग्दे॒व॒स्या॒मृ॒तं यदी॑ गो॒र॒तो जा॒ता॒सो धा॒र॒य॒न्त उ॒र्वी ।

- 10.012.03c विश्वे देवा अनु तत्ते यजुर्गुदुहे यदेनी दिव्यं घृतं वाः ॥
- 10.012.04a अर्चामि वां वर्धायापो घृतसू द्यावाभूमी शृणुतं रोदसी मे ।
- 10.012.04c अहा यद्द्यावोऽसुनीतिमयन्मध्वा नो अत्र पितरा शिशीताम् ॥
- 10.012.05a किं स्वन्नो राजा जगृहे कदस्याति व्रतं चकृमा को वि वेद ।
- 10.012.05c मित्रश्चिद्धि ष्मा जुहुराणो देवाञ्छ्लोको न यातामपि वाजो अस्ति ॥
- 10.012.06a दुर्मन्त्वत्रामृतस्य नाम सलक्ष्मा यद्विषुरूपा भवाति ।
- 10.012.06c यमस्य यो मनवते सुमन्त्वग्ने तमृष्व पाह्यप्रयुच्छन् ॥
- 10.012.07a यस्मिन्देवा विदथे मादयन्ते विवस्वतः सदने धारयन्ते ।
- 10.012.07c सूर्ये ज्योतिरदधुर्मास्यश्कून्परि द्योतनिं चरतो अजस्रा ॥
- 10.012.08a यस्मिन्देवा मन्मनि संचरन्त्यपीच्येऽ न वयमस्य विद्म ।
- 10.012.08c मित्रो नो अत्रादितिरनागान्सविता देवो वरुणाय वोचत् ॥
- 10.012.09a श्रुधी नो अग्ने सदने सधस्थे युद्ध्वा रथममृतस्य द्रवितुम् ।
- 10.012.09c आ नो वह रोदसी देवपुत्रे माकिर्देवानामप भूरिह स्याः ॥

- 10.013.01a युजे वां ब्रह्म पूर्व्यं नमोभिर्वि श्लोक एतु पथ्येव सूरैः ।
- 10.013.01c शृण्वन्तु विश्वे अमृतस्य पुत्रा आ ये धामानि दिव्यानि तस्थुः ॥
- 10.013.02a यमे इव यतमाने यदैतं प्र वां भरन्मानुषा देवयन्तः ।
- 10.013.02c आ सीदतं स्वमु लोकं विदाने स्वासस्थे भवतमिन्दवे नः ॥

- 10.013.03a पञ्च पदानि रूपो अन्वरोहं चतुष्पदीमन्वेमि व्रतेन ।
- 10.013.03c अक्षरेण प्रति मिम एतामृतस्य नाभावधि सं पुनामि ॥
- 10.013.04a देवेभ्यः कमवृणीत मृत्युं प्रजायै कममृतं नावृणीत ।
- 10.013.04c बृहस्पतिं यज्ञमकृण्वत ऋषिं प्रियां यमस्तन्वंशं प्रारिरेचीत् ॥
- 10.013.05a सप्त क्षरन्ति शिशवे मरुत्वते पित्रे पुत्रासो अप्यवीवतन्नृतम् ।
- 10.013.05c उभे इदस्योभयस्य राजत उभे यतेते उभयस्य पुष्यतः ॥
- 10.014.01a परेयिवासं प्रवतो महीरनु बहुभ्यः पन्थामनुपस्पशानम् ।
- 10.014.01c वैवस्वतं संगमनं जनानां यमं राजानं हविषा दुवस्य ॥
- 10.014.02a यमो नो गातुं प्रथमो विवेद नैषा गव्यूतिरपभर्तवा उ ।
- 10.014.02c यत्रा नः पूर्वे पितरः परेयुरेना जज्ञानाः पथ्याश् अनु स्वाः ॥
- 10.014.03a मातली कव्यैर्यमो अङ्गिरोभिर्बृहस्पतिर्ऋक्वभिर्वावृधानः ।
- 10.014.03c याँश्च देवा वावृधुर्ये च देवान्स्वाहान्ये स्वधयान्ये मदन्ति ॥
- 10.014.04a इमं यम प्रस्तरमा हि सीदाङ्गिरोभिः पितृभिः संविदानः ।
- 10.014.04c आ त्वा मन्त्राः कविशस्ता वहन्त्वेना राजन्हविषा मादयस्व ॥
- 10.014.05a अङ्गिरोभिरा गहि यज्ञियेभिर्यम वैरूपैरिह मादयस्व ।
- 10.014.05c विवस्वन्तं हुवे यः पिता तेऽस्मिन्यज्ञे बर्हिष्या निषद्य ॥
- 10.014.06a अङ्गिरसो नः पितरो नवग्वा अथर्वाणो भृगवः सोम्यासः ।

- 10.014.06c तेषां वयं सुमतौ यज्ञियानामपि भद्रे सौमनसे स्याम ॥
- 10.014.07a प्रेहि प्रेहि पथिभिः पूर्वोभिर्यत्रा नः पूर्वे पितरः परेयुः ।
- 10.014.07c उभा राजाना स्वधया मदन्ता यमं पश्यासि वरुणं च देवम् ॥
- 10.014.08a सं गच्छस्व पितृभिः सं यमेनेष्टापूर्तेन परमे व्योमन् ।
- 10.014.08c हित्वायावद्यं पुनरस्तमेहि सं गच्छस्व तन्वा सुवर्चाः ॥
- 10.014.09a अपेत वीत वि च सर्पतातोऽस्मा एतं पितरो लोकमक्रन् ।
- 10.014.09c अहोभिरद्भिरक्तुभिव्यक्तं यमो ददात्यवसानमस्मै ॥
- 10.014.10a अति द्रव सारमेयौ श्वानौ चतुरक्षौ शबलौ साधुना पथा ।
- 10.014.10c अथा पितृन्सुविदत्रां उपेहि यमेन ये सधमादं मदन्ति ॥
- 10.014.11a यौ ते श्वानौ यम रक्षितारौ चतुरक्षौ पथिरक्षी नृचक्षसौ ।
- 10.014.11c ताभ्यामेनं परि देहि राजन्स्वस्ति चास्मा अनमीवं च धेहि ॥
- 10.014.12a उरूणासावसुतृपा उदुम्बलौ यमस्य दूतौ चरतो जनां अनु ।
- 10.014.12c तावस्मभ्यं दृशये सूर्याय पुनर्दातामसुमद्येह भद्रम् ॥
- 10.014.13a यमाय सोमं सुनुत यमाय जुहुता हविः ।
- 10.014.13c यमं ह यज्ञो गच्छत्यग्निदूतो अरंकृतः ॥
- 10.014.14a यमाय घृतवद्धविर्जुहोत प्र च तिष्ठत ।
- 10.014.14c स नो देवेष्वा यमदीर्घमायुः प्र जीवसे ॥
- 10.014.15a यमाय मधुमत्तमं राज्ञे हव्यं जुहोतन ।

- 10.014.15c इ॒दं न॒म ऋ॒षिभ्यः॑ पूर्व॒जेभ्यः॑ पूर्व॒भ्यः॑ पथि॒कृद्भ्यः॑ ॥
- 10.014.16a त्रि॒क॒द्रु॒केभिः॑ प॒तति॑ ष॒ळु॒वीरि॑कमि॒द्वृह॑त् ।
- 10.014.16c त्रि॒ष्टु॒ब्गा॒यत्री॑ छ॒न्दांसि॑ सर्वा॒ ता य॒म आ॒हिता॑ ॥
- 10.015.01a उ॒दीर॑ताम॒वर॑ उ॒त्प॒रास॑ उ॒न्म॒ध्य॒माः पि॒तरः॑ सो॒म्यासः॑ ।
- 10.015.01c अ॒सुं य ई॒युर॒वृका॑ ऋ॒त॒ज्ञास्ते॑ नोऽव॒न्तु॑ पि॒तरो॑ ह॒वेषु॑ ॥
- 10.015.02a इ॒दं पि॒तृभ्यो॑ न॒मो अ॒स्त्व॒द्य ये पू॒र्वासो॑ य उ॒प॒रास॑ ई॒युः ।
- 10.015.02c ये पा॒थि॒वि र॒ज॒स्या नि॒षत्ता॑ ये वा नू॒नं सु॒वृज॑नासु वि॒क्षु ॥
- 10.015.03a आ॒हं पि॒तृन्सु॑वि॒दत्राँ॑ अ॒वित्ति॑ न॒पातं॑ च वि॒क्र॒म॒गं च वि॒ष्णोः॑ ।
- 10.015.03c ब॒र्हि॒षदो॑ ये स्व॒धया॑ सु॒तस्य॑ भ॒जन्त॑ पि॒त्वस्त॑ इ॒हाग॑मि॒ष्ठाः ॥
- 10.015.04a ब॒र्हि॒षदः॑ पि॒तर॑ ऊ॒त्य॒र्वा॒गि॒मा वो॑ ह॒व्या च॑कृ॒मा जु॒षध्व॑म् ।
- 10.015.04c त आ॑ ग॒ताव॑सा श॒न्तमे॑नाथा नः शं यो॒र॒रपो॑ द॒धात॑ ॥
- 10.015.05a उ॒प॒हू॒ताः पि॒तरः॑ सो॒म्यासो॑ ब॒र्हिष्ये॑षु नि॒धिषु॑ प्रि॒येषु॑ ।
- 10.015.05c त आ॑ ग॒मन्तु॑ त इ॒ह श्रु॑व॒न्त्वधि॑ ब्रु॒वन्तु॑ तेऽव॒न्त्वस्मा॑न् ॥
- 10.015.06a आ॒च्या जा॒नु द॑क्षि॒णतो॑ नि॒षद्ये॑मं य॒ज्ञम॑भि गृणी॒त वि॒श्वे ।
- 10.015.06c मा हिंसि॑ष्ट पि॒तरः॑ के॒न चि॒न्नो य॒द्व आ॒गः पु॒रुष॑ता क॒राम॑ ॥
- 10.015.07a आ॒सीना॑सो अ॒रु॒णीना॑मु॒प॒स्थे र॒यिं ध॑त्त दा॒शुषे॑ म॒र्त्याय॑ ।
- 10.015.07c पु॒त्रेभ्यः॑ पि॒तर॑स्तस्य व॒स्वः प्र॑ य॒च्छत॑ त इ॒होर्ज॑ द॒धात॑ ॥

- 10.015.08a ये नः पूर्वे पितरः सोम्यासोऽनूहिरे सोमपीथं वसिष्ठाः ।
- 10.015.08c तेभिर्यमः संरराणो हवींष्युशन्नुशद्भिः प्रतिकाममत्तु ॥
- 10.015.09a ये तातृषुर्देवत्रा जेहमाना होत्राविद स्तोमतष्टासो अर्कैः ।
- 10.015.09c आग्ने याहि सुविदत्रेभिरवाङ्सत्यैः कव्यैः पितृभिर्घर्मसद्भिः ॥
- 10.015.10a ये सत्यासो हविरदो हविष्पा इन्द्रेण देवैः सरथं दधानाः ।
- 10.015.10c आग्ने याहि सहस्रं देववन्दैः परैः पूर्वैः पितृभिर्घर्मसद्भिः ॥
- 10.015.11a अग्निष्वात्ताः पितर एह गच्छत सदःसदः सदत सुप्रणीतयः ।
- 10.015.11c अत्ता हवींषि प्रयतानि बर्हिष्यथा रयिं सर्ववीरं दधातन ॥
- 10.015.12a त्वमग्न ईळितो जातवेदोऽवाङ्ढव्यानि सुरभीणि कृत्वी ।
- 10.015.12c प्रादाः पितृभ्यः स्वधया ते अक्षन्नद्धि त्वं देव प्रयता हवींषि ॥
- 10.015.13a ये चेह पितरो ये च नेह याँश्च विद्म याँ उ च न प्रविद्म ।
- 10.015.13c त्वं वेत्थ यति ते जातवेदः स्वधाभिर्यज्ञं सुकृतं जुषस्व ॥
- 10.015.14a ये अग्निदग्धा ये अनग्निदग्धा मध्ये दिवः स्वधया मादयन्ते ।
- 10.015.14c तेभिः स्वराळसुनीतिमेतां यथावशं तन्वं कल्पयस्व ॥
- 10.016.01a मैनमग्ने वि दहो माभि शोचो मास्य त्वचं चिद्विपो मा शरीरम् ।
- 10.016.01c यदा शृतं कृणवो जातवेदोऽथेमेनं प्र हिणुतात्पितृभ्यः ॥
- 10.016.02a शृतं यदा करसि जातवेदोऽथेमेनं परि दत्तात्पितृभ्यः ।

- 10.016.02c यदा गच्छात्यसुनीतिमेतामथा देवानां वशनीर्भवाति ॥
- 10.016.03a सूर्यं चक्षुर्गच्छतु वातमात्मा द्यां च गच्छ पृथिवीं च धर्मणा ।
- 10.016.03c अपो वा गच्छ यदि तत्र ते हितमोषधीषु प्रति तिष्ठा शरीरैः ॥
- 10.016.04a अजो भागस्तपसा तं तपस्व तं ते शोचिस्तपतु तं ते अर्चिः ।
- 10.016.04c यास्ते शिवास्तन्वो जातवेदस्ताभिर्वहैनं सुकृतामु लोकम् ॥
- 10.016.05a अव सृज पुनरग्ने पितृभ्यो यस्त आहुतश्चरति स्वधाभिः ।
- 10.016.05c आयुर्वसान उप वेतु शेषः सं गच्छतां तन्वा जातवेदः ॥
- 10.016.06a यत्ते कृष्णः शकुन आतुतोद पिपीलः सर्प उत वा श्वापदः ।
- 10.016.06c अग्निष्टद्विश्वाद्गदं कृणोतु सोमश्च यो ब्राह्मणां आविवेश ॥
- 10.016.07a अग्नेर्वर्म परि गोभिर्व्ययस्व सं प्रोर्णुष्व पीवसा मेदसा च ।
- 10.016.07c नेत्वा धृष्णुर्हरसा जर्हृषाणो दधृग्विधद्यन्पर्यङ्ख्याते ॥
- 10.016.08a इममग्ने चमसं मा वि जिह्वरः प्रियो देवानामुत सोम्यानाम् ।
- 10.016.08c एष यश्चमसो देवपानस्तस्मिन्देवा अमृता मादयन्ते ॥
- 10.016.09a क्रव्यादमग्निं प्र हिणोमि दूरं यमराज्ञो गच्छतु रिप्रवाहः ।
- 10.016.09c इहैवायमितरो जातवेदा देवेभ्यो हव्यं वहतु प्रजानन् ॥
- 10.016.10a यो अग्निः क्रव्यात्प्रविवेश वो गृहमिमं पश्यन्नितरं जातवेदसम् ।
- 10.016.10c तं हरामि पितृयज्ञाय देवं स घर्ममिन्वात्परमे सधस्थे ॥
- 10.016.11a यो अग्निः क्रव्यवाहनः पितृन्यक्षदृतावृधः ।

- 10.016.11c प्रेदु॑ ह॒व्यानि॑ वोचति॑ दे॒वेभ्यश्च॑ पि॒तृभ्य॑ आ ॥
- 10.016.12a उ॒शन्त॑स्त्वा नि॑ धी॒मह्यु॑शन्तः॒ समि॑धीमहि ।
- 10.016.12c उ॒शन्नु॑शत आ॒ वह॑ पि॒तृन्ह॒विषे॑ अ॒त्तवे॑ ॥
- 10.016.13a यं त्वम॑ग्ने॒ सम॑दहस्तमु॒ निर्वा॑पया पुनः॑ ।
- 10.016.13c कियाम्ब्व॑त्र रो॒हतु॑ पाक॒दूर्वा॑ व्य॒ल्कशा॑ ॥
- 10.016.14a शी॒तिके॑ शी॒तिका॑वति॒ ह्रादि॑के॒ ह्रादि॑कावति ।
- 10.016.14c म॒ण्डूक्या॑ सु॒ सं ग॑म॒ इमं॑ स्व॒शृग्निं॑ ह॒र्षय॑ ॥
- 10.017.01a त्वष्टा॑ दु॒हित्रे॑ व॒हतुं॑ कृ॒णोती॑तीदं॒ विश्वं॑ भु॒वनं॑ समेति ।
- 10.017.01c यम॑स्य॒ माता॑ पर्यु॒ह्यमाना॑ म॒हो जा॒या वि॒वस्वतो॑ ननाश ॥
- 10.017.02a अ॒पागू॑हन्नमृतां॒ मर्त्ये॑भ्यः कृ॒त्वी स॑वर्णाम॒ददुर्वि॑वस्वते ।
- 10.017.02c उ॒ताश्वि॑नावभरद्यत्तदासीदजहादु॒ द्वा मि॑थुना॒ सर॑ण्यूः ॥
- 10.017.03a पू॒षा त्वे॑तश्च्यावयतु॒ प्र वि॒द्वान॑नष्टपशु॒र्भुवन॑स्य गो॒पाः ।
- 10.017.03c स त्वै॑तेभ्यः॒ परि॑ ददत्पि॒तृभ्योऽग्नि॑दे॒वेभ्यः॑ सु॒विद॑त्रियेभ्यः ॥
- 10.017.04a आ॒युर्वि॑श्वायुः॒ परि॑ पासति॒ त्वा पू॒षा त्वा॑ पातु॒ प्रप॑थे॒ पुर॑स्तात् ।
- 10.017.04c यत्रा॑सते सु॒कृतो॑ यत्र॒ ते य॒युस्तत्र॑ त्वा॒ देवः॑ स॒विता॑ दधातु ॥
- 10.017.05a पू॒षेमा॑ आशा॒ अनु॑ वेद॒ सर्वाः॑ सो॒ अस्माँ॑ अभयतमेन॒ नेषत्॑ ।
- 10.017.05c स्व॒स्तिदा॑ आघृ॒णिः स॑र्ववीरोऽप्र॒युच्छ॑न्पुर॒ एतु॑ प्र॒जान॑न् ॥

- 10.017.06a प्रपथे॑ प॒थाम॑जनिष्ट॒ पू॒षा प्रपथे॑ दि॒वः प्रपथे॑ पृथि॒व्याः ।
- 10.017.06c उ॒भे अ॒भि प्रि॒यत॑मे स॒धस्थे॑ आ च॒ परा॑ च चरति प्र॒जान॑न् ॥
- 10.017.07a सर॑स्वतीं दे॒वय॑न्तो ह॒वन्ते सर॑स्वतीमध्वरे ता॒यमा॑ने ।
- 10.017.07c सर॑स्वतीं सु॒कृतो॑ अ॒ह्वय॑न्त सर॑स्वती दा॒शुषे॑ वा॒र्यं दा॑त् ॥
- 10.017.08a सर॑स्वति या सर॒थं यया॑थ स्व॒धाभिर्दे॑वि पि॒तृभिर्म॑दन्ती ।
- 10.017.08c आ॒सद्या॑स्मिन्ब॒र्हिषि॑ मा॒दय॑स्वानमी॒वा इष॑ आ धे॒ह्यस्मे ॥
- 10.017.09a सर॑स्वतीं यां पि॒तरो॑ ह॒वन्ते दक्षि॑णा य॒ज्ञम॑भिनक्ष॒माणाः ।
- 10.017.09c सह॑स्त्रार्धमि॒ळो अत्र॑ भा॒गं रा॒यस्पोषं॑ य॒जमानेषु॑ धेहि ॥
- 10.017.10a आ॒पो अ॒स्मान्मा॑तरः शु॒न्धय॑न्तु घृ॒तेन॑ नो घृ॒तप्वः॑ पु॒नन्तु ।
- 10.017.10c विश्वं॑ हि रि॒प्रं प्र॒वह॑न्ति दे॒वीरु॑दिदा॒भ्यः शु॒चिरा॑ पू॒त ए॒मि ॥
- 10.017.11a द्र॒प्सश्च॑स्क॒न्द प्रथ॑माँ अनु॒ द्यूनि॑मं च यो॒निम॑नु यश्च॒ पूर्वः॑ ।
- 10.017.11c स॒मानं॑ यो॒निम॑नु संचर॒न्तं द्र॒प्सं जु॒होम्य॑नु सप्त हो॒त्राः ॥
- 10.017.12a यस्ते॑ द्र॒प्स स्क॑न्दति यस्ते॑ अंशु॒र्बाहु॑च्युतो धिषणा॒या उ॒पस्था॑त् ।
- 10.017.12c अध्व॑र्योर्वा परि॒ वा यः प॒वित्रा॑त्तं ते जु॒होमि॑ मनसा वषट्कृतम् ॥
- 10.017.13a यस्ते॑ द्र॒प्स स्क॑न्नो यस्ते॑ अंशु॒रवश्च॑ यः परः सु॒चा ।
- 10.017.13c अ॒यं दे॒वो बृ॒हस्प॑तिः सं तं सिञ्चतु रा॒धसे ॥
- 10.017.14a प॒यस्वती॑रोषधयः प॒यस्व॑न्मामकं वचः ।
- 10.017.14c अ॒पां प॒यस्व॑दित्पयस्तेन मा सह शु॒न्धत ॥

- 10.018.01a परं॑ मृत्यो॑ अनु॑ परेहि॑ पन्थां॑ यस्ते॑ स्व॑ इतरो॑ देवयानात् ।
- 10.018.01c चक्षु॑ष्मते शृ॒ण्वते॑ ते ब्रवीमि॑ मा नः॑ प्रजां॑ रीरिषो॑ मोत वी॒रान् ॥
- 10.018.02a मृत्योः॑ पदं॑ योपयन्तो॑ यदैत॑ द्राघीय॑ आयुः॑ प्रतरं॑ दधानाः॑ ।
- 10.018.02c आप्याय॑मानाः प्रजया॑ धनेन॑ शुद्धाः॑ पूता॑ भवत॑ यज्ञियासः॑ ॥
- 10.018.03a इमे॑ जीवा॑ वि मृतैराववृ॑त्रन्नभू॒द्भद्रा॑ देव॒हृति॑र्नो अद्य॑ ।
- 10.018.03c प्राञ्चो॑ अगाम॑ नृतये॑ हसाय॑ द्राघीय॑ आयुः॑ प्रतरं॑ दधानाः॑ ॥
- 10.018.04a इमं॑ जीवेभ्यः॑ परिधिं॑ दधामि॑ मैषां॑ नु गादपरो॑ अर्थमे॑तम् ।
- 10.018.04c शतं॑ जीवन्तु॑ शरदः॑ पुरू॒चीर॑न्तमृत्युं॑ दधतां॑ पर्वतेन॑ ॥
- 10.018.05a यथा॑हान्यनुपूर्वं॑ भवन्ति॑ यथ॑ ऋ॒तव॑ ऋ॒तुभि॑र्यन्ति॑ साधु॑ ।
- 10.018.05c यथा॑ न पूर्वमपरो॑ जहा॒त्येवा॑ धा॒तरायू॑षि कल्पयैषाम् ॥
- 10.018.06a आ रो॑हतायु॒र्जर॑सं वृ॒णाना॑ अनुपूर्वं॑ यतमाना॑ यति॑ ष्ट ।
- 10.018.06c इह॑ त्वष्टा॑ सु॒जनि॑मा स॒जोषा॑ दीर्घमायुः॑ करति॑ जीवसे॑ वः ॥
- 10.018.07a इमा॑ नारीरविधवाः॑ सु॒पत्नी॑राञ्जनेन॑ सर्पि॒षा सं॑ विशन्तु॑ ।
- 10.018.07c अन॑श्रवोऽनमीवाः॑ सुर॒त्ना आ॑ रोहन्तु॑ जनयो॑ योनिम॒ग्रे ॥
- 10.018.08a उदी॑र्ष्व नार्य॑भि जीव॒लोकं॑ गतासु॑मेतमुप॑ शेष॑ एहि॑ ।
- 10.018.08c ह॒स्तग्रा॑भस्य॑ दिधिषोस्तवेदं॑ पत्यु॑र्जनित्वमभि॑ सं बभूथ॑ ॥
- 10.018.09a धनु॑र्हस्तादाददानो॑ मृतस्यास्मे॑ क्षत्राय॑ वर्चसे॑ बलाय॑ ।

- 10.018.09c अत्रै॒व त्वमि॒ह व॒यं सु॒वीरा॒ विश्वा॒ स्पृ॒धो अ॒भिमा॑ती॒जये॑म ॥
- 10.018.10a उप॑ सर्प॒ मातरं॑ भूमि॒मेता॑मु॒रुव्य॑चसं॒ पृथि॒वीं सु॒शेवा॑म् ।
- 10.018.10c ऊ॒र्गा॒म्रदा॑ यु॒वति॑र्द॒क्षिणा॑वत॒ एषा॑ त्वा॒ पातु॑ नि॒ऋते॑रु॒पस्था॑त् ॥
- 10.018.11a उ॒च्छ्व॑ञ्च॒स्व पृथि॑वि॒ मा नि॒ बाध॑थाः॒ सूपा॑यना॒स्मै भव॑ सू॒पव॑ञ्चना ।
- 10.018.11c मा॒ता पु॒त्रं यथा॑ सि॒चाभ्ये॑नं॒ भूम॑ ऊ॒र्गाहि॑ ॥
- 10.018.12a उ॒च्छ्व॑ञ्च॒माना॑ पृथि॒वी सु॒ तिष्ठ॑तु॒ सहस्रं॑ मित॒ उप॒ हि श्रय॑न्ताम् ।
- 10.018.12c ते गृ॒हासो॑ घृ॒तश्चु॑तो॒ भवन्तु॑ वि॒श्वाहा॑स्मै॒ शरणाः॑ स॒न्त्वत्र॑ ॥
- 10.018.13a उ॒त्ते स्त॑भ्रामि॒ पृथि॒वीं त्वत्प॑रीमं॒ लोगं॑ नि॒दध॑न्मो॒ अहं॑ रि॒षम् ।
- 10.018.13c ए॒तां स्थू॑णां॒ पितरो॑ धा॒रय॑न्तु॒ तेऽत्रा॑ यमः॒ साद॑ना॒ ते मि॑नोतु ॥
- 10.018.14a प्र॒तीची॑ने॒ माम॑हनी॒ष्वाः पर्णा॑मि॒वा द॑धुः ।
- 10.018.14c प्र॒तीचीं॑ ज॒ग्रभा॑ वा॒चम॑श्चं॒ रश॑नया॒ यथा॑ ॥
- 10.019.01a नि॒ वर्त॑ध्वं॒ मानु॑ गा॒तास्मा॑न्सि॒षक्त॑ रे॒वतीः॑ ।
- 10.019.01c अ॒ग्नीषो॑मा पु॒नर्व॑सू॒ अस्मे॑ धा॒रय॑तं॒ रयि॑म् ॥
- 10.019.02a पु॒नरे॑ना॒ नि वर्त॑य॒ पुनरे॑ना॒ न्या कुरु॑ ।
- 10.019.02c इन्द्र॑ ए॒णा नि॒ यच्छ॑त्व॒ग्निरे॑ना॒ उपा॑जतु ॥
- 10.019.03a पु॒नरे॑ता॒ नि वर्त॑न्ता॒मस्मि॑न्पु॒ष्यन्तु॑ गो॒पतौ॑ ।
- 10.019.03c इ॒हैवा॑ग्ने॒ नि धा॑रये॒ह तिष्ठ॑तु॒ या रयिः॑ ॥

- 10.019.04a यन्नियानं॑ न्ययनं॑ संज्ञानं॑ यत्परायणम्॑ ।
- 10.019.04c आवर्तनं॑ निवर्तनं॑ यो गोपा॑ अपि तं हुवे ॥
- 10.019.05a य उदान॑ङ्व्ययनं॑ य उदानट्॑ परायणम्॑ ।
- 10.019.05c आवर्तनं॑ निवर्तनमपि॑ गोपा॑ नि वर्तताम् ॥
- 10.019.06a आ निवर्त॑ नि वर्तय॑ पुनर्न॑ इन्द्र॑ गा देहि॑ ।
- 10.019.06c जीवाभिर्भुन॑जामहै ॥
- 10.019.07a परि॑ वो विश्वतो॑ दध ऊर्जा॑ घृतेन॑ पयसा॑ ।
- 10.019.07c ये देवाः॑ के च यज्ञियास्ते॑ रय्या॑ सं सृजन्तु॑ नः ॥
- 10.019.08a आ निवर्तन॑ वर्तय॑ नि निवर्तन॑ वर्तय॑ ।
- 10.019.08c भूम्याश्चतस्रः॑ प्रदिशस्ताभ्य॑ एना॑ नि वर्तय॑ ॥
- 10.020.01a भद्रं॑ नो अपि॑ वातय॑ मनः ॥
- 10.020.02a अग्निमीळे॑ भुजां॑ यविष्ठं॑ शासा॑ मित्रं॑ दुर्धरीतुम्॑ ।
- 10.020.02c यस्य॑ धर्मन्स्वश्रेणीः॑ सपर्यन्ति॑ मातुरूधः॑ ॥
- 10.020.03a यमासा॑ कृपनीळं॑ भासाकेतुं॑ वर्धयन्ति॑ ।
- 10.020.03c भ्राजते॑ श्रेणिदन् ॥
- 10.020.04a अर्यो॑ विशां॑ गातुरेति॑ प्र यदानङ्दिवो॑ अन्तान् ।
- 10.020.04c कविरभ्रं॑ दीद्यानः ॥

- 10.020.05a जुष॑द्ध॒व्या॒ मानु॑षस्यो॒र्ध्वस्त॑स्थावृ॒भ्वा॒ यज्ञे॑ ।
- 10.020.05c मि॒न्वन्स॑द्म॒ पुर॑ ए॒ति ॥
- 10.020.06a स॒ हि॒ क्षेमो॑ ह॒विर्य॑ज्ञः श्रु॒ष्टीद॑स्य गा॒तुरे॑ति ।
- 10.020.06c अग्निं॑ दे॒वा वा॑शीमन्तम् ॥
- 10.020.07a य॒ज्ञासा॑हं दु॒व इ॒षेऽग्निं॑ पू॒र्वस्य॑ शे॒वस्य॑ ।
- 10.020.07c अ॒द्रेः॑ सू॒नुमा॑युमाहुः ॥
- 10.020.08a न॒रो॒ ये के॑ चा॒स्मदा॑ वि॒श्वेत्ते॑ वा॒म आ॑ स्युः ।
- 10.020.08c अग्निं॑ ह॒विषा॑ वर्धन्तः ॥
- 10.020.09a कृ॒ष्णः॒ श्वेतो॑ऽरु॒षो॒ यामो॑ अस्य ब्र॒ध्न ऋ॒ज्र उ॒त शो॒णो॒ यश॑स्वान् ।
- 10.020.09c हि॒रण्य॑रूपं॒ जनि॑ता॒ जजान॑ ॥
- 10.020.10a ए॒वा ते॑ अ॒ग्ने वि॒मदो॑ म॒नीषा॑मूर्जो॒ नपा॑दमृ॒तेभिः॑ स॒जोषाः॑ ।
- 10.020.10c गि॒र आ॑ व॒क्षत्सु॑मती॒रियान॑ इ॒षमूर्जं॑ सु॒क्षितिं॑ वि॒श्वमा॑भाः ॥
- 10.021.01a आग्निं॑ न स्ववृ॒क्तिभि॑र्हो॒तारं॑ त्वा वृ॒णीमहे॑ ।
- 10.021.01c य॒ज्ञाय॑ स्ती॒र्णब॑हि॒षे वि॒ वो म॑दे॒ शी॒रं पा॑वकशो॒चिषं॑ वि॒वक्ष॑से ॥
- 10.021.02a त्वामु॑ ते स्वा॒भुवः॑ शु॒म्भन्त्य॑श्वरा॒धसः॑ ।
- 10.021.02c वेति॑ त्वामु॒पसे॑चनी॒ वि वो॑ म॒द् ऋ॒जीति॑र॒ग्न आ॑हु॒तिर्वि॑वक्ष॒से ॥
- 10.021.03a त्वे॒ धर्मा॑ण॒ आस॑ते जु॒ह्वभिः॑ सि॒ञ्चती॑रिव ।

- 10.021.03c कृष्णा रूपाण्यर्जुना वि वो मदे विश्वा अग्नि श्रियो धिषे विवक्षसे ॥
- 10.021.04a यमग्ने मन्यसे रयिं सहसावन्नमर्त्य ।
- 10.021.04c तमा नो वाजसातये वि वो मदे यज्ञेषु चित्रमा भरा विवक्षसे ॥
- 10.021.05a अग्निर्जातो अथर्वणा विदद्विश्वानि काव्या ।
- 10.021.05c भुवद्भूतो विवस्वतो वि वो मदे प्रियो यमस्य काम्यो विवक्षसे ॥
- 10.021.06a त्वां यज्ञेष्वीळतेऽग्ने प्रयत्यध्वरे ।
- 10.021.06c त्वं वसूनि काम्या वि वो मदे विश्वा दधासि दाशुषे विवक्षसे ॥
- 10.021.07a त्वां यज्ञेष्वृत्विजं चारुमग्ने नि षेदिरे ।
- 10.021.07c घृतप्रतीकं मनुषो वि वो मदे शुक्रं चेतिष्ठमक्षभिर्विवक्षसे ॥
- 10.021.08a अग्ने शुक्रेण शोचिषोरु प्रथयसे बृहत् ।
- 10.021.08c अभिक्रन्दन्वृषायसे वि वो मदे गर्भं दधासि जामिषु विवक्षसे ॥
- 10.022.01a कुहं श्रुत इन्द्रः कस्मिन्नद्य जने मित्रो न श्रूयते ।
- 10.022.01c ऋषीणां वा यः क्षये गुहा वा चकृषि गिरा ॥
- 10.022.02a इह श्रुत इन्द्रो अस्मे अद्य स्तवे वज्रयुचीषमः ।
- 10.022.02c मित्रो न यो जनेष्वा यशश्चक्रे असाम्या ॥
- 10.022.03a महो यस्पतिः शवसो असाम्या महो नृम्णस्य तूतुजिः ।
- 10.022.03c भर्ता वज्रस्य धृष्णोः पिता पुत्रमिव प्रियम् ॥

- 10.022.04a यु॒जा॒नो अ॒श्व॒ वा॒त॒स्य॒ धु॒नी॒ दे॒वो॒ दे॒व॒स्य॒ वज्रि॒वः॑ ।
- 10.022.04c स्य॒न्ता॒ प॒था॒ वि॒रु॒क्म॒ता॒ सृ॒जा॒न॒ स्तो॒ष्य॒ध्व॒नः॑ ॥
- 10.022.05a त्वं॑ त्या॒ चि॒द्वा॒त॒स्या॒श्व॒गा॒ ऋ॒ज्रा॒ त्म॒ना॒ व॒ह॒र्ध्वे॑ ।
- 10.022.05c य॒यो॒र्दे॒वो॑ न॒ म॒र्त्यो॑ य॒न्ता॒ न॒कि॒र्वि॒दा॒य्यः॑ ॥
- 10.022.06a अ॒ध॒ ग्म॒न्तो॒श॒ना॒ पृ॒च्छ॒ते॒ वां॒ क॒र्धा॒ न॒ आ॒ गृ॒ह॒म् ।
- 10.022.06c आ॒ ज॒ग्म॒थुः॑ प॒रा॒का॒द्वि॒वश्च॑ ग्मश्च॒ म॒र्त्य॒म् ॥
- 10.022.07a आ॒ न॒ इ॒न्द्र॒ पृ॒क्ष॒से॒ऽस्मा॒कं॒ ब्र॒ह्मो॒द्य॒तम् ।
- 10.022.07c त॒त्त्वा॒ या॒चा॒म॒हे॒ऽवः॑ शु॒ष्णं॒ य॒द्ध॒न्न॒मा॒नु॒षम् ॥
- 10.022.08a अ॒क॒र्मा॒ द॒स्यु॒र॒भि॒ नो॑ अ॒म॒न्तु॒र॒न्य॒व्र॒तो॑ अ॒मा॒नु॒षः॑ ।
- 10.022.08c त्वं॑ त॒स्या॒मि॒त्र॒ह॒न्व॒ध॒र्दा॒स॒स्य॑ द॒म्भ॒य ॥
- 10.022.09a त्वं॑ न॒ इ॒न्द्र॒ शू॒र॒ शू॒रै॒रु॒त॒ त्वो॒ता॒सो॒ ब॒र्ह॒णा॑ ।
- 10.022.09c पु॒रु॒त्रा॒ ते॒ वि॒ पू॒र्त॒यो॒ न॒व॒न्त॒ क्षो॒ण॒यो॑ य॒था ॥
- 10.022.10a त्वं॑ तान्॒वृ॒त्र॒ह॒त्ये॑ चो॒द॒यो॒ नृ॒न्का॒र्पा॒णे॑ शू॒र॒ वज्रि॒वः॑ ।
- 10.022.10c गु॒हा॒ य॒दी॒ क॒वी॒नां॒ वि॒शां॒ न॒क्ष॒त्र॒श॒व॒सा॒म् ॥
- 10.022.11a म॒क्षू॒ ता॒ त॒ इ॒न्द्र॒ दा॒ना॒प्र॒स॒ आ॒क्षा॒णे॑ शू॒र॒ वज्रि॒वः॑ ।
- 10.022.11c य॒द्ध॒ शु॒ष्ण॒स्य॑ द॒म्भ॒यो॑ जा॒तं॒ वि॒श्वं॑ स॒या॒व॒भिः॑ ॥
- 10.022.12a मा॒कु॒ध्र॒य॒गि॒न्द्र॒ शू॒र॒ व॒स्वी॒र॒स्मे॑ भू॒व॒न्न॒भि॒ष्ट॒यः॑ ।
- 10.022.12c व॒यं॒व॒यं॑ त॒ आ॒सां॒ सु॒म्ने॑ स्या॒म॒ वज्रि॒वः॑ ॥

- 10.022.13a अ॒स्मे ता॑ त॒ इन्द्र॑ सन्तु॒ सत्या॑हि॒सन्ती॑रुपस्पृशः ।
- 10.022.13c वि॒द्याम॒ यासां॑ भुजो॑ धे॒नूनां॑ न वज्रि॒वः ॥
- 10.022.14a अ॒हस्ता॑ यद॒पदी॑ वर्धत॒ द्वाः शची॑भिर्वे॒द्यानाम् ।
- 10.022.14c शु॒ष्णं परि॑ प्रद॒क्षिणि॑द्वि॒श्वाय॑वे नि शि॒श्रथः ॥
- 10.022.15a पि॒बापि॑वेदिन्द्र॒ शूर॒ सोमं॑ मा रि॒षण्यो॑ वस॒वान॒ वसुः॑ सन् ।
- 10.022.15c उ॒त त्रा॑यस्व गृ॒णतो॑ म॒घोनो॑ महश्च॒ रायो॑ रेवत॒स्कृधी॑ नः ॥

- 10.023.01a य॒जाम॑ह इन्द्रं॒ वज्र॑दक्षि॒णां हरी॑णां रथ्यं॑ वि॒व्रताना॑म् ।
- 10.023.01c प्र श्म॑श्रु दो॒धुव॑दूर्ध्वथा॒ भूद्वि॑ सेनाभि॒र्दय॑मानो वि रा॒धसा ॥
- 10.023.02a हरी॑ न्वस्य॒ या वने॑ विदे॒ वस्विन्द्रो॑ म॒घैर्म॑घवा वृ॒त्रहा॑ भुवत् ।
- 10.023.02c ऋ॒भुर्वाज॑ ऋ॒भुक्ताः॑ पत्यते॒ शवोऽव॑ द्गौमि॒ दास॑स्य नाम चि॒त् ॥
- 10.023.03a यदा॑ वज्रं॒ हिर॑ण्यमि॒दथा॑ रथं॒ हरी॑ यमस्य॒ वहतो॑ वि सू॒रिभिः॑ ।
- 10.023.03c आ ति॑ष्ठति॒ मघ॑वा सन॒श्रुत॑ इन्द्रो॒ वाज॑स्य दी॒र्घश्र॑वसस्पतिः ॥
- 10.023.04a सो चि॑न्तु वृ॒ष्टिर्य॑थ्या॒ स्वा सचाँ॑ इन्द्रः॒ श्मश्रू॑णि ह॒रिता॑भि प्रुष्णुते ।
- 10.023.04c अ॒व वेति॑ सु॒क्षयं॑ सु॒ते म॒धूदि॑द्धू॒नोति॑ वातो॒ यथा॑ वनम् ॥
- 10.023.05a यो वा॑चा वि॒वाचो॑ मृ॒ध्रवा॑चः पु॒रू सह॑स्राशि॒वा ज॑घान ।
- 10.023.05c तत्त॑दि॒दस्य॑ पौ॒स्यं गृ॑णीमसि॒ पिते॑व यस्तवि॒षीं वा॑वृ॒धे शवः॑ ॥
- 10.023.06a स्तो॑मं त इन्द्र॒ वि॒मदा॑ अ॒जीज॑नन्नपूर्व्यं पु॒रुत॑मं सु॒दान॑वे ।

- 10.023.06c वि॒द्वा ह्य॑स्य॒ भो॒ज॒न॒मि॒न॒स्य॒ यदा॑ प॒शुं न॒ गो॒पाः॑ क॒राम॑हे ॥
- 10.023.07a मा॒कि॒र्न ए॒ना स॒ख्या वि॒ यौ॒षु॒स्तव॑ चेन्द्र॒ वि॒म॒द॒स्य॑ च ऋ॒षेः॑ ।
- 10.023.07c वि॒द्वा हि॒ ते प्र॑मतिं॒ देव॑ जा॒मि॒व॒द॒स्मे ते॑ स॒न्तु स॒ख्या शि॒वानि॑ ॥

- 10.024.01a इन्द्र॑ सोम॒मिमं॑ पिब॒ मधु॑मन्तं॒ चमू॑ सु॒तम् ।
- 10.024.01c अ॒स्मे रयिं॑ नि॒ धार॑य वि॒ वो म॒दे स॒ह॒स्त्रि॒णं पु॒रू॒व॒सो वि॒व॒क्ष॑से ॥
- 10.024.02a त्वां य॒ज्ञेभि॑रु॒क्थैरु॑प॒ ह॒व्येभि॑रीमहे ।
- 10.024.02c श॒ची॒प॒ते श॒ची॒नां वि॒ वो म॒दे श्रे॑ष्ठं॒ नो धे॑हि॒ वार्य॑ वि॒व॒क्ष॑से ॥
- 10.024.03a य॒स्प॒ति॒र्वा॒र्या॒णाम॑सि॒ र॒ध्र॒स्य॑ चो॒दि॒ता ।
- 10.024.03c इन्द्र॑ स्तो॒तृ॒णाम॑वि॒ता वि॒ वो म॒दे द्वि॒षो नः॑ पा॒ह्यं॒ह॒सो वि॒व॒क्ष॑से ॥
- 10.024.04a यु॒वं श॒क्रा मा॒या॒वि॒ना स॒मी॒ची नि॒र॒म॒न्थ॑तम् ।
- 10.024.04c वि॒म॒दे॒न य॒दी॒ळि॒ता ना॑स॒त्या नि॒र॒म॒न्थ॑तम् ॥
- 10.024.05a वि॒श्वे दे॒वा अ॒कृ॑पन्त॒ समी॒च्योर्नि॒ष्प॑तन्त्योः ।
- 10.024.05c ना॑स॒त्याव॒ब्रु॒व॒न्दे॒वाः पु॒न॒रा व॒ह॒ता॒दि॒ति ॥
- 10.024.06a म॒धु॒म॒न्मे प॒रा॒य॒णं म॒धु॒म॒त्पु॒न॒रा॒य॒नम् ।
- 10.024.06c ता नो॑ दे॒वा दे॒व॒त॒या यु॒वं म॒धु॒म॒त॒स्कृ॑तम् ॥

- 10.025.01a भ॒द्रं नो॑ अ॒पि वा॒त॒य म॒नो द॒क्ष॑मु॒त क्र॑तुम् ।

- 10.025.01c अ॒धा॒ ते॒ स॒ख्ये॒ अ॒न्ध॒सो॒ वि॒ वो॒ म॒दे॒ र॒ण॒न्गा॒वो॒ न॒ य॒व॒से॒ वि॒व॒क्ष॒से ॥
- 10.025.02a ह॒दि॒स्पृ॒श॒स्त॒ आ॒स॒ते॒ वि॒श्वे॒षु॒ सोम॒ धा॒म॒सु ।
- 10.025.02c अ॒धा॒ का॒मा॒ इ॒मे॒ म॒म॒ वि॒ वो॒ म॒दे॒ वि॒ ति॒ष्ठ॒न्ते॒ व॒सू॒य॒वो॒ वि॒व॒क्ष॒से ॥
- 10.025.03a उ॒त॒ व्र॒ता॒नि॒ सोम॒ ते॒ प्रा॒हं॒ मि॒ना॒मि॒ पा॒क्या॒ ।
- 10.025.03c अ॒धा॒ पि॒ते॒व॒ सू॒न॒वे॒ वि॒ वो॒ म॒दे॒ मृ॒ळा॒ नो॒ अ॒भि॒ चि॒द्व॒धा॒द्वि॒व॒क्ष॒से ॥
- 10.025.04a स॒मु॒ प्र॒ य॒न्ति॒ धी॒त॒यः॒ सर्गा॑सोऽ॒व॒ताँ॒ इ॒व ।
- 10.025.04c क्र॒तुं॒ नः॒ सोम॒ जी॒व॒से॒ वि॒ वो॒ म॒दे॒ धा॒र॒या॒ च॒म॒साँ॒ इ॒व॒ वि॒व॒क्ष॒से ॥
- 10.025.05a त॒व॒ त्ये॒ सोम॒ श॒क्ति॒भि॒र्नि॒का॒मा॒सो॒ व्यृ॒णि॒व॒रे ।
- 10.025.05c गृ॒त्स॒स्य॒ धी॒रा॒स्त॒व॒सो॒ वि॒ वो॒ म॒दे॒ व्र॒जं॒ गो॒म॒न्त॒म॒श्वि॒नं॒ वि॒व॒क्ष॒से ॥
- 10.025.06a प॒शुं॒ नः॒ सोम॒ र॒क्ष॒सि॒ पु॒रु॒त्रा॒ वि॒ष्टि॒तं॒ ज॒गत् ।
- 10.025.06c स॒मा॒कृ॒णो॒षि॒ जी॒व॒से॒ वि॒ वो॒ म॒दे॒ वि॒श्वा॒ स॒म्प॒श्य॒न्भु॒व॒ना॒ वि॒व॒क्ष॒से ॥
- 10.025.07a त्वं॒ नः॒ सोम॒ वि॒श्व॒तो॒ गो॒पा॒ अ॒दा॒भ्यो॒ भ॒व ।
- 10.025.07c से॒ध॒ रा॒ज॒न्न॒प॒ स्त्रि॒धो॒ वि॒ वो॒ म॒दे॒ मा॒ नो॒ दुः॒शंस॑ ई॒श॒ता॒ वि॒व॒क्ष॒से ॥
- 10.025.08a त्वं॒ नः॒ सोम॒ सु॒क्र॒तु॒र्व॒यो॒धे॒या॒य॒ जा॒गृ॒हि ।
- 10.025.08c क्षे॒त्र॒वि॒त्त॒रो॒ म॒नु॒षो॒ वि॒ वो॒ म॒दे॒ द्रु॒हो॒ नः॒ पा॒ह्यं॒ह॒सो॒ वि॒व॒क्ष॒से ॥
- 10.025.09a त्वं॒ नो॒ वृ॒त्र॒ह॒न्त॒मे॒न्द्र॒स्ये॒न्दो॒ शि॒वः॒ स॒खा ।
- 10.025.09c य॒त्सी॑ ह॒व॒न्ते॒ स॒मि॒थे॒ वि॒ वो॒ म॒दे॒ यु॒ध्य॒मा॒ना॒स्तो॒क॒सा॒तौ॒ वि॒व॒क्ष॒से ॥
- 10.025.10a अ॒यं॒ घ॒ स॒ तुरो॑ म॒द॒ इ॒न्द्र॒स्य॒ वर्ध॑त॒ प्रि॒यः ।

- 10.025.10c अ॒यं क॒क्षी॒वतो॑ म॒हो वि॒ वो म॒दे म॒तिं वि॒प्रस्य॑ वर्ध॒यद्वि॒वक्ष॑से ॥
- 10.025.11a अ॒यं वि॒प्राय॑ दा॒शुषे॑ वा॒जाँ इ॒यर्ति॑ गो॒मतः॑ ।
- 10.025.11c अ॒यं स॒प्तभ्य॑ आ व॒रं वि॒ वो म॒दे प्रा॒न्धं श्रो॒णं च॑ ता॒रिष॑द्वि॒वक्ष॑से ॥
- 10.026.01a प्र ह्य॒च्छा म॒नीषा॑ स्पा॒र्हा य॒न्ति॑ नि॒युतः॑ ।
- 10.026.01c प्र द॒स्त्रा नि॒युद्र॑थः पू॒षा अ॒विष्टु॑ मा॒हिनः॑ ॥
- 10.026.02a य॒स्य त्य॒न्महि॑त्वं वा॒ताप्य॑म॒यं ज॒नः ।
- 10.026.02c वि॒प्र आ व॑ंस॒द्धीति॑भिश्चि॒केत॑ सु॒ष्टुती॑नाम् ॥
- 10.026.03a स वे॒द सु॒ष्टुती॑नामि॒न्दुर्न॑ पू॒षा वृ॑षा ।
- 10.026.03c अ॒भि प्सु॑रः प्रु॒षाय॑ति व्र॒जं न आ प्रु॒षाय॑ति ॥
- 10.026.04a मं॒सीमहि॑ त्वा व॒यम॑स्माकं दे॒व पू॒षन् ।
- 10.026.04c म॒तीनां॑ च सा॒धनं॑ वि॒प्राणां॑ चा॒धव॑म् ॥
- 10.026.05a प्र॒त्यर्धि॑र्य॒ज्ञाना॑मश्व॒हयो॑ र॒थाना॑म् ।
- 10.026.05c ऋ॒षिः स यो म॑नु॒र्हितो॑ वि॒प्रस्य॑ याव॒यत्स॒खः ॥
- 10.026.06a आ॒धीष॑मा॒णायाः॑ प॒तिः शु॒चाया॑श्च शु॒चस्य॑ च ।
- 10.026.06c वा॒सोवा॑योऽवी॒नामा॑ वा॒सांसि॑ म॒र्मृज॑त् ॥
- 10.026.07a इ॒नो वा॑जा॒नां प॑ति॒रिनः॑ पु॒ष्टीनां॑ स॒खा ।
- 10.026.07c प्र श॑मश्चु॒ हर्य॑तो दू॒धोद्वि॑ वृ॒था यो अ॒दाभ्यः॑ ॥

- 10.026.08a आ ते रथस्य पूषन्नजा धुरं ववृत्युः ।
- 10.026.08c विश्वस्यार्थिनः सखा सनोजा अनपच्युतः ॥
- 10.026.09a अस्माकमूर्जा रथं पूषा अविष्टु माहिनः ।
- 10.026.09c भुवद्वाजानां वृध इमं नः शृणवद्धवम् ॥
- 10.027.01a असत्सु मे जरितः साभिवेगो यत्सुन्वते यजमानाय शिक्तम् ।
- 10.027.01c अनाशीर्दामहमस्मि प्रहन्ता सत्यध्वृतं वृजिनायन्तमाभुम् ॥
- 10.027.02a यदीदहं युधये संनयान्यदेवयून्तन्वाः शूशुजानान् ।
- 10.027.02c अमा ते तुम्रं वृषभं पचानि तीव्रं सुतं पञ्चदशं नि षिञ्चम् ॥
- 10.027.03a नाहं तं वेद य इति ब्रवीत्यदेवयून्समरणे जघन्वान् ।
- 10.027.03c यदावारव्यत्समरणमृघावदादिद्ध मे वृषभा प्र ब्रुवन्ति ॥
- 10.027.04a यदज्ञातेषु वृजनेष्वासं विश्वे सतो मघवानो म आसन् ।
- 10.027.04c जिनामि वेत्क्षेम आ सन्तमाभुं प्र तं क्षिणां पवते पादगृह्य ॥
- 10.027.05a न वा उ मां वृजने वारयन्ते न पर्वतासो यदहं मनस्ये ।
- 10.027.05c मम स्वनात्कृधुकरणो भयात् एवेदनु द्यून्किरणः समेजात् ॥
- 10.027.06a दर्शन्वत्र शृतपां अनिन्द्रान्बाहुक्षदः शरवे पत्यमानान् ।
- 10.027.06c घृषुं वा ये निनिदुः सखायमध्यू न्वेषु पवयो ववृत्युः ॥
- 10.027.07a अभूर्वौक्षीर्व्युः आयुरानड्दर्षन्तु पूर्वो अपरो नु दर्षत् ।

- 10.027.07c द्वे पवस्ते परि तं न भूतो यो अस्य पारे रजसो विवेष ॥
- 10.027.08a गावो यवं प्रयुता अर्यो अक्षन्ता अपश्यं सहगोपाश्चरन्तीः ।
- 10.027.08c हवा इदर्यो अभितः समायन्कियदासु स्वपतिश्छन्दयाते ॥
- 10.027.09a सं यद्वयं यवसादो जनानामहं यवाद उर्वज्रे अन्तः ।
- 10.027.09c अत्रा युक्तोऽवसातारमिच्छादथो अयुक्तं युनजद्ववन्वान् ॥
- 10.027.10a अत्रेदु मे मंससे सत्यमुक्तं द्विपाच्च यच्चतुष्पात्संसृजानि ।
- 10.027.10c स्त्रीभिर्यो अत्र वृषणं पृतन्यादयुद्धो अस्य वि भजानि वेदः ॥
- 10.027.11a यस्यानक्षा दुहिता जात्वास कस्तां विद्वाँ अभि मन्याते अन्धाम् ।
- 10.027.11c कतरो मेनिं प्रति तं मुचाते य ई वहाते य ई वा वरेयात् ॥
- 10.027.12a कियती योषा मर्यतो वधूयोः परिप्रीता पन्यसा वार्येण ।
- 10.027.12c भद्रा वधूर्भवति यत्सुपेशाः स्वयं सा मित्रं वनुते जने चित् ॥
- 10.027.13a पत्तो जगार प्रत्यञ्चमत्ति शीष्णा शिरः प्रति दधौ वरूथम् ।
- 10.027.13c आसीन ऊर्ध्वामुपसि क्षिणाति न्यङ्ङुत्तानामन्वेति भूमिम् ॥
- 10.027.14a बृहन्नच्छायो अपलाशो अर्वा तस्थौ माता विषितो अत्ति गर्भः ।
- 10.027.14c अन्यस्या वत्सं रिहती मिमाय कया भुवा नि दधे धेनुरूधः ॥
- 10.027.15a सप्त वीरासो अधरादुदायन्नष्टोत्तरात्तात्समजग्मिरन्ते ।
- 10.027.15c नव पश्चातात्स्थविमन्त आयन्दश प्राक्सानु वि तिरन्त्यश्वः ॥
- 10.027.16a दशानामेकं कपिलं समानं तं हिन्वन्ति क्रतवे पार्याय ।

- 10.027.16c गर्भं॑ मा॒ता सु॒धितं॑ व॒क्षणा॑स्ववे॒नन्तं॑ तु॒षय॑न्ती बि॒भर्ति॑ ॥
- 10.027.17a पी॒वानं॑ मे॒षम॑पचन्त वी॒रा न्यु॑प्ता अ॒क्षा अनु॑ दी॒व आ॑सन् ।
- 10.027.17c द्वा ध॒नुं बृ॒हती॑म॒प्स्व॑श्न्तः प॒वित्र॑वन्ता च॒रतः॑ पु॒नन्ता॑ ॥
- 10.027.18a वि क्रो॑शनासो वि॒ष्वञ्च॑ आ॒यन्प॑चाति ने॒मो नहि॑ प॒क्ष॑दर्धः ।
- 10.027.18c अ॒यं मे॑ दे॒वः स॒विता॑ तदा॒ह द्र॒वन्न॑ इ॒द्वन॑वत्सर्पि॒रन्नः॑ ॥
- 10.027.19a अ॒पश्यं॑ ग्रा॒मं व॒ह॒मान॑मारा॒दच॑क्रया स्व॒धया॑ वर्त॒मानम्॑ ।
- 10.027.19c सि॒षत्त॑र्यः प्र यु॒गा ज॒नानां॑ स॒द्यः शि॒श्ना प्र॑मि॒नानो॑ नवी॒यान् ॥
- 10.027.20a ए॒तौ मे॑ गा॒वौ प्र॒मर॑स्य यु॒क्तौ मो॒ षु प्र॑ से॒धीर्मु॑हु॒रिन्म॑मन्धि ।
- 10.027.20c आ॒पश्चि॑दस्य वि न॒शन्त्य॑र्थं सू॒रश्च॑ म॒र्क उ॒परो॑ ब॒भूव॑ान् ॥
- 10.027.21a अ॒यं यो॑ व॒ज्रः पु॒रुधा॑ वि॒वृत्तो॑ऽवः सू॒र्यस्य॑ बृ॒हतः॑ पु॒रीषा॑त् ।
- 10.027.21c श्र॒व इ॒देना॑ प॒रो अ॒न्यद॑स्ति तद॒व्यथी॑ ज॒रिमा॑णस्तरन्ति ॥
- 10.027.22a वृ॒क्षेवृ॑क्षे॒ निय॑ता मी॒मय॑द्रौस्ततो व॒यः प्र॑ प॒तान्पू॑रुषा॒दः ।
- 10.027.22c अ॒थेदं॑ वि॒श्वं भु॒वनं॑ भया॒त इन्द्रा॑य सु॒न्वदृ॑षये च शि॒क्षत् ॥
- 10.027.23a दे॒वानां॑ मा॒ने प्र॒थमा॑ अ॒तिष्ठ॑न्क॒न्तत्रा॑दे॒षामु॑प॒रा उ॒दाय॑न् ।
- 10.027.23c त्र॒यस्त॑पन्ति पृथि॒वीम॑नू॒पा द्वा बृ॑बू॒कं व॒हतः॑ पु॒रीष॑म् ॥
- 10.027.24a सा ते॑ जी॒वातु॑रु॒त तस्य॑ वि॒द्धि मा॒ स्मैता॑दृ॒गप॑ गू॒हः स॒मर्ये॑ ।
- 10.027.24c आ॒विः स्वः॑ कृ॒णु॑ते गू॒हते॑ बु॒सं स पा॑दु॒रस्य॑ नि॒र्णिजो॑ न मु॒च्यते॑ ॥

- 10.028.01a विश्वो ह्य॑श्न्यो अ॒रिरा॑जगाम॒ ममे॑दह॒ श्वशु॑रो ना जगाम ।
- 10.028.01c ज॒क्षीया॑द्धाना॒ उत॑ सोमं॒ पपी॑यात्स्वा॒शितः॑ पु॒नर॑स्तं॒ जगा॑यात् ॥
- 10.028.02a स॒ रोरु॑वद्वृषभ॒स्तिग्म॑शृङ्गो॒ वर्ष्म॑न्तस्थौ॒ वरि॑मन्ना॒ पृथि॑व्याः ।
- 10.028.02c विश्वे॑ष्वेनं॒ वृज॑नेषु॒ पामि॑ यो मे॒ कुक्षी॑ सु॒तसो॑मः॒ पृणा॑ति ॥
- 10.028.03a अ॒द्रिणा॑ ते॒ मन्दि॑न॒ इन्द्र॑ तू॒यान्सु॑न्वन्ति॒ सोमा॑न्पिब॒सि त्वमे॑षाम् ।
- 10.028.03c प॒चन्ति॑ ते॒ वृष॑भाँ अ॒त्सि॒ तेषां॑ पृ॒क्षेण॑ यन्म॒घव॑न्हूयमानः ॥
- 10.028.04a इ॒दं सु॑ मे॒ जरि॑तरा॒ चिकि॑द्धि॒ प्रती॑पं॒ शापं॑ नद्यो॒ वह॑न्ति ।
- 10.028.04c लो॒पाशः॑ सि॒हं प्र॑त्यञ्च॒मत्साः॑ क्रो॒ष्टा व॑राहं॒ निर॑तक्त॒ कक्षा॑त् ॥
- 10.028.05a कथा॑ त ए॒तद॑ह॒मा चि॑केतं॒ गृत्स॑स्य॒ पाक॑स्तवसो॒ मनी॑षाम् ।
- 10.028.05c त्वं नो॑ वि॒द्वौ ऋ॑तुथा॒ वि वो॑चो॒ यम॑र्धं॒ ते म॑घव॒न्दे॒म्या धूः॑ ॥
- 10.028.06a ए॒वा हि॑ मां॒ तव॑सं॒ वर्ध॑यन्ति॒ दिव॑श्चिन्मे॒ बृह॑त॒ उत्तरा॑ धूः ।
- 10.028.06c पू॒रू स॑हस्रा॒ नि शि॑शामि॒ साक॑मशत्रुं॒ हि मा॑ ज॒निता॑ ज॒जान॑ ॥
- 10.028.07a ए॒वा हि॑ मां॒ तव॑सं॒ जञ्जु॑रुग्रं॒ कर्म॑न्कर्मन्वृषणमिन्द्र॒ देवाः॑ ।
- 10.028.07c वर्धी॑ वृत्रं॒ वज्रे॑ण॒ मन्द॑सानोऽप॒ ब्रजं॑ म॒हिना॑ दाशुषे॒ वम् ॥
- 10.028.08a दे॒वास॑ अ॒यन्प॑रशूर॒बिभ्र॑न्वना॒ वृश्च॑न्तो॒ अभि॑ वि॒डि॒भरा॑यन् ।
- 10.028.08c नि॒ सु॒द्र्वं॑ दधतो॒ वक्ष॑णासु॒ यत्रा॑ कृपीटमनु॒ तद्द॑हन्ति ॥
- 10.028.09a शशः॑ च्चुरं॒ प्रत्य॑ञ्चं॒ जगारा॑द्रिं॒ लो॒गेन॑ व्यभेदमारात् ।
- 10.028.09c बृ॒हन्तं॑ चि॒दृह॑ते॒ रन्ध॑यानि॒ वय॑द्वत्सो॒ वृष॑भं॒ शूशु॑वानः ॥

- 10.028.10a सु॒पर्ण॑ इ॒त्था न॒ख॒मा सि॒षाया॑व॒रुद्धः॑ परि॒पदं॑ न सि॒ंहः ।
- 10.028.10c नि॒रुद्ध॑श्चि॒न्महि॑षस्त॒र्ष्यावा॑न्गो॒धा तस्मा॑ अ॒यथं॑ क॒र्षदे॑तत् ॥
- 10.028.11a तेभ्यो॑ गो॒धा अ॒यथं॑ क॒र्षदे॑तद्ये ब्रह्म॒णः प्र॑तिपी॒यन्त्य॑न्नैः ।
- 10.028.11c सि॒म उ॒च्छोऽव॑सृष्टाँ अ॒दन्ति॑ स्व॒यं ब॒लानि॑ त॒न्वः शृ॒णानाः॑ ॥
- 10.028.12a ए॒ते श॒मीभिः॑ सु॒शमी॑ अ॒भूव॑न्ये हि॒न्विरे॑ त॒न्वः॑ सोम॒ उक्थैः॑ ।
- 10.028.12c नृ॒वद्व॑द॒न्नुप॑ नो मा॒हि वा॒जा॒न्दि॒वि श्र॒वो द॑धिषे॒ नाम॑ वी॒रः ॥
- 10.029.01a वने॑ न वा यो न्य॒धायि॑ चाक॒ञ्छुचि॑र्वा स्तो॒मो भु॑रणाव॒जीगः॑ ।
- 10.029.01c यस्ये॑दिन्द्रः पुरु॒दिने॑षु होता नृ॒णां न॒र्यो नृ॑तमः क्ष॒पावान् ॥
- 10.029.02a प्र ते॑ अ॒स्या उ॒षसः॑ प्रा॒पर॑स्या नृ॒तौ स्या॑म नृ॒तम॑स्य नृ॒णाम् ।
- 10.029.02c अनु॑ त्रि॒शोकः॑ श॒तमा॑वह॒न्नृ॒न्कु॑त्सेन रथो यो अ॒सत्स॑सवान् ॥
- 10.029.03a क॒स्ते म॒द इन्द्र॑ र॒न्त्यो भू॒हूरो॑ गि॒रो अ॒भ्यु॑श्रो वि धाव ।
- 10.029.03c क॒द्वाहो॑ अ॒र्वागु॑प मा मनी॒षा आ त्वा॑ श॒क्यामु॑पमं रा॒धो अ॒न्नैः ॥
- 10.029.04a क॒दु द्यु॒म्नमिन्द्र॑ त्वावतो नृ॒न्कया॑ धि॒या क॒रसे॑ क॒न्न आ॑गन् ।
- 10.029.04c मि॒त्रो न स॒त्य उ॒रुगा॑य भृ॒त्या अ॒न्ने स॒मस्य॑ य॒दस॑न्मनी॒षाः ॥
- 10.029.05a प्रेर॑य सू॒रो अ॒र्थं न पारं॑ ये अ॒स्य का॑मं ज॒निधा॑ इव ग॒मन् ।
- 10.029.05c गि॒रश्च॑ ये ते तु॒विजा॑त पूर्वी॒र्नर॑ इन्द्र॒ प्रति॑शि॒क्षन्त्य॑न्नैः ॥
- 10.029.06a मा॒त्रे नु॒ ते सु॑मिते इन्द्र॒ पूर्वी॑ द्यौर्म॒ज्मना॑ पृथि॒वी का॑व्येन ।

- 10.029.06c वराय ते घृतवन्तः सुतासः स्वाद्मन्भवन्तु पीतये मधूनि ॥
- 10.029.07a आ मध्वो अस्मा असिचन्नमत्रमिन्द्राय पूर्णं स हि सत्यराधाः ।
- 10.029.07c स वावृधे वरिमन्ना पृथिव्या अभि क्रत्वा नर्यः पौंस्यैश्च ॥
- 10.029.08a व्यानळिन्द्रः पृतनाः स्वोजा आस्मै यतन्ते सख्याय पूर्वीः ।
- 10.029.08c आ स्मा रथं न पृतनासु तिष्ठ यं भद्रया सुमत्या चोदयासे ॥

- 10.030.01a प्र देवत्रा ब्रह्मणे गातुरेत्वपो अच्छा मनसो न प्रयुक्ति ।
- 10.030.01c महीं मित्रस्य वरुणस्य धासिं पृथुञ्जयसे रीरधा सुवृक्तिम् ॥
- 10.030.02a अध्वर्यवो हविष्मन्तो हि भूताच्छाप इतोशतीरुशन्तः ।
- 10.030.02c अव याश्चष्टे अरुणः सुपर्णस्तमास्यध्वमूर्मिमद्या सुहस्ताः ॥
- 10.030.03a अध्वर्यवोऽप इता समुद्रमपां नपातं हविषा यजध्वम् ।
- 10.030.03c स वो दददूर्मिमद्या सुपूतं तस्मै सोमं मधुमन्तं सुनोत ॥
- 10.030.04a यो अनिध्मो दीदयदप्स्वशन्तर्यं विप्रास ईळते अध्वरेषु ।
- 10.030.04c अपां नपान्मधुमतीरपो दा याभिरिन्द्रो वावृधे वीर्याय ॥
- 10.030.05a याभिः सोमो मोदते हर्षते च कल्याणीभिर्युवतिभिर्न मर्यः ।
- 10.030.05c ता अध्वर्यो अपो अच्छा परेहि यदासिञ्चा ओषधीभिः पुनीतात् ॥
- 10.030.06a एवेद्यूने युवतयो नमन्त यदीमुशन्नुशतीरेत्यच्छ ।
- 10.030.06c सं जानते मनसा सं चिकित्रेऽध्वर्यवो धिषणापश्च देवीः ॥

- 10.030.07a यो वो वृताभ्यो अकृणोदु लोकं यो वो मह्या अभिशस्तेरमुञ्चत् ।
- 10.030.07c तस्मा इन्द्राय मधुमन्तमूर्मिं देवमादनं प्र हिणोतनापः ॥
- 10.030.08a प्रास्मै हिनोत मधुमन्तमूर्मिं गर्भो यो वः सिन्धवो मध्व उत्सः ।
- 10.030.08c घृतपृष्ठमीड्यमध्वरेष्वापो रेवतीः शृणुता हवं मे ॥
- 10.030.09a तं सिन्धवो मत्सरमिन्द्रपानमूर्मिं प्र हेत य उभे इयर्ति ।
- 10.030.09c मदच्युतमौशानं नभोजां परि त्रितन्तुं विचरन्तमुत्सम् ॥
- 10.030.10a आवर्ततीरध नु द्विधारा गोषुयुधो न नियवं चरन्तीः ।
- 10.030.10c ऋषे जनित्रीर्भुवनस्य पत्नीरपो वन्दस्व सवृधः सयोनीः ॥
- 10.030.11a हिनोता नो अध्वरं देवयज्या हिनोत ब्रह्म सनये धनानाम् ।
- 10.030.11c ऋतस्य योगे वि ष्यध्वमूधः श्रुष्टीवरीर्भूतनास्मभ्यमापः ॥
- 10.030.12a आपो रेवतीः क्षयथा हि वस्वः क्रतुं च भद्रं विभृथामृतं च ।
- 10.030.12c रायश्च स्थ स्वपत्यस्य पत्नीः सरस्वती तद्गणते वयो धात् ॥
- 10.030.13a प्रति यदापो अट्टश्रमायतीर्घृतं पयांसि विभ्रतीर्मधूनि ।
- 10.030.13c अध्वर्युभिर्मनसा संविदाना इन्द्राय सोमं सुषुतं भरन्तीः ॥
- 10.030.14a एमा अगमन्नेवतीर्जीवधन्या अध्वर्यवः सादयता सखायः ।
- 10.030.14c नि बर्हिषि धत्तन सोम्यासोऽपां नप्त्रा संविदानास एनाः ॥
- 10.030.15a आगमन्नाप उशतीर्बाहिरेदं न्यध्वरे असदन्देवयन्तीः ।
- 10.030.15c अध्वर्यवः सुनुतेन्द्राय सोममभूदु वः सुशका देवयज्या ॥

- 10.031.01a आ नो देवानामुप वेतु शंसो विश्वेभिस्तुरैरवसे यजत्रः ।
- 10.031.01c तेभिर्वयं सुषखायो भवेम तरन्तो विश्वा दुरिता स्याम ॥
- 10.031.02a परि चिन्मर्तो द्रविणं ममन्यादृतस्य पथा नमसा विवासेत् ।
- 10.031.02c उत स्वेन क्रतुना सं वदेत श्रेयांसं दक्षं मनसा जगृभ्यात् ॥
- 10.031.03a अधायि धीतिरससृग्रमंशास्तीर्थे न दस्ममुप यन्त्यूमाः ।
- 10.031.03c अभ्यानश्म सुवितस्य शूषं नवेदसो अमृतानामभूम ॥
- 10.031.04a नित्यश्चाकन्यात्स्वपतिर्दमूना यस्मा उ देवः सविता जजान ।
- 10.031.04c भगो वा गोभिर्यमेमनज्यात्सो अस्मै चारुश्छदयदुत स्यात् ॥
- 10.031.05a इयं सा भूया उषसामिव क्षा यद्ध क्षुमन्तः शवसा समायन् ।
- 10.031.05c अस्य स्तुतिं जरितुर्भिक्ष्माणा आ नः शग्मास उप यन्तु वाजाः ॥
- 10.031.06a अस्येदेषा सुमतिः पप्रथानाभवत्पूर्व्या भूमना गौः ।
- 10.031.06c अस्य सनीळा असुरस्य योनौ समान आ भरणे विभ्रमाणाः ॥
- 10.031.07a किं स्विद्वनं क उ स वृक्ष आस यतो द्यावापृथिवी निष्टतक्षुः ।
- 10.031.07c संतस्थाने अजरे इतऊती अहानि पूर्वीरुषसो जरन्त ॥
- 10.031.08a नैतावदेना परो अन्यदस्त्युक्षा स द्यावापृथिवी बिभर्ति ।
- 10.031.08c त्वचं पवित्रं कृणुत स्वधावान्यदीं सूर्यं न हरितो वहन्ति ॥
- 10.031.09a स्तेगो न क्षामत्येति पृथ्वीं मिहं न वातो वि ह वाति भूम ।

- 10.031.09c मि॒त्रो॒ यत्र॒ वरु॑णो॒ अ॒ज्य॒मा॒नोऽग्नि॑वने॒ न व्य॑सृष्ट॒ शो॒कम् ॥
- 10.031.10a स्त॒रीर्य॑त्सू॒त सद्यो॑ अ॒ज्य॒मा॒ना व्य॑थिरव्यथीः॒ कृ॒णु॒त स्व॑गोपा ।
- 10.031.10c पु॒त्रो य॑त्पूर्वः॒ पि॒त्रोर्ज॑निष्ट॒ श॒म्यां गौ॑र्जगार॒ यद्ध॑ पृ॒च्छान् ॥
- 10.031.11a उ॒त क॑ण्वं॒ नृष॑दः॒ पु॒त्रमा॑हुरु॒त श्या॑वो॒ धन॑मादत्त॒ वाजी॑ ।
- 10.031.11c प्र॒ कृ॒ष्णाय॑ रु॒शद॑पि॒न्वतो॑ध॒र्तम॑त्र॒ नकि॑रस्मा॒ अपी॑पेत् ॥
- 10.032.01a प्र॒ सु ग॑मन्ता॒ धिय॑सानस्य॒ सत्त॑णि॒ वरे॑भिर्वराँ॒ अभि॑ षु प्रसीदतः ।
- 10.032.01c अ॒स्माक॑मिन्द्र॒ उभयं॑ जुजोषति॒ यत्सो॒म्यस्या॑न्धसो॒ बुबो॑धति ॥
- 10.032.02a वी॒न्द्र या॑सि दि॒व्यानि॑ रो॒चना॒ वि पा॑र्थिवानि॒ रज॑सा॒ पुरु॑ष्टुत ।
- 10.032.02c ये॒ त्वा वह॑न्ति॒ मुहुर॑ध्वराँ॒ उप॒ ते सु॑ वन्वन्तु॒ वग॑वनाँ॒ अ॒राध॑सः ॥
- 10.032.03a तदि॑न्मे॒ छन्त्स॑द्वपुषो॒ वपु॑ष्ट्रं॒ पु॒त्रो य॑ज्जानं॒ पि॒त्रोर॑धीयति ।
- 10.032.03c जा॒या पतिं॑ वहति॒ वशु॑ना॒ सु॒मत्पुं॑स॒ इन्द्रो॑ वहतुः॒ परि॑ष्कृतः ॥
- 10.032.04a तदि॑त्सध॒स्थम॑भि॒ चारु॑ दी॒धय॒ गावो॑ यच्छासन्वह॒तुं न धे॑नवः ।
- 10.032.04c मा॒ता य॑न्मन्तु॒र्यूथ॑स्य॒ पू॒र्व्याभि॑ वा॒णस्य॑ सप्तधातुरि॒ज्जनः॑ ॥
- 10.032.05a प्र॒ वोऽच्छा॑ रिरि॒चे दे॒वयु॑ष्पदमेको॒ रु॒द्रेभि॑र्याति॒ तुर्व॑णिः ।
- 10.032.05c ज॒रा वा॒ येष्व॑मृतेषु॒ दा॒वने॑ परि॒ व ऊ॑मेभ्यः॒ सिञ्च॑ता॒ मधु॑ ॥
- 10.032.06a नि॒धीय॑मानमप॒गूळ्ह॑मप्सु॒ प्र मे॑ दे॒वानां॑ व्रतपा॒ उवा॑च ।
- 10.032.06c इन्द्रो॑ वि॒द्वँ अनु॑ हि॒ त्वा च॑चक्ष॒ तेना॑हमग्ने॒ अनु॑शिष्ट॒ आगा॑म् ॥

- 10.032.07a अ॒क्षेत्र॑वि॒त्क्षेत्र॑वि॒दं ह्य॒प्राट् स॒ प्रैति॑ क्षे॒त्रवि॑दानु॒शिष्टः॑ ।
- 10.032.07c ए॒तद्वै भ॒द्रम॒नुशा॑सनस्यो॒त् स्रु॒तिं वि॒न्दत्य॑ञ्ज॒सीना॑म् ॥
- 10.032.08a अ॒द्येदु॑ प्रा॒णीद॒मम॒न्निमा॑हा॒पीवृ॑तो अ॒धय॑न्मातुरू॒धः ।
- 10.032.08c ए॒मेन॑माप॒ जरि॑मा॒ युवा॑नमहे॒ळन्व॑सुः सु॒मना॑ बभूव ॥
- 10.032.09a ए॒तानि॑ भ॒द्रा क॑लश॒ क्रिया॑म॒ कुरु॑श्रवण॒ दद॑तो म॒घानि॑ ।
- 10.032.09c दान॑ इ॒द्वो म॒घवा॑नः सो अ॒स्त्वयं॑ च सोमो॑ हृदि॒ यं बि॑भर्मि ॥
- 10.033.01a प्र॒ मा यु॒युञ्जे॑ प्र॒युजो॑ ज॒नानां॑ व॒हामि॑ स्म पू॒षण॑मन्त॒रेण॑ ।
- 10.033.01c वि॒श्वे दे॒वासो॑ अ॒ध मा॑मर॒क्षन्दुः॑शासुरागा॒दिति॑ घोष॒ आसी॑त् ॥
- 10.033.02a सं॒ मा त॑पन्त्यभितः स॒पत्नी॑रिव॒ पर्श॑वः ।
- 10.033.02c नि॒ बाध॑ते अ॒मति॑र्न॒ग्नता॑ ज॒सुर्वे॑र्न वे॒वीय॑ते म॒तिः ॥
- 10.033.03a मू॒षो न॑ शि॒श्ना व्य॑दन्ति॒ माध्य॑ स्तो॒तारं॑ ते श॒तक्र॑तो ।
- 10.033.03c स॒कृत्सु॑ नो॒ मघ॑वन्नि॒न्द्र मृ॒ळया॑धा॒ पिते॑व॒ नो भ॑व ॥
- 10.033.04a कुरु॑श्रवणमावृ॒णि रा॒जानं॑ त्रासदस्यवम् ।
- 10.033.04c मं॒हिष्ठं॑ वा॒घता॑मृषिः ॥
- 10.033.05a य॒स्य मा॑ ह॒रितो॑ रथे॒ तिस्रो॑ व॒हन्ति॑ साधु॒या ।
- 10.033.05c स्त॒वै स॒हस्र॑दक्षिणे ॥
- 10.033.06a य॒स्य प्र॑स्वादसो गिर॒ उप॑मश्रवसः॒ पितुः॑ ।

- 10.033.06c क्षे॒त्रं न॒ र॒ग॒व॒मू॒चु॒षे ॥
- 10.033.07a अ॒धि पु॒त्रो॒प॒म॒श्र॒वो न॒पा॒न्मि॒त्रा॒ति॒थे॒रि॒हि ।
- 10.033.07c पि॒तु॒ष्टे अ॒स्मि व॒न्दि॒ता ॥
- 10.033.08a य॒दी॒शी॒या॒मृ॒ता॒ना॒मु॒त वा म॒र्त्या॒ना॒म् ।
- 10.033.08c जी॒वे॒दि॒न्म॒घ॒वा म॒म ॥
- 10.033.09a न दे॒वा॒ना॒म॒ति व्र॒तं श॒ता॒त्मा च॒न जी॒वति ।
- 10.033.09c त॒था यु॒जा वि वा॒वृ॒ते ॥
- 10.034.01a प्रा॒वे॒पा मा बृ॒ह॒तो मा॒द॒य॒न्ति प्र॒वा॒ते॒जा इ॒रि॒णे व॒र्वृ॒ता॒नाः ।
- 10.034.01c सो॒म॒स्ये॒व मौ॒ज॒व॒त॒स्य भ॒क्षो वि॒भी॒द॒को जा॒गृ॒वि॒र्म॒ह्य॒म॒च्छा॒न् ॥
- 10.034.02a न मा मि॒मे॒थ न जि॒ही॒ळ ए॒षा शि॒वा स॒खि॒भ्य उ॒त म॒ह्य॒मा॒सी॒त् ।
- 10.034.02c अ॒क्ष॒स्या॒ह॒मे॒क॒प॒र॒स्य हे॒तो॒र॒नु॒व्र॒ता॒म॒प जा॒या॒म॒रो॒ध॒म् ॥
- 10.034.03a द्वे॒ष्टि श्व॒श्रू॒र॒प जा॒या रु॒ण॒द्धि न ना॒थि॒तो वि॒न्द॒ते म॒र्डि॒ता॒र॒म् ।
- 10.034.03c अ॒श्व॒स्ये॒व ज॒र॒तो व॒स्न्य॒स्य ना॒हं वि॒न्द॒मि कि॒त॒व॒स्य भो॒ग॒म् ॥
- 10.034.04a अ॒न्ये जा॒यां परि॒ मृ॒श॒न्त्य॒स्य य॒स्या॒गृ॒ध॒द्वे॒द॒ने वा॒ज्य॒श्क्षः ।
- 10.034.04c पि॒ता मा॒ता भ्रा॒तर ए॒न॒मा॒हु॒र्न जा॒नी॒मो न॒य॒ता ब॒द्ध॒मे॒त॒म् ॥
- 10.034.05a य॒दा॒दी॒ध्ये न द॒वि॒षा॒ण्ये॒भिः प॒रा॒य॒द्भ्योऽव॒ ही॒ये स॒खि॒भ्यः ।
- 10.034.05c न्यु॒प्ता॒श्च ब॒भ्र॒वो वा॒च॒म॒क्र॒तं ए॒मी॒दे॒षां नि॒ष्कृ॒तं जा॒रि॒णी॒व ॥

- 10.034.06a स॒भामे॑ति॒ कित॒वः पृ॒च्छ॒मानो॑ जे॒ष्यामी॑ति॒ तन्वा॑श् शू॒शुजा॑नः ।
- 10.034.06c अ॒क्षासो॑ अ॒स्य वि॑ ति॒रन्ति॒ कामं॑ प्र॒तिदी॑न्ने द॒धत॑ आ कृ॒तानि॑ ॥
- 10.034.07a अ॒क्षास॑ इ॒दङ्कु॑शिनो॒ नितो॑दि॒नो नि॒कृत्वान॑स्त॒पना॑स्तापयि॒ष्णवः॑ ।
- 10.034.07c कु॒मार॑दे॒ष्णा ज॑यतः पु॒नर्ह॑णो म॒ध्वा स॑म्पृ॒क्ताः कित॒वस्य॑ ब॒र्हणा॑ ॥
- 10.034.08a त्रि॒पञ्चा॑शः क्री॒ळति॒ व्रात॑ ए॒षां दे॒व इ॒व स॒विता॑ स॒त्यध॑र्मा ।
- 10.034.08c उ॒ग्रस्य॑ चि॒न्मन्य॑वे ना न॒मन्ते॒ राजा॑ चि॒देभ्यो॑ न॒म इ॒त्कृ॑णोति ॥
- 10.034.09a नी॒चा वर्त॑न्त॒ उपरि॑ स्फु॒रन्त्य॑ह॒स्तासो॑ ह॒स्तव॑न्तं स॒हन्ते॑ ।
- 10.034.09c दि॒व्या अ॒ङ्गारा॑ इ॒रिणो॑ न्यु॒प्ताः शी॒ताः स॒न्तो हृ॒दयं॑ नि॒र्दह॑न्ति ॥
- 10.034.10a जा॒या त॑प्यते कित॒वस्य॑ ही॒ना मा॒ता पु॒त्रस्य॑ च॒रतः॑ क्व स्वि॒त् ।
- 10.034.10c ऋ॒णावा॑ बि॒भ्यद्भन॑मिच्छ॒मानो॑ऽन्ये॒षाम॑स्तमु॒प न॑क्तमेति ॥
- 10.034.11a स्त्रियं॑ दृ॒ष्ट्वाय॑ कित॒वं त॑तापा॒न्येषां॑ जा॒यां सु॒कृतं॑ च यो॒निम् ।
- 10.034.11c पू॒र्वक्लि॑ अ॒श्वान्यु॑युजे हि ब॒भ्रून्सो॑ अ॒ग्नेर॑न्ते वृ॒षलः॑ प॒पाद॑ ॥
- 10.034.12a यो वः॑ से॒नानी॑र्म॒हतो॑ ग॒णस्य॑ राजा व्रा॒तस्य॑ प्रथ॒मो ब॒भूव॑ ।
- 10.034.12c तस्मै॑ कृ॒णोमि॑ न ध॒ना रु॒णधिम॑ द॒शाहं॑ प्रा॒चीस्त॑दृ॒तं व॑दामि ॥
- 10.034.13a अ॒क्षौर्मा॑ दी॒व्यः कृ॒षिमि॑त्कृ॒षस्व॑ वि॒त्ते र॑मस्व बहु म॒न्यमा॑नः ।
- 10.034.13c तत्र॑ गा॒वः कित॒व तत्र॑ जा॒या त॑न्मे वि च॒ष्टे स॒विता॑यम॒र्यः ॥
- 10.034.14a मि॒त्रं कृ॑णु॒ध्वं ख॒लु मृ॒ळता॑ नो मा नो॒ घो॒रेण॑ च॒रता॑भि धृ॒ष्णु ।
- 10.034.14c नि॒ वो नु॑ म॒न्युर्वि॑शताम॒राति॑र॒न्यो ब॒भ्रूणां॑ प्र॒सितौ॑ न्वस्तु ॥

- 10.035.01a अ॒बुध्र॑मु॒ त्य इन्द्र॑वन्तो॒ अ॒ग्नयो॒ ज्योति॑र्भरन्त॒ उष॑सो॒ व्युष्टि॑षु ।
- 10.035.01c म॒ही द्यावा॑पृथि॒वी चे॒तता॑मपोऽद्या॒ दे॒वाना॑मव॒ आ वृ॑णीमहे ॥
- 10.035.02a दि॒वस्पृ॑थिव्यो॒रव॒ आ वृ॑णीमहे॒ मातृ॑न्सिन्धू॒न्पर्व॑ताञ्छर्य॒णाव॑तः ।
- 10.035.02c अ॒नागा॑स्त्वं॒ सूर्य॑मु॒षास॑मीमहे॒ भद्रं॒ सोमः॑ सु॒वानो॒ अद्या॑ कृ॒णोतु॑ नः ॥
- 10.035.03a द्यावा॑ नो॒ अद्य॑ पृथि॒वी अ॒नाग॑सो॒ मही॑ त्रायेतां॒ सुवि॑ताय॒ मातरा॑ ।
- 10.035.03c उषा॑ उ॒च्छन्त्य॑प॒ बाध॑तामघं॒ स्वस्त्य॑श्निं॒ समि॑धानमीमहे ॥
- 10.035.04a इयं॑ न॒ उ॒स्त्रा प्र॑थ॒मा सु॑दे॒व्यं रे॒वत्स॑निभ्यो॒ रेव॑ती॒ व्युच्छ॑तु ।
- 10.035.04c आ॒रे म॒न्युं दु॒र्विद॑त्रस्य॒ धीम॑हि॒ स्वस्त्य॑श्निं॒ समि॑धानमीमहे ॥
- 10.035.05a प्र॒ याः सि॒स्रते॒ सूर्य॑स्य॒ रश्मि॑भिर्ज्योति॒र्भर॑न्तीरुष॒सो व्युष्टि॑षु ।
- 10.035.05c भद्रा॑ नो॒ अद्य॑ श्रव॒से व्युच्छ॑त॒ स्वस्त्य॑श्निं॒ समि॑धानमीमहे ॥
- 10.035.06a अ॒नमी॑वा॒ उष॑स॒ आ च॑रन्तु॒ न उद॑ग्नयो॒ जिह॑तां॒ ज्योति॑षा॒ बृह॑त् ।
- 10.035.06c आ॒यु॒क्षाता॑मश्वि॒ना तू॒तुजिं॑ रथं॒ स्वस्त्य॑श्निं॒ समि॑धानमीमहे ॥
- 10.035.07a श्रेष्ठं॑ नो॒ अद्य॑ स॒वित॑र्वरेण्यं॒ भाग॑मा॒ सुव॑ स॒ हि र॒त्नधा॑ असि ।
- 10.035.07c रा॒यो ज॑नित्रीं॒ धिष॑णा॒मुप॑ ब्रुवे॒ स्वस्त्य॑श्निं॒ समि॑धानमीमहे ॥
- 10.035.08a पि॒प॒र्तु मा॑ तदृ॒तस्य॑ प्र॒वाच॑नं॒ दे॒वानां॑ यन्म॒नुष्या॑श्च॒ अम॑न्महि ।
- 10.035.08c वि॒श्वा इ॒दुस्त्रा॑ स्प॒ल्लुदे॑ति॒ सूर्यः॑ स्वस्त्य॒श्निं समि॑धानमीमहे ॥
- 10.035.09a अ॒द्वेषो॑ अद्य॒ बर्हि॑ष॒ स्तरी॑मणि॒ ग्राव॑णां॒ योगे॑ मन्मनः॒ साध॑ ईमहे ।

- 10.035.09c आ॒दि॒त्यानां॑ श॒र्मा॒णि॒ स्था॒ भु॒रण्य॑सि॒ स्व॒स्त्य॑श्चिं॒ समि॑धानमीमहे ॥
- 10.035.10a आ नो॑ ब॒र्हिः स॒ध॒मादे॑ बृ॒ह॒द्वि॒वि दे॒वाँ ई॒ळे सा॒दया॑ स॒प्त हो॒तृन् ।
- 10.035.10c इन्द्रं॑ मि॒त्रं वरु॑णं सा॒तये॑ भ॒गं स्व॒स्त्य॑श्चिं॒ समि॑धानमीमहे ॥
- 10.035.11a त आ॒दि॒त्या आ॒ गता॑ सर्वा॒तातये॑ वृ॒धे नो॑ य॒ज्ञम॑वता स॒जोष॑सः ।
- 10.035.11c बृ॒ह॒स्पतिं॑ पू॒षण॑म॒श्विना॑ भ॒गं स्व॒स्त्य॑श्चिं॒ समि॑धानमीमहे ॥
- 10.035.12a तन्नो॑ दे॒वा य॒च्छत॑ सु॒प्रवा॑चनं॒ छर्दि॑रा॒दि॒त्याः सु॒भरं॑ नृ॒पाय्य॑म् ।
- 10.035.12c प॒श्वे तो॑काय॒ तनया॑य जी॒वसे॑ स्व॒स्त्य॑श्चिं॒ समि॑धानमीमहे ॥
- 10.035.13a वि॒श्वे अ॒द्य मरु॑तो वि॒श्व ऊ॒ती वि॒श्वे भ॑वन्त्व॒ग्नयः॑ स॒मिद्धाः॑ ।
- 10.035.13c वि॒श्वे नो॑ दे॒वा अ॒वसा॑ ग॒मन्तु॑ वि॒श्वम॑स्तु॒ द्रवि॑णं॒ वाजो॑ अ॒स्मे ॥
- 10.035.14a यं दे॒वासो॑ऽवथ॒ वाज॑सा॒तौ यं त्रा॑य॒ध्वे यं पि॑पृथा॒त्यंहः॑ ।
- 10.035.14c यो वो॑ गो॒पीथे॑ न भ॒यस्य॑ वेद् ते स्या॑म दे॒ववी॑तये॒ तुरा॑सः ॥
- 10.036.01a उ॒षा॑सान॒क्ता बृ॒हती॑ सु॒पेश॑सा॒ द्यावा॑क्षा॒मा वरु॑णो मि॒त्रो अ॒र्य॑मा ।
- 10.036.01c इन्द्रं॑ हु॒वे मरु॑तः पर्व॒ताँ अप॑ आ॒दि॒त्यान्द्या॑वापृथि॒वी अपः॑ स्वः ॥
- 10.036.02a द्यौश्च॑ नः पृथि॒वी च प्र॑चे॒तस॑ ऋ॒ताव॑री र॒क्षता॑मंह॒सो रि॑षः ।
- 10.036.02c मा दु॒र्वि॒दत्रा॑ नि॒र्ऋ॒तिर्न ई॑शत॒ तद्दे॒वाना॑मवो॒ अद्या॑ वृणीमहे ॥
- 10.036.03a वि॒श्वस्मा॑न्नो अ॒दि॒तिः पा॒त्वंह॑सो मा॒ता मि॒त्रस्य॑ वरु॒णस्य॑ रे॒वतः॑ ।
- 10.036.03c स्व॒र्वज्ज्यो॑तिर॒वृकं॑ नशीमहि॒ तद्दे॒वाना॑मवो॒ अद्या॑ वृणीमहे ॥

- 10.036.04a ग्रा॒वा वद॒न्नप॒ रक्षांसि॑ सेधतु॒ दु॒ष्वप॒न्यं॒ नि॒र्ऋ॒तिं॒ वि॒श्वम॑त्रिणम् ।
- 10.036.04c आ॒दि॒त्यं॒ शर्म॑ मरुतामशीमहि॒ तद्दे॒वाना॑मवो अद्या वृणीमहे ॥
- 10.036.05a ए॒न्द्रो ब॒र्हिः॒ सीद॑तु॒ पि॒न्वता॑मिळा बृहस्पतिः॒ साम॑भिर्ऋ॒क्वो अ॑र्चतु ।
- 10.036.05c सु॒प्रके॑तं जीवसे मन्म धीमहि॒ तद्दे॒वाना॑मवो अद्या वृणीमहे ॥
- 10.036.06a दि॒वि॒स्पृ॒शं॒ य॒ज्ञम॑स्माकमश्विना जीराध्वरं॒ कृ॒णु॑तं सु॒न्नमि॑ष्टये ।
- 10.036.06c प्रा॒ची॒नर॑श्मिमाहुतं घृतेन तद्दे॒वाना॑मवो अद्या वृणीमहे ॥
- 10.036.07a उप॒ ह्ये सु॒हवं॑ मारुतं गणं पावकमृष्वं॒ स॒ख्याय॑ शम्भुवम् ।
- 10.036.07c रा॒य॒स्प॒ोषं॑ सौश्रवसाय धीमहि॒ तद्दे॒वाना॑मवो अद्या वृणीमहे ॥
- 10.036.08a अ॒पां पे॑रुं जीवधन्यं भरामहे दे॒वाव्यं॑ सु॒हव॑मध्वरश्रियम् ।
- 10.036.08c सु॒र॒श्मिं॑ सोममिन्द्रियं यमीमहि॒ तद्दे॒वाना॑मवो अद्या वृणीमहे ॥
- 10.036.09a स॒नेम॑ तत्सु॒सनि॑ता स॒नित्व॑भिर्वयं जीवा जीवपुत्रा अनागसः ।
- 10.036.09c ब्र॒ह्मद्वि॑षो वि॒ष्वगे॑नो भरेरत तद्दे॒वाना॑मवो अद्या वृणीमहे ॥
- 10.036.10a ये स्था॑ मनोर्यज्ञियास्ते शृ॒णो॑तन यद्वो दे॒वा ई॒महे॑ तद्दातन ।
- 10.036.10c जै॒त्रं क्र॑तुं रयिमद्वीरवद्यशस्तद्दे॒वाना॑मवो अद्या वृणीमहे ॥
- 10.036.11a म॒हद॑द्य म॒हता॑मा वृणीमहेऽवो दे॒वानां॑ बृ॒हता॑मनर्वणाम् ।
- 10.036.11c यथा॑ वसु वीरजातं नशामहै तद्दे॒वाना॑मवो अद्या वृणीमहे ॥
- 10.036.12a म॒हो अ॒ग्नेः॑ स॒मिधा॑नस्य शर्मण्यनागा मित्रे वरुणो स्वस्तये ।
- 10.036.12c श्रे॒ष्ठे स्या॑म सवितुः सवीमनि तद्दे॒वाना॑मवो अद्या वृणीमहे ॥

- 10.036.13a ये स॒वि॒तुः स॒त्य॒स॒व॒स्य॒ विश्वे॑ मि॒त्र॒स्य॒ व्र॒ते वरु॑णस्य दे॒वाः ।
- 10.036.13c ते सौ॒भ॒गं वी॒र॒व॒द्रो॒म॒द॒प्रो द॒धा॒त॒न द्र॒वि॒णं चि॒त्र॒म॒स्मे ॥
- 10.036.14a स॒वि॒ता प॒श्चा॒तात्स॒वि॒ता पु॒र॒स्तात्स॒वि॒तोत्त॒रात्तात्स॒वि॒ताध॒रात्तात् ।
- 10.036.14c स॒वि॒ता नः॑ सु॒व॒तु सर्व॑तातिं स॒वि॒ता नो॑ रा॒स॒तां दी॒र्घ॒मा॒युः ॥
- 10.037.01a न॒मो मि॒त्र॒स्य वरु॑णस्य च॒क्ष॒से म॒हो दे॒वाय॑ तदृ॒तं स॒पर्य॑त ।
- 10.037.01c दू॒रे॒दृ॒शे दे॒व॒जा॒ताय॑ के॒त॒वे दि॒व॒स्पु॒त्राय॑ सू॒र्याय॑ शंस॒त ॥
- 10.037.02a सा मा स॒त्यो॒क्तिः परि॑ पा॒तु विश्व॑तो द्या॒वा च॒ यत्र॑ त॒त॒न॒न्न॒हा॒नि च ।
- 10.037.02c विश्व॑म॒न्य॒न्नि वि॒श॒ते य॒दे॒ज॒ति वि॒श्वा॒हा॒पो वि॒श्वा॒हो॒दे॒ति सू॒र्यः ॥
- 10.037.03a न ते अ॒दे॒वः प्र॒दि॒वो नि॑ वा॒स॒ते य॒दे॒त॒शे॒भिः प॒तरै॑ रथ॒र्य॑सि ।
- 10.037.03c प्रा॒ची॒न॒म॒न्य॒द॒नु वर्त॑ते र॒ज उ॒द॒न्ये॒न ज्यो॑तिषा या॒सि सू॒र्य ॥
- 10.037.04a येन॑ सू॒र्य ज्यो॑तिषा बा॒ध॒से त॒मो ज॒ग॒च्च॒ विश्व॑मु॒दि॒य॒र्षि भानु॑ना ।
- 10.037.04c तेना॑स्मद्वि॒श्वाम॑नि॒राम॑नाहु॒तिम॑पा॒मीवा॑मप दु॒ष्व॒प्न्यं सु॒व ॥
- 10.037.05a विश्व॑स्य हि प्रे॒षि॒तो र॒क्ष॑सि व्र॒त॒म॒हे॒ळ्य॒न्नु॒च्च॑रसि स्व॒धा अ॒नु ।
- 10.037.05c यद॒द्य त्वा॑ सू॒र्यो॑प॒ब्र॒वाम॑है तं नो॑ दे॒वा अ॒नु मं॑सीर॒त क्र॑तुम् ॥
- 10.037.06a तं नो॑ द्या॒वापृ॑थि॒वी तन्न॑ आ॒प इ॒न्द्रः शृ॑ण्वन्तु मरु॒तो ह॒वं व॒चः ।
- 10.037.06c मा शू॒ने भू॑म सू॒र्य॑स्य संदृ॒शि भ॒द्रं जी॒व॒न्तो ज॒र॒णा॒म॒शी॒महि ॥
- 10.037.07a विश्वा॑हा त्वा सु॒म॒न॒सः सु॒च॒क्ष॒सः प्र॒जा॒व॒न्तो अ॒न॒मी॒वा अ॒ना॒ग॒सः ।

- 10.037.07c उ॒द्यन्तं॑ त्वा मि॒त्रम॑हो दि॒वेदि॒वे ज्यो॑ग्जी॒वाः प्र॑ति प॒श्येम॑ सूर्य ॥
- 10.037.08a म॒हि ज्यो॑तिर्बिभ्र॑तं त्वा वि॒चक्ष॑ण भा॒स्वन्तं॑ च॒क्षुषे॑चक्षु॒षे मयः॑ ।
- 10.037.08c आ॒रोह॑न्तं बृ॒हतः॑ पा॒जस॑स्परि व॒यं जी॒वाः प्र॑ति प॒श्येम॑ सूर्य ॥
- 10.037.09a य॒स्य ते॑ वि॒श्वा भु॒वनानि॑ के॒तुना॑ प्र चे॒रते॑ नि च वि॒शन्ते॑ अ॒क्तुभिः॑ ।
- 10.037.09c अ॒नागा॑स्त्वेन ह॒रिकेश॑ सू॒र्याह्ना॑ह्ना नो व॒स्यसा॑व॒स्यसो॑दिहि ॥
- 10.037.10a शं नो॑ भव च॒क्षसा॑ शं नो अ॒ह्ना शं॑ भा॒नुना॑ शं हि॒मा शं॑ घृ॒णेन॑ ।
- 10.037.10c यथा॑ श॒मध्व॑ञ्छ॒मस॑द्गुरो॒णे तत्सूर्य॑ द्रवि॒णं धे॑हि चि॒त्रम् ॥
- 10.037.11a अ॒स्माकं॑ दे॒वा उ॒भया॑य जन्म॒ने शर्म॑ यच्छ॒त द्वि॒पदे॑ च॒तुष्प॑दे ।
- 10.037.11c अ॒दत्पि॑ब॒दूर्ज॑य॒मान॒माशि॑तं तद॒स्मे शं॑ यो॒रर॑पो द॒धात॑न ॥
- 10.037.12a यद्वो॑ दे॒वाश्च॑कृ॒म जि॒हया॑ गुरु॒ मन॑सो वा प्र॒युती॑ दे॒वहे॑ळ॒नम् ।
- 10.037.12c अ॒रावा॑ यो नो अ॒भि दु॑च्छु॒नाय॑ते तस्मि॒न्तदे॑नो व॒सवो॑ नि धे॒तन॑ ॥
- 10.038.01a अ॒स्मिन्न॑ इन्द्र पृ॒त्सु॒तौ य॑श॒स्वति॑ शि॒मीव॑ति क्र॒न्दसि॑ प्राव सा॒तये॑ ।
- 10.038.01c यत्र॑ गो॒षाता॑ धृषि॒तेषु॑ खादि॒षु वि॒ष्वक्प॑तन्ति दि॒द्यवो॑ नृषा॒ह्ये ॥
- 10.038.02a स नः॑ क्षु॒मन्तं॑ स॒दने॑ व्यू॒र्णाहि॑ गोअ॒र्णसं॑ र॒यिमि॑न्द्र श्र॒वाय्य॑म् ।
- 10.038.02c स्या॑म ते ज॒यतः॑ श॒क्र मे॒दिनो॑ यथा व॒यमु॑श्मसि तद्व॒सो कृ॑धि ॥
- 10.038.03a यो नो॑ दास आ॒र्यो वा॑ पुरु॒ष्टुता॑दे॒व इन्द्र॑ यु॒धये॑ चि॒केत॑ति ।
- 10.038.03c अ॒स्माभि॑ष्टे सु॒षहाः॑ सन्तु श॒त्रव॑स्त्वया व॒यं तान्व॑नु॒याम॑ सं॒गमे॑ ॥

- 10.038.04a यो द॒भ्रेभि॒र्हव्यो॑ यश्च॒ भूरि॑भिर्यो॒ अभी॑के॒ वरि॑वोवि॒न्नृषा॑ह्ये ।
 10.038.04c तं वि॒खादे॑ स॒स्त्रिम॑द्य श्रु॒तं न॑रम॒र्वाञ्चमि॑न्द्रम॒वसे॑ करामहे ॥
 10.038.05a स्व॒वृजं॑ हि त्वा॒महमि॑न्द्र शु॒श्रवा॑नानु॒दं वृष॑भ र॒ध्रचो॑दनम् ।
 10.038.05c प्र मुञ्च॑स्व परि॒ कुत्सा॑दिहा ग॒हि कि॒मु त्वावा॑न्मु॒ष्कयो॑र्बद्ध आ॒सते॑ ॥

- 10.039.01a यो वां परि॑ज्मा सु॒वृद॑श्चिना रथो॒ दोषा॑मु॒षासो॑ ह॒व्यो ह॑विष्मता ।
 10.039.01c श॒श्वत्त॑मासस्तमु॒ वामि॑दं व॒यं पि॒तुर्न॑ नाम सु॒हवं॑ हवामहे ॥
 10.039.02a चो॒दय॑तं सू॒नृताः॑ पि॒न्वतं॑ धि॒य उ॒त्पु॑रं॒धीरी॑रयतं तदु॒श्मसि॑ ।
 10.039.02c यश॑सं भा॒गं कृ॑णुतं नो अ॒श्विना॑ सोमं न चारुं म॒घव॑त्सु नस्कृतम् ॥
 10.039.03a अ॒माजु॑रश्चि॒द्भव॑थो यु॒वं भ॒गोऽना॑शोश्चि॒दवि॑तारापमस्य चित् ।
 10.039.03c अ॒न्धस्य॑ चि॒न्नास॑त्या कृ॒शस्य॑ चि॒द्युवा॑मिदाहु॒र्भिष॑जा रु॒तस्य॑ चित् ॥
 10.039.04a यु॒वं च्य॑वानं स॒नयं॑ यथा रथं पु॒नर्यु॑वानं च॒रथा॑य तत्तथुः ।
 10.039.04c नि॒ष्टौग्र॑यमू॒हथु॑र॒द्भ्यस्परि॑ विश्वे॒त्ता वां स॑वनेषु प्र॒वाच्या॑ ॥
 10.039.05a पु॒राणा॑ वां वी॒र्या॑ः प्र ब्र॒वा ज॑नेऽथो हा॒सथु॑र्भिषजा म॒योभु॑वा ।
 10.039.05c ता वां नु॑ न॒व्याव॑से करामहेऽयं ना॒सत्या॑ श्र॒दरि॑र्यथा दधत् ॥
 10.039.06a इ॒यं वा॑महे शृ॒णुतं॑ मे अ॒श्विना॑ पु॒त्राये॑व पि॒तरा॑ मह्यं शि॒क्षत॑म् ।
 10.039.06c अ॒नापि॑रज्ञा अ॒सजा॑त्यामतिः पु॒रा त॑स्या अ॒भि॒शस्ते॑रव स्पृ॒तम् ॥
 10.039.07a यु॒वं रथे॑न वि॒मदा॑य शु॒न्ध्यु॑वं न्यू॒हथुः॑ पु॒रुमि॑त्रस्य योषणा॒म् ।

- 10.039.07c यु॒वं ह॒वं व॒ध्नि॒म॒त्या अ॒ग॒च्छ॒तं यु॒वं सु॒षु॒तिं च॒क्रथुः॑ पु॒रं॒ध॒ये ॥
- 10.039.08a यु॒वं वि॒प्र॒स्य॒ ज॒र॒णा॒मु॒पे॒युषः॑ पु॒नः॑ क॒ले॒र॒कृ॒णु॒तं यु॒व॒द्वयः॑ ।
- 10.039.08c यु॒वं व॒न्द॒न॒मृ॒श्य॒दा॒दु॒दू॒पथ्यु॒र्यु॒वं स॒द्यो वि॒श॒प॒ला॒मे॒त॒वे कृ॒थः ॥
- 10.039.09a यु॒वं ह॒ रे॒भं वृ॒ष॒णा गु॒हा हि॒त॒मु॒दै॒र॒य॒तं म॒म॒वांस॑म॒श्वि॒ना ।
- 10.039.09c यु॒व॒मृ॒बी॒स॒मु॒त॒ त॒प्त॒म॒त्र॒य॒ ओ॒म॒न्व॒न्तं च॒क्रथुः॑ स॒प्त॒व॒ध्र॒ये ॥
- 10.039.10a यु॒वं श्वे॒तं पे॒द॒वेऽश्वि॒नाश्वं॑ न॒व॒भि॒व॒जि॒र्न॒व॒ती च॑ वा॒जि॒न॒म् ।
- 10.039.10c च॒कृ॒र्त्यं द॒दथु॑र्दा॒व॒य॒त्स॒खं भ॒गं न॒ नृ॒भ्यो ह॒व्यं म॒यो॒भु॒व॒म् ॥
- 10.039.11a न॒ तं रा॒जा॒ना॒व॒दि॒ते कु॒तश्च॑न॒ नां॒हो अ॒श्नो॒ति॒ दु॒रि॒तं न॒कि॒र्भ॒य॒म् ।
- 10.039.11c य॒म॒श्वि॒ना सु॒ह॒वा रु॒द्र॒व॒र्त॒नी पु॒रो॒रथं॑ कृ॒णु॒थः प॒त्न्या॑ स॒ह ॥
- 10.039.12a आ॒ ते॒न या॒तं म॒न॒सो ज॒वी॒य॒सा रथं॑ यं वा॒मृ॒भ॒व॒श्च॒क्रु॒र॒श्वि॒ना ।
- 10.039.12c य॒स्य॒ यो॒गे दु॒हि॒ता जा॒य॒ते दि॒व उ॒भे अ॒ह॒नी सु॒दि॒ने वि॒व॒स्व॒तः ॥
- 10.039.13a ता॒ व॒र्ति॒र्या॒तं ज॒यु॒षा वि॒ प॒र्व॒त॒म॒पि॒न्व॒तं श॒य॒वे धे॒नु॒म॒श्वि॒ना ।
- 10.039.13c वृ॒क॒स्य॒ चि॒द्व॒र्ति॒का॒म॒न्त॒रा॒स्याद्यु॒वं श॒ची॒भि॒र्ग्री॒सि॒ता॒म॒मु॒ञ्च॒त॒म् ॥
- 10.039.14a ए॒तं वां॑ स्तो॒म॒म॒श्वि॒ना॒व॒क॒र्मा॒त्त॒क्षाम॑ भृ॒ग॒वो न॒ रथ॑म् ।
- 10.039.14c न्य॒मृ॒क्षाम॑ योष॒णां न॒ म॒र्ये॒ नित्यं॑ न॒ सू॒नुं त॒न॒यं द॒धा॒नाः ॥
- 10.040.01a रथं॑ या॒न्तं कु॒ह को॑ ह॒ वां न॒रा प्र॒ति द्यु॒म॒न्तं सु॒वि॒ताय॑ भूष॒ति ।
- 10.040.01c प्रा॒त॒र्या॒वा॒णं वि॒भ्वं वि॒शे॒वि॒शे व॒स्तो॒र्व॒स्तो॒र्व॒ह॒मा॒नं धि॒या श॒मि ॥

- 10.040.02a कुह॑ स्वि॒दोषा॑ कुह॑ वस्तो॑रश्वि॒ना कुहा॑भिपित्वं॒ करतः॑ कुहो॑षतुः ।
- 10.040.02c को॑ वां शयु॑त्रा वि॒धवे॑व दे॒वरं॑ मर्यं॒ न योषा॑ कृणु॒ते सध॑स्थ आ ॥
- 10.040.03a प्रा॒तर्ज॑रथे॒ जर॑गेव॒ काप॑या वस्तो॑र्वस्तो॒र्यज॑ता गच्छ॒थो गृह॑म् ।
- 10.040.03c कस्य॑ ध्व॒स्त्रा भ॑वथः॒ कस्य॑ वा नरा॒ राज॑पुत्रेव॒ सव॑नाव गच्छ॒थः ॥
- 10.040.04a युवां॑ मृ॒गेव॑ वार॒णा मृ॑गण्यवो॒ दोषा॑ वस्तो॑र्हविषा॒ नि ह्या॑महे ।
- 10.040.04c युव॑ं होत्रा॑मृतुथा जुह॒ते नरे॑षं॒ जना॑य व॒हथः॑ शुभ॒स्पती॑ ॥
- 10.040.05a युवां॑ ह॒ घोषा॑ पर्य॒श्विना॑ यती॒ राज्ञ॑ ऊ॒चे दुहि॑ता पृ॒च्छे वां॑ नरा ।
- 10.040.05c भू॒तं मे॑ अ॒ह उ॒त भू॑तम॒क्तवे॑ऽश्वा॒वते॑ रथि॒ने श॑क्तम॒वर्ते॑ ॥
- 10.040.06a यु॒वं क॒वी ष्टः॑ पर्य॒श्विना॑ रथं॒ विशो॑ न कु॒त्सो॑ ज॒रितु॑र्नशा॒यथः॑ ।
- 10.040.06c यु॒वोर्ह॑ म॒त्ता पर्य॑श्वि॒ना मध्वा॑सा॒ भर॑त निष्कृ॒तं न यो॑षणा ॥
- 10.040.07a यु॒वं ह॑ भु॒ज्युं यु॒वम॑श्वि॒ना व॑शं॒ यु॒वं शि॒ञ्जार॑मु॒शना॑मु॒पारथुः॑ ।
- 10.040.07c यु॒वो र॑रा॒वा परि॑ स॒ख्यमा॑सते॒ यु॒वोर॑ह॒मव॑सा सु॒म्रमा॑ च॒के ॥
- 10.040.08a यु॒वं ह॑ कृ॒शं यु॒वम॑श्वि॒ना श॒युं यु॒वं वि॒धन्तं॑ वि॒धवा॑मु॒रुष्य॑थः ।
- 10.040.08c यु॒वं स॒निभ्य॑ स्त॒नय॑न्तम॒श्विना॑प॒ ब्रज॑मूर्णु॒थः स॒प्तास्य॑म् ॥
- 10.040.09a ज॒निष्ट॑ योषा॒ पत॑यत्कनी॒नको॑ वि॒ चारु॑हन्वी॒रुधो॑ दं॒सना॑ अनु ।
- 10.040.09c आ॒स्मै री॑यन्ते॒ निव॑नेव॒ सिन्ध॑वोऽस्मा॒ अह्ने॑ भवति॒ तत्प॑तित्व॒नम् ॥
- 10.040.10a जी॒वं रु॑दन्ति॒ वि म॑यन्ते॒ अध्व॑रे॒ दीर्घा॑मनु॒ प्रसि॑तिं॒ दीधि॑यु॒र्नरः॑ ।
- 10.040.10c वा॒मं पि॑तृ॒भ्यो य॒ इदं॑ स॒मेरि॑रे॒ मयः॑ पति॒भ्यो ज॑नयः॒ परि॑ष्वजे ॥

- 10.040.11a न तस्य विद्म तद् षु प्र वोचत युवा ह यद्युवत्याः क्षेति योनिषु ।
- 10.040.11c प्रियोस्त्रियस्य वृषभस्य रेतिनो गृहं गमेमाश्विना तदुश्मसि ॥
- 10.040.12a आ वामगन्सुमतिर्वाजिनीवसू न्यश्विना हत्सु कामा अयंसत ।
- 10.040.12c अभूतं गोपा मिथुना शुभस्पती प्रिया अर्यम्णो दुर्या अशीमहि ॥
- 10.040.13a ता मन्दसाना मनुषो दुरोण आ धत्तं रयिं सहवीरं वचस्यवे ।
- 10.040.13c कृतं तीर्थं सुप्रपाणं शुभस्पती स्थाणुं पथेष्ठामप दुर्मतिं हतम् ॥
- 10.040.14a क्व स्विदद्य कतमास्वश्विना विक्षु दस्त्रा मादयेते शुभस्पती ।
- 10.040.14c क ई नि येमे कतमस्य जग्मतुर्विप्रस्य वा यजमानस्य वा गृहम् ॥

- 10.041.01a समानमु त्यं पुरुहूतमुक्थ्यं रथं त्रिचक्रं सवना गनिग्मतम् ।
- 10.041.01c परिज्मानं विदथ्यं सुवृक्तिभिर्वयं व्युष्टा उषसो हवामहे ॥
- 10.041.02a प्रातर्युजं नासत्याधि तिष्ठथः प्रातर्यावाणं मधुवाहनं रथम् ।
- 10.041.02c विशो येन गच्छथो यज्वरीर्नरा कीरेश्चिद्यज्ञं होतृमन्तमश्विना ॥
- 10.041.03a अध्वर्युं वा मधुपाणिं सुहस्त्यमग्निधं वा धृतदत्तं दमूनसम् ।
- 10.041.03c विप्रस्य वा यत्सवनानि गच्छथोऽत आ यातं मधुपेयमश्विना ॥

- 10.042.01a अस्तेव सु प्रतरं लायमस्यन्भूषन्निव प्र भरा स्तोममस्मै ।
- 10.042.01c वाचा विप्रास्तरत वाचमर्यो नि रामय जरितः सोम इन्द्रम् ॥

- 10.042.02a दोहे॑न॒ गा॒मुप॑ शि॒क्षा॒ सखा॑यं प्र बो॒धय॑ ज॒रित॑र्ज॒रमिन्द्र॑म् ।
- 10.042.02c को॒शं न॒ पूर्णं॑ वसु॒ना न्यृष्ट॑मा च्याव॒य म॒घदे॑याय शूर॑म् ॥
- 10.042.03a कि॒मङ्ग॑ त्वा म॒घव॑न्मो॒जमा॑हुः शि॒शीहि॑ मा शि॒शयं॑ त्वा शृ॒णोमि॑ ।
- 10.042.03c अ॒प्र॒स्वती॑ म॒म धी॑रस्तु श॒क्र वसु॑विदं भ॒गमिन्द्रा॑ भ॒रा नः॑ ॥
- 10.042.04a त्वां ज॒ना म॑मस॒त्येष्विन्द्र॑ संत॒स्थाना॑ वि ह्व॒यन्ते॑ स॒मीके॑ ।
- 10.042.04c अत्रा॑ यु॒जं कृ॑णुते यो ह॒विष्मा॑न्नासु॒न्वता॑ स॒ख्यं व॑ष्टि शूरः ॥
- 10.042.05a ध॒नं न॒ स्यन्द्रं॑ बहु॒लं यो अ॒स्मै ती॒व्रान्सो॑मां आ॒सुनो॑ति प्र॒यस्वान् ।
- 10.042.05c तस्मै॑ श॒त्रून्सु॑तुका॒न्प्रा॒तरहो॑ नि स्व॒ष्ट्रान्यु॑वति ह॒न्ति वृ॒त्रम् ॥
- 10.042.06a यस्मि॑न्व॒यं द॒धिमा॑ शंस॒मिन्द्रे॑ यः शि॒श्राय॑ म॒घवा॑ काम॒मस्मे॑ ।
- 10.042.06c आ॒रा॒च्चि॒त्सन्भ॑यता॒मस्य॑ श॒त्रुर्न्य॑स्मै द्यु॒म्ना ज॒न्या न॑मन्ताम् ॥
- 10.042.07a आ॒रा॒च्छ॒त्रुम॑प बा॒धस्व॑ दूर॒मुग्रो॑ यः श॒म्बः पु॑रुहू॒त तेन॑ ।
- 10.042.07c अ॒स्मे धे॑हि य॒वम॑द्गो॒मदिन्द्र॑ कृ॒धी धि॑यं ज॒रित्रे॑ वा॒जर॑त्नाम् ॥
- 10.042.08a प्र॒ यम॑न्त॒वृष॑स॒वासो॑ अ॒गम॑न्ती॒व्राः सो॑मा बहु॒लान्ता॑स इन्द्र॑म् ।
- 10.042.08c नाह॑ दा॒मानं॑ म॒घवा॑ नि यंस॒न्नि सु॑न्वते व॒हति॑ भूरि॒ वाम॑म् ॥
- 10.042.09a उ॒त प्र॒हाम॑तिदी॒व्या ज॑याति कृ॒तं यच्छ्व॑घ्नी वि॒चिनो॑ति का॒ले ।
- 10.042.09c यो दे॒वका॑मो न ध॒ना रु॑णद्धि॒ समि॑त्तं रा॒या सृ॑जति स्व॒धावान् ॥
- 10.042.10a गो॒भिष्ट्रे॑मा॒मतिं॑ दु॒रेवां॑ य॒वेन॑ क्षु॒धं पु॑रुहू॒त विश्वा॑म् ।
- 10.042.10c व॒यं रा॑ज॒भिः प्र॑थ॒मा ध॑नान्य॒स्माके॑न वृ॒जने॑ना ज॒येम ॥

- 10.042.11a बृहस्पतिर्नः परि पातु पश्चादुतोत्तरस्मादधरादघायोः ।
- 10.042.11c इन्द्रः पुरस्तादुत मध्यतो नः सखा सखिभ्यो वरिवः कृणोतु ॥
- 10.043.01a अच्छा म इन्द्रं मतयः स्वर्विदः सघ्नीचीर्विश्वा उशतीरनूषत ।
- 10.043.01c परि ष्वजन्ते जनयो यथा पतिं मर्यं न शुन्ध्युं मघवानमूतये ॥
- 10.043.02a न घा त्वद्रिगप वेति मे मनस्त्वे इत्कामं पुरुहूत शिश्रय ।
- 10.043.02c राजेव दस्म नि षदोऽधि बर्हिष्यस्मिन्सु सोमेऽवपानमस्तु ते ॥
- 10.043.03a विष्वृदिन्द्रो अमतेरुत क्षुधः स इद्रायो मघवा वस्व ईशते ।
- 10.043.03c तस्येदिमे प्रवणे सप्त सिन्धवो वयो वर्धन्ति वृषभस्य शुष्मिणः ॥
- 10.043.04a वयो न वृद्धं सुपलाशमासदन्सोमास इन्द्रं मन्दिनश्चमूषदः ।
- 10.043.04c प्रैषामनीकं शवसा दविद्युतद्विदत्स्वश्मनवे ज्योतिरार्यम् ॥
- 10.043.05a कृतं न श्वघ्नी वि चिनोति देवने संवर्गं यन्मघवा सूर्यं जयत् ।
- 10.043.05c न तत्ते अन्यो अनु वीर्यं शकन्न पुराणो मघवन्नोत नूतनः ॥
- 10.043.06a विशंविशं मघवा पर्यशायत जनानां धेना अवचाकशदृषा ।
- 10.043.06c यस्याह शक्रः सवनेषु रणयति स तीव्रैः सोमैः सहते पृतन्यतः ॥
- 10.043.07a आपो न सिन्धुमभि यत्समक्षरन्सोमास इन्द्रं कुल्या इव हृदम् ।
- 10.043.07c वर्धन्ति विप्रा महो अस्य सादने यवं न वृष्टिर्दिव्येन दानुना ॥
- 10.043.08a वृषा न क्रुद्धः पतयद्रजस्स्वा यो अर्यपत्नीरकृणोदिमा अपः ।

- 10.043.08c स सु॒न्व॒ते म॒घवा॑ जी॒रदा॑नवेऽवि॒न्द॒ज्ज्यो॑ति॒र्मन॑वे ह॒विष्म॑ते ॥
- 10.043.09a उ॒ज्जाय॑तां पर॒शुज्यो॑तिषा सह भू॒या ऋ॒तस्य॑ सु॒दुघा॑ पुरा॒णवत् ।
- 10.043.09c वि रो॑चताम॒रुषो॑ भानु॒ना शु॒चिः स्व॑र्णं शु॒क्रं शु॒शुची॑त स॒त्पतिः॑ ॥
- 10.043.10a गो॒भिष्ट॑रे॒मामतिं॑ दु॒रेवां॑ यवे॒न क्षु॑धं पु॒रुहू॑त वि॒श्वाम् ।
- 10.043.10c वयं॑ राज॒भिः प्र॑थ॒मा ध॒नान्य॑स्माके॒न वृ॒जने॑ना जयेम ॥
- 10.043.11a बृ॒हस्प॑ति॒र्नः परि॑ पातु प॒श्चादु॒तोत्तर॑स्मा॒दध॑रा॒दघा॑योः ।
- 10.043.11c इन्द्रः॑ पु॒रस्ता॑दु॒त म॒ध्यतो॑ नः सखा॒ सखि॑भ्यो वरि॒वः कृ॑णोतु ॥
- 10.044.01a आ या॑त्विन्द्रः स्व॒पति॑र्मदाय॒ यो ध॑र्म॒णा तू॒तुजा॑नस्तुविष्मान् ।
- 10.044.01c प्र॒त्वक्षा॑णो अ॒ति वि॒श्वा स॒हांस्य॑पा॒रेण॑ मह॒ता वृ॒ष्णये॑न ॥
- 10.044.02a सु॒ष्ठामा॑ रथः सु॒यमा॑ ह॒री ते मि॒म्यक्ष॑ वज्रो॒ नृप॑ते ग॒भस्तौ॑ ।
- 10.044.02c शी॒भं राज॑न्सु॒पथा॑ या॒ह्यर्वा॑ङ्घ्रि॒वर्धाम॑ ते प॒पुषो॑ वृ॒ष्ण्यानि॑ ॥
- 10.044.03a एन्द्र॑वा॒हो नृ॒पतिं॑ वज्र॒बाहु॑मु॒ग्रमु॒ग्रास॑स्तवि॒षास॑ ए॒नम् ।
- 10.044.03c प्र॒त्वक्ष॑सं वृ॒षभं॑ स॒त्यशु॑ष्ममे॒मस्म॑त्रा स॒धमा॑दो व॒हन्तु॑ ॥
- 10.044.04a ए॒वा प॑तिं द्रो॒णसा॑चं स॒चेत॑समूर्जं स्क्व॒म्भं ध॑रु॒ण आ वृ॑षायसे ।
- 10.044.04c ओ॒जः कृ॑ष्व सं गृ॒भाय॑ त्वे अ॒प्यसो॑ यथा॒ केनि॑पाना॒मिनो॑ वृ॒धे ॥
- 10.044.05a ग॒मन्न॑स्मे वसू॒न्या हि शं॑सि॒षं स्वा॑शि॒षं भ॑र॒मा या॑हि सो॒मिनः॑ ।
- 10.044.05c त्वमी॑शि॒षे सा॑स्मिन्ना स॒त्सि ब॑र्हि॒ष्यना॑धृ॒ष्या तव॑ पा॒त्राणि॑ ध॒र्मणा॑ ॥

- 10.044.06a पृथक्प्रायन्प्रथमा देवहृतयोऽकृणवत श्रवस्यानि दुष्टरा ।
- 10.044.06c न ये शेकुर्याज्ञियां नावमारुहमीमैव ते न्यविशन्त केपयः ॥
- 10.044.07a एवैवापागपरे सन्तु दूढ्योऽश्वा येषां दुर्युज आयुयुजे ।
- 10.044.07c इत्था ये प्रागुपरे सन्ति दावने पुरूणि यत्र वयुनानि भोजना ॥
- 10.044.08a गिरिँरज्रात्रेजमानाँ अधारयद्दयौः क्रन्ददन्तरिक्षाणि कोपयत् ।
- 10.044.08c समीचीने धिषणे वि ष्कभायति वृष्णः पीत्वा मद उक्थानि शंसति ॥
- 10.044.09a इमं बिभर्मि सुकृतं ते अङ्कुशं येनारुजासि मघवञ्छफारुजः ।
- 10.044.09c अस्मिन्सु ते सवने अस्त्वोक्यं सुत इष्टौ मघवन्बोध्याभगः ॥
- 10.044.10a गोभिष्टरेमामतिं दुरेवां यवेन क्षुधं पुरुहूत विश्वाम् ।
- 10.044.10c वयं राजभिः प्रथमा धनान्यस्माकेन वृजनेना जयेम ॥
- 10.044.11a बृहस्पतिर्नः परि पातु पश्चादुतोत्तरस्मादधरादघायोः ।
- 10.044.11c इन्द्रः पुरस्तादुत मध्यतो नः सखा सखिभ्यो वरिवः कृणोतु ॥
- 10.045.01a दिवस्परि प्रथमं जज्ञे अग्निरस्मद्द्विद्वितीयं परि जातवेदाः ।
- 10.045.01c तृतीयमप्सु नृमणा अजस्रमिन्धान एनं जरते स्वाधीः ॥
- 10.045.02a विद्वा ते अग्ने त्रेधा त्रयाणि विद्वा ते धाम विभृता पुरुत्रा ।
- 10.045.02c विद्वा ते नाम परमं गुहा यद्विद्वा तमुत्सं यत आजगन्थ ॥
- 10.045.03a समुद्रे त्वा नृमणा अप्स्वश्न्तर्नृचक्षा ईधे दिवो अग्न ऊधन् ।

- 10.045.03c तृतीये॑ त्वा॒ रज॑सि तस्थि॒वांस॑मपा॒मुप॑स्थे॒ महि॑षा अ॒वर्ध॑न् ॥
- 10.045.04a अ॒क्रन्द॑दग्नि॒ स्तन॑यन्नि॒व द्यौः॑ क्षामा॒ रेरि॑हद्वीरु॒धः स॑मञ्जन् ।
- 10.045.04c सद्यो॑ जज्ञानो॒ वि ही॑मिद्धो अ॒ख्यदा॑ रोद॒सी भानु॑ना॒ भात्य॑न्तः ॥
- 10.045.05a श्री॑णामु॒दारो॑ धरु॒णो रयी॑णां मनी॒षाणां॑ प्रा॒र्षणः॑ सोम॒गोपाः॑ ।
- 10.045.05c वसुः॑ सूनुः॑ सहसो॒ अप्सु॑ राजा॒ वि भा॒त्यग्र॑ उषसा॒मिधानः॑ ॥
- 10.045.06a विश्व॑स्य के॒तुर्भु॑वनस्य॒ गर्भ॑ आ रोद॒सी अपृ॑णाज्जायमानः ।
- 10.045.06c वीळुं॑ चिद॒द्रिम॑भिनत्पराय॒ञ्जना॑ यदग्नि॒मय॑जन्त पञ्च ॥
- 10.045.07a उशि॑क्पावको अ॒रतिः॑ सुमे॒धा मर्ते॑ष्वग्नि॒रमृ॑तो नि धायि ।
- 10.045.07c इय॑र्ति धू॒मम॑रुषं॒ भरि॑भ्रदुच्छु॒क्रेण॑ शोचिषा॒ द्यामि॑नक्षन् ॥
- 10.045.08a दृशानो॑ रु॒क्म उ॒र्विया॑ व्यद्यौ॒द्दुर्म॑र्षमायुः श्रिये॒ रुचानः॑ ।
- 10.045.08c अ॒ग्नि॒रमृ॑तो अ॒भव॑द्वयो॒भिय॑दे॒नं द्यौर्ज॑नयत्सुरे॒ताः ॥
- 10.045.09a यस्ते॑ अद्य॒ कृण॑वद्भद्रशो॒चेऽपू॑पं दे॒व घृ॑तवन्तमग्ने ।
- 10.045.09c प्र तं॑ नय॒ प्रतरं॑ वस्यो॒ अच्चा॑भि सु॒म्रं दे॒वभ॑क्तं यविष्ठ ॥
- 10.045.10a आ तं॑ भज॒ सौश्र॑वसेष्व॒ग्न उ॒क्थौ॑क्थ आ॒ भज॑ शस्यमाने ।
- 10.045.10c प्रि॒यः सू॒र्ये प्रि॒यो अ॒ग्ना भ॑वात्यु॒ज्जाते॑न॒ भिन॑ददु॒ज्जनित्वैः॑ ॥
- 10.045.11a त्वाम॑ग्ने यजमाना॒ अनु॑ द्यून्विश्वा॒ वसु॑ दधिरे॒ वार्या॑णि ।
- 10.045.11c त्वया॑ सह॒ द्रवि॑णमिच्छ॒माना॑ व्रजं॒ गोम॑न्तमु॒शिजो॑ वि व॒ब्रुः ॥
- 10.045.12a अस्ता॑व्यग्नि॒र्नरां॑ सुशे॒वो वैश्वान॑र ऋषि॒भिः सोम॑गोपाः ।

10.045.12c अ॒द्वेषे॑ द्या॒वापृ॑थि॒वी हु॒वेम॑ दे॒वा ध॒त्त र॒यिम॑स्मे सु॒वीर॑म् ॥

10.046.01a प्र॒ होता॑ जा॒तो म॒हान्न॑भो॒विन्नृ॑ष॒द्वा सी॒दद॑पामुप॒स्थे ।

10.046.01c द॒धिर्यो॑ धायि॒ स ते॒ वयांसि॑ य॒न्ता व॒सूनि॑ वि॒धते॑ त॒नूपाः॑ ॥

10.046.02a इ॒मं वि॒धन्तो॑ अ॒पां स॒धस्थे॑ प॒शुं न॒ नष्टं॑ प॒दैर॑नु॒ ग्मन् ।

10.046.02c गु॒हा च॑त॒न्तमु॑शि॒जो न॒मोभि॑रि॒च्छन्तो॑ धी॒रा भृ॑गवोऽवि॒न्दन् ॥

10.046.03a इ॒मं त्रि॒तो भूर्य॑वि॒न्ददि॒च्छन्वै॑भू॒वसो॑ मूर्ध॒न्यघ्न्या॑याः ।

10.046.03c स शे॒वृधो॑ जा॒त आ॒ हर्म्ये॑षु॒ नाभिर्यु॑वा॒ भवति॑ रो॒चन॑स्य ॥

10.046.04a म॒न्द्रं हो॑तार॒मुशि॑जो॒ नमो॑भिः प्रा॒ञ्च य॒ज्ञं ने॒तार॑म॒ध्वरा॑णाम् ।

10.046.04c वि॒शाम॑कृ॒णव॑न्नरतिं॒ पाव॑कं॒ हव्य॑वाहं॒ दध॑तो॒ मानु॑षेषु ॥

10.046.05a प्र॒ भूर्ज॑यन्तं॒ महं॑ वि॒पोधां॑ मू॒रा अ॒मूरं॑ पु॒रां द॒र्मा॑णम् ।

10.046.05c न॒यन्तो॑ गर्भं॒ वनां॑ धि॒यं धु॒हिरि॑श्मश्रुं॒ नावा॑णं॒ धन॑र्चम् ॥

10.046.06a नि॒ प॒स्त्या॑सु॒ त्रित॑ स्त॒भूय॑न्परि॒वीतो॑ यो॒नौ सी॒दद॑न्तः ।

10.046.06c अ॒तः सं॒गृभ्या॑ वि॒शां द॒मूना॑ वि॒धर्म॑णाय॒न्नैरी॑यते॒ नृन् ॥

10.046.07a अ॒स्याज॑रा॒सो द॒माम॑रि॒त्रा अ॒र्चद्धू॑मा॒सो अ॒ग्नयः॑ पा॒वकाः॑ ।

10.046.07c श्वि॒तीच॑यः॒ श्वात्रा॑सो॒ भुर॑ण्यवो॒ वन॑र्षदो॒ वाय॑वो॒ न सो॑माः ॥

10.046.08a प्र॒ जि॒ह्या भ॑रते॒ वेपो॑ अ॒ग्निः प्र॒ व॒युना॑नि॒ चेत॑सा॒ पृथि॑व्याः ।

10.046.08c त॒माय॑वः॒ शुच॑यन्तं॒ पाव॑कं॒ मन्द्रं॑ हो॒तारं॑ द॒धिरे॑ य॒जिष्ठ॑म् ॥

- 10.046.09a द्यावा॑ यम॒ग्निं पृ॒थि॒वी॑ ज॒नि॒ष्ठा॒मा॒प॒स्त्व॒ष्टा॑ भृ॒ग॒वो॑ यं स॒हो॒भिः॑ ।
- 10.046.09c ई॒ळे॒न्यं॑ प्रथ॒मं मा॒तरि॑श्वा दे॒वास्त॑तत्तु॒र्म॒न॒वे॑ यज॒त्रम् ॥
- 10.046.10a यं त्वा॑ दे॒वा द॒धिरे॑ ह॒व्य॒वाहं॑ पु॒रु॒स्पृ॒हो॑ मा॒नु॒षा॒सो॑ यज॒त्रम् ।
- 10.046.10c स॒ याम॑न्न॒ग्ने॒ स्तु॒वते॑ वयो॑ धाः प्र दे॒व॒य॒न्य॒श॒सः॑ सं हि॒ पूर्वीः॑ ॥

- 10.047.01a ज॒गृ॒भ्मा॒ ते द॒क्षि॑ण॒मिन्द्र॑ ह॒स्तं॑ व॒सू॒य॒वो॑ व॒सु॒प॒ते॑ व॒सू॒नाम् ।
- 10.047.01c वि॒द्वा हि॒ त्वा गो॑पतिं शूर॒ गो॒ना॒म॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.02a स्वा॒यु॒धं स्व॑वसं सु॒नी॒थं च॒तुः॑स॒मु॒द्रं ध॒रु॒णं र॒यी॒णाम् ।
- 10.047.02c च॒र्कृ॒त्यं शं॑स्यं भूरि॒वार॑म॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.03a सु॒ब्र॒ह्मा॒णं दे॒व॒न्तं॑ बृ॒ह॒न्त॑मु॒रुं ग॒भी॒रं पृ॒थु॑बु॒ध॒मिन्द्र॑ ।
- 10.047.03c श्रु॒त॒ऋ॒षि॒मु॒ग्र॒म॒भि॒मा॒ति॒षा॒ह॒म॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.04a स॒न॒द्वा॒जं वि॒प्र॒वी॒रं त॑रु॒त्रं ध॒न॒स्पृ॒तं शू॒शु॒वांसं॑ सु॒द॒क्ष॒म् ।
- 10.047.04c द॒स्यु॒ह॒नं पू॒र्भि॑द॒मिन्द्र॑ स॒त्य॒म॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.05a अ॒श्वा॒व॒न्तं र॑थि॒नं वी॒र॒व॒न्तं स॒ह॒स्रि॑णं श॒ति॒नं वा॒ज॒मिन्द्र॑ ।
- 10.047.05c भ॒द्र॒व्रा॒तं वि॒प्र॒वी॒रं स्व॑र्षा॒म॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.06a प्र स॒प्त॒गु॒मृ॒त॒धी॑तिं सु॒मे॒धां बृ॒ह॒स्प॒तिं म॒ति॒र॒च्छा॑ जिगाति ।
- 10.047.06c य आ॒ङ्गि॒र॒सो न॑म॒सो॒प॒स॒द्योऽ॒स्म॒भ्यं॑ चि॒त्रं वृ॑ष॒णं र॒यिं दाः॑ ॥
- 10.047.07a व॒नी॒वा॒नो म॑म॒ दू॒ता॒स इन्द्रं॑ स्तो॒मा॑श्चरन्ति सु॒म॒ती॒रि॒या॒नाः ।

- 10.047.07c हृ॒दि॒स्पृ॒शो॑ म॒नसा॑ व॒च्यमा॑ना अ॒स्मभ्यं॑ चि॒त्रं वृ॑ष॒णं र॒यिं दाः॑ ॥
- 10.047.08a यत्त्वा॑ या॒मि द॒द्धि॑ तन्न॒ इन्द्र॑ बृ॒हन्तं॑ क्ष॒यम॑स॒मं ज॒नाना॑म् ।
- 10.047.08c अ॒भि तद्द्या॑वापृ॒थिवी॑ गृणी॒ताम॑स्मभ्यं॑ चि॒त्रं वृ॑ष॒णं र॒यिं दाः॑ ॥
- 10.048.01a अ॒हं भु॒वं व॒सुनः॑ पू॒र्व्यस्प॑तिर॒हं ध॒नानि॑ सं ज॒यामि॑ श॒श्वतः॑ ।
- 10.048.01c मां ह॒वन्ते॑ पि॒तरं॑ न ज॒न्तवोऽहं॑ दा॒शुषे॑ वि भ॒जामि॑ भो॒जनम् ॥
- 10.048.02a अ॒हमिन्द्रो॑ रो॒धो व॒क्षो अ॒थर्व॑णस्त्रि॒ताय॑ गा अ॒जन॑यमहे॒रधि॑ ।
- 10.048.02c अ॒हं द॒स्युभ्यः॑ परि॒ नृ॒म्णामा॑ ददे गो॒त्रा शि॒क्षन्द्धी॑चे मा॒तरि॑श्व॒ने ॥
- 10.048.03a म॒ह्यं त्वष्टा॑ व॒ज्रम॑त॒क्षदा॑यसं म॒यि दे॒वासोऽवृ॑जन्नपि॒ क्रतु॑म् ।
- 10.048.03c म॒मानी॑कं सूर्य॒स्येव॑ दु॒ष्ट्रं मा॒मार्य॑न्ति कृ॒तेन॑ क॒र्त्वेन॑ च ॥
- 10.048.04a अ॒हमे॑तं ग॒व्यय॑मश्व्यं॒ पशुं॑ पु॒रीषि॑णं सा॒यके॑ना हि॒रण्य॑यम् ।
- 10.048.04c पू॒रू स॒हस्रा॑ नि शि॒शामि॑ दा॒शुषे॑ यन्मा सो॒मास॑ उ॒क्थि॒नो अ॒मन्दि॑षुः ॥
- 10.048.05a अ॒हमिन्द्रो॑ न परा॒ जिग्य॑ इ॒द्धनं॑ न मृ॒त्यवेऽव॑ तस्थे कदा॒ चन॑ ।
- 10.048.05c सो॒ममि॑न्मा सु॒न्वन्तो॑ या॒चता॑ व॒सु न मे॑ पू॒रवः॑ स॒ख्ये रि॑षाथन ॥
- 10.048.06a अ॒हमे॑ताञ्छाश्व॒सतो॑ द्वा॒द्वेन्द्रं॑ ये व॒ज्रं यु॒धयेऽकृ॑णवत ।
- 10.048.06c आ॒ह्वय॑मानाँ॒ अव॑ ह॒न्मना॑ह॒नं दृ॒ळ्हा व॑दन्न॒नम॑स्यु॒र्नम॑स्वि॒नः ॥
- 10.048.07a अ॒भी॒श्र॒मेक॑मेको॒ अस्मि॑ नि॒ष्पा॒ळभी॑ द्वा कि॒मु त्र॑यः कर॒न्ति॑ ।
- 10.048.07c ख॒ले न॑ पर्षा॒न्प्रति॑ ह॒न्मि॑ भू॒रि किं॑ मा नि॒न्दन्ति॑ श॒त्रवोऽनि॑न्द्राः ॥

- 10.048.08a अ॒हं गु॒ङ्गु॒भ्यो अ॒तिथि॑ग्वमिष्करमिषं न वृ॒त्रतु॑रं वि॒क्षु धा॑रयम् ।
- 10.048.08c यत्प॑र्णय॒घ्न उ॒त वा॑ कर॒ञ्जहे॑ प्रा॒हं म॒हे वृ॒त्रह॑त्ये अ॒शुश्र॑वि ॥
- 10.048.09a प्र॒ मे न॑मी सा॒प्य इ॒षे भु॒जे भू॒द्रवा॑मेषे॒ सख्या॑ कृ॒णुत॑ द्वि॒ता ।
- 10.048.09c दि॒द्युं य॒दस्य॑ स॒मिथे॑षु म॒हय॑मादिदे॒नं शंस्य॑मुक्थ्यं॒ कर॑म् ॥
- 10.048.10a प्र॒ नेम॑स्मिन्दृ॒शे सो॒मो अ॒न्तर्गो॑पा॒ नेम॑मा॒विर॑स्था कृ॒णोति॑ ।
- 10.048.10c स ति॒ग्मशृ॑ङ्गं वृष॒भं यु॒युत्स॑न्द्रु॒हस्त॑स्थौ बहु॒ले ब॒द्धो अ॒न्तः ॥
- 10.048.11a आ॒दि॒त्यानां॑ व॒सूनां॑ रु॒द्रिया॑णां दे॒वो दे॒वानां॑ न मि॒नामि॑ धाम ।
- 10.048.11c ते मा॑ भ॒द्राय॑ श॒वसे॑ त॒तक्षु॑रपराजितमस्तृ॒तम॑षाळ्हम् ॥
- 10.049.01a अ॒हं दां॑ गृ॒णते॑ पू॒र्व्यं व॒स्वहं॑ ब्र॒ह्म कृ॑णवं॒ मह्यं॑ वर्ध॒नम् ।
- 10.049.01c अ॒हं भु॒वं य॒जमा॑नस्य चोदि॒ताय॑ज्वनः सा॒क्षि विश्व॑स्मिन्भरे ॥
- 10.049.02a मां धु॒रिन्द्रं॑ नाम दे॒वता॑ दि॒वश्च॑ ग॒मश्चा॑पां च ज॒न्तवः॑ ।
- 10.049.02c अ॒हं ह॒री वृ॑षणा वि॒व्रता॑ र॒घू अ॒हं व॒ज्रं श॒वसे॑ धृ॒ष्णवा॑ ददे ॥
- 10.049.03a अ॒हम॑त्कं॒ कव॑ये शि॒श्रथं॑ ह॒थैर॑हं कु॒त्समा॑वमाभि॒रूति॑भिः ।
- 10.049.03c अ॒हं शु॒ष्णा॑स्य श्रथि॒ता व॒धर्य॑मं न यो र॒र आ॒र्यं नाम॑ दस्यवे ॥
- 10.049.04a अ॒हं पि॒तेव॑ वे॒तसू॑रभिष्टये॒ तुग्रं॑ कु॒त्साय॑ स्मदि॒भं च॑ रन्ध॒यम् ।
- 10.049.04c अ॒हं भु॒वं य॒जमा॑नस्य रा॒जनि॑ प्र॒ यद्भ॑रे॒ तुज॑ये न प्रि॒याधृ॑षे ॥
- 10.049.05a अ॒हं र॒न्धयं॑ मृ॒गायं॑ श्रु॒तव॑र्णे॒ यन्मा॑जिही॒त व॒युना॑ च॒नानु॑षक् ।

- 10.049.05c अ॒हं॒ वे॒शं॒ न॒म्र॒मा॒य॒वेऽ॒क॒र॒म॒हं॒ स॒व्या॒य॒ प॒ङ्गु॒भि॒म॒र॒न्ध॒य॒म् ॥
- 10.049.06a अ॒हं॒ स॒ यो॒ न॒व॒वा॒स्त्वं॒ बृ॒ह॒द्र॒थं॒ सं॒ वृ॒त्रे॒व॒ दा॒सं॒ वृ॒त्र॒हा॒रु॒ज॒म् ।
- 10.049.06c य॒द्व॒र्ध॒य॒न्तं॒ प्र॒थ॒य॒न्त॒मा॒नु॒ष॒ग॒दू॒रे॒ पा॒रे॒ र॒ज॒सो॒ रो॒च॒ना॒क॒र॒म् ॥
- 10.049.07a अ॒हं॒ सूर्य॑स्य॒ परि॑ या॒म्या॒शु॒भिः॒ प्रै॒त॒शे॒भि॒र्व॒ह॒मा॒न॒ ओ॒ज॒सा॒ ।
- 10.049.07c य॒न्मा॒ सा॒वो॒ म॒नु॒ष॒ आ॒ह॒ नि॒र्णि॒ज॒ ऋ॒ध॒क्कृ॒षे॒ दा॒सं॒ कृ॒त्व्यं॒ ह॒थैः॑ ॥
- 10.049.08a अ॒हं॒ स॒प्त॒हा॒ न॒हु॒षो॒ न॒हु॒ष्ट॒रः॒ प्रा॒श्रा॒व॒यं॒ श॒व॒सा॒ तु॒र्व॒शं॒ य॒दु॒म् ।
- 10.049.08c अ॒हं॒ न्य॑श्न्यं॒ सह॒सा॒ सह॒स्करं॒ न॒व॒ ब्रा॒ध॒तो॒ न॒व॒तिं॒ च॒ व॒क्ष॒य॒म् ॥
- 10.049.09a अ॒हं॒ स॒प्त॒ स्र॒व॒तो॒ धा॒र॒यं॒ वृ॒षा॒ द्र॒वि॒त्न॒वः॒ पृ॒थि॒व्यां॒ सी॒रा॒ अ॒धि॒ ।
- 10.049.09c अ॒ह॒म॒र्णा॑सि॒ वि॒ ति॒रामि॑ सु॒क्र॒तु॒र्यु॒धा॒ वि॒दं॒ म॒न॒वे॒ गा॒तु॒मि॒ष्ट॒ये ॥
- 10.049.10a अ॒हं॒ तदा॑सु॒ धा॒र॒यं॒ यदा॑सु॒ न॒ दे॒व॒श्च॒न॒ त्व॒ष्टा॒धा॒र॒य॒द्रु॒श॒त् ।
- 10.049.10c स्पा॒र्हं॒ ग॒वा॒मू॒ध॒स्सु॒ व॒क्ष॒णा॒स्वा॒ म॒धो॒र्म॒धु॒ श्वा॒त्र्यं॒ सो॒म॒मा॒शि॒र॒म् ॥
- 10.049.11a ए॒वा॒ दे॒वाँ॑ इ॒न्द्रो॒ वि॒व्ये॒ नृ॒न्प्र॒ च्यौ॒त्ने॒न॒ म॒घ॒वा॒ स॒त्य॒रा॒धाः॑ ।
- 10.049.11c वि॒श्वे॒त्ता॒ ते॑ ह॒रि॒वः॒ श॒ची॒वोऽ॒भि॒ तु॒रा॒सः॒ स्व॒य॒शो॒ गृ॒ण॒न्ति ॥

- 10.050.01a प्र॒ वो॒ म॒हे॒ म॒न्द॒मा॒ना॒या॒न्ध॒सोऽ॒र्चा॑ वि॒श्वान॑राय॒ विश्वा॑भुवे ।
- 10.050.01c इ॒न्द्र॒स्य॒ य॒स्य॒ सु॒म॒खं॒ स॒हो॒ म॒हि॒ श्र॒वो॒ नृ॒म्णां॒ च॒ रो॒द॒सी॒ स॒पर्य॑तः ॥
- 10.050.02a सो॒ चि॒न्नु॒ स॒ख्या॒ न॒र्य॑ इ॒न॒ स्तु॒त॒श्च॒र्कृ॒त्य॒ इ॒न्द्रो॒ मा॒व॒ते॒ न॒रे॑ ।
- 10.050.02c वि॒श्वा॒सु॒ धूर्षु॑ वा॒ज॒कृ॒त्ये॒षु॒ स॒त्प॒ते॒ वृ॒त्रे॒ वा॒प्स्व॑श्भि॒ शूर॑ म॒न्द॒से ॥

- 10.050.03a के ते नर इन्द्र ये त इषे ये ते सुम्रं सधन्यश्मियत्नान् ।
- 10.050.03c के ते वाजायासुर्याय हिन्विरे के अप्सु स्वासूर्वरासु पौंस्ये ॥
- 10.050.04a भुवस्त्वमिन्द्र ब्रह्मणा महान्भुवो विश्वेषु सवनेषु यज्ञियः ।
- 10.050.04c भुवो नृश्च्यौलो विश्वस्मिन्भरे ज्येष्ठश्च मन्त्रो विश्वचर्षणे ॥
- 10.050.05a अवा नु कं ज्यायान्यज्ञवनसो महीं त ओमात्रां कृष्टयो विदुः ।
- 10.050.05c असो नु कमजरो वर्धाश्च विश्वेदेता सवना तूतुमा कृषे ॥
- 10.050.06a एता विश्वा सवना तूतुमा कृषे स्वयं सूनो सहसो यानि दधिषे ।
- 10.050.06c वराय ते पात्रं धर्मणे तना यज्ञो मन्त्रो ब्रह्मोद्यतं वचः ॥
- 10.050.07a ये ते विप्र ब्रह्मकृतः सुते सचा वसूनां च वसुनश्च दावने ।
- 10.050.07c प्र ते सुम्रस्य मनसा पथा भुवन्मदे सुतस्य सोम्यस्यान्धसः ॥

- 10.051.01a महत्तदुल्बं स्थविरं तदासीद्येनाविष्टितः प्रविवेशिथापः ।
- 10.051.01c विश्वा अपश्यद्बहुधा ते अग्ने जातवेदस्तन्वो देव एकः ॥
- 10.051.02a को मा ददर्श कतमः स देवो यो मे तन्वो बहुधा पर्यपश्यत् ।
- 10.051.02c क्वाह मित्रावरुणा क्षियन्त्यग्नेर्विश्वाः समिधो देवयानीः ॥
- 10.051.03a ऐच्छाम त्वा बहुधा जातवेदः प्रविष्टमग्ने अप्सवोषधीषु ।
- 10.051.03c तं त्वा यमो अचिकेच्चित्रभानो दशान्तरुष्यादतिरोचमानम् ॥
- 10.051.04a होत्रादहं वरुण बिभ्यदायं नेदेव मा युनजन्नत्र देवाः ।

- 10.051.04c तस्य॑ मे॒ तन्वो॑ बहु॒धा नि॒विष्टा॑ ए॒तम॒र्थं न चि॒केता॑ह॒मग्निः॑ ॥
- 10.051.05a एहि॑ मनु॒र्दे॒वयु॒र्यज्ञ॑कामोऽरं॒कृत्या॑ तमसि॒ क्षेप्य॑ग्ने ।
- 10.051.05c सु॒गान्पथः॑ कृ॒णुहि॑ दे॒वयाना॑न्वह॒ हव्या॑नि सु॒मन॑स्य॒मानः॑ ॥
- 10.051.06a अग्नेः॑ पूर्वे॒ भ्रात॑रो अ॒र्थमे॒तं रथी॑वाध्वानमन्वावरीवुः ।
- 10.051.06c तस्मा॑द्भिया॒ वरु॑ण दूर॒मायं॑ गौरो न क्षे॒प्नोर॑विजे॒ ज्यायाः॑ ॥
- 10.051.07a कु॒र्मस्त॑ आ॒युर॒जरं॑ यदग्ने॒ यथा॑ यु॒क्तो जा॑तवेदो न रि॒ष्याः ।
- 10.051.07c अथा॑ वहासि सु॒मन॑स्य॒मानो भा॒गं दे॒वेभ्यो॑ ह॒विषः॑ सुजात ॥
- 10.051.08a प्रया॑जान्मे॒ अनु॒याजाँश्च॑ के॒वलानूर्ज॑स्वन्तं ह॒विषो॑ दत्त॒ भाग॑म् ।
- 10.051.08c घृ॒तं चापां॑ पुरु॒षं चौष॑धीनामग्नेश्च दी॒र्घमा॑युरस्तु दे॒वाः ॥
- 10.051.09a तव॑ प्रयाजा अनु॒याजाश्च॑ के॒वल ऊ॒र्जस्व॑न्तो ह॒विषः॑ सन्तु॒ भागाः॑ ।
- 10.051.09c तवाग्ने॑ यज्ञोऽय॒मस्तु॑ सर्व॒स्तुभ्यं॑ नमन्तां॒ प्रदि॑शश्चतस्रः ॥
- 10.052.01a विश्वे॑ दे॒वाः शा॒स्तन॑ मा॒ यथे॒ह होता॑ वृ॒तो म॒नवै॑ यन्निषद्य ।
- 10.052.01c प्र मे॑ ब्रू॒त भा॒गधे॒यं यथा॑ वो॒ येन॑ पथा॒ हव्य॑मा वो॒ वहानि॑ ॥
- 10.052.02a अ॒हं होता॑ न्यसीदं॒ यजी॑यान्विश्वे॒ देवा॑ मरुतो॒ मा जु॑नन्ति ।
- 10.052.02c अ॒हर॒हर॑श्चिनाध्वर्यवं वां ब्रह्मा॒ समि॑द्भवति साहुतिर्वाम् ॥
- 10.052.03a अ॒यं यो होता॑ किरु॒ स य॒मस्य॑ क॒मप्यू॑हे॒ यत्स॑म॒ञ्जन्ति॑ दे॒वाः ।
- 10.052.03c अ॒हर॒हर्जा॑यते॒ मासि॑मास्यथा॒ देवा॑ दधिरे॒ हव्य॑वाहम् ॥

- 10.052.04a मां दे॒वा दधि॑रे ह॒व्यवा॒हम॒प॒म्लु॒क्तं बहु॑ कृ॒च्छा च॒रन्त॑म् ।
- 10.052.04c अ॒ग्निर्वि॒द्वान्य॒ज्ञं नः॑ क॒ल्पया॑ति प॒ञ्चया॑मं त्रि॒वृतं॑ स॒प्तत॑न्तुम् ॥
- 10.052.05a आ वो॑ य॒क्ष्यमृ॑त॒त्वं सु॒वीरं॑ यथा॒ वो दे॒वा वरि॑वः करा॒णि ।
- 10.052.05c आ बा॒होर्व॑ज्रमिन्द्र॒स्य धे॒याम॑थे॒मा वि॒श्वाः पृ॒तना॑ जयाति ॥
- 10.052.06a त्रीणि॑ श॒ता त्री॑ स॒हस्रा॑ण्यग्निं त्रिंश॒च्च दे॒वा नव॑ चास॒पर्य॑न् ।
- 10.052.06c औ॒क्षन्धृ॑तैरस्तृ॒णन्ब॑र्हि॒रस्मा॑ आदि॒द्धो॒तारं॑ न्यसा॒दय॑न्त ॥
- 10.053.01a यमै॑च्छाम॒ मनसा॑ सो॒ऽयमा॑गाद्य॒ज्ञस्य॑ वि॒द्वान्प॒रुष॑श्चि॒कित्वा॑न् ।
- 10.053.01c स नो॑ य॒क्षद्दे॒वता॑ता॒ यजी॑यान्नि हि ष॒त्सद॑न्तरः॒ पूर्वा॑ अ॒स्मत् ॥
- 10.053.02a अ॒राधि॑ होता॒ निष॑दा॒ यजी॑यानभि॒ प्रयांसि॑ सु॒धितानि॑ हि ख्य॒त् ।
- 10.053.02c य॒जाम॑है॒ यज्ञि॑यान्हन्त॒ देवाँ॑ ई॒ळाम॑हा॒ ईड्याँ॑ आ॒ज्येन॑ ॥
- 10.053.03a सा॒ध्वीम॑क॒र्दे॒ववी॑तिं नो अ॒द्य य॒ज्ञस्य॑ जि॒ह्वाम॑वि॒दाम॑ गु॒ह्याम् ।
- 10.053.03c स आ॒युरा॑गात्सुरभि॒र्वसानो॑ भ॒द्राम॑क॒र्दे॒वहृ॑तिं नो अ॒द्य ॥
- 10.053.04a तद॑द्य वा॒चः प्र॑थमं॒ मसी॑य॒ येना॑सुराँ॒ अभि॑ दे॒वा अ॒साम॑ ।
- 10.053.04c ऊ॒र्जाद् उ॒त य॑ज्ञि॒यासः॑ प॒ञ्च ज॒ना म॒म हो॒त्रं जु॑षध्वम् ॥
- 10.053.05a प॒ञ्च ज॒ना म॒म हो॒त्रं जु॑षन्तां॒ गोजा॑ता॒ उत॑ ये॒ यज्ञि॑यासः ।
- 10.053.05c पृ॒थि॒वी नः॑ पा॒र्थि॒वात्पा॑त्वंह॒सोऽन्त॑रि॒क्षं दि॒व्यात्पा॑त्व॒स्मान् ॥
- 10.053.06a तन्तुं॑ त॒न्वन्न॑जसो॒ भानु॑मन्वि॒हि ज्यो॑तिष्म॒तः प॒थो र॑क्ष॒ धिया॑ कृ॒तान् ।

- 10.053.06c अनु॒ल्ब॒णं॑ व॒यत॑ जो॒गुवा॒मपो॑ म॒नु॒र्भव॑ ज॒नया॒ दै॒व्यं॑ ज॒नम् ॥
- 10.053.07a अ॒क्षान॑हो न॒ह्यत॑नोत सो॒म्या इ॒ष्कृ॒णु॒ध्वं॑ र॒शना॑ ओ॒त पि॑शत ।
- 10.053.07c अ॒ष्टाव॑न्धु॒रं व॒हता॑भि॒तो रथं॑ ये॒न दे॒वासो॑ अ॒नय॑न्नभि॒ प्रिय॑म् ॥
- 10.053.08a अ॒शम॑न्वती री॒यते॑ सं र॒भध्व॑मु॒त्तिष्ठ॑त प्र॒ तर॑ता स॒खायः॑ ।
- 10.053.08c अ॒त्रा ज॒हाम॑ ये अ॒सन्न॑शे॒वाः शि॒वान्व॑यमु॒त्तरे॑माभि॒ वाजा॑न् ॥
- 10.053.09a त्व॒ष्टा मा॒या वे॒दप॑साम॒पस्त॑मो बि॒भ्रत्पा॑त्रा दे॒वपा॑नानि श॒न्तमा॑ ।
- 10.053.09c शि॒शीते॑ नू॒नं पर॑शुं॒ स्वाय॑सं॒ येन॑ वृ॒श्वादे॑तशो ब्र॒ह्मण॑स्पतिः ॥
- 10.053.10a स॒तो नू॑नं॒ कव॑यः सं शि॒शीत॑ वा॒शीभि॑र्या॒भिर॑मृ॒ताय॑ त॒क्षथ॑ ।
- 10.053.10c वि॒द्वांसः॑ प॒दा गु॒ह्यानि॑ क॒र्तन॑ ये॒न दे॒वासो॑ अ॒मृत॑त्व॒मान॑शुः ॥
- 10.053.11a गर्भे॑ योषाम॒दधु॑र्व॒त्समा॑स॒न्यपी॑च्ये॒न मन॑सो॒त जि॒ह्वाया॑ ।
- 10.053.11c स वि॒श्वाहा॑ सु॒मना॑ यो॒ग्या अ॒भि सि॑षा॒सनि॑र्व॒नते॑ का॒र इ॒ज्जि॑तिम् ॥

- 10.054.01a तां सु॑ ते की॒र्तिं म॒घव॑न्महि॒त्वा य॒त्त्वा भी॑ते रो॒दसी॑ अ॒ह्वये॑ताम् ।
- 10.054.01c प्रा॒वो दे॒वाँ आ॒तिरो॑ दा॒समो॑जः प्र॒जायै॑ त्व॒स्यै य॑द॒शि॒क्ष इ॒न्द्र ॥
- 10.054.02a य॒द॒चर॑स्त॒न्वा वा॒वृ॒धानो॑ ब॒लानी॑न्द्र प्र॒ब्रु॒वाणो॑ ज॒नेषु॑ ।
- 10.054.02c मा॒येत्सा॑ ते या॒नि यु॒द्धान्या॑हु॒र्नाद्य॑ श॒त्रुं न॒नु पु॒रा वि॒वित्से॑ ॥
- 10.054.03a क उ॒ नु ते॑ म॒हि॒मनः॑ स॒मस्या॑स्मत्पूर्व॒ ऋ॒षयो॑ऽन्त॒मापुः॑ ।
- 10.054.03c य॒न्मा॑तरं॒ च पि॑तरं॒ च सा॑क॒मज॑नयथास्त॒न्वशः॑ स्वा॒याः ॥

- 10.054.04a च॒त्वारि॑ ते॒ असु॒र्याणि॑ नामादाभ्यानि महिषस्य सन्ति ।
- 10.054.04c त्वमङ्ग॑ तानि विश्वानि वित्से येभिः कर्माणि मघवञ्चकथं ॥
- 10.054.05a त्वं विश्वा॑ दधिषे केवलानि यान्याविर्या च गुहा वसूनि ।
- 10.054.05c काममिन्मे॑ मघवन्मा वि तारीस्त्वमाज्ञाता त्वमिन्द्रासि दाता ॥
- 10.054.06a यो अ॒द॒धाज्ज्यो॑तिषि ज्योतिरन्तर्यो असृजन्मधुना सं मधूनि ।
- 10.054.06c अध॑ प्रियं शूषमिन्द्राय मन्म ब्रह्मकृतो बृहदुक्थादवाचि ॥

- 10.055.01a दूरे॑ तन्नाम गुह्यं पराचैर्यत्त्वा भीते अह्वयेतां वयोधै ।
- 10.055.01c उदस्तन्नाः॑ पृथिवीं द्यामभीके भ्रातुः पुत्रान्मघवन्तित्विषाणः ॥
- 10.055.02a महत्तन्नाम॑ गुह्यं पुरुस्पृग्येन भूतं जनयो येन भव्यम् ।
- 10.055.02c प्रत्नं॑ जातं ज्योतिर्यदस्य प्रियं प्रियाः समविशन्त पञ्च ॥
- 10.055.03a आ रोदसी॑ अपृणादोत मध्यं पञ्च देवाँ ऋतुशः सप्तसप्त ।
- 10.055.03c चतुस्त्रिंशता॑ पुरुधा वि चष्टे सरूपेण ज्योतिषा विव्रतेन ॥
- 10.055.04a यदुष॑ औच्छः प्रथमा विभानामजनयो येन पुष्टस्य पुष्टम् ।
- 10.055.04c यत्ते॑ जामित्वमवरं परस्या महन्महत्या असुरत्वमेकम् ॥
- 10.055.05a विधुं॑ दद्राणं समने बहूनां युवानं सन्तं पलितो जगार ।
- 10.055.05c देवस्य॑ पश्य काव्यं महित्वाद्या ममार स ह्यः समान ॥
- 10.055.06a शाक्मना॑ शाको अरुणः सुपर्ण आ यो महः शूरः सनादनीळः ।

- 10.055.06c यच्चिकेत सत्यमित्तन्न मोघं वसु स्पार्हमुत जेतोत दाता ॥
- 10.055.07a ऐभिददे वृष्ण्या पौस्यानि येभिरौक्षद्वृत्रहत्याय वज्री ।
- 10.055.07c ये कर्मणः क्रियमाणस्य मह् ऋतेकर्ममुदजायन्त देवाः ॥
- 10.055.08a युजा कर्माणि जनयन्विश्वौजा अशस्तिहा विश्वमनास्तुराषाट् ।
- 10.055.08c पीत्वी सोमस्य दिव आ वृधानः शूरो निर्युधाधमदस्यून् ॥
- 10.056.01a इदं त एकं पर ऊ त एकं तृतीयेन ज्योतिषा सं विशस्व ।
- 10.056.01c संवेशने तन्वश्चारुरेधि प्रियो देवानां परमे जनित्रे ॥
- 10.056.02a तनूष्टे वाजिन्तन्वंशं नयन्ती वाममस्मभ्यं धातु शर्म तुभ्यम् ।
- 10.056.02c अहुतो महो धरुणाय देवान्दिवीव ज्योतिः स्वमा मिमीयाः ॥
- 10.056.03a वाज्यसि वाजिनेना सुवेनीः सुवित स्तोमं सुवितो दिवं गाः ।
- 10.056.03c सुवितो धर्मं प्रथमानु सत्या सुवितो देवान्सुवितोऽनु पत्म् ॥
- 10.056.04a महिम्न एषां पितरश्चनेशिरे देवा देवेष्वदधुरपि क्रतुम् ।
- 10.056.04c समविव्यचुरुत यान्यत्विषुरैषां तनूषु नि विविशुः पुनः ॥
- 10.056.05a सहोभिर्विश्वं परि चक्रमू रजः पूर्वा धामान्यमिता मिमानाः ।
- 10.056.05c तनूषु विश्वा भुवना नि येमिरे प्रासारयन्त पुरुध प्रजा अनु ॥
- 10.056.06a द्विधा सूनवोऽसुरं स्वर्विदमास्थापयन्त तृतीयेन कर्मणा ।
- 10.056.06c स्वां प्रजां पितरः पित्र्यं सह आवरेष्वदधुस्तन्तुमाततम् ॥

10.056.07a ना॒वा न॒ द्यो॑दः॒ प्र॒दि॒शः॒ पृ॒थि॒व्याः॒ स्व॒स्ति॒भिर॑ति॒ दु॒र्गा॑णि॒ विश्वा॑ ।

10.056.07c स्वां॑ प्र॒जां बृ॒हदु॑क्थो॒ महि॑त्वावरेष्वदधादा॒ परेषु॑ ॥

10.057.01a मा प्र॑ गा॒म प॒थो व॒यं मा॒ य॒ज्ञादि॑न्द्र सो॒मिनः॑ ।

10.057.01c मा॒न्त॑ स्थु॒र्नो अ॒रा॒तयः॑ ॥

10.057.02a यो य॒ज्ञस्य॑ प्र॒सा॒धन॑स्तन्तु॒दे॒वेष्वा॑ततः ।

10.057.02c त॒माहु॑तं नशीमहि ॥

10.057.03a म॒नो न्वा॑ हु॒वाम॑हे नारा॒शंसे॑न सो॒मेन॑ ।

10.057.03c पि॒त॒ृणां॑ च॒ मन्म॑भिः ॥

10.057.04a आ त ए॒तु म॒नः पु॒नः क्र॒त्वे द॒त्ताय॑ जी॒वसे॑ ।

10.057.04c ज्यो॒क्क सूर्य॑ दृ॒शे ॥

10.057.05a पु॒नर्नः॑ पि॒तरो॑ म॒नो द॑दातु॒दैव्यो॑ ज॒नः ।

10.057.05c जी॒वं ब्रा॑तं स॒चेम॑हि ॥

10.057.06a व॒यं सो॑म॒ व्र॒ते त॒व म॒नस्त॑नूषु॒ बिभ्र॑तः ।

10.057.06c प्र॒जाव॑न्तः स॒चेम॑हि ॥

10.058.01a य॒त्ते य॑मं॒ वैव॑स्वतं॒ मनो॑ ज॒गाम॑ दूर॒कम् ।

10.058.01c त॒त्त आ॑ वर्त॒याम॑सीह॒ क्षया॑य जी॒वसे॑ ॥

- 10.058.02a यत्ते दि॒वं यत्पृ॑थि॒वीं॑ म॒नो॑ ज॒गाम॑ दूर॒कम् ।
- 10.058.02c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.03a यत्ते भूमिं॑ चतु॒र्भृष्टिं॑ म॒नो॑ ज॒गाम॑ दूर॒कम् ।
- 10.058.03c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.04a यत्ते च॒तस्रः॑ प्र॒दिशो॑ म॒नो॑ ज॒गाम॑ दूर॒कम् ।
- 10.058.04c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.05a यत्ते॑ स॒मुद्र॑म॒र्णवं॑ म॒नो॑ ज॒गाम॑ दूर॒कम् ।
- 10.058.05c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.06a यत्ते म॒रीचीः॑ प्र॒वतो॑ म॒नो॑ ज॒गाम॑ दूर॒कम् ।
- 10.058.06c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.07a यत्ते॑ अ॒पो यदो॑षधी॒र्मनो॑ ज॒गाम॑ दूर॒कम् ।
- 10.058.07c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.08a यत्ते॑ सूर्यं॑ यदु॒षसं॑ म॒नो॑ ज॒गाम॑ दूर॒कम् ।
- 10.058.08c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.09a यत्ते॑ प॒र्वता॑न्बृ॒हतो॑ म॒नो॑ ज॒गाम॑ दूर॒कम् ।
- 10.058.09c तत्त॒ आ॒ वर्त॑यामसीह॒ क्षया॑य जी॒वसे॑ ॥
- 10.058.10a यत्ते॑ वि॒श्वमि॑दं ज॒गन्म॑नो॒ जगाम॑ दूर॒कम् ।
- 10.058.10c तत्त॒ आ॒ वर्त॑यामसीह॒ क्षया॑य जी॒वसे॑ ॥

- 10.058.11a यत्ते॑ पराः॑ परा॒वतो॑ मनो॑ जगाम॑ दूर॒कम् ।
- 10.058.11c तत्त॑ आ॒ वर्त॑यामसीह॒ क्षया॑य जी॒वसे॑ ॥
- 10.058.12a यत्ते॑ भू॒तं च॑ भ॒व्यं च॑ मनो॑ जगाम॑ दूर॒कम् ।
- 10.058.12c तत्त॑ आ॒ वर्त॑यामसीह॒ क्षया॑य जी॒वसे॑ ॥
- 10.059.01a प्र॒ तार्या॑युः प्र॒तरं॑ नवी॒य स्था॑तारेव॒ क्रतु॑मता॒ रथ॑स्य ।
- 10.059.01c अ॒ध च्य॑वान॒ उत्त॑वीत्यर्थं॒ परा॑तरं सु॒ निः॒ऋ॒तिर्जि॑हीताम् ॥
- 10.059.02a सा॒मन्तु॑ रा॒ये नि॑धिम॒न्त्रं कराम॑हे सु॒ पुरु॑ध श्र॒वांसि॑ ।
- 10.059.02c ता॒ नो वि॑श्वानि॒ जरि॑ता म॒मत्तु॑ परा॒तरं सु॒ निः॒ऋ॒तिर्जि॑हीताम् ॥
- 10.059.03a अ॒भी ष्व॑र्श्यः पौ॒स्यै॑भ॒विम॑ द्यौर्न॒ भूमिं॑ गि॒रयो॑ ना॒ज्रान् ।
- 10.059.03c ता॒ नो वि॑श्वानि॒ जरि॑ता चि॒केत॑ परा॒तरं सु॒ निः॒ऋ॒तिर्जि॑हीताम् ॥
- 10.059.04a मो॒ षु णः॑ सोम॒ मृत्य॑वे॒ परा॑ दाः प॒श्येम॒ नु सूर्य॑मु॒च्चर॑न्तम् ।
- 10.059.04c द्युभि॑र्हितो॒ जरि॑मा॒ सू नो॑ अस्तु॒ परा॑तरं सु॒ निः॒ऋ॒तिर्जि॑हीताम् ॥
- 10.059.05a अ॒सुनी॑ते॒ मनो॑ अ॒स्मासु॑ धा॒रय॑ जी॒वात॑वे सु॒ प्र ति॑रा॒ न आ॒युः ।
- 10.059.05c रा॒रन्धि॑ नः॒ सूर्य॑स्य॒ संदृ॑शि॒ घृते॑न॒ त्वं तन्वं॑ वर्ध॒यस्व॑ ॥
- 10.059.06a अ॒सुनी॑ते॒ पुन॑र॒स्मासु॑ च॒क्षुः पु॑नः प्रा॒णमि॑ह॒ नो धे॑हि॒ भोग॑म् ।
- 10.059.06c ज्यो॑क्प॒श्येम॒ सूर्य॑मु॒च्चर॑न्तम॒नुम॑ते॒ मृळ्या॑ नः॒ स्वस्ति॑ ॥
- 10.059.07a पु॒नर्नो॑ अ॒सुं पृ॑थि॒वी द॑दातु॒ पुन॑द्यौर्दि॒वी पु॑नरन्त॒रि॒क्षम् ।

- 10.059.07c पुन॑र्नः॑ सोम॑स्तन्व॑ं ददा॑तु पुनः॑ पू॒षा प॒थ्यां॑३ या स्व॑स्तिः ॥
- 10.059.08a शं॑ रोद॑सी सु॒बन्ध॑वे य॒ह्नी ऋ॒तस्य॑ मा॒तरा॑ ।
- 10.059.08c भ॒रता॑मप॒ यद्र॑पो द्यौः॑ पृथि॒वि क्ष॒मा र॒पो मो॒ षु ते॒ किं च॒नाम॑मत् ॥
- 10.059.09a अ॒व द्व॒के अ॒व त्रि॒का दि॒वश्च॑रन्ति भेष॒जा ।
- 10.059.09c क्ष॒मा च॑रि॒ष्णवे॑क॒कं भ॒रता॑मप॒ यद्र॑पो द्यौः॑ पृथि॒वि क्ष॒मा र॒पो मो॒ षु ते॒ किं च॒नाम॑मत् ॥
- 10.059.10a स॒मिन्द्रे॑रय॒ गाम॑न॒ड्वाहं॑ य॒ आव॑हदु॒शीन॑रा॒ग्या अ॒नः ।
- 10.059.10c भ॒रता॑मप॒ यद्र॑पो द्यौः॑ पृथि॒वि क्ष॒मा र॒पो मो॒ षु ते॒ किं च॒नाम॑मत् ॥
- 10.060.01a आ॑ ज॒नं त्वे॑षसं॒दृशं॑ मा॒हीना॑नामु॒पस्तु॑तम् ।
- 10.060.01c अ॒गन्म॑ बि॒भ्रतो॑ नमः ॥
- 10.060.02a अ॒समा॑तिं॒ नितो॑श॒नं त्वे॑षं॒ निय॑यि॒नं रथ॑म् ।
- 10.060.02c भ॒जेर॑थस्य॒ सत्प॑तिम् ॥
- 10.060.03a यो॑ ज॒नान्म॑हिषाँ॒ इवा॑ति॒तस्थौ॑ प॒वीर॑वान् ।
- 10.060.03c उ॒ताप॑वी॒रवान्यु॑धा ॥
- 10.060.04a य॒स्ये॑द्व॒ाकुरु॑प॒ व्रते॑ रे॒वान्म॑रा॒य्येध॑ते ।
- 10.060.04c दि॒वीव॑ पञ्च॒ कृ॒ष्टयः॑ ॥
- 10.060.05a इन्द्र॑ क्ष॒त्रास॑मा॒तिषु॑ रथ॒प्रोष्ठे॑षु॒ धार॑य ।
- 10.060.05c दि॒वीव॑ सूर्यं॒ दृशे॑ ॥

- 10.060.06a अ॒गस्त्य॑स्य॒ न॒द्भ्यः॑ स॒ती यु॒नक्ति॑ रोहि॒ता ।
- 10.060.06c प॒णी॒त्र्य॒क॒मी॒र॒भि॒ विश्वा॑न्ना॒ज॒न्न॒रा॒ध॒सः॑ ॥
- 10.060.07a अ॒यं मा॒तायं॑ पि॒तायं॑ जी॒वातु॑राग॒मत् ।
- 10.060.07c इ॒दं तव॑ प्र॒स॒र्प॒णं सु॒ब॒न्ध॒वे॒हि नि॒रि॒हि ॥
- 10.060.08a यथा॑ यु॒गं व॒र॒त्र॒या न॒ह्य॒न्ति॑ ध॒रु॒णाय॑ क॒म् ।
- 10.060.08c ए॒वा दा॑धा॒र ते॒ मनो॑ जी॒वात॒वे न॒ मृ॒त्य॒वेऽथो॑ अ॒रि॒ष्ट॒ता॒तये॑ ॥
- 10.060.09a यथे॑यं पृथि॒वी म॒ही दा॑धा॒रेमा॒न्व॒न॒स्प॒तीन् ।
- 10.060.09c ए॒वा दा॑धा॒र ते॒ मनो॑ जी॒वात॒वे न॒ मृ॒त्य॒वेऽथो॑ अ॒रि॒ष्ट॒ता॒तये॑ ॥
- 10.060.10a य॒माद॑हं॒ वैव॑स्व॒तात्सु॒ब॒न्धो॒र्म॒न आ॑भ॒रम् ।
- 10.060.10c जी॒वात॒वे न॒ मृ॒त्य॒वेऽथो॑ अ॒रि॒ष्ट॒ता॒तये॑ ॥
- 10.060.11a न्य॑श्ग॒वातो॑ऽव॒ वाति॑ न्य॒क्त॒पति॑ सूर्यः ।
- 10.060.11c नी॒ची॒न॒म॒घ्न्या दु॒हे न्य॑ग्भव॒तु ते॒ र॒पः ॥
- 10.060.12a अ॒यं मे॑ ह॒स्तो भ॑ग॒वान॒यं मे॑ भ॒गव॑त्त॒रः ।
- 10.060.12c अ॒यं मे॑ वि॒श्व॒भे॒ष॒जोऽयं॑ शि॒वाभि॑म॒र्शनः॑ ॥
- 10.061.01a इ॒द॒मि॒त्था रौ॑द्रं गू॒र्त॒व॒चा ब्र॒ह्म क॑त्वा श॒च्याम॑न्त॒रा॒जौ ।
- 10.061.01c क्रा॒णा य॑द॒स्य पि॑तरा॒ मं॒ह॒ने॒ष्ठाः प॑र्ष॒त्प॒क्थे॑ अ॒ह॒न्ना स॑प्त हो॒तृन् ॥
- 10.061.02a स इ॒द्द॒नाय॑ द॒भ्याय॑ व॒न्वञ्च्य॑वानः॒ सू॒दै॒र॒मि॒मीत॑ वे॒दिम् ।

- 10.061.02c तूर्व॑या॒णो॒ गूर्त॑व॒चस्त॒मः॒ क्षो॒दो॒ न॒ रेत॑ इ॒तऊ॒ति॒ सिञ्च॑त् ॥
- 10.061.03a म॒नो॒ न॒ येषु॑ ह॒वने॑षु ति॒ग्मं॒ वि॒पः॒ श॒च्या॒ व॒नुथो॑ द्र॒वन्ता॑ ।
- 10.061.03c आ॒ यः॒ श॒र्या॑भिस्तुवि॒नृ॒म्णो॒ अ॒स्या॒श्री॑णी॒तादि॒शं॒ ग॒भस्तौ॑ ॥
- 10.061.04a कृ॒ष्णा॒ यद्गो॑ष्वरु॒णीषु॑ सी॒दद्वि॑वो न॒पा॒ता॒श्विना॑ हु॒वे॒ वाम् ।
- 10.061.04c वी॒तं॒ मे॒ य॒ज्ञ॒मा॒ ग॒तं॒ मे॒ अ॒न्नं॒ व॒वन्वा॑सा॒ ने॒षम॑स्मृ॒तध्रू॑ ॥
- 10.061.05a प्र॒थि॒ष्ट॒ यस्य॑ वी॒रक॑र्म॒मि॒ष्णद॑नु॒ष्ठितं॒ नु॒ न॒र्यो॑ अ॒पौ॒हत् ।
- 10.061.05c पु॒नस्त॑दा वृ॒हति॑ य॒त्क॒नाया॑ दु॒हितुरा॑ अ॒नुभू॑तम॒न॒र्वा ॥
- 10.061.06a म॒ध्या॒ य॒त्क॒र्त्वम॑भ॒वद॑भी॒के॒ का॒मं॒ कृ॒णवा॑ने॒ पि॒तरि॑ यु॒वत्या॑म् ।
- 10.061.06c म॒ना॒न॒ग्रे॒तो॑ ज॒हतु॑र्वि॒यन्ता॒ सानौ॑ नि॒षि॒क्तं॒ सु॒कृ॒तस्य॑ यो॒नौ ॥
- 10.061.07a पि॒ता॒ य॒त्स्वां॑ दु॒हित॑र॒मधि॑ष्क॒न्द्म॒या॒ रेतः॑ सं॒ज॒ग्मानो॑ नि॒ षिञ्च॑त् ।
- 10.061.07c स्वा॒ध्योऽ॒ज॒न॒य॒न्ब्र॒ह्म॑ दे॒वा॒ वा॒स्तो॒ष्पतिं॑ व्र॒तपां॑ नि॒रत॑क्षन् ॥
- 10.061.08a स॒ ई॒ वृ॒षा॒ न॒ फे॒न॒म॒स्य॑दा॒जौ॒ स्मदा॑ प॒रैद॑प॒ द॒भ्र॒चे॒ताः ।
- 10.061.08c स॒र॒त्प॒दा॒ न॒ द॒क्षि॑णा॒ प॒रा॒वृ॒ङ्ग॒न॒ ता॒ नु॒ मे॑ पृ॒श॒न्यो॑ ज॒गृ॒भ्रे ॥
- 10.061.09a म॒क्षू॒ न॒ वह्निः॑ प्र॒जा॒या॒ उ॒प॒ब्दि॑र॒ग्निं॒ न॒ न॒ग्न॒ उप॑ सी॒ददू॑धः ।
- 10.061.09c स॒नि॒ते॒ध्मं॑ स॒नि॒तो॒त॒ वा॒जं॒ स॒ ध॒र्ता॑ ज॒ज्ञे॒ स॒ह॒सा॑ य॒वी॒युत् ॥
- 10.061.10a म॒क्षू॒ क॒ना॒याः॑ स॒ख्यं॒ न॒व॒ग्वा॒ ऋ॒तं॒ व॒द॒न्त॑ ऋ॒त॒यु॒क्ति॑म॒ग्मन् ।
- 10.061.10c द्वि॒ब॒र्ह॒सो॒ य॒ उप॑ गो॒प॒मा॒गु॒रद॑क्षिणा॒सो॒ अ॒च्यु॑ता॒ दु॒दु॒क्षन् ॥
- 10.061.11a म॒क्षू॒ क॒ना॒याः॑ स॒ख्यं॒ न॒वी॒यो॒ रा॒धो॒ न॒ रेत॑ ऋ॒त॒मि॒त्तु॑र॒ण॒यन् ।

- 10.061.11c शुचि॑ यत्ते॒ रे॒कण॑ आ॒य॒जन्त॑ स॒ब॒र्दु॒घा॒याः॑ प॒य॒ उ॒स्त्रि॒या॒याः॑ ॥
- 10.061.12a प॒श्वा॑ य॒त्प॒श्चा॑ वि॒यु॒ता॑ बु॒धन्ते॑ति॒ ब्र॒वी॒ति॑ व॒क्त॒री॑ र॒रा॒णः॑ ।
- 10.061.12c व॒सो॑र्व॒सु॒त्वा॑ का॒र॒वो॑ऽने॒हा॑ वि॒श्वं॑ वि॒वेष्टि॑ द्र॒वि॒ण॒मु॒प॒ च्चु॑ ॥
- 10.061.13a तदि॒ह्र॒व॒स्य॑ परि॒ष॒द्वानो॑ अ॒ग॒म॒न्पु॒रू॒ स॒द॒न्तो॑ ना॒र्ष॒दं॑ बि॒भित्स॑न् ।
- 10.061.13c वि॒ शु॒ष्ण॑स्य॒ सं॒ग्र॒थि॒त॒म॒न॒र्वा॑ वि॒द॒त्पु॒रु॒प्र॒जा॒त॒स्य॑ गु॒हा॑ यत् ॥
- 10.061.14a भ॒र्गो॑ ह॒ नामो॑त॒ यस्य॑ दे॒वाः॑ स्व॒र्णं॑ ये॒ त्रि॒ष॒ध॒स्थे॑ नि॒षे॒दुः॑ ।
- 10.061.14c अ॒ग्नि॒र्ह॑ नामो॒त॒ जा॒त॒वे॒दाः॑ श्रु॒धी॑ नो॒ हो॒त॒ऋ॒त॒स्य॑ हो॒ता॒धु॒क् ॥
- 10.061.15a उ॒त॒ त्या॑ मे॒ रौ॒द्रा॒व॒र्चि॒म॒न्ता॑ ना॒स॒त्या॒वि॒न्द्र॑ गू॒र्त॒ये॑ य॒ज॒ध्वे॑ ।
- 10.061.15c म॒नु॒ष्व॒दृ॒क्त॒ब॒र्हि॒षे॑ र॒रा॒णा॑ म॒न्दू॒ हि॒त॒प्र॒य॒सा॑ वि॒क्षु॒ य॒ज्यू॑ ॥
- 10.061.16a अ॒यं॑ स्तु॒तो॒ राजा॑ व॒न्दि॒ वे॒धा॑ अ॒प॒श्च॑ वि॒प्र॒स्तर॑ति॒ स्व॒से॒तुः॑ ।
- 10.061.16c स॒ क॒क्षी॑व॒न्तं॑ रे॒ज॒य॒त्सो॑ अ॒ग्निं॑ ने॒मिं॑ न॒ च॒क्र॒म॒र्व॒तो॑ र॒घु॒द्रु॑ ॥
- 10.061.17a स॒ द्वि॒ब॒न्धु॒र्वै॒तर॑णो॒ य॒ष्टा॑ स॒ब॒र्धु॑ धे॒नु॒म॒स्वं॑ दु॒ह॒ध्वे॑ ।
- 10.061.17c सं॑ य॒न्मि॒त्रा॒व॒रु॒णा॑ वृ॒ञ्ज॑ उ॒क्थै॒ज्ये॑ष्ठे॒भि॒र्य॒म॒गं॑ व॒रू॒थैः॑ ॥
- 10.061.18a तद्व॒न्धुः॑ सू॒रि॒र्दिवि॑ ते॒ धि॒यं॒धा॑ ना॒भा॒ने॒दि॒ष्ठो॑ र॒प॒ति॑ प्र॒ वे॒न॒न् ।
- 10.061.18c सा॒ नो॑ ना॒भिः॑ प॒र॒मा॒स्य॑ वा॒ घा॒हं॑ त॒त्प॒श्चा॑ क॒ति॒थ॒श्चि॒दा॒स ॥
- 10.061.19a इ॒यं॑ मे॒ ना॒भि॒रि॒ह॑ मे॒ स॒ध॒स्थ॒मि॒मे॑ मे॒ दे॒वा॑ अ॒य॒म॒स्मि॒ सर्वः॑ ।
- 10.061.19c द्वि॒जा॑ अ॒हं॑ प्र॒थ॒म॒जा॑ ऋ॒त॒स्ये॒दं॑ धे॒नुर॑दु॒ह॒ज्जा॒य॒मा॒ना ॥
- 10.061.20a अ॒धा॒सु॑ म॒न्द्रो॑ अ॒र॒ति॒र्वि॒भा॒वा॒व॑ स्य॒ति॑ द्वि॒व॒र्त॒नि॒व॒ने॒षाट् ।

- 10.061.20c ऊ॒र्ध्वा॑ य॒च्छ्रेणि॑र्न॒ शिशु॑र्दन्म॒क्षू॒ स्थि॑रं शे॒वृधं॑ सू॒त मा॒ता ॥
- 10.061.21a अ॒धा गा॒व उप॑मा॒तिं क॒नाया॑ अनु॒ श्वान्त॑स्य॒ कस्य॑ चि॒त्परे॑युः ।
- 10.061.21c श्रु॒धि त्वं॑ सु॒द्रवि॑णो न॒स्त्वं या॒ळाश्व॑घ्नस्य॒ वावृ॑धे सू॒नृता॑भिः ॥
- 10.061.22a अ॒ध त्वमि॑न्द्र वि॒द्व्यश्स्मान्म॑हो रा॒ये नृ॑पते व॒ज्रबा॑हुः ।
- 10.061.22c र॒क्षा च॑ नो म॒घोनः॑ पा॒हि सू॒रीन॑नेह॒सस्ते॑ हरि॒वो अ॒भिष्टौ॑ ॥
- 10.061.23a अ॒ध य॒द्राजा॑ना ग॒विष्टौ॑ सर॒त्सर॑ण्युः का॒रवे॑ जर॒ण्युः ।
- 10.061.23c वि॒प्रः प्रे॒ष्ठः स ह्ये॑षां ब॒भूव॑ परा च व॒क्षदु॑त प॒षदे॑नान् ॥
- 10.061.24a अ॒धा न्व॑स्य॒ जेन्य॑स्य पु॒ष्टौ वृ॒था रे॑भन्त ई॒महे॑ त॒दू नु॑ ।
- 10.061.24c सर॑ण्युरस्य॒ सू॒नुरश्वो॑ वि॒प्रश्चा॑सि श्रव॒सश्च॑ सा॒तौ ॥
- 10.061.25a यु॒वोर्यदि॑ स॒ख्याया॑स्मे श॒र्घाय॑ स्तो॒मं जु॒जुषे॑ नम॒स्वान् ।
- 10.061.25c वि॒श्वत्र॑ यस्मि॒न्ना गि॑रः स॒मीचीः॑ पूर्वी॒व गा॒तुर्दा॑शत्सू॒नृता॑यै ॥
- 10.061.26a स गृ॑णानो अ॒द्भिर्दे॑ववा॒निति॑ सु॒बन्धु॑र्नम॒सा सू॒क्तैः ।
- 10.061.26c वर्ध॑दु॒क्थैर्व॑चो॒भिरा॑ हि नू॒नं व्य॑ध्वैति॒ पय॑स उ॒स्त्रिया॑याः ॥
- 10.061.27a त ऊ॒ षु॒ णो॑ म॒हो य॑जत्रा भू॒त दे॑वास ऊ॒तये॑ स॒जोषाः॑ ।
- 10.061.27c ये वा॒जाँ अ॒नय॑ता वि॒यन्तो॑ ये स्था नि॒चेता॑रो अ॒मूराः॑ ॥
- 10.062.01a ये य॒ज्ञेन॑ द॒क्षि॑णया॒ सम॑क्ता इन्द्र॒स्य स॒ख्यम॑मृ॒तत्व॑मान॒श ।
- 10.062.01c तेभ्यो॑ भ॒द्रम॑ङ्गिर॒सो वो॑ अ॒स्तु प्र॑ति गृ॒भ्णी॑त॒ मान॑वं सु॒मेध॑सः ॥

- 10.062.02a य उ॒दाज॑न्पि॒तरो॑ गो॒मयं॑ व॒स्वृते॑नाभि॒न्दन्प॑रिवत्सरे॒ वल॑म् ।
- 10.062.02c दी॒र्घायु॑त्वम॒ङ्गिर॑सो वो अ॒स्तु प्र॑ति गृ॒भ्णीत॑ मान॒वं सु॑मे॒धसः॑ ॥
- 10.062.03a य ऋ॒तेन॑ सू॒र्यमा॑रो॒हय॑न्दि॒व्यप्र॑थयन्पृथि॒वीं मा॒तरं॑ वि ।
- 10.062.03c सु॒प्रजा॑स्त्वम॒ङ्गिर॑सो वो अ॒स्तु प्र॑ति गृ॒भ्णीत॑ मान॒वं सु॑मे॒धसः॑ ॥
- 10.062.04a अ॒यं नाभा॑ वदति॒ वल्गु॑ वो गृ॒हे दे॑वपुत्रा ऋ॒षय॑स्तच्छृ॒णोत॑न ।
- 10.062.04c सु॒ब्रह्म॑ण्यम॒ङ्गिर॑सो वो अ॒स्तु प्र॑ति गृ॒भ्णीत॑ मान॒वं सु॑मे॒धसः॑ ॥
- 10.062.05a वि॒रूपा॑स इ॒दृष॑यस्त इ॒द्गम्भी॑रवे॒पसः॑ ।
- 10.062.05c ते अ॒ङ्गिर॑सः सू॒नव॑स्ते अ॒ग्नेः परि॑ ज॒ज्ञिरे॑ ॥
- 10.062.06a ये अ॒ग्नेः परि॑ ज॒ज्ञिरे॑ वि॒रूपा॑सो दि॒वस्प॑रि ।
- 10.062.06c नव॑ग्वो नु दश॑ग्वो अ॒ङ्गिर॑स्तमो स॒चा दे॒वेषु॑ म॒हते॑ ॥
- 10.062.07a इ॒न्द्रेण॑ यु॒जा निः॑ सृ॒जन्त॑ वा॒घतो॑ ब्र॒जं गो॑मन्तम॒श्विन॑म् ।
- 10.062.07c सह॑स्रं मे द॒दतो॑ अ॒ष्टक॑र्ण्य॒शः श्रवो॑ दे॒वेष्व॑क्रत ॥
- 10.062.08a प्र नू॒नं जा॑यताम॒यं म॒नुस्तो॑क्मेव रो॒हतु॑ ।
- 10.062.08c यः सह॑स्रं श॒ताश्वं॑ स॒द्यो दा॑नाय म॒हते॑ ॥
- 10.062.09a न तम॑श्नोति कश्चन दि॒व इ॒व सा॑न्वा॒रभ॑म् ।
- 10.062.09c सा॒वर्ण्य॑स्य द॒क्षिणा॑ वि सि॒न्धुरि॑व प॒प्रथे॑ ॥
- 10.062.10a उ॒त दा॑सा परि॒विषे॑ स्मदि॒ष्टी गो॑परी॒णसा॑ ।
- 10.062.10c यदु॑स्तुर्वश्च॒ माम॑हे ॥

10.062.11a सहस्रदा॑ ग्राम॑णी॒र्मा रि॒षन्म॒नुः सूर्ये॑णास्य॒ यत॑मानैतु॒ दक्षि॑णा ।

10.062.11c साव॑र्णेर्दे॒वाः प्र ति॑रन्त्वायु॒र्यस्मि॑न्नश्रान्ता॒ अस॑नाम॒ वाज॑म् ॥

10.063.01a परा॑वतो॒ ये दि॑धिषन्त॒ आप्यं॑ मनु॒प्रीता॑सो॒ जनि॑मा॒ विव॑स्वतः ।

10.063.01c यया॑तेर्ये॒ नहु॑ष्यस्य॒ बर्हि॑षि॒ देवा॑ आसते॒ ते अ॒धि ब्रु॑वन्तु॒ नः ॥

10.063.02a विश्वा॑ हि॒ वो न॑मस्यानि॒ वन्द्या॑ नामानि॒ देवा॑ उत॒ यज्ञि॑यानि॒ वः ।

10.063.02c ये स्थ॑ जा॒ता अ॒दि॒तेर॒द्भ्यस्परि॑ ये॒ पृथि॑व्यास्ते॒ म इ॒ह श्रु॑ता॒ हव॑म् ॥

10.063.03a येभ्यो॑ मा॒ता म॒धुम॑त्पिन्वते॒ पयः॑ पी॒यूषं॑ द्यौरदि॒तिर॑द्रि॒बर्हाः॑ ।

10.063.03c उ॒क्थ॑शु॒ष्मान्॒वृष॑भरान्स्व॒प्नस॑स्ताँ॒ आदि॑त्याँ॒ अनु॑ मदा॒ स्वस्त॑ये ॥

10.063.04a नृ॒चक्ष॑सो॒ अनि॑मिषन्तो॒ अर्ह॑णा॒ बृह॑द्दे॒वासो॑ अ॒मृत॑त्व॒मान॑शुः ।

10.063.04c ज्यो॑तीरथा॒ अहि॑माया॒ अना॑गसो॒ दि॒वो व॒ष्मार्णां॑ वसते॒ स्वस्त॑ये ॥

10.063.05a स॒म्राजो॑ ये॒ सुवृ॑धो॒ यज्ञ॑माय॒युर॑परि॒हृता॑ दधिरे॒ दि॒वि क्ष॑यम् ।

10.063.05c ताँ आ॑ वि॒वास॑ नमसा॒ सुवृ॑क्तिभिर्म॒हो आ॑दि॒त्याँ अ॒दि॒तिं स्व॑स्तये ॥

10.063.06a को॒ व स्तो॑मं॒ राध॑ति॒ यं जु॑जोषथ॒ विश्वे॑ दे॒वासो॑ मनु॒षो य॑ति॒ ष्टन॑ ।

10.063.06c को॒ वोऽध्व॑रं॒ तुवि॑जाता॒ अरं॑ कर॒द्यो नः॑ पर्ष॒दत्यं॑हः॒ स्वस्त॑ये ॥

10.063.07a येभ्यो॑ हो॒त्रां प्र॑थमा॒माये॑जे॒ मनुः॑ समि॒द्धाग्नि॑र्म॒नसा॑ सप्त॒ होतृ॑भिः ।

10.063.07c त आ॑दि॒त्या अ॒भयं॑ शर्म॒ यच्छ॑त॒ सुगा॑ नः॒ कर्त॑ सु॒पथा॑ स्वस्तये ॥

10.063.08a य ई॑शिरे॒ भुव॑नस्य॒ प्रचे॑तसो॒ विश्व॑स्य॒ स्थातु॑र्जगतश्च॒ मन्त॑वः ।

- 10.063.08c ते नः कृतादकृतादेनसस्पर्यद्या देवासः पिपृता स्वस्तये ॥
- 10.063.09a भरेष्विन्द्रं सुहवं हवामहेऽहोमुचं सुकृतं दैव्यं जनम् ।
- 10.063.09c अग्निं मित्रं वरुणं सातये भगं द्यावापृथिवी मरुतः स्वस्तये ॥
- 10.063.10a सुत्रामाणं पृथिवीं द्यामनेहसं सुशर्माणमदितिं सुप्रणीतिम् ।
- 10.063.10c दैवीं नावं स्वरित्रामनागसमस्रवन्तीमा रुहेमा स्वस्तये ॥
- 10.063.11a विश्वे यजत्रा अधि वोचतोतये त्रायध्वं नो दुरेवाया अभिहुतः ।
- 10.063.11c सत्यया वो देवहृत्या हुवेम शृण्वतो देवा अवसे स्वस्तये ॥
- 10.063.12a अपामीवामप विश्वामनाहुतिमपारातिं दुर्विदत्रामघायतः ।
- 10.063.12c आरे देवा द्वेषो अस्मद्युयोतनोरु णः शर्म यच्छता स्वस्तये ॥
- 10.063.13a अरिष्टः स मर्तो विश्व एधते प्र प्रजाभिर्जायते धर्मणस्परि ।
- 10.063.13c यमादित्यासो नयथा सुनीतिभिरति विश्वानि दुरिता स्वस्तये ॥
- 10.063.14a यं देवासोऽवथ वाजसातौ यं शूरसाता मरुतो हिते धने ।
- 10.063.14c प्रातर्यावाणं रथमिन्द्र सानसिमरिष्यन्तमा रुहेमा स्वस्तये ॥
- 10.063.15a स्वस्ति नः पथ्यासु धन्वसु स्वस्त्यश्वसु वृजने स्वर्वति ।
- 10.063.15c स्वस्ति नः पुत्रकृथेषु योनिषु स्वस्ति राये मरुतो दधातन ॥
- 10.063.16a स्वस्तिरिद्धि प्रपथे श्रेष्ठा रेवणस्वत्यभि या वाममेति ।
- 10.063.16c सा नो अमा सो अरणो नि पातु स्वावेशा भवतु देवगोपा ॥
- 10.063.17a एवा प्लतेः सूनुरवीवृधद्वो विश्व आदित्या अदिते मनीषी ।

- 10.063.17c ई॒शा॒ना॒सो॒ न॒रो॒ अ॒म॒र्त्ये॒ना॒स्ता॒वि॒ ज॒नो॒ दि॒व्यो॒ ग॒ये॒न ॥
- 10.064.01a क॒था॒ दे॒वा॒नां॑ क॒त॒म॒स्य॒ या॒म॒नि॒ सु॒म॒न्तु॒ ना॒म॒ शृ॒ण्व॒तां॑ म॒ना॒म॒हे ।
- 10.064.01c को॒ मृ॒ळा॒ति॒ क॒त॒मो॒ नो॒ म॒य॒स्कर॒त्क॒त॒म॒ ऊ॒ती॒ अ॒भ्या॒ व॒व॒र्त॒ति ॥
- 10.064.02a क्र॒तू॒य॒न्ति॒ क्र॒त॒वो॒ हृ॒त्सु॒ धी॒त॒यो॒ वे॒न॒न्ति॒ वे॒नाः॒ प॒त॒य॒न्त्या॒ दि॒शः॑ ।
- 10.064.02c न॒ म॒र्दि॒ता॒ वि॒द्य॒ते॒ अ॒न्य॒ ए॒भ्यो॒ दे॒वेषु॑ मे॒ अ॒धि॒ का॒मा॒ अ॒यं॒सत ॥
- 10.064.03a न॒रा॒ वा॒ शं॒सं॑ पू॒ष॒ण॒म॒गो॒ह्य॒म॒ग्निं॑ दे॒वे॒द्ध॒म॒भ्य॒र्च॒से॒ गि॒रा ।
- 10.064.03c सू॒र्या॒मा॒सा॒ च॒न्द्र॒म॒सा॒ य॒मं॑ दि॒वि॒ त्रि॒तं॒ वा॒त॒मु॒ष॒स॒म॒क्तु॒म॒श्वि॒ना ॥
- 10.064.04a क॒था॒ क॒वि॒स्तु॒वी॒र॒वा॒न्क॒या॒ गि॒रा॒ बृ॒ह॒स्प॒ति॒र्वा॒वृ॒ध॒ते॒ सु॒वृ॒क्ति॒भिः॑ ।
- 10.064.04c अ॒ज॒ एक॑पा॒त्सु॒ह॒वे॒भिर्ऋ॒क्व॒भि॒र॒हिः॑ शृ॒णो॒तु॒ बु॒ध्न्यो॑श्च॒ ह॒वी॒म॒नि ॥
- 10.064.05a द॒क्ष॒स्य॒ वा॒दि॒ते॒ ज॒न्म॒नि॒ व्र॒ते॒ रा॒जा॒ना॒ मि॒त्रा॒व॒रु॒णा॒ वि॒वा॒स॒सि ।
- 10.064.05c अ॒तूर्त॑प॒न्थाः॒ पुरु॑रथो॒ अ॒र्य॒मा॒ स॒प्त॒हो॒ता॒ वि॒षु॒रू॒पेषु॑ ज॒न्म॒सु ॥
- 10.064.06a ते॒ नो॒ अ॒र्व॒न्तो॒ ह॒व॒न॒श्रु॒तो॒ ह॒वं॒ वि॒श्वे॑ शृ॒ण्व॒न्तु॒ वा॒जि॒नो॑ मि॒त॒द्र॒वः॑ ।
- 10.064.06c स॒ह॒स्र॒सा॒ मे॒ध॒सा॒ता॒वि॒व॒ त्म॒ना॒ म॒हो॒ ये॒ ध॒नं॑ स॒मि॒थेषु॑ ज॒ग्नि॒रे ॥
- 10.064.07a प्र॒ वो॒ वा॒युं॑ रथ॒यु॒जं॒ पुरं॑धिं॒ स्तो॒मैः॑ कृ॒णु॒ध्वं॑ स॒ख्याय॑ पू॒ष॒ण॒म् ।
- 10.064.07c ते॒ हि॒ दे॒व॒स्य॑ स॒वि॒तुः॒ स॒वी॒म॒नि॒ क्र॒तुं॑ स॒च॒न्ते॒ स॒चि॒तः॒ स॒चे॒त॒सः॑ ॥
- 10.064.08a त्रिः॒ स॒प्त॒ स॒स्त्रा॒ न॒द्यो॑ म॒ही॒र॒पो॒ व॒न॒स्प॒ती॒न्प॒र्व॒ताँ॑ अ॒ग्नि॒मू॒तये॑ ।
- 10.064.08c कृ॒शा॒नु॒म॒स्तृ॒न्ति॒ष्यं॑ स॒ध॒स्थ॒ आ॒ रु॒द्रं॒ रु॒द्रेषु॑ रु॒द्रि॒यं॑ ह॒वा॒म॒हे ॥

- 10.064.09a सरस्वती सरयुः सिन्धुरूर्मिभिर्महो महीरवसा यन्तु वक्षणीः ।
- 10.064.09c देवीरापो मातरः सूदयित्न्वो घृतवत्पयो मधुमन्नो अर्चत ॥
- 10.064.10a उत माता बृहद्दिवा शृणोतु नस्त्वष्टा देवेभिर्जनिभिः पिता वचः ।
- 10.064.10c ऋभुक्षा वाजो रथस्पतिर्भगो रणवः शंसः शशमानस्य पातु नः ॥
- 10.064.11a रणवः संदृष्टौ पितुमाँ इव क्षयो भद्रा रुद्राणां मरुतामुपस्तुतिः ।
- 10.064.11c गोभिः घ्याम यशसो जनेष्वा सदा देवास इळया सचेमहि ॥
- 10.064.12a यां मे धियं मरुत इन्द्र देवा अददात वरुण मित्र यूयम् ।
- 10.064.12c तां पीपयत पयसेव धेनुं कुविद्विरो अधि रथे वहाथ ॥
- 10.064.13a कुविदङ्ग प्रति यथा चिदस्य नः सजात्यस्य मरुतो बुबोधथ ।
- 10.064.13c नाभा यत्र प्रथमं संनसामहे तत्र जामित्वमदितिर्दधातु नः ॥
- 10.064.14a ते हि द्यावापृथिवी मातरा मही देवी देवाञ्जन्मना यज्ञिये इतः ।
- 10.064.14c उभे विभृत उभयं भरीमभिः पुरू रेतांसि पितृभिश्च सिञ्चतः ॥
- 10.064.15a वि षा होत्रा विश्वमश्नोति वार्यं बृहस्पतिररमतिः पनीयसी ।
- 10.064.15c ग्रावा यत्र मधुषुदुच्यते बृहदवीवशन्त मतिभिर्मनीषिणः ॥
- 10.064.16a एवा कविस्तुवीरवाँ ऋतज्ञा द्रविणस्युर्द्रविणसश्चकानः ।
- 10.064.16c उक्थेभिरत्र मतिभिश्च विप्रोऽपीपयद्भयो दिव्यानि जन्म ॥
- 10.064.17a एवा प्लतेः सूनुरवीवृधद्वो विश्व आदित्या अदिते मनीषी ।
- 10.064.17c ईशानासो नरो अमर्त्येनास्तावि जनो दिव्यो गयेन ॥

- 10.065.01a अ॒ग्नि॒रिन्द्रो॑ वरु॒णो मि॒त्रो अ॒र्य॒मा वा॒युः पू॒षा सर॑स्वती स॒जोष॑सः ।
- 10.065.01c आ॒दि॒त्या वि॒ष्णु॑र्म॒रुतः॑ स्व॒र्बृ॒हत्सो॑मो रु॒द्रो अ॒दि॒तिर्ब्र॑ह्म॒णस्प॑तिः ॥
- 10.065.02a इन्द्रा॑ग्नी वृ॒त्रह॑त्येषु स॒त्पती॑ मि॒थो हि॒न्वाना॑ तन्वा॒श् समो॑कसा ।
- 10.065.02c अ॒न्तरि॑क्षं म॒ह्या प॒प्रुरो॑जसा सोमो॑ घृ॒तश्री॑र्माहि॒मान॑मीरयन् ॥
- 10.065.03a तेषां॑ हि म॒ह्या म॒हता॑मन॒र्वणां॑ स्तोमाँ॑ इ॒यमृ॑त॒ज्ञा ऋ॒तावृ॑धाम् ।
- 10.065.03c ये अ॒प्सव॑म॒र्णवं॑ चि॒त्ररा॑धस॒स्ते नो॑ रा॒सन्तां॑ म॒हये॑ सु॒मि॒त्र्याः ॥
- 10.065.04a स्व॒र्णर॑मन्त॒रिक्षा॑णि रो॒चना॑ द्या॒वाभू॑मी पृथि॒वीं स्क॑म्भुरो॒जसा॑ ।
- 10.065.04c पृ॒क्षा इ॒व म॒हय॑न्तः सुरा॒तयो॑ दे॒वा स्त॑वन्ते म॒नुषा॑य सू॒रयः॑ ॥
- 10.065.05a मि॒त्राय॑ शि॒क्ष वरु॑णाय दा॒शुषे॑ या स॒म्राजा॑ मनसा न प्र॒युच्छ॑तः ।
- 10.065.05c ययो॑र्धाम॒ धर्म॑णा रो॒चते॑ बृ॒हद्यो॑रु॒भे रो॑दसी॒ नाध॑सी वृ॒तौ ॥
- 10.065.06a या गौ॑र्व॒र्तनिं॑ प॒र्येति॑ निष्कृ॒तं प॒यो दु॑हाना व्र॒तनी॑रवार॒तः ।
- 10.065.06c सा प्र॑ब्रुवा॒णा वरु॑णाय दा॒शुषे॑ दे॒वेभ्यो॑ दा॒शद्ध॑विषा वि॒वस्व॑ते ॥
- 10.065.07a दि॒वक्ष॑सो अ॒ग्नि॒जिह्वा॑ ऋ॒तावृ॑ध ऋ॒तस्य॑ योनिं वि॒मृश॑न्त आ॒सते॑ ।
- 10.065.07c द्यां॑ स्क॒भित्॒व्यश्प॑ आ च॒क्रुरो॑जसा य॒ज्ञं ज॑नित्वी तन्वी॒श् नि मा॑मृजुः ॥
- 10.065.08a परि॑क्षिता पि॒तरा॑ पूर्॒वजा॑वरी ऋ॒तस्य॑ योना क्षय॒तः समो॑कसा ।
- 10.065.08c द्या॒वापृ॑थि॒वी वरु॑णाय स॒व्रते॑ घृ॒तव॑त्पयो॒ महि॑षाय पि॒न्वतः॑ ॥
- 10.065.09a पर्ज॑न्यावा॒ता वृ॑षभा पु॒रीषि॑णेन्द्रवा॒यू वरु॑णो मि॒त्रो अ॒र्य॒मा ।

- 10.065.09c दे॒वाँ आ॒दि॒त्याँ अ॒दि॒तिं ह॒वाम॒हे ये पा॒र्था॒वासो दि॒व्यासो॑ अ॒प्सु ये ॥
- 10.065.10a त्व॒ष्टारं॑ वा॒युमृ॒भवो॑ य ओ॒हते॑ दै॒व्या हो॒तारा॑ उ॒षसं॑ स्व॒स्तये॑ ।
- 10.065.10c बृ॒हस्प॑तिं वृ॒त्रखा॑दं सु॒मेध॑समिन्द्रि॒यं सोमं॑ ध॒नसा॑ उ॒ ईम॑हे ॥
- 10.065.11a ब्र॒ह्म गा॑मश्वं॒ जन॑यन्त ओ॒षधी॑र्व॒नस्प॑तीन्पृथि॒वीं पर्व॑ताँ अ॒पः ।
- 10.065.11c सू॒र्यं दि॒वि रो॒हय॑न्तः सु॒दान॑व आ॒र्या व्र॑ता वि॒सृज॑न्तो अ॒धि क्ष॑मि ॥
- 10.065.12a भु॒ज्युम॑हसः पि॒पृथो॑ नि॒रश्वि॑ना श्या॒वं पु॒त्रं व॑ध्निम॒त्या अ॑जिन्व॒तम् ।
- 10.065.12c क॒मद्यु॑वं वि॒मदा॑योहथु॒र्युवं॑ वि॒ष्णाप्वं॑श् विश्व॒काया॑व सृ॒जथः॑ ॥
- 10.065.13a पा॒वीर॑वी त॒न्यतु॑रेकपा॒दजो॑ दि॒वो ध॑र्ता सि॒न्धुरा॑पः स॒मुद्रि॑यः ।
- 10.065.13c विश्वे॑ दे॒वासः॑ शृ॒णव॑न्वचांसि॒ मे सर॑स्वती॒ सह॑ धी॒भिः पु॑रं॒ध्या ॥
- 10.065.14a विश्वे॑ दे॒वाः सह॑ धी॒भिः पु॑रं॒ध्या म॒नोर्य॑जत्रा अ॒मृता॑ ऋ॒तज्ञाः॑ ।
- 10.065.14c रा॒तिषा॑चो अ॒भिषा॑चः स्व॒र्विदः॑ स्व॒र्गिरो॑ ब्र॒ह्म सू॑क्तं जु॒षेर॑त ॥
- 10.065.15a दे॒वान्व॑सि॒ष्ठो अ॒मृता॑न्वव॒न्दे ये॑ वि॒श्वा भु॑व॒नाभि॑ प्र॒तस्थुः॑ ।
- 10.065.15c ते नो॑ रा॒सन्ता॑मु॒रुगा॑यमद्य॒ यूयं॑ पा॒त स्व॑स्ति॒भिः सदा॑ नः ॥

- 10.066.01a दे॒वान्हु॑वे बृ॒हच्छ॑वसः स्व॒स्तये॑ ज्यो॒तिष्कृ॑तो अ॒ध्वर॑स्य प्र॒चेत॑सः ।
- 10.066.01c ये वा॒वृधुः॑ प्र॒तरं॑ वि॒श्ववे॑दस इन्द्र॒ज्येष्ठा॑सो अ॒मृता॑ ऋ॒तावृ॑धः ॥
- 10.066.02a इन्द्र॑प्रसू॒ता वरु॑णप्रशि॒ष्टा ये॑ सू॒र्यस्य॑ ज्यो॒तिषो॑ भा॒गमा॑नशुः ।
- 10.066.02c मरु॑द्ग॒णो वृ॒जने॑ म॒न्म धी॑महि॒ माघो॑ने॒ यज्ञं॑ जन॒यन्त॑ सू॒रयः॑ ॥

- 10.066.03a इन्द्रो वसुभिः परि पातु नो गयमादित्यैर्नो अदितिः शर्म यच्छतु ।
- 10.066.03c रुद्रो रुद्रेभिर्देवो मृळ्याति नस्त्वष्टा नो आभिः सुविताय जिन्वतु ॥
- 10.066.04a अदितिर्द्यावापृथिवी ऋतं महदिन्द्राविष्णू मरुतः स्वर्बृहत् ।
- 10.066.04c देवाँ आदित्याँ अवसे हवामहे वसून्नुद्रान्सवितारं सुदंससम् ॥
- 10.066.05a सरस्वान्धीभिर्वरुणो धृतव्रतः पूषा विष्णुर्महिमा वायुरश्विना ।
- 10.066.05c ब्रह्मकृतो अमृता विश्ववेदसः शर्म नो यंसन्निवरूथमंहसः ॥
- 10.066.06a वृषा यज्ञो वृषणः सन्तु यज्ञिया वृषणो देवा वृषणो हविष्कृतः ।
- 10.066.06c वृषणा द्यावापृथिवी ऋतावरी वृषा पर्जन्यो वृषणो वृषस्तुभः ॥
- 10.066.07a अग्नीषोमा वृषणा वाजसातये पुरुप्रशस्ता वृषणा उप ब्रुवे ।
- 10.066.07c यावीजिरे वृषणो देवयज्यया ता नः शर्म त्रिवरूथं वि यंसतः ॥
- 10.066.08a धृतव्रताः क्षत्रिया यज्ञनिष्कृतो बृहद्दिवा अध्वराणामभिश्चियः ।
- 10.066.08c अग्निहोतार ऋतसापो अद्रुहोऽपो असृजन्ननु वृत्रतूर्ये ॥
- 10.066.09a द्यावापृथिवी जनयन्नभि व्रताप ओषधीर्वनिनानि यज्ञिया ।
- 10.066.09c अन्तरिक्षं स्वशरा पप्ररूतये वशं देवासस्तन्वी३ नि मामृजुः ॥
- 10.066.10a धर्तारो दिव ऋभवः सुहस्ता वातापर्जन्या महिषस्य तन्यतोः ।
- 10.066.10c आप ओषधीः प्र तिरन्तु नो गिरो भगो रातिर्वाजिनो यन्तु मे हवम् ॥
- 10.066.11a समुद्रः सिन्धू रजो अन्तरिक्षमज एकपात्तनयित्पुरर्णवः ।
- 10.066.11c अहिर्बुध्न्यः शृणवद्वचांसि मे विश्वे देवास उत सूरयो मम ॥

- 10.066.12a स्याम॑ वो॒ मन॑वो दे॒ववी॑तये प्राञ्चं॑ नो य॒ज्ञं प्र॑ णयत साधुया ।
- 10.066.12c आ॒दि॒त्या रु॒द्रा व॑सवः सु॒दान॑व इ॒मा ब्र॑ह्म श॒स्यमा॑नानि जिन्वत ॥
- 10.066.13a दै॒व्या हो॑तारा प्रथ॒मा पु॒रोहि॑त ऋ॒तस्य॑ पन्थामन्वेमि साधुया ।
- 10.066.13c क्षेत्र॑स्य पतिं प्रतिवेशमीमहे विश्वान्दे॒वाँ अ॒मृताँ॑ अप्रयुच्छतः ॥
- 10.066.14a वसि॑ष्ठासः पितृ॒वद्वाच॑मक्रत दे॒वाँ ई॒ळाना॑ ऋषि॒वत्स्व॑स्तये ।
- 10.066.14c प्री॒ता इ॒व ज्ञा॑तयः काममेत्यास्मे दे॒वासोऽ॒व धू॑नुता वसु ॥
- 10.066.15a दे॒वान् वसि॑ष्ठो अ॒मृता॑न्ववन्दे ये विश्वा॑ भुवनाभि प्रतस्थुः ।
- 10.066.15c ते नो॑ रासन्तामु॒रुगा॑यमद्य यू॒यं पा॑त स्व॒स्तिभिः॑ सदा॒ नः ॥

- 10.067.01a इ॒मां धि॑यं सप्तशी॒र्ष्णीं पि॒ता न॑ ऋ॒तप्र॑जातां बृ॒हती॑मविन्दत् ।
- 10.067.01c तुरी॑यं स्वि॒ज्जन॑यद्विश्वज॒न्योऽया॑स्य उ॒क्थमि॑न्द्राय शंसन् ॥
- 10.067.02a ऋ॒तं शं॑सन्त ऋ॒जु दी॑ध्याना दि॒वस्पु॑त्रासो अ॒सुर॑स्य वी॒राः ।
- 10.067.02c वि॒प्रं प॒दम॑ङ्गिरसो द॒धाना॑ य॒ज्ञस्य॑ धाम प्रथ॒मं म॑नन्त ॥
- 10.067.03a हंसै॑रिव सखिभिर्वा॒वद॑द्भिरश्मन्म॒यानि॑ नहना॒ व्यस्य॑न् ।
- 10.067.03c बृ॒हस्प॑तिरभिकनिक्र॒दद्वा॑ उ॒त प्रा॑स्तौदुच्च वि॒द्वान् अ॑गायत् ॥
- 10.067.04a अ॒वो द्वा॑भ्यां पर॒ एक॑या गा गुहा तिष्ठन्तीर॒नृत॑स्य सेतौ ।
- 10.067.04c बृ॒हस्प॑तिस्तमसि॒ ज्योति॑रिच्छन्नु॒दुस्त्रा॑ आ॒कर्वि॑ हि ति॒स्र आ॑वः ॥
- 10.067.05a वि॒भिद्या॑ पु॒रं श॑यथेमपा॒चीं नि॒स्त्रीणि॑ साकमु॒दधे॑रकृन्तत् ।

- 10.067.05c बृहस्पतिरुषसं सूर्यं गामर्कं विवेद स्तनयन्निव द्यौः ॥
- 10.067.06a इन्द्रो वलं रक्षितारं दुधानां करेणैव वि चकर्ता रवेण ।
- 10.067.06c स्वेदाञ्जिभिराशिरमिच्छमानोऽरोदयत्पणिमा गा अमुष्णात् ॥
- 10.067.07a स ई सत्येभिः सखिभिः शुचद्भिर्गोधायसं वि धनसैरदर्दः ।
- 10.067.07c ब्रह्मणस्पतिर्वृषभिर्वराहैर्घर्मस्वेदेभिर्द्रविणं व्यानट् ॥
- 10.067.08a ते सत्येन मनसा गोपतिं गा इयानास इषणयन्त धीभिः ।
- 10.067.08c बृहस्पतिर्मिथोऽवद्यपेभिरुदुस्त्रिया असृजत स्वयुग्भिः ॥
- 10.067.09a तं वर्धयन्तो मतिभिः शिवाभिः सिंहमिव नानदतं सधस्थे ।
- 10.067.09c बृहस्पतिं वृषणं शूरसातौ भरेभरे अनु मदेम जिष्णुम् ॥
- 10.067.10a यदा वाजमसनद्विश्वरूपमा द्यामरुद्धदुत्तराणि सद्म ।
- 10.067.10c बृहस्पतिं वृषणं वर्धयन्तो नाना सन्तो विभ्रतो ज्योतिरासा ॥
- 10.067.11a सत्यामाशिषं कृणुता वयोधै कीरिं चिद्धयवथ स्वेभिरेवैः ।
- 10.067.11c पश्चा मृधो अप भवन्तु विश्वास्तद्रोदसी शृणुतं विश्वमिन्वे ॥
- 10.067.12a इन्द्रो मह्ना महतो अर्णवस्य वि मूर्धानमभिनदर्बुदस्य ।
- 10.067.12c अहन्नहिमरिणात्सप्त सिन्धून्देवैर्द्यावापृथिवी प्रावतं नः ॥
- 10.068.01a उदप्रुतो न वयो रक्षमाणा वावदतो अभ्रियस्येव घोषाः ।
- 10.068.01c गिरिभ्रजो नोर्मयो मदन्तो बृहस्पतिमभ्यर्का अनावन् ॥

- 10.068.02a सं गोभिराङ्गिरसो नक्षमाणो भग इवेदर्यमणं निनाय ।
- 10.068.02c जने मित्रो न दम्पती अनक्ति बृहस्पते वाजयाशूरिवाजौ ॥
- 10.068.03a साध्वर्या अतिथिनीरिषिरा स्पार्हाः सुवर्णा अनवद्यरूपाः ।
- 10.068.03c बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ॥
- 10.068.04a आप्रुषायन्मधुन ऋतस्य योनिमवक्षिपन्नर्क उल्कामिव द्योः ।
- 10.068.04c बृहस्पतिरुद्धरन्नश्मनो गा भूम्या उद्रेव वि त्वचं बिभेद ॥
- 10.068.05a अप ज्योतिषा तमो अन्तरिक्षादुद्गः शीपालमिव वात आजत् ।
- 10.068.05c बृहस्पतिरनुमृश्या वलस्याभ्रमिव वात आ चक्र आ गाः ॥
- 10.068.06a यदा वलस्य पीयतो जसुं भेद्वृहस्पतिरग्निमतपोभिरकैः ।
- 10.068.06c दद्भिर्न जिह्वा परिविष्टमाददाविर्निर्धीरकृणोदुस्त्रियाणाम् ॥
- 10.068.07a बृहस्पतिरमत हि त्यदासां नाम स्वरीणां सद्ने गुहा यत् ।
- 10.068.07c आण्डेव भित्त्वा शकुनस्य गर्भमुदुस्त्रियाः पर्वतस्य त्मनाजत् ॥
- 10.068.08a अश्नापिनद्धं मधु पर्यपश्यन्मत्स्यं न दीन उदनि क्षियन्तम् ।
- 10.068.08c निष्टज्जभार चमसं न वृक्षाद्वृहस्पतिर्विरवेणा विकृत्य ॥
- 10.068.09a सोषामविन्दत्स स्वशः सो अग्निं सो अर्केण वि बबाधे तमांसि ।
- 10.068.09c बृहस्पतिर्गोवपुषो वलस्य निर्मज्जानं न पर्वणो जभार ॥
- 10.068.10a हिमेव पर्णा मुषिता वनानि बृहस्पतिनाकृपयद्वलो गाः ।
- 10.068.10c अनानुकृत्यमपुनश्चकार यात्सूर्यामासा मिथ उच्चरातः ॥

- 10.068.11a अ॒भि श्या॑वं न कृ॒शने॑भिर॒श्वं न॒क्षत्रे॑भिः पि॒तरो॑ द्या॒मपिं॑शन् ।
- 10.068.11c रा॒त्र्यां त॒मो अ॒दधु॑ज्यो॒तिर॒हन्बृ॑हस्पति॒र्भिन॑दद्रिं वि॒दद्वाः ॥
- 10.068.12a इ॒दम॑कर्म॒ नमो॑ अ॒भ्रिया॑य॒ यः पूर्वी॑रन्व॒ानो॒नवी॑ति ।
- 10.068.12c बृ॒हस्प॑तिः स हि गो॒भिः सो अ॒श्वैः स वी॑रेभिः स नृ॒भिर्नो॑ वयो॒ धात् ॥

- 10.069.01a भ॒द्रा अ॒ग्नेर्व॑ध्र॒यश्च॑स्य॒ संदृ॑शो॒ वामी॑ प्र॒णीतिः॑ सु॒रणा॑ उपे॒तयः॑ ।
- 10.069.01c यदी॑ सु॒मित्रा॑ वि॒शो अ॒ग्र इ॒न्धते॑ घृ॒तेना॑हुतो॒ जर॑ते॒ दवि॑द्युतत् ॥
- 10.069.02a घृ॒तम॑ग्नेर्व॑ध्र॒यश्च॑स्य॒ वर्ध॑नं॒ घृ॒तम॑न्नं॒ घृ॒तम्व॑स्य॒ मेद॑नम् ।
- 10.069.02c घृ॒तेना॑हुत॒ उर्वि॑या वि॒ पप्र॑थे॒ सूर्य॑ इव॒ रोच॑ते॒ सर्पि॑रासुतिः ॥
- 10.069.03a यत्ते॑ म॒नुर्य॑दनी॒कं सु॑मि॒त्रः स॒मीधे॑ अ॒ग्ने तदि॑दं॒ नवी॑यः ।
- 10.069.03c स रे॒वच्छो॑च॒ स गि॑रो॒ जुष॑स्व॒ स वा॑जं॒ दर्षि॑ स॒ इह॑ श्र॒वो धाः॑ ॥
- 10.069.04a यं त्वा॑ पूर्॒वमी॑ळितो॒ वध्र॑यश्चः॒ समी॑धे॒ अग्ने॑ स॒ इदं॑ जुष॒स्व ।
- 10.069.04c स न॑ स्ति॒पा उ॒त भ॒वा त॒नूपा॑ दा॒त्रं र॑क्ष॒स्व यदि॑दं॒ ते अ॒स्मे ॥
- 10.069.05a भ॒वा द्यु॑म्नी॒ वाध्र॑यश्चो॒त गो॒पा मा॒ त्वा ता॑री॒दभि॑माति॒र्जनाना॑म् ।
- 10.069.05c शूर॑ इव॒ धृष्णु॑श्च्य॒वनः॑ सु॒मित्रः॑ प्र॒ नु वो॑चं॒ वाध्र॑यश्च॒स्य ना॑म ॥
- 10.069.06a स॒मज्र॑या॒ पर्व॑त्या॒ वसू॑नि॒ दासा॑ वृ॒त्राण॑या॒र्या जि॑गेथ ।
- 10.069.06c शूर॑ इव॒ धृष्णु॑श्च्य॒वनो॑ ज॒नानां॑ त्व॒मग्ने॑ पृ॒तना॑यूर॒भि ष्याः॑ ॥
- 10.069.07a दी॒र्घत॑न्तु॒र्बृह॑दु॒त्ताय॑म॒ग्निः स॒हस्र॑स्त॒रीः श॑तनी॒थ ऋ॑भ्वा ।

- 10.069.07c द्यु॒मान्द्यु॒मत्सु॒ नृभि॒र्मृ॒ज्यमा॑नः सु॒मित्रे॑षु दी॒दयो॑ दे॒वयत्सु॑ ॥
- 10.069.08a त्वे॒ धेनुः॑ सु॒दु॒घा जा॑तवे॒दोऽस॑श्च॒तेव॑ स॒मना॑ स॒बर्धु॑क् ।
- 10.069.08c त्वं नृ॒भिर्दा॑क्षिणाव॒द्भिरग्ने॑ सु॒मित्रे॑भिरि॒ध्यसे॑ दे॒वयद्भिः॑ ॥
- 10.069.09a दे॒वाश्चित्ते॑ अ॒मृता॑ जा॒तवे॒दो म॒हिमा॑नं वा॒ध्रय॑श्च प्र वो॒चन् ।
- 10.069.09c यत्स॑म्पृ॒च्छं मा॒नुषी॑र्वि॒श आ॒यन्त्वं॑ नृ॒भिर॑जयस्त्वावृ॒धेभिः॑ ॥
- 10.069.10a पि॒तेव॑ पु॒त्रम॑बि॒भरु॑प॒स्थे त्वा॒मग्ने॑ व॒ध्रय॑श्चः स॒पर्य॑न् ।
- 10.069.10c जु॒षा॒णो अ॒स्य स॒मिधं॑ यवि॒ष्ठोत॑ पूर्वा॒ अव॑नो॒ब्राध॑तश्चित् ॥
- 10.069.11a श॒श्वद॑ग्निर्व॒ध्रय॑श्च॒स्य श॒त्रून् नृ॑भिर्जि॒गाय॑ सु॒तसो॑मव॒द्भिः ।
- 10.069.11c स॒मनं॑ चि॒दद॑हश्चि॒त्रभा॒नोऽव॑ ब्रा॒धन्त॑म॒भिन॑द्वृ॒धश्चित् ॥
- 10.069.12a अ॒यम॑ग्निर्व॒ध्रय॑श्च॒स्य वृ॒त्रहा॑ स॒नका॑त्प्रे॒द्धो न॑मसो॒पवा॑क्यः ।
- 10.069.12c स॒ नो अ॒जा॒मी॒रुत॑ वा वि॒जा॒मी॒नभि॑ तिष्ठ श॒र्धतो॑ वा॒ध्रय॑श्च ॥
- 10.070.01a इ॒मां मे॑ अ॒ग्ने स॒मिधं॑ जु॒षस्वे॒ळस्प॑दे॒ प्रति॑ ह॒र्या घृ॒ताची॑म् ।
- 10.070.01c व॒ष्मन्पृ॑थि॒व्याः सु॑दि॒नत्वे॑ अ॒ह्नामू॒र्ध्वो भ॑व सु॒क्रतो॑ दे॒वय॑ज्या ॥
- 10.070.02a आ दे॒वाना॑म॒ग्रया॑वे॒ह या॒तु न॒राशं॑सो वि॒श्वरू॑पेभिर॒श्वैः ।
- 10.070.02c ऋ॒तस्य॑ प॒था न॑मसा॒ मिये॑धो दे॒वेभ्यो॑ दे॒वत॑मः सु॒षूद॑त् ॥
- 10.070.03a श॒श्वत्त॑ममी॒ळते॑ दू॒त्याय॑ ह॒विष्म॑न्तो म॒नुष्या॑सो अ॒ग्निम् ।
- 10.070.03c वहि॑ष्ठैर॒श्वैः सु॒वृता॑ रथे॒ना दे॒वान्व॑क्षि॒ नि ष॑दे॒ह होता॑ ॥

- 10.070.04a वि प्रथतां देवजुष्टं तिरश्चा दीर्घं द्राघ्मा सुरभि भूत्वस्मे ।
- 10.070.04c अहेळता मनसा देव बर्हिरिन्द्रज्येष्ठां उशतो यक्षि देवान् ॥
- 10.070.05a दिवो वा सानु स्पृशता वरीयः पृथिव्या वा मात्रया वि श्रयध्वम् ।
- 10.070.05c उशतीद्वारो महिना महद्भिर्देवं रथं रथयुर्धारयध्वम् ॥
- 10.070.06a देवी दिवो दुहितरा सुशिल्पे उषासानक्ता सदतां नि योनौ ।
- 10.070.06c आ वां देवास उशती उशन्त उरौ सीदन्तु सुभगे उपस्थे ॥
- 10.070.07a ऊर्ध्वो ग्रावा बृहदग्निः समिद्धः प्रिया धामान्यदितेरुपस्थे ।
- 10.070.07c पुरोहितावृत्विजा यज्ञे अस्मिन्विदुष्टरा द्रविणमा यजेथाम् ॥
- 10.070.08a तिस्रो देवीर्बर्हिरिदं वरीय आ सीदत चकृमा वः स्योनम् ।
- 10.070.08c मनुष्वद्यज्ञं सुधिता हवींषीळा देवी घृतपदी जुषन्त ॥
- 10.070.09a देव त्वष्टर्यद्ध चारुत्वमानड्यदङ्गिरसामभवः सचाभूः ।
- 10.070.09c स देवानां पाथ उप प्र विद्वाँ उशन्यक्षि द्रविणोदः सुरत्नः ॥
- 10.070.10a वनस्पते रशनया नियूया देवानां पाथ उप वक्षि विद्वान् ।
- 10.070.10c स्वदाति देवः कृणवद्धवींष्यवतां द्यावापृथिवी हवं मे ॥
- 10.070.11a आग्ने वह वरुणमिष्टये न इन्द्रं दिवो मरुतो अन्तरिक्षात् ।
- 10.070.11c सीदन्तु बर्हिर्विश्व आ यजत्राः स्वाहा देवा अमृता मादयन्ताम् ॥
- 10.071.01a बृहस्पते प्रथमं वाचो अग्रं यत्प्रैरत नामधेयं दधानाः ।

- 10.071.01c यदेषां श्रेष्ठं यदरिप्रमासीत्प्रेणा तदेषां निहितं गुहाविः ॥
- 10.071.02a सक्तुमिव तितउना पुनन्तो यत्र धीरा मनसा वाचमक्रत ।
- 10.071.02c अत्रा सखायः सख्यानि जानते भद्रैषां लक्ष्मीर्निहिताधि वाचि ॥
- 10.071.03a यज्ञेन वाचः पदवीयमायन्तामन्वविन्दन्नृषिषु प्रविष्टाम् ।
- 10.071.03c तामाभृत्या व्यदधुः पुरुत्रा तां सप्त रेभा अभि सं नवन्ते ॥
- 10.071.04a उत त्वः पश्यन्न ददर्श वाचमुत त्वः शृण्वन्न शृणोत्येनाम् ।
- 10.071.04c उतो त्वस्मै तन्वंशं वि सस्त्रे जायेव पत्य उशती सुवासाः ॥
- 10.071.05a उत त्वं सख्ये स्थिरपीतमाहुर्नैनं हिन्वन्त्यपि वाजिनेषु ।
- 10.071.05c अधेन्वा चरति माययैष वाचं शुश्रुवाँ अफलामपुष्पाम् ॥
- 10.071.06a यस्तित्याज सचिविदं सखायं न तस्य वाच्यपि भागो अस्ति ।
- 10.071.06c यदीं शृणोत्यलकं शृणोति नहि प्रवेद सुकृतस्य पन्थाम् ॥
- 10.071.07a अक्षण्वन्तः कर्णवन्तः सखायो मनोजवेष्वसमा बभूवुः ।
- 10.071.07c आदघ्नास उपकक्षास उ त्वे हृदा इव स्नात्वा उ त्वे ददृश्रे ॥
- 10.071.08a हृदा तष्टेषु मनसो जवेषु यद्ब्राह्मणाः संयजन्ते सखायः ।
- 10.071.08c अत्राह त्वं वि जहुर्वेद्याभिरोहब्रह्माणो वि चरन्त्यु त्वे ॥
- 10.071.09a इमे ये नार्वाङ्गं परश्चरन्ति न ब्राह्मणासो न सुतेकरासः ।
- 10.071.09c त एते वाचमभिपद्य पापया सिरीस्तन्नं तन्वते अप्रजज्ञयः ॥
- 10.071.10a सर्वे नन्दन्ति यशसागतेन सभासाहेन सख्या सखायः ।

- 10.071.10c किलि॒ब॒ष॒स्पृ॒त्पि॒तु॒षणि॒र्ह्येषा॒मरं॑ हि॒तो भ॒वति॑ वा॒जिना॑य ॥
- 10.071.11a ऋ॒चां त्वः॑ पो॒षमा॑स्ते पु॒पु॒ष्वा॒न्गा॒यत्रं॑ त्वो गाय॑ति श॒क्वरी॑षु ।
- 10.071.11c ब्र॒ह्मा त्वो॑ वद॑ति जा॒तवि॑द्यां य॒ज्ञस्य॑ मा॒त्रां वि॒ मिमी॑त उ त्वः ॥
- 10.072.01a दे॒वानां॑ नु व॒यं जा॒ना प्र वो॑चाम वि॒पन्य॑या ।
- 10.072.01c उ॒क्थेषु॑ श॒स्यमा॑नेषु यः प॒श्यादु॑त्तरे यु॒गे ॥
- 10.072.02a ब्र॒ह्मण॑स्पति॒रेता सं॑ क॒र्मार॑ इवाध॒मत् ।
- 10.072.02c दे॒वानां॑ पू॒र्व्ये यु॒गेऽस॑तः स॒दजा॑यत ॥
- 10.072.03a दे॒वानां॑ यु॒गे प्र॑थ॒मेऽस॑तः स॒दजा॑यत ।
- 10.072.03c तदा॑शा अ॒न्वजा॑यन्त तदु॒त्ता॒नप॑द॒स्परि॑ ॥
- 10.072.04a भूर्ज॑ञ्ज उ॒त्ता॒नप॑दो भुव आशा॑ अजायन्त ।
- 10.072.04c अदि॑तेर्द॒क्षो अजा॑यत द॒क्षाद्द॑दि॒तिः परि॑ ॥
- 10.072.05a अदि॑तिर्ह्य॒जनि॑ष्ट द॒क्ष या दु॑हि॒ता तव॑ ।
- 10.072.05c तां दे॒वा अ॒न्वजा॑यन्त भ॒द्रा अ॒मृत॑बन्ध॒वः ॥
- 10.072.06a यद्दे॒वा अ॒दः स॑लि॒ले सु॑सं॒रब्धा॑ अति॒ष्ठत॑ ।
- 10.072.06c अत्रा॑ वो नृ॒त्यता॑मि॒व ती॒व्रो रेणु॑रपा॒यत॑ ॥
- 10.072.07a यद्दे॒वा य॑तयो यथा भुव॒नान्य॑पि॒न्वत॑ ।
- 10.072.07c अत्रा॑ स॒मुद्र॑ आ गू॒ळ्ह॑मा सूर्य॑मज॒भर्त॑न ॥

- 10.072.08a अ॒ष्टौ पु॒त्रासो अ॒दि॒तेर्ये॑ जा॒तास्त॒न्वश्स्परि॑ ।
- 10.072.08c दे॒वाँ उप॑ प्रै॒त्सप्त॑भिः॒ परा॑ मा॒र्ताण्ड॑मास्यत् ॥
- 10.072.09a सप्त॑भिः पु॒त्रैरदि॑तिरुप॒ प्रैत्पू॒र्व्यं यु॒गम् ।
- 10.072.09c प्रजा॑यै मृ॒त्यवे॑ त्वत्पु॒नर्मा॑र्ताण्ड॒माभर॑त् ॥
- 10.073.01a जनि॑ष्ठा उ॒ग्रः स॒हसे॑ तु॒राय॑ म॒न्द्र ओ॒जिष्ठो॑ बहु॒लाभि॑मानः ।
- 10.073.01c अ॒वर्धा॑न्निन्द्रं॒ मरु॑तश्चि॒दत्र॑ मा॒ता यद्वी॑रं॒ दध॑न॒द्धनि॑ष्ठा ॥
- 10.073.02a द्रु॒हो निष॑त्ता पृ॒शनी॑ चि॒देवैः॑ पु॒रू शं॑सेन वावृ॒धुष्ट॑ इन्द्र॒म् ।
- 10.073.02c अ॒भीवृ॑तेव॒ ता म॒हाप॑देन॒ ध्वान्ता॑त्प्र॒पित्वा॑दु॒दर॑न्त॒ गर्भाः॑ ॥
- 10.073.03a ऋ॒ष्वा ते॑ पा॒दा प्र॑ य॒ज्जिगा॑स्यव॒र्धन्वा॑जा॒ उत॑ ये चि॒दत्र॑ ।
- 10.073.03c त्वमिन्द्र॑ सा॒लावृ॑कान्स॒हस्र॑मा॒सन्द॑धिषे अ॒श्विना॑ ववृ॒त्याः ॥
- 10.073.04a स॒मना॑ तू॒र्णिरु॑प॒ यासि॑ य॒ज्ञमा॑ नास॒त्या स॒ख्याय॑ व॒क्षि ।
- 10.073.04c वसा॑व्यामिन्द्र॒ धार॑यः स॒हस्रा॑श्विना॒ शूर॑ द॒दतु॑र्म॒घानि॑ ॥
- 10.073.05a म॒न्द॒मान॑ ऋ॒ताद॑धि॒ प्रजा॑यै स॒खिभि॑रिन्द्र॒ इषि॑रेभि॒रर्थ॑म् ।
- 10.073.05c आ॒भिर्हि॑ मा॒या उप॑ द॒स्यु॒मागा॑न्मि॒हः प्र॑ त॒न्ना अ॒वप॑त्तमांसि ॥
- 10.073.06a स॒नामा॑ना चि॒द्धव॑सयो॒ न्यस्मा॑ अ॒वाह॑न्निन्द्र॒ उष॑सो य॒थानः॑ ।
- 10.073.06c ऋ॒ष्वैर॑गच्छः स॒खिभि॑र्निका॒मैः सा॒कं प्र॑तिष्ठा हृ॒द्या ज॑घन्थ ॥
- 10.073.07a त्वं ज॑घन्थ नमु॒चिं म॑खस्युं॒ दासं॑ कृ॒ण्वान॑ ऋ॒षये॑ वि॒माय॑म् ।

- 10.073.07c त्वं च॒कर्त्त॑ मन॒वे स्यो॒नान्प॒थो दे॒वत्रा॑ञ्ज॒सेव॑ या॒नान् ॥
- 10.073.08a त्वमे॒तानि॑ प॒प्रिषे॑ वि॒ नामे॑शान॒ इन्द्र॑ दधिषे॒ गभ॑स्तौ ।
- 10.073.08c अ॒नु त्वा॑ दे॒वाः श॒वसा॑ म॒दन्त्यु॑परि॒बुध्ना॑न्वनि॒नश्च॑कर्त्त॑ ॥
- 10.073.09a च॒क्रं य॑दस्याप्स्वा॒ निष॑त्तमु॒तो त॑दस्मै॒ मध्वि॑च्च॒च्छद्या॑त् ।
- 10.073.09c पृ॒थिव्या॑मति॒षितं॑ य॒दूधः॑ प॒यो गो॑ष्व॒दधा॑ ओष॒धीषु॑ ॥
- 10.073.10a अ॒श्वादि॑यायेति॒ यद्व॑दन्त्यो॒जसो॑ जा॒तमु॒त म॒न्य ए॒नम् ।
- 10.073.10c म॒न्योरि॑याय॒ हर्म्ये॑षु॒ तस्थौ॑ यतः॒ प्रज॑ज्ञ॒ इन्द्रो॑ अस्य॒ वेद ॥
- 10.073.11a व॒यः सु॒पर्णा॑ उप॒ सेदु॑रिन्द्रं॒ प्रिय॑मे॒धा ऋ॒षयो॑ ना॒धमा॑नाः ।
- 10.073.11c अ॒प ध्वा॑न्त॒मूर्गा॑हि॒ पूर्धि॑ च॒क्षुर्मु॑मु॒ग्ध्य॑श्स्मान्नि॒धये॑व॒ बद्धा॑न् ॥

- 10.074.01a व॒सूनां॑ वा च॒र्कृष॑ इ॒यत्त॑न्धिया॒ वा य॒ज्ञैर्वा॑ रो॒दस्योः॑ ।
- 10.074.01c अ॒र्वन्तो॑ वा॒ ये र॑यि॒मन्तः॑ सा॒तौ व॒नुं वा॒ ये सु॒श्रुणं॑ सु॒श्रुतो॑ धुः ॥
- 10.074.02a ह॒व ए॒षाम॑सुरो॒ नक्ष॑त॒ द्यां श्र॑व॒स्यता॑ म॒नसा॑ निंस॒त क्षा॑म् ।
- 10.074.02c च॒क्षाणा॑ यत्र॒ सुवि॑ताय॒ देवा॑ द्यौर्न॒ वारे॑भिः॒ कृण॑वन्त॒ स्वैः ॥
- 10.074.03a इ॒यमेषा॑म॒मृता॑नां॒ गीः स॒र्वता॑ता॒ ये कृ॑पण॒न्त रत्न॑म् ।
- 10.074.03c धि॒यं च॑ य॒ज्ञं च॑ सा॒धन्त॑स्ते नो॒ धान्तु॑ व॒सव्य॑श्म॒सामि ॥
- 10.074.04a आ॒ तत्त॑ इन्द्रा॒यवः॑ प॒नन्ता॑भि॒ य ऊ॒र्व गो॑मन्तं॒ तितृ॑त्सान् ।
- 10.074.04c स॒कृत्स्वं॑ ये॒ पुरु॑पुत्रां॒ महीं॑ स॒हस्र॑धारां॒ बृह॑तीं॒ दुदु॑क्षन् ॥

- 10.074.05a शची॑व॒ इन्द्र॑मवसे कृ॒णुध्व॑मनानतं द॒मय॑न्तं पृ॒तन्यू॑न् ।
- 10.074.05c ऋ॒भुक्ष॑णं म॒घवानं॑ सुवृ॒क्तिं भ॑र्ता यो वज्रं न॒र्यं पु॑रुक्षुः ॥
- 10.074.06a यद्वा॑वान॒ पुरु॑तमं पुरा॒षाळा॑ वृ॒त्रहे॑न्द्रो नामान्य॒प्राः ।
- 10.074.06c अ॒चेति॑ प्रा॒सह॑स्पतिस्तुवि॒ष्मान्य॑दीमु॒श्मसि॑ क॒र्त॒वे क॑रत्तत् ॥
- 10.075.01a प्र सु॑ व॒ आपो॑ महि॒मान॑मुत्तमं का॒रुर्वो॑चाति स॒दने॑ वि॒वस्व॑तः ।
- 10.075.01c प्र स॒प्तस॑प्त त्रेधा हि च॒क्रमुः॑ प्र सृ॒त्वरी॑णामति॒ सिन्धु॑रोजसा ॥
- 10.075.02a प्र तेऽ॒रद॑द्व॒रुणो॑ या॒त॒वे प॑थः सिन्धो॒ यद्वाजाँ॑ अ॒भ्यद्र॑वस्त्वम् ।
- 10.075.02c भूम्या॑ अ॒धि प्र॑वता या॒सि सा॒नुना॑ य॒देषा॑मग्रं जगता॒मिर॑ज्यसि ॥
- 10.075.03a दि॒वि स्व॑नो य॒त॒ते भूम्यो॑पर्य॒नन्तं॑ शु॒ष्ममु॑दियति॒ भानु॑ना ।
- 10.075.03c अ॒भ्रादि॑व प्र स्त॒नय॑न्ति वृ॒ष्टयः॑ सिन्धु॒र्यदि॑ति वृष॒भो न॑ रोरुवत् ॥
- 10.075.04a अ॒भि त्वा॑ सिन्धो॒ शिशु॑मिन्न॒ मात॑रो वा॒श्रा अ॑र्षन्ति प॒यसे॑व धे॒नवः॑ ।
- 10.075.04c राजे॑व यु॒ध्वा न॑यसि॒ त्वमि॑त्सिचौ॒ यदा॑सामग्रं प्र॒वता॑मि॒नक्ष॑सि ॥
- 10.075.05a इ॒मं मे॑ गङ्गे॒ यमु॑ने सर॒स्वति॑ शु॒तुद्रि॑ स्तोमं स॒चता॑ परु॒ष्ण्या ।
- 10.075.05c अ॒सिक्न्या॑ मरु॒द्वृधे॑ वि॒तस्त॑यार्जी॒कीये॑ शृ॒णुह्या॑ सु॒षोम॑या ॥
- 10.075.06a तृ॒ष्टाम॑या प्रथ॒मं या॑त॒वे स॒जूः सु॑स॒र्त्वा र॑सया श्वे॒त्या त्या॑ ।
- 10.075.06c त्वं सिन्धो॑ कु॒भया॑ गो॒मतीं॑ कुमुं॒ मेह॑त्न्वा सर॒थं या॑भिरीयसे ॥
- 10.075.07a ऋ॒जीत्ये॑नी रु॒शती॑ महि॒त्वा परि॑ ज्रयांसि॒ भर॑ते रजांसि ।

- 10.075.07c अ॒द॒ब्धा॑ सि॒न्धु॒र॒प॒सा॒म॒प॒स्त॒मा॒श्वा॑ न चि॒त्रा॑ व॒पु॒षी॒व॑ दर्श॒ता ॥
- 10.075.08a स्व॒श्वा॑ सि॒न्धुः॑ सु॒र॒था॑ सु॒वा॒सा॑ हि॒र॒ण्य॒यी॑ सु॒कृ॒ता॑ वा॒जि॒नी॒व॒ती॑ ।
- 10.075.08c ऊ॒र्णा॑वती यु॒व॒तिः॑ सी॒ल॒मा॒व॒त्यु॒ता॒धि॑ व॒स्ते॑ सु॒भ॒गा॑ म॒धु॒वृ॒ध॒म् ॥
- 10.075.09a सु॒खं॑ रथं यु॒यु॒जे॑ सि॒न्धु॒र॒श्चि॒नं॑ ते॒न॒ वा॒जं॑ स॒नि॒ष॒द॒स्मि॒न्ना॒जौ॑ ।
- 10.075.09c म॒हा॒न्ह्य॑स्य म॒हि॒मा॑ प॒न॒स्य॑तेऽद॒ब्ध॑स्य स्व॒य॒श॒सो॑ वि॒र॒प्शि॑नः ॥
- 10.076.01a आ॒ व॑ ऋ॒ञ्ज॑स ऊ॒र्जा॑ व्यु॒ष्टि॑ष्वि॒न्द्रं॑ म॒रु॒तो॑ रो॒द॒सी॑ अ॒न॒क्त॑न ।
- 10.076.01c उ॒भे॑ यथा॒ नो॑ अ॒ह॒नी॑ स॒चा॒भु॒वा॑ स॒दः॑स॒दो॑ व॒रि॒व॒स्या॒त॑ उ॒द्भि॒दा॑ ॥
- 10.076.02a तदु॒ श्रे॒ष्ठं॑ स॒वनं॑ सु॒नो॒त॒ना॒त्यो॑ न ह॒स्त॒य॒तो॑ अ॒द्रिः॑ सो॒तरि॑ ।
- 10.076.02c वि॒द॒द्व्य॑श्र्यो॒ अभि॑भू॒ति॒ पौं॒स्यं॑ म॒हो॒ रा॒ये॑ चि॒त्त॑रु॒ते॒ यद॑र्व॒तः ॥
- 10.076.03a तदि॒द्व्य॑स्य स॒वनं॑ वि॒वे॒र॒पो॑ यथा॒ पु॒रा॑ म॒न॒वे॑ गा॒तु॒म॒श्रे॑त् ।
- 10.076.03c गो॒अ॒र्णा॑सि॒ त्वा॒ष्ट्रे॑ अ॒श्व॑नि॒र्णि॒जि॒ प्रे॒म॒ध्व॒रे॒ष्व॒ध्व॒राँ॑ अ॒शि॒श्रु॑युः ॥
- 10.076.04a अ॒प॒ ह॒त॑ र॒क्ष॒सो॑ भ॒ङ्गु॑रा॒व॒त॒ स्क्व॑भा॒य॒त॒ नि॒ऋ॑तिं॒ से॒ध॒ता॒म॒ति॒म् ।
- 10.076.04c आ॒ नो॑ र॒यिं॑ स॒र्व॒वी॒रं॑ सु॒नो॒त॒न॑ दे॒वा॒व्यं॑ भ॒र॒त॑ श्लो॒क॒म॒द्र॒यः ॥
- 10.076.05a दि॒व॒श्चि॒दा॑ वोऽम॒व॒त्त॑रे॒भ्यो॑ वि॒भ्व॒ना॑ चि॒दा॒श्व॑प॒स्त॑रे॒भ्यः॑ ।
- 10.076.05c वा॒यो॒श्चि॒दा॑ सो॒म॒र॒भ॒स्त॑रे॒भ्यो॑ऽग्ने॒श्चि॒दर्च॑ पि॒तु॒कृ॒त्त॑रे॒भ्यः ॥
- 10.076.06a भु॒र॒न्तु॑ नो॒ य॒श॒सः॑ सो॒त्व॒न्ध॑सो॒ ग्रा॒वा॒णो॑ वा॒चा॑ दि॒वि॒ता॑ दि॒वि॒त्म॑ता ।
- 10.076.06c न॒रो॑ यत्र॒ दु॒ह॒ते॑ का॒म्यं॑ म॒ध्वा॒घो॑ष॒य॒न्तो॑ अ॒भि॒तो॑ मि॒थ॒स्तु॑रः ॥

10.076.07a सु॒न्वन्ति॑ सो॒मं रथि॑रा॒सो अ॒द्रयो॑ नि॒रस्य॑ र॒सं ग॒विषो॑ दु॒हन्ति॑ ते ।

10.076.07c दु॒हन्त्यू॑ध॒रुप॑से॒चनाय॑ कं न॒रो ह॒व्या न॑ म॒र्जय॑न्त आ॒सभिः॑ ॥

10.076.08a ए॒ते न॒रः स्व॑प॒सो अ॒भूत॑न॒ य इन्द्रा॑य सु॒नुथ॑ सो॒मम॑द्रयः ।

10.076.08c वा॒मंवा॑मं वो दि॒व्याय॑ धाम्ने॒ वसु॑वसु॒ वः पा॑र्थि॒वाय॑ सु॒न्वते॑ ॥

10.077.01a अ॒भ्रप्रु॑षो न वा॒चा प्रु॑षा वसु॒ हवि॑ष्मन्तो न य॒ज्ञा वि॑जानुषः ।

10.077.01c सु॒मारु॑तं न ब्र॒ह्माण॑म॒र्हसे॑ ग॒णम॑स्तोष्येषां न शो॒भसे॑ ॥

10.077.02a श्रि॒ये म॒र्यासो॑ अ॒र्ञ्जैर॑कृ॒णव॑त सु॒मारु॑तं न पू॒र्वीर॑ति क्ष॒पः ।

10.077.02c दि॒वस्पु॑त्रा॒स ए॒ता न॑ ये॒तिर॑ आ॒दित्या॑स॒स्ते अ॒क्रा न॑ वा॒वृधुः॑ ॥

10.077.03a प्र॒ ये दि॒वः पृ॑थि॒व्या न॑ ब॒र्हणा॑ त्मना॒ रिरि॑च्चे अ॒भ्रान्न॑ सू॒र्यः ।

10.077.03c पा॒जस्व॑न्तो न वी॒राः प॑न॒स्यवो॑ रि॒शाद॑सो न म॒र्या अ॒भिद्य॑वः ॥

10.077.04a यु॒ष्माकं॑ बु॒ध्ने अ॒पां न॑ या॒मनि॑ वि॒थुर्य॑ति न म॒ही श्र॑थर्यति ।

10.077.04c वि॒श्वप्सु॑र्य॒ज्ञो अ॒र्वाग॑यं सु॒ वः प्र॑य॒स्वन्तो॑ न स॒त्राच॑ आ॒ गत॑ ॥

10.077.05a यू॒यं धू॑र्षु॒ प्रयु॑जो न र॒श्मिभि॑ज्योतिष्मन्तो न भा॒सा व्यु॑ष्टिषु ।

10.077.05c श्ये॒नासो॑ न स्व॒यश॑सो रि॒शाद॑सः प्र॒वासो॑ न प्र॒सिता॑सः परि॒प्रुषः॑ ॥

10.077.06a प्र॒ यद्व॑ह॒ध्वे म॑रुतः प॒राका॑द्यूयं म॒हः सं॑व॒रण॑स्य व॒स्वः ।

10.077.06c वि॒दाना॑सो व॒सवो॑ रा॒ध्यस्या॑राच्चिद्द्वेषः स॒नुत॑र्युयोत ॥

10.077.07a य उ॒दृचि॑ य॒ज्ञे अ॒ध्वरे॑ष्ठा म॒रुद्भ्यो॑ न मा॒नुषो॑ द॒दाश॑त् ।

- 10.077.07c रेवत्स वयो दधते सुवीरं स देवानामपि गोपीथे अस्तु ॥
- 10.077.08a ते हि यज्ञेषु यज्ञियास ऊमा आदित्येन नाम्ना शम्भविष्ठाः ।
- 10.077.08c ते नोऽवन्तु रथतूर्मनीषां महश्च यामन्नध्वरे चकानाः ॥
- 10.078.01a विप्रासो न मन्मभिः स्वाध्यो देवाव्योश्च न यज्ञैः स्वप्नसः ।
- 10.078.01c राजानो न चित्राः सुसंदृशः क्षितीनां न मर्या अरेपसः ॥
- 10.078.02a अग्निर्न ये भ्राजसा रुक्मवक्षसो वातासो न स्वयुजः सद्यऊतयः ।
- 10.078.02c प्रज्ञातारो न ज्येष्ठाः सुनीतयः सुशर्माणो न सोमा ऋतं यते ॥
- 10.078.03a वातासो न ये धुनयो जिगत्नवोऽग्नीनां न जिह्वा विरोकिणः ।
- 10.078.03c वर्मण्वन्तो न योधाः शिमीवन्तः पितृणां न शंसाः सुरातयः ॥
- 10.078.04a रथानां न येऽराः सनाभयो जिगीवांसो न शूरा अभिद्यवः ।
- 10.078.04c वरेयवो न मर्या घृतप्रुषोऽभिस्वतारो अर्कं न सुष्टुभः ॥
- 10.078.05a अश्वासो न ये ज्येष्ठास आशवो दिधिषवो न रथ्यः सुदानवः ।
- 10.078.05c आपो न निम्नैरुदभिर्जिगत्नवो विश्वरूपा अङ्गिरसो न सामभिः ॥
- 10.078.06a ग्रावाणो न सूरयः सिन्धुमातर आदर्दिरासो अद्रयो न विश्वहा ।
- 10.078.06c शिशूला न क्रीळयः सुमातरो महाग्रामो न यामन्नुत त्विषा ॥
- 10.078.07a उषसां न केतवोऽध्वरश्रियः शुभंयवो नाञ्जिभिव्यश्चितन् ।
- 10.078.07c सिन्धवो न ययियो भ्राजदृष्टयः परावतो न योजनानि ममिरे ॥

- 10.078.08a सुभा॒गान्नो॑ दे॒वाः कृ॒णुता॑ सु॒रत्नान्॑स्मान्स्तो॒तृन्मरु॑तो वावृ॒धानाः॑ ।
- 10.078.08c अ॒धि स्तो॑त्रस्य॒ सख्य॑स्य॒ गात॑ सना॒द्धि वो॑ रत्न॒धेया॑नि सन्ति ॥
- 10.079.01a अ॒पश्य॑मस्य॒ मह॑तो म॒हित्व॑मम॒र्त्यस्य॑ म॒र्त्यासु॑ वि॒क्षु ।
- 10.079.01c ना॒ना ह॒नू वि॑भृते सं भ॒रेते॑ अ॒सिन्व॑ती ब॒प्सती॑ भूर्य॒त्तः ॥
- 10.079.02a गु॒हा शि॒रो नि॑हितमृ॒धग॑त्नी अ॒सिन्व॑न्नत्ति जि॒ह्वया॑ व॒नानि॑ ।
- 10.079.02c अ॒त्राण्य॑स्मै प॒डिभः॑ सं भ॒रन्त्यु॑त्तान॒हस्ता॑ न॒मसा॑धि वि॒क्षु ॥
- 10.079.03a प्र॒ मातुः॑ प्र॒तरं॑ गु॒ह्यामि॑च्छन्कु॒मारो॑ न वी॒रुधः॑ सर्प॒दुर्वीः॑ ।
- 10.079.03c स॒सं न॑ प॒क्वम॑वि॒दच्छु॑चन्तं॒ रिरि॑ह्वांसं॒ रिप॑ उ॒पस्थे॑ अ॒न्तः ॥
- 10.079.04a तद्वा॒मृतं॑ रो॒दसी॑ प्र॒ ब्रवी॑मि जा॒यमा॑नो मा॒तरा॑ गर्भो॒ अत्ति॑ ।
- 10.079.04c नाहं॑ दे॒वस्य॑ म॒र्त्याश्चि॑केता॒ग्निर॑ङ्ग वि॒चेताः॑ स प्र॒चेताः॑ ॥
- 10.079.05a यो अ॒स्मा अ॒न्नं तृ॒ष्वाश्द॑धात्याज्यै॒घृतैर्जु॑होति पु॒ष्यति॑ ।
- 10.079.05c तस्मै॑ स॒हस्र॑म॒क्षभि॑र्वि च॒क्षेऽग्ने॑ वि॒श्वतः॑ प्र॒त्यङ्ङ॑सि॒ त्वम् ॥
- 10.079.06a किं॑ दे॒वेषु॑ त्यज॒ एनश्च॑कर्था॒ग्ने पृ॑च्छामि॒ नु त्वा॑मवि॒द्वान् ।
- 10.079.06c अ॒क्रीळ॑न्क्रीळ॒न्हरि॑रत्त॒वेऽद॑न्वि॒ पर्व॑शश्च॒कर्त॑ गा॒मिवा॑सिः ॥
- 10.079.07a वि॒षूचो॑ अ॒श्वान्यु॑युजे॒ वने॑जा अ॒जीति॑भी र॒शना॑भिर्गृ॒भीता॑न् ।
- 10.079.07c च॒क्षदे॑ मि॒त्रो व॑सु॒भिः सु॑जातः॒ समानृ॑धे॒ पर्व॑भिर्वावृ॒धानः॑ ॥

- 10.080.01a अग्निः सतिं वाजम्भरं ददात्यग्निर्वीरं श्रुत्यं कर्मनिष्ठाम् ।
- 10.080.01c अग्नी रोदसी वि चरत्समञ्जन्नग्निनारीं वीरकुक्षिं पुरंधिम् ॥
- 10.080.02a अग्नेरप्रसः समिदस्तु भद्राग्निर्मही रोदसी आ विवेश ।
- 10.080.02c अग्निरेकं चोदयत्समत्स्वग्निर्वृत्राणि दयते पुरूणि ॥
- 10.080.03a अग्निर्ह त्यं जरतः कर्णमावाग्निरद्भयो निरदहज्जरूथम् ।
- 10.080.03c अग्निरत्रिं घर्म उरुष्यदन्तरग्निर्नृमेधं प्रजयासृजत्सम् ॥
- 10.080.04a अग्निर्दाद्विणं वीरपेशा अग्निर्ऋषिं यः सहस्रा सनोति ।
- 10.080.04c अग्निर्दिवि हव्यमा ततानाग्नेर्धामानि विभृता पुरुत्रा ॥
- 10.080.05a अग्निमुक्थैर्ऋषयो वि ह्वयन्तेऽग्निं नरो यामनि बाधितासः ।
- 10.080.05c अग्निं वयो अन्तरिक्षे पतन्तोऽग्निः सहस्रा परि याति गोनाम् ॥
- 10.080.06a अग्निं विश ईळते मानुषीर्या अग्निं मनुषो नहुषो वि जाताः ।
- 10.080.06c अग्निर्गान्धर्वी पथ्यामृतस्याग्नेर्गव्यूतिर्घृत आ निषत्ता ॥
- 10.080.07a अग्रये ब्रह्म ऋभवस्ततत्तुरग्निं महामवोचामा सुवृक्तिम् ।
- 10.080.07c अग्ने प्राव जरितारं यविष्ठाग्ने महि द्रविणमा यजस्व ॥
- 10.081.01a य इमा विश्वा भुवनानि जुह्वदृषिर्होता न्यसीदत्पिता नः ।
- 10.081.01c स आशिषा द्रविणमिच्छमानः प्रथमच्छदवरां आ विवेश ॥
- 10.081.02a किं स्विदासीदधिष्ठानमारम्भणं कतमत्स्वित्कथासीत् ।

- 10.081.02c यतो भूमिं जनयन्विश्वकर्मा वि द्यामौर्णोन्महिना विश्वचक्षाः ॥
- 10.081.03a विश्वतश्चक्षुरुत विश्वतोमुखो विश्वतोबाहुरुत विश्वतस्पात् ।
- 10.081.03c सं बाहुभ्यां धमति सं पतत्रैर्द्यावाभूमी जनयन्देव एकः ॥
- 10.081.04a किं स्विद्वनं क उ स वृक्ष आस यतो द्यावापृथिवी निष्टतक्षुः ।
- 10.081.04c मनीषिणो मनसा पृच्छतेदु तद्यदध्यतिष्ठद्भुवनानि धारयन् ॥
- 10.081.05a या ते धामानि परमाणि यावमा या मध्यमा विश्वकर्मन्नुतेमा ।
- 10.081.05c शिक्ता सखिभ्यो हविषि स्वधावः स्वयं यजस्व तन्वं वृधानः ॥
- 10.081.06a विश्वकर्मन्हविषा वावृधानः स्वयं यजस्व पृथिवीमुत द्याम् ।
- 10.081.06c मुह्यन्त्वन्ये अभितो जनास इहास्माकं मघवा सूरिरस्तु ॥
- 10.081.07a वाचस्पतिं विश्वकर्माणामृतये मनोजुवं वाजे अद्या हुवेम ।
- 10.081.07c स नो विश्वानि हवनानि जोषद्विश्वशम्भूरवसे साधुकर्मा ॥

- 10.082.01a चक्षुषः पिता मनसा हि धीरो घृतमेने अजनन्नन्नमाने ।
- 10.082.01c यदेदन्ता अददहन्त पूर्वं आदिद्द्यावापृथिवी अप्रथेताम् ॥
- 10.082.02a विश्वकर्मा विमना आद्विहाया धाता विधाता परमोत संदृक् ।
- 10.082.02c तेषामिष्टानि समिषा मदन्ति यत्रा सप्तत्रृषीन्पर एकमाहुः ॥
- 10.082.03a यो नः पिता जनिता यो विधाता धामानि वेद भुवनानि विश्वा ।
- 10.082.03c यो देवानां नामधा एक एव तं सम्प्रश्रं भुवना यन्त्यन्या ॥

- 10.082.04a त आयजन्त द्रविणं समस्मा ऋषयः पूर्वे जरितारो न भूना ।
- 10.082.04c असूर्ते सूर्ते रजसि निषत्ते ये भूतानि समकृण्वन्निमानि ॥
- 10.082.05a परो दिवा पर एना पृथिव्या परो देवेभिरसुरैर्यदस्ति ।
- 10.082.05c कं स्विद्गर्भं प्रथमं दध्न आपो यत्र देवाः समपश्यन्त विश्वे ॥
- 10.082.06a तमिद्गर्भं प्रथमं दध्न आपो यत्र देवाः समगच्छन्त विश्वे ।
- 10.082.06c अजस्य नाभावध्येकमर्पितं यस्मिन्विश्वानि भुवनानि तस्थुः ॥
- 10.082.07a न तं विदाथ य इमा जजानान्यद्युष्माकमन्तरं बभूव ।
- 10.082.07c नीहारेण प्रावृता जल्प्या चासुतृप उक्थशासश्चरन्ति ॥

- 10.083.01a यस्ते मन्योऽविधद्वज्र सायक सह ओजः पुष्यति विश्वमानुषक् ।
- 10.083.01c साह्याम दासमार्यं त्वया युजा सहस्कृतेन सहसा सहस्वता ॥
- 10.083.02a मन्युरिन्द्रो मन्युरेवास देवो मन्युर्होता वरुणो जातवेदाः ।
- 10.083.02c मन्युं विश ईळते मानुषीर्याः पाहि नो मन्यो तपसा सजोषाः ॥
- 10.083.03a अभीहि मन्यो तवसस्तवीयान्तपसा युजा वि जहि शत्रून् ।
- 10.083.03c अमित्रहा वृत्रहा दस्युहा च विश्वा वसून्या भरा त्वं नः ॥
- 10.083.04a त्वं हि मन्यो अभिभूत्योजाः स्वयम्भूर्भामो अभिमातिषाहः ।
- 10.083.04c विश्वचर्षणिः सहुरिः सहावानस्मास्वोजः पृतनासु धेहि ॥
- 10.083.05a अभागः सन्नप परेतो अस्मि तव क्रत्वा तविषस्य प्रचेतः ।

- 10.083.05c तं त्वा॑ मन्यो॑ अक्र॒तुर्जि॑हीळा॒हं स्वा॑ त॒नूर्ब॑ल॒देया॑य मेहि॑ ॥
- 10.083.06a अयं॑ ते॒ अस्म्यु॑प मे॒ह्यर्वा॑ङ्प्र॒तीची॑नः स॒हुरे॑ विश्व॒धायः॑ ।
- 10.083.06c मन्यो॑ वज्रि॒न्नभि॑ मामा॒ ववृ॑त्स्व ह॒नाव॑ द॒स्यूर्रु॑त बो॒ध्यापेः॑ ॥
- 10.083.07a अभि॑ प्रेहि॑ दक्षि॒णतो॑ भवा॒ मेऽधा॑ वृ॒त्राणि॑ जङ्घ॒नाव॑ भूरि॑ ।
- 10.083.07c जुहो॑मि ते॒ धरु॑णं॒ मध्वो॑ अग्र॒मुभा॑ उपांशु॒ प्रथ॑मा पि॒बाव॑ ॥
- 10.084.01a त्वया॑ मन्यो॑ सर॒थमा॑रु॒जन्तो॑ ह॒र्षमा॑णासो धृषि॒ता मरु॑त्वः ।
- 10.084.01c तिग्मे॑षव॒ आयु॑धा संशि॒शाना॑ अभि॒ प्र य॑न्तु नरो॑ अग्नि॒रूपाः॑ ॥
- 10.084.02a अग्नि॑रिव॒ मन्यो॑ त्विषि॒तः स॑हस्व से॒नानी॑र्नः स॒हुरे॑ हूत ए॒धि ।
- 10.084.02c ह॒त्वाय॑ शत्रू॒न्वि भ॑जस्व वेद॒ ओजो॑ मि॒मानो॑ वि मृ॒धो नु॑दस्व ॥
- 10.084.03a स॑हस्व मन्यो॑ अभि॒माति॑मस्मे॒ रुज॑न्मृ॒णान्प्र॑मृ॒णान्प्रेहि॑ शत्रू॒न् ।
- 10.084.03c उग्रं॑ ते पाजो॑ नन्वा॒ रुरु॑ध्रे वशी॒ वशं॑ नयस॒ एक॑ज त्वम् ॥
- 10.084.04a एको॑ ब॒हूना॑मसि॒ मन्य॑वीळि॒तो वि॑शंविशं॒ युध॑ये सं शि॒शाधि॑ ।
- 10.084.04c अ॒कृत्त॑रु॒त्तव॑या यु॒जा व॑यं द्यु॒मन्तं॑ घोषं॒ विज॑याय कृण॒महे॑ ॥
- 10.084.05a वि॒जेष॑कृदिन्द्र॒ इवान॑व॒ब्रवो॑ऽऽस्माकं॒ मन्यो॑ अधि॒पा भ॑वेह ।
- 10.084.05c प्रि॒यं ते॒ नाम॑ स॒हुरे॑ गृणी॒मसि॑ वि॒द्वा त॑मुत्सं॒ यत॑ आ॒बभू॑थ ॥
- 10.084.06a आ॒भूत्या॑ स॒हजा॑ वज्र॒ साय॑क स॒हो बि॑भर्ष्य॒भिभू॑त उत्तरम् ।
- 10.084.06c कृ॒त्वा नो॑ मन्यो॑ स॒ह मे॒घेधि॑ म॒हाध॑नस्य॒ पुरु॑हूत संसृ॒जि ॥

- 10.084.07a संसृष्टं धनमुभयं समाकृतमस्मभ्यं दत्तां वरुणश्च मन्युः ।
- 10.084.07c भियं दधाना हृदयेषु शत्रवः पराजितासो अप नि लयन्ताम् ॥
- 10.085.01a सत्येनोत्तमिता भूमिः सूर्येणोत्तमिता द्यौः ।
- 10.085.01c ऋतेनादित्यास्तिष्ठन्ति दिवि सोमो अधि श्रितः ॥
- 10.085.02a सोमेनादित्या बलिनः सोमेन पृथिवी मही ।
- 10.085.02c अथो नक्षत्राणामेषामुपस्थे सोम आहितः ॥
- 10.085.03a सोमं मन्यते पपिवान्यत्सम्पिषन्त्योषधिम् ।
- 10.085.03c सोमं यं ब्रह्माणो विदुर्न तस्याश्नाति कश्चन ॥
- 10.085.04a आच्छद्विधानैर्गुपितो बाहतैः सोम रक्षितः ।
- 10.085.04c ग्राव्णामिच्छृण्वन्तिष्ठसि न ते अश्नाति पार्थिवः ॥
- 10.085.05a यत्त्वा देव प्रपिबन्ति तत आ प्यायसे पुनः ।
- 10.085.05c वायुः सोमस्य रक्षिता समानां मास आकृतिः ॥
- 10.085.06a रैभ्यासीदनुदेयी नाराशंसी न्योचनी ।
- 10.085.06c सूर्याया भद्रमिद्धासो गाथयैति परिष्कृतम् ॥
- 10.085.07a चित्तिरा उपबर्हणं चक्षुरा अभ्यञ्जनम् ।
- 10.085.07c द्यौर्भूमिः कोश आसीद्यदयात्सूर्या पतिम् ॥
- 10.085.08a स्तोमा आसन्प्रतिधयः कुरीरं छन्द ओपशः ।

- 10.085.08c सूर्याया अश्विना वराग्निरासीत्पुरोगवः ॥
- 10.085.09a सोमो वधूयुरभवदश्विनास्तामुभा वरा ।
- 10.085.09c सूर्या यत्पत्ये शंसन्ती मनसा सविताददात् ॥
- 10.085.10a मनो अस्य अन आसीद्दयौरासीदुत च्छदिः ।
- 10.085.10c शुक्रावनड्वाहावास्तां यदयात्सूर्या गृहम् ॥
- 10.085.11a ऋक्सामाभ्यामभिहितौ गावौ ते सामनावितः ।
- 10.085.11c श्रोत्रं ते चक्रे आस्तां दिवि पन्थाश्चराचारः ॥
- 10.085.12a शुची ते चक्रे यात्या व्यानो अक्ष आहतः ।
- 10.085.12c अनो मनस्मयं सूर्यारोहत्प्रयती पतिम् ॥
- 10.085.13a सूर्याया वहतुः प्रागात्सविता यमवासृजत् ।
- 10.085.13c अघासु हन्यन्ते गावोऽर्जुन्योः पर्युह्यते ॥
- 10.085.14a यदश्विना पृच्छमानावयातं त्रिचक्रेण वहतुं सूर्यायाः ।
- 10.085.14c विश्वे देवा अनु तद्वामजानन्पुत्रः पितराववृणीत पूषा ॥
- 10.085.15a यदयातं शुभस्पती वरेयं सूर्यामुप ।
- 10.085.15c क्वैकं चक्रं वामासीत्क्व देष्ट्राय तस्थथुः ॥
- 10.085.16a द्वे ते चक्रे सूर्ये ब्रह्माण ऋतुथा विदुः ।
- 10.085.16c अथैकं चक्रं यद्गुहा तदद्घातय इद्विदुः ॥
- 10.085.17a सूर्यायै देवेभ्यो मित्राय वरुणाय च ।

- 10.085.17c ये भू॒तस्य॑ प्र॒चेत॑स इ॒दं ते॒भ्योऽकरं॑ नमः ॥
- 10.085.18a पूर्वा॒परं॑ च॒रतो॑ मा॒ययै॑तौ शि॒शू क्री॑ळन्तौ परि॒ यातो॑ अ॒ध्वर॑म् ।
- 10.085.18c वि॒श्वान्य॑न्यो भुव॒नाभि॑चष्ट ऋ॒तूर॑न्यो वि॒दध॑ज्जायते पु॒नः ॥
- 10.085.19a नवो॑नवो भवति जा॒यमानो॑ऽह्नां के॒तुरु॑षसा॒मेत्य॑ग्रम् ।
- 10.085.19c भा॒गं दे॒वेभ्यो॑ वि द॒धात्या॑यन्प्र च॒न्द्रमा॑स्तिरते दी॒र्घमा॑युः ॥
- 10.085.20a सु॒किंशु॑कं श॒ल्मलिं॑ वि॒श्वरू॑पं हि॒रण्य॑वर्णं सु॒वृतं॑ सु॒चक्र॑म् ।
- 10.085.20c आ रो॑ह सूर्ये अ॒मृत॑स्य लो॒कं स्यो॑नं प॒त्ये वह॑तुं कृ॒णुष्व॑ ॥
- 10.085.21a उ॒दीर्घ्वा॑तः पति॒वती॑ ह्ये॒षा वि॒श्वाव॑सुं नम॒सा गी॑र्भिरी॒ळे ।
- 10.085.21c अन्या॑मिच्छ पि॒तृष॑दं व्य॒क्तां स ते॑ भा॒गो ज॒नुषा॑ तस्य वि॒द्धि ॥
- 10.085.22a उ॒दीर्घ्वा॑तो वि॒श्वाव॑सो नम॒सेळा॑ महे त्वा ।
- 10.085.22c अन्या॑मिच्छ प्र॒फर्व्य॑ सं जा॒यां प॒त्या सृ॑ज ॥
- 10.085.23a अ॒नृत्तरा॑ ऋ॒जवः॑ सन्तु प॒न्था ये॒भिः स॒खायो॑ यन्ति नो व॒रेय॑म् ।
- 10.085.23c स॒मर्य॑मा सं भ॒गो नो॑ निनी॒यात्सं जा॑स्प॒त्यं सु॒यम॑मस्तु दे॒वाः ॥
- 10.085.24a प्र त्वा॑ मु॒ञ्चामि॑ वरु॒णस्य॑ पाशा॒द्येन॑ त्वा॒बध्ना॑त्सवि॒ता सु॒शेवः॑ ।
- 10.085.24c ऋ॒तस्य॑ यो॒नौ सु॒कृत॑स्य लो॒केऽरि॑ष्टां त्वा सह प॒त्या द॑धामि ॥
- 10.085.25a प्रे॒तो मु॒ञ्चामि॑ ना॒मुतः॑ सु॒बद्धा॑म॒मुत॑स्करम् ।
- 10.085.25c यथे॑यमिन्द्र मी॒ढ्वः सु॒पुत्रा॑ सु॒भगा॑सति ॥
- 10.085.26a पू॒षा त्वे॒तो न॑यतु ह॒स्तगृ॑ह्या॒श्विना॑ त्वा प्र वह॑तां रथे॒न ।

- 10.085.26c गृहान्गच्छ गृहपत्नी यथासो वशिनी त्वं विदथमा वदासि ॥
- 10.085.27a इह प्रियं प्रजया ते समृध्यतामस्मिन्गृहे गार्हपत्याय जागृहि ।
- 10.085.27c एना पत्या तन्वंशं सं सृजस्वाधा जिब्री विदथमा वदाथः ॥
- 10.085.28a नीललोहितं भवति कृत्यासक्तिर्व्यज्यते ।
- 10.085.28c एधन्ते अस्य ज्ञातयः पतिर्बन्धेषु बध्यते ॥
- 10.085.29a परा देहि शामुल्यं ब्रह्मभ्यो वि भजा वसु ।
- 10.085.29c कृत्यैषा पद्वती भूत्व्या जाया विशते पतिम् ॥
- 10.085.30a अश्रीरा तनूर्भवति रुशती पापयामुया ।
- 10.085.30c पतिर्यद्वध्वोश् वाससा स्वमङ्गमभिधित्सते ॥
- 10.085.31a ये वध्वश्चन्द्रं वहतुं यत्तमा यन्ति जनादनु ।
- 10.085.31c पुनस्तान्यज्ञिया देवा नयन्तु यत आगताः ॥
- 10.085.32a मा विदन्परिपन्थिनो य आसीदन्ति दम्पती ।
- 10.085.32c सुगोभिर्दुर्गमतीतामप द्रान्त्वरातयः ॥
- 10.085.33a सुमङ्गलीरियं वधूरिमां समेत पश्यत ।
- 10.085.33c सौभाग्यमस्यै दत्त्वायाथास्तं वि परेतन ॥
- 10.085.34a तृष्टमेतत्कटुकमेतदपाष्ठवद्विषवन्नैतदत्तवे ।
- 10.085.34c सूर्या यो ब्रह्मा विद्यात्स इद्वाधूयमर्हति ॥
- 10.085.35a आशसनं विशसनमथो अधिविकर्तनम् ।

- 10.085.35c सूर्यायाः पश्य रूपाणि तानि ब्रह्मा तु शुन्धति ॥
- 10.085.36a गृभ्णामि ते सौभगत्वाय हस्तं मया पत्या जरदष्टिर्यथासः ।
- 10.085.36c भगो अर्यमा सविता पुरंधिर्मह्यं त्वादुर्गार्हपत्याय देवाः ॥
- 10.085.37a तां पूषञ्छिवतमामेरयस्व यस्यां बीजं मनुष्याश्च वपन्ति ।
- 10.085.37c या न ऊरू उशती विश्रयाते यस्यामुशन्तः प्रहराम शेपम् ॥
- 10.085.38a तुभ्यमग्ने पर्यवहन्सूर्या वहतुना सह ।
- 10.085.38c पुनः पतिभ्यो जायां दा अग्ने प्रजया सह ॥
- 10.085.39a पुनः पत्नीमग्निरदादायुषा सह वर्चसा ।
- 10.085.39c दीर्घायुरस्या यः पतिर्जीवाति शरदः शतम् ॥
- 10.085.40a सोमः प्रथमो विविदे गन्धर्वो विविद उत्तरः ।
- 10.085.40c तृतीयो अग्निष्टे पतिस्तुरीयस्ते मनुष्यजाः ॥
- 10.085.41a सोमो ददद्गन्धर्वाय गन्धर्वो दददग्नये ।
- 10.085.41c रयिं च पुत्रांश्चादादग्निर्मह्यमथो इमाम् ॥
- 10.085.42a इहैव स्तं मा वि यौष्टं विश्वमायुर्व्यश्नुतम् ।
- 10.085.42c क्रीळन्तौ पुत्रैर्नष्टुभिर्मोदमानौ स्वे गृहे ॥
- 10.085.43a आ नः प्रजां जनयतु प्रजापतिराजरसाय समनत्त्वयमा ।
- 10.085.43c अद्रुर्मङ्गलीः पतिलोकमा विश शं नो भव द्विपदे शं चतुष्पदे ॥
- 10.085.44a अघोरचक्षुरपतिघ्न्येधि शिवा पशुभ्यः सुमनाः सुवर्चाः ।

- 10.085.44c वी॒रसू॒र्दे॒वका॒मा॒ स्यो॒ना॒ शं॒ नो॒ भव॑ द्वि॒पदे॑ शं॒ चतु॑ष्पदे ॥
- 10.085.45a इ॒मां त्वमि॑न्द्र॒ मी॒द्वः॒ सु॒पु॒त्रां॒ सु॒भगां॑ कृ॒णु॑ ।
- 10.085.45c द॒शा॒स्यां॑ पु॒त्रा॒ना॒ धे॒हि॒ पति॑मेकादशं॒ कृ॒धि॑ ॥
- 10.085.46a स॒म्रा॒ज्ञी॒ श्वशु॑रे भव॒ स॒म्रा॒ज्ञी॒ श्वश्र्वां॑ भव॒ ।
- 10.085.46c न॒नान्द॑रि॒ स॒म्रा॒ज्ञी॒ भव॑ स॒म्रा॒ज्ञी॒ अ॒धि॒ दे॒वृषु॑ ॥
- 10.085.47a स॒मञ्ज॑न्तु॒ विश्वे॑ दे॒वाः॒ समा॑पो हृ॒दया॑नि नौ॒ ।
- 10.085.47c सं॒ मा॒तरि॑श्वा॒ सं॒ धा॒ता॒ समु॑ दे॒ष्ट्री॑ द॒धातु॑ नौ॒ ॥
- 10.086.01a वि॒ हि॒ सो॒तो॒रसृ॑त्त॒ नेन्द्रं॑ दे॒वम॑मंसत ।
- 10.086.01c य॒त्राम॑द॒दृषा॑क॒पिर॑र्यः॒ पु॒ष्टेषु॑ म॒त्सखा॑ वि॒श्वस्मा॑दिन्द्र॒ उत्तरः॑ ॥
- 10.086.02a प॒रा॒ ही॑न्द्र॒ धाव॑सि॒ वृषा॑क॒पेर॑ति॒ व्यथिः॑ ।
- 10.086.02c नो॒ अ॒ह॒ प्र॒ वि॒न्द॒स्य॒न्यत्र॑ सो॒मपी॑तये॒ विश्व॑स्मादिन्द्र॒ उत्तरः॑ ॥
- 10.086.03a कि॒मयं॑ त्वां॒ वृषा॑क॒पिश्च॑कार॒ हरि॑तो मृ॒गः॑ ।
- 10.086.03c य॒स्मा॒ इ॒रस्य॑सीदु॒ न्वश्र्यो॑ वा॒ पु॒ष्टि॒मद्व॑सु॒ विश्व॑स्मादिन्द्र॒ उत्तरः॑ ॥
- 10.086.04a य॒मिमं॑ त्वं॒ वृषा॑क॒पिं॒ प्रि॒यमि॑न्द्रा॒भिर॑त्तसि ।
- 10.086.04c श्वा॒ न्वस्य॑ ज॒म्भिष॑द॒पि॒ कर्णे॑ व॒राह॑युर्वि॒श्वस्मा॑दिन्द्र॒ उत्तरः॑ ॥
- 10.086.05a प्रि॒या॒ त॒ष्टानि॑ मे॒ क॒पिर्व्य॑क्ता॒ व्यदू॑षत् ।
- 10.086.05c शि॒रो॒ न्वस्य॑ रा॒विषं॑ न॒ सु॒गं॒ दुष्कृ॑ते॒ भुवं॑ वि॒श्वस्मा॑दिन्द्र॒ उत्तरः॑ ॥

- 10.086.06a न मत्स्त्री सुभसत्तरा न सुयाशुतरा भुवत् ।
- 10.086.06c न मत्प्रतिच्यवीयसी न सक्थ्युद्यमीयसी विश्वस्मादिन्द्र उत्तरः ॥
- 10.086.07a उवे अम्ब सुलाभिके यथेवाङ्ग भविष्यति ।
- 10.086.07c भसन्मे अम्ब सक्थि मे शिरो मे वीव हृष्यति विश्वस्मादिन्द्र उत्तरः ॥
- 10.086.08a किं सुबाहो स्वङ्गुरे पृथुष्टो पृथुजाघने ।
- 10.086.08c किं शूरपत्नि नस्त्वमभ्यमीषि वृषाकपिं विश्वस्मादिन्द्र उत्तरः ॥
- 10.086.09a अवीरामिव मामयं शरारुरभि मन्यते ।
- 10.086.09c उताहमस्मि वीरिणीन्द्रपत्नी मरुत्सखा विश्वस्मादिन्द्र उत्तरः ॥
- 10.086.10a संहोत्रं स्म पुरा नारी समनं वाव गच्छति ।
- 10.086.10c वेधा ऋतस्य वीरिणीन्द्रपत्नी महीयते विश्वस्मादिन्द्र उत्तरः ॥
- 10.086.11a इन्द्राणीमासु नारिषु सुभगामहमश्रवम् ।
- 10.086.11c नह्यस्या अपरं चन जरसा मरते पतिर्विश्वस्मादिन्द्र उत्तरः ॥
- 10.086.12a नाहमिन्द्राणि रारण सख्युर्वृषाकपेऋते ।
- 10.086.12c यस्येदमप्यं हविः प्रियं देवेषु गच्छति विश्वस्मादिन्द्र उत्तरः ॥
- 10.086.13a वृषाकपायि रेवति सुपुत्र आदु सुस्रुषे ।
- 10.086.13c घसत्त इन्द्र उक्षणः प्रियं काचित्करं हविर्विश्वस्मादिन्द्र उत्तरः ॥
- 10.086.14a उक्षणो हि मे पञ्चदश साकं पचन्ति विंशतिम् ।
- 10.086.14c उताहमग्नि पीव इदुभा कुक्षी पृणन्ति मे विश्वस्मादिन्द्र उत्तरः ॥

- 10.086.15a वृषभो न तिग्मशृङ्गोऽन्तर्युथेषु रोरुवत् ।
- 10.086.15c मन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः ॥
- 10.086.16a न सेशे यस्य रम्बतेऽन्तरा सक्थ्याश् कपृत् ।
- 10.086.16c सेदीशे यस्य रोमशं निषेदुषो विजृम्भते विश्वस्मादिन्द्र उत्तरः ॥
- 10.086.17a न सेशे यस्य रोमशं निषेदुषो विजृम्भते ।
- 10.086.17c सेदीशे यस्य रम्बतेऽन्तरा सक्थ्याश् कपृद्विश्वस्मादिन्द्र उत्तरः ॥
- 10.086.18a अयमिन्द्र वृषाकपिः परस्वन्तं हतं विदत् ।
- 10.086.18c असिं सूनां नवं चरुमादेधस्यान आचितं विश्वस्मादिन्द्र उत्तरः ॥
- 10.086.19a अयमेमि विचाकशद्विचिन्वन्दासमार्यम् ।
- 10.086.19c पिबामि पाकसुत्वनोऽभि धीरमचाकशं विश्वस्मादिन्द्र उत्तरः ॥
- 10.086.20a धन्व च यत्कृन्तत्रं च कति स्वित्ता वि योजना ।
- 10.086.20c नेदीयसो वृषाकपेऽस्तमेहि गृह्णाँ उप विश्वस्मादिन्द्र उत्तरः ॥
- 10.086.21a पुनरोहि वृषाकपे सुविता कल्पयावहै ।
- 10.086.21c य एष स्वप्नंशनोऽस्तमेषि पथा पुनर्विश्वस्मादिन्द्र उत्तरः ॥
- 10.086.22a यदुदञ्चो वृषाकपे गृहमिन्द्राजगन्तन ।
- 10.086.22c क्वश् स्य पुल्वघो मृगः कमगञ्जनयोपनो विश्वस्मादिन्द्र उत्तरः ॥
- 10.086.23a पर्शुर्ह नाम मानवी साकं ससूव विंशतिम् ।
- 10.086.23c भद्रं भल त्यस्या अभूद्यस्या उदरमामयद्विश्वस्मादिन्द्र उत्तरः ॥

- 10.087.01a र॒क्षो॒ह॒णं॑ वा॒जिन॑मा जि॒घर्मि॑ मि॒त्रं प्र॒थि॒ष्ठमु॑प॒ यामि॑ श॒र्म ।
- 10.087.01c शि॒शानो॑ अ॒ग्निः क्र॒तुभिः॑ समि॒द्धः स नो॑ दि॒वा स रि॒षः पा॒तु न॒क्तम् ॥
- 10.087.02a अ॒योदं॑ष्ट्रो अ॒र्चिषा॑ या॒तुधा॑नानु॒प स्पृ॒श जा॑तवे॒दः समि॑द्धः ।
- 10.087.02c आ जि॒ह्वया॑ मू॒रदे॒वात्र॑भस्व॒ क्रव्या॑दो वृ॒त्तव्य॑पि ध॒त्स्वा॒सन् ॥
- 10.087.03a उ॒भोभ॑यावि॒न्नुप॑ धेहि॒ दंष्ट्रा॑ हिं॒स्रः शि॒शानो॑ऽवरं॒ परं॑ च ।
- 10.087.03c उ॒तान्तरि॑क्षे॒ परि॑ याहि॒ राज॑ञ्ज॒म्भैः सं धे॑ह्यभि॒ यातु॑धानान् ॥
- 10.087.04a य॒ज्ञैरि॑षूः सं॒नम॑मानो अ॒ग्ने वा॒चा श॒ल्याँ अ॒शनि॑भिर्दि॒हानः॑ ।
- 10.087.04c ताभि॑र्वि॒ध्य हृ॒दये॑ या॒तुधा॑नान्प्र॒तीचो॑ बा॒हून्प्र॑ति भङ्॒ध्येषाम् ॥
- 10.087.05a अ॒ग्ने त्व॑चं॒ यातु॑धानस्य॒ भिन्धि॑ हिं॒स्राश॑निर्हर॒सा ह॑न्त्वे॒नम् ।
- 10.087.05c प्र॒ पर्वा॑णि॒ जात॑वे॒दः शृ॒णीहि॑ क्र॒व्यात्क्र॑विष्णु॒र्वि चि॑नोतु॒ वृक्ण॑म् ॥
- 10.087.06a य॒त्रेदा॑नीं प॒श्यसि॑ जा॒तवे॑दस्तिष्ठन्त॒मग्न॑ उ॒त वा च॑रन्तम् ।
- 10.087.06c य॒द्वा॒न्तरि॑क्षे॒ पथि॑भिः॒ पत॑न्तं॒ तम॑स्ता॒ विध्य॑ श॒र्वा शि॑शानः ॥
- 10.087.07a उ॒ताल॑ब्धं॒ स्पृणु॑हि॒ जात॑वे॒द आ॒ले॒भाना॑दृष्टि॒भिर्या॑तु॒धाना॑त् ।
- 10.087.07c अ॒ग्ने पू॒र्वो नि॑ जि॒हि शो॑शु॒चान॑ आ॒मादः॑ दि॒वङ्का॑स्त॒मद॑न्त्वे॒नीः ॥
- 10.087.08a इ॒ह प्र॑ ब्रू॒हि य॑तमः॒ सो अ॒ग्ने यो॑ या॒तुधा॑नो॒ य इ॒दं कृ॑णोति ।
- 10.087.08c त॒मा र॑भस्व॒ समि॑धा॒ यवि॑ष्ठ॒ नृच॑क्ष॒सश्च॑त्तुषे॒ रन्ध॑र्यै॒नम् ॥
- 10.087.09a ती॒क्ष्णो॑ना॒ग्ने च॑त्तुषा॒ रक्ष॑ य॒ज्ञं प्रा॑ञ्चं॒ वसु॑भ्यः॒ प्र ण॑य॒ प्रचे॑तः ।

- 10.087.09c हिंस्रं रक्षांस्यभि शोशुचानं मा त्वा दभन्यातुधाना नृचक्षः ॥
- 10.087.10a नृचक्षा रक्षः परि पश्य विक्षु तस्य त्रीणि प्रति शृणीह्यग्रा ।
- 10.087.10c तस्याग्ने पृष्ठीर्हरसा शृणीहि त्रेधा मूलं यातुधानस्य वृश्च ॥
- 10.087.11a त्रिर्यातुधानः प्रसितिं त एत्वृतं यो अग्ने अनृतेन हन्ति ।
- 10.087.11c तमर्चिषा स्फूर्जयञ्जातवेदः समक्षमेनं गृणते नि वृद्धि ॥
- 10.087.12a तदग्ने चक्षुः प्रति धेहि रेभे शफारुजं येन पश्यसि यातुधानम् ।
- 10.087.12c अथर्ववज्ज्योतिषा दैव्येन सत्यं धूर्वन्तमचितं न्योष ॥
- 10.087.13a यदग्ने अद्य मिथुना शपातो यद्वाचस्तृष्टं जनयन्त रेभाः ।
- 10.087.13c मन्योर्मनसः शरव्या३ जायते या तया विध्य हृदये यातुधानान् ॥
- 10.087.14a परा शृणीहि तपसा यातुधानान्पराग्ने रक्षो हरसा शृणीहि ।
- 10.087.14c परार्चिषा मूरदेवाञ्छृणीहि परासुतृपो अभि शोशुचानः ॥
- 10.087.15a पराद्य देवा वृजिनं शृणन्तु प्रत्यगेनं शपथा यन्तु तृष्टाः ।
- 10.087.15c वाचास्तेनं शरव ऋच्छन्तु मर्मन्विश्वस्यैतु प्रसितिं यातुधानः ॥
- 10.087.16a यः पौरुषेयेण क्रविषा समङ्के यो अश्व्येन पशुना यातुधानः ।
- 10.087.16c यो अघ्न्याया भरति क्षीरमग्ने तेषां शीर्षाणि हरसापि वृश्च ॥
- 10.087.17a संवत्सरीणं पय उस्त्रियायास्तस्य माशीद्यातुधानो नृचक्षः ।
- 10.087.17c पीयूषमग्ने यतमस्तितृप्सात्तं प्रत्यञ्चमर्चिषा विध्य मर्मन् ॥
- 10.087.18a विषं गवां यातुधानाः पिबन्त्वा वृश्च्यन्तामदितये दुरेवाः ।

- 10.087.18c परै॑नान्दे॒वः स॒वि॒ता द॒दा॒तु॒ परा॑ भा॒गमो॑षधी॒नां ज॒यन्ता॑म् ॥
- 10.087.19a स॒नाद॑ग्ने मृ॒णसि॑ या॒तु॒धा॒ना॒न्न॒ त्वा र॒क्षांसि॑ पृ॒तना॑सु जि॒ग्युः ।
- 10.087.19c अ॒नु द॒ह स॒हमू॑रान्क्र॒व्यादो॒ मा ते हे॒त्या मु॒क्षत॑ दै॒व्यायाः॑ ॥
- 10.087.20a त्वं नो॑ अ॒ग्ने अ॒धरा॑दु॒दक्ता॑त्त्वं प॒श्चादु॑त र॒क्षा पु॑रस्तात् ।
- 10.087.20c प्र॒ति ते ते॑ अ॒जरा॑सस्तपि॒ष्ठा अ॒घशं॑सं शोशु॒चतो॑ द॒हन्तु॑ ॥
- 10.087.21a प॒श्चात्पु॑रस्ता॒दधरा॑दु॒दक्ता॑त्कविः का॒व्येन॑ परि॒ पाहि॑ राजन् ।
- 10.087.21c स॒खे स॒खाय॑मजरो॒ जरि॑म्योऽग्ने॒ मर्ता॑ अ॒मर्त्य॑स्त्वं नः ॥
- 10.087.22a परि॑ त्वाग्ने॒ पुरं॑ वयं वि॒प्रं स॒हस्य॑ धीमहि ।
- 10.087.22c धृ॒षद्व॑र्णं दि॒वेदि॑वे ह॒न्तारं॑ भ॒ङ्गुरा॑वताम् ॥
- 10.087.23a वि॒षेण॑ भ॒ङ्गुरा॑वतः प्र॒ति ष्म र॒क्षसो॑ द॒ह ।
- 10.087.23c अ॒ग्ने ति॒ग्मेन॑ शोचि॒षा त॑पुर॒ग्राभि॑र्ऋ॒ष्टिभिः॑ ॥
- 10.087.24a प्र॒त्यग्ने॑ मि॒थुना॑ द॒ह या॒तु॒धा॒ना कि॒मीदि॑ना ।
- 10.087.24c सं त्वा॑ शि॒शामि॑ जा॒गृह्य॑द॒ब्धं वि॒प्र म॒न्मभिः॑ ॥
- 10.087.25a प्र॒त्यग्ने॑ ह॒रसा॑ ह॒रः शृ॒णीहि॑ वि॒श्वतः॑ प्र॒ति ।
- 10.087.25c या॒तु॒धा॒नस्य॑ र॒क्षसो॑ ब॒लं वि॑ रु॒ज वी॑र्यम् ॥
- 10.088.01a ह॒विष्पा॑न्तम॒जरं॑ स्व॒र्विदि॑ दि॒विस्पृ॑श्याहु॒तं जु॑ष्टम॒ग्नौ ।
- 10.088.01c तस्य॑ भ॒र्मणे॑ भुव॒नाय॑ दे॒वा ध॒र्मणे॑ कं स्व॒धया॑ पप्रथन्त ॥

- 10.088.02a गी॒र्णं॑ भु॒वनं॑ तमसापगू॒ळ्ह॑माविः॒ स्वर॑भवज्जा॒ते अ॒ग्नौ॑ ।
- 10.088.02c तस्य॑ दे॒वाः पृ॒थि॒वी द्यौरु॑तापोऽरण्य॒न्नोष॑धीः सख्ये॒ अस्य॑ ॥
- 10.088.03a दे॒वेभि॑न्नि॒र्वा॒षि॒तो य॒ज्ञि॒येभि॑रग्निं॒ स्तो॒षा॒ण्य॒जरं॑ बृ॒हन्त॑म् ।
- 10.088.03c यो भानु॑ना पृथि॒वीं द्या॑मु॒तेमा॑मा॒त॒तान॑ रो॒दसी॑ अ॒न्तरि॑क्षम् ॥
- 10.088.04a यो हो॒तासी॑त्प्रथ॒मो दे॒वजु॑ष्टो॒ यं स॒मा॒ञ्ज॒न्ना॒ज्ये॒ना वृ॑णानाः ।
- 10.088.04c स प॒त॒त्री॒त्वरं॑ स्था॒ जग॑द्यच्छ्वा॒त्रम॑ग्नि॒रकृ॑णो॒ज्जा॒तवे॑दाः ॥
- 10.088.05a य॒ज्जा॒तवे॑दो भु॒वन॑स्य मूर्ध॒न्नति॑ष्ठो अ॒ग्ने स॒ह रो॑चनेन ।
- 10.088.05c तं त्वा॑हेम म॒तिभि॑र्गी॒र्भिरु॑क्थैः स य॒ज्ञियो॑ अभवो रो॒दसि॑प्राः ॥
- 10.088.06a मूर्धा॑ भु॒वो भ॑वति न॒क्तम॑ग्निस्त॒तः सूर्यो॑ जायते प्रा॒तरु॑द्यन् ।
- 10.088.06c मा॒यामू॒ तु य॒ज्ञिया॑नामे॒ताम॑पो यत्तू॒र्णिश्च॑रति प्र॒जान॑न् ॥
- 10.088.07a दृ॒शे॒न्यो यो म॑हि॒ना स॒मिद्धो॑ऽरो॒चत॑ दि॒वियो॑निर्वि॒भावा॑ ।
- 10.088.07c तस्मि॑न्न॒ग्नौ सू॑क्त॒वाके॑न दे॒वा ह॒विर्वि॑श्च आ॒जुह॑वुस्त॒नूपाः॑ ॥
- 10.088.08a सू॒क्त॒वाकं॑ प्रथ॒ममा॑दि॒दग्नि॑मादि॒द्धवि॑र॒जन॑यन्त दे॒वाः ।
- 10.088.08c स ए॒षां य॒ज्ञो अ॑भवत्त॒नूपा॑स्तं द्यौरु॑वे॒दं तं पृ॑थि॒वी त॒मापः॑ ॥
- 10.088.09a यं दे॒वासो॑ऽज॒न॒यन्ता॑ग्निं॒ यस्मि॑न्ना॒जुह॑वुर्भु॒वनानि॑ वि॒श्वा ।
- 10.088.09c सो अ॒र्चि॒षा पृ॑थि॒वीं द्या॑मु॒तेमा॑मृ॒ज्यमा॑नो अ॒तप॑न्महि॒त्वा ॥
- 10.088.10a स्तो॒मेन॑ हि दि॒वि दे॒वासो॑ अ॒ग्नि॒मजी॑जनञ्छ॒क्तिभी॑ रो॒दसि॑प्रा॒म् ।
- 10.088.10c तमू॑ अ॒कृ॒णव॑न्ने॒धा भु॒वे कं॑ स अ॒रोष॑धीः प॒चति॑ वि॒श्वरू॑पाः ॥

- 10.088.11a यदे॒दे॒न॒म॒द॒धु॒र्य॒ज्ञि॒या॒सो॒ दि॒वि॒ दे॒वाः॒ सूर्य॑मादितेयम् ।
- 10.088.11c यदा॑ चरि॒ष्णू॑ मिथु॒नाव॑भू॒तामा॑दि॒त्प्रा॑पश्यन्भुवनानि विश्वा ॥
- 10.088.12a विश्व॑स्मा अग्निं॑ भुवनाय॑ दे॒वा वै॑श्वान॒रं॒ के॒तु॒म॒ह्ना॑मकृणवन् ।
- 10.088.12c आ यस्त॑तानोषसो॑ विभाती॒रपो॑ ऊ॒र्णो॑ति॒ तमो॑ अ॒र्चि॒षा यन् ॥
- 10.088.13a वैश्वान॑रं॒ कवयो॑ य॒ज्ञिया॑सोऽग्निं॑ दे॒वा अ॒जन॑यन्न॒जुर्य॑म् ।
- 10.088.13c नक्ष॑त्रं प्र॒त्नम॑मि॒नच्च॑रि॒ष्णु य॑क्षस्या॒ध्यक्षं॑ तविषं॒ बृह॑न्तम् ॥
- 10.088.14a वैश्वान॑रं॒ विश्व॑हा॒ दी॒दि॒वांसं॑ म॒न्त्रैर॑ग्निं॒ कवि॑मच्छा॒ वदामः॑ ।
- 10.088.14c यो म॑हि॒म्ना॒ परि॑ब॒भूवो॑र्वी॒ उता॑वस्तादु॒त दे॒वः पर॑स्तात् ॥
- 10.088.15a द्वे स्रु॑ती अ॒शृण॑वं॒ पित॑रूणा॒महं॑ दे॒वाना॑मु॒त म॒र्त्या॑नाम् ।
- 10.088.15c ताभ्या॑मिदं॒ विश्व॑मे॒जत्स॑मेति॒ यद॑न्तरा॒ पित॑रं॒ मात॑रं च ॥
- 10.088.16a द्वे स॑मी॒ची बि॑भृ॒तश्च॑रन्तं॒ शी॒र्षतो॑ जा॒तं मन॑सा॒ विमृ॑ष्टम् ।
- 10.088.16c स प्र॑त्यङ्घ्रि॒वश्वा॑ भुवनानि॒ तस्था॑वप्रयुच्छन्तर॒णिभ्र॑जि॒मानः॑ ॥
- 10.088.17a यत्रा॑ वदे॒ते अ॒वरः॑ पर॒श्च य॑ज्ञ॒न्योः क॑तरो॒ नौ वि॑ वेद ।
- 10.088.17c आ शे॑कुरि॒त्सध॑मादं॒ सखा॑यो नक्षन्त॒ यज्ञं॑ क इ॒दं वि॑ वोचत् ॥
- 10.088.18a क॒त्य॒ग्नयः॑ कति॒ सूर्या॑सः॒ कत्यु॑षासः॒ कत्यु॑ स्वि॒दापः॑ ।
- 10.088.18c नोप॑स्पि॒जं वः॑ पि॒तरो॑ वदामि॒ पृच्छा॑मि॒ वः क॑वयो॒ विद्म॑ने॒ कम् ॥
- 10.088.19a याव॑न्मा॒त्रमु॑षसो॒ न प्र॑तीकं॒ सुप॑र्यो॒श् वस॑ते॒ मात॑रि॒श्वः ।
- 10.088.19c ताव॑द्घा॒त्युप॑ य॒ज्ञमा॑यन्ब्राह्म॒णो हो॑तु॒रव॑रो॒ निषी॑दन् ॥

- 10.089.01a इन्द्रं॑ स्त॒वा नृ॒तमं॑ य॒स्य म॒हा वि॒ब॒बा॒धे रो॒चना॑ वि॒ ज्मो अ॒न्तान्॑ ।
- 10.089.01c आ॒ यः प॒प्रौ च॒र्षणी॑धृ॒द्वरो॑भिः प्र॒ सिन्धु॑भ्यो रिरि॒चानो॑ म॒हित्वा॑ ॥
- 10.089.02a स॒ सूर्यः॑ प॒र्युरू॑ व॒रांस्येन्द्रो॑ ववृ॒त्याद्र॑थ्येव च॒क्रा ।
- 10.089.02c अ॒तिष्ठ॑न्तम॒पस्यं॑ न॒ सर्गं॑ कृ॒ष्णा त॒मांसि॑ त्वि॒ष्या ज॒घान॑ ॥
- 10.089.03a स॒मान॑म॒स्मा अ॒नपा॑वृ॒द॒र्च द्म॒या दि॒वो अ॒समं॑ ब्र॒ह्म न॒व्यम् ।
- 10.089.03c वि॒ यः पृ॒ष्ठेव॑ ज॒निमा॑न्य॒र्य इन्द्र॑श्चि॒काय॑ न॒ सखा॑यमी॒षे ॥
- 10.089.04a इन्द्रा॑य गि॒रो अ॒निशि॑त॒सर्गा॑ अपः प्रे॒रयं॑ स॒गरस्य॑ बु॒ध्नात् ।
- 10.089.04c यो अ॒क्षेणे॑व च॒क्रिया॑ श॒चीभि॑र्वि॒ष्वक्त॑स्त॒म्भ पृ॒थि॒वीमु॑त द्याम् ॥
- 10.089.05a आ॒पा॒न्त॒म॒न्युस्तृ॑प॒लप्र॑भ॒र्मा धु॒निः शि॒मीवा॑ञ्छ॒रुमाँ॑ ऋ॒जीषी॑ ।
- 10.089.05c सो॒मो वि॒श्वान्य॑त॒सा व॒नानि॑ ना॒र्वाग्नि॑न्द्रं प्र॒तिमा॑नानि दे॒भुः ॥
- 10.089.06a न॒ यस्य॑ द्या॒वापृ॑थि॒वी न॒ धन्व॑ नान्तरि॒क्षं ना॒द्रयः॑ सो॒मो अ॒क्षाः ।
- 10.089.06c य॒दस्य॑ म॒न्युर॑धि॒नीय॑मानः शृ॒णाति॑ वी॒ळु रु॒जति॑ स्थि॒राणि॑ ॥
- 10.089.07a ज॒घान॑ वृ॒त्रं स्व॑धि॒तिर्व॑ने॒व रु॒रोज॑ पु॒रो अ॒रद॑न्न॒ सिन्धू॑न् ।
- 10.089.07c बि॒भेद् गि॒रिं न॒वमि॑न्न॒ कुम्भ॑मा गा इन्द्रो॑ अ॒कृणु॑त स्व॒युग्भिः॑ ॥
- 10.089.08a त्वं ह॒ त्यदृ॑णया इन्द्र॒ धीरो॑ऽसि॒र्न प॑र्व वृ॒जिना॑ शृ॒णासि॑ ।
- 10.089.08c प्र॒ ये मि॒त्रस्य॑ व॒रुण॑स्य॒ धाम॑ यु॒जं न॒ जना॑ मि॒नन्ति॑ मि॒त्रम् ॥
- 10.089.09a प्र॒ ये मि॒त्रं प्रा॑र्य॒मणं॑ दु॒रेवाः॑ प्र॒ संगि॑रः प्र॒ वरु॑णं मि॒नन्ति॑ ।

- 10.089.09c न्य॑श्मि॒त्रेषु॑ व॒धमिन्द्र॑ तु॒म्रं वृष॑न्वृषा॒णाम॑रुषं शि॒शीहि॑ ॥
- 10.089.10a इन्द्रो॑ दि॒व इन्द्र॑ ई॒शे पृथि॑व्या इन्द्रो॑ अपा॒मिन्द्र॑ इ॒त्पर्व॑तानाम् ।
- 10.089.10c इन्द्रो॑ वृ॒धामिन्द्र॑ इन्मे॒धिरा॑णामिन्द्रः॒ क्षेमे॑ योगे ह॒व्य इन्द्रः॑ ॥
- 10.089.11a प्रा॒क्तुभ्य॑ इन्द्रः॒ प्र वृ॑धो अ॒हभ्यः॑ प्रा॒न्तरि॑क्षात्प्र॒ समु॑द्रस्य॒ धासेः॑ ।
- 10.089.11c प्र वा॒तस्य॑ प्रथ॒सः प्र ज॑मो अ॒न्तात्प्र॑ सि॒न्धुभ्यो॑ रि॒रिचे॑ प्र॒ क्षिति॑भ्यः ॥
- 10.089.12a प्र शो॑शु॒चत्या॑ उ॒षसो॑ न के॒तुर॑सि॒न्वा ते॑ वर्त॒तामिन्द्र॑ हे॒तिः ।
- 10.089.12c अ॒श्मेव॑ वि॒ध्य दि॒व आ सृ॑जा॒नस्त॑पि॒ष्ठेन॑ हे॒षसा॑ द्रो॒घमि॑त्रान् ॥
- 10.089.13a अ॒न्वह॑ मा॒सा अ॒न्विद्व॑नान्य॒न्वोष॑धीरनु॒ पर्व॑तासः ।
- 10.089.13c अ॒न्विन्द्रं॑ रो॒दसी॑ वा॒वशाने॑ अ॒न्वापो॑ अ॒जिहत॑ जा॒यमान॑म् ॥
- 10.089.14a कर्हि॑ स्वि॒त्सा त इन्द्र॑ चे॒त्यास॑द॒घस्य॑ य॒द्भि॒नदो॑ र॒क्ष ए॑षत् ।
- 10.089.14c मि॒त्रक्रु॑वो य॒च्छ॒सने॑ न गा॒वः पृथि॑व्या आ॒पृग॑मु॒या श॑यन्ते ॥
- 10.089.15a श॒त्रूय॑न्तो अ॒भि ये॑ न॒स्तत॑स्त्रे म॒हि ब्रा॑धन्त॒ ओगा॑णास॒ इन्द्र॑ ।
- 10.089.15c अ॒न्धेना॑मि॒त्रास्त॑मसा॒ सच॑न्तां सु॒ज्योति॑षो अ॒क्तव॑स्ताँ अ॒भि ष्युः॑ ॥
- 10.089.16a पु॒रूणि॑ हि त्वा॒ सव॑ना॒ जनानां॑ ब्र॒ह्माणि॑ म॒न्दन्गृ॑णतामृषी॒णाम् ।
- 10.089.16c इ॒मामा॑घोष॒न्नव॑सा॒ सहृ॑तिं ति॒रो वि॒श्वँ अ॒र्चतो॑ या॒ह्यर्वा॑ङ् ॥
- 10.089.17a ए॒वा ते॑ व॒यमिन्द्र॑ भु॒ञ्जती॑नां वि॒द्याम॑ सु॒मती॑नां न॒वानाम्॑ ।
- 10.089.17c वि॒द्याम॑ व॒स्तोर॑वसा॒ गृण॑न्तो वि॒श्वामि॑त्रा॒ उत॑ त इन्द्र॒ नून॑म् ॥
- 10.089.18a शु॒नं हु॑वेम॒ मघ॑वानमिन्द्रम॒स्मिन्भ॑रे नृ॒तमं॑ वा॒जसा॑तौ ।

- 10.089.18c शृ॒ण्वन्त॑मु॒ग्र॒मू॒तये॑ सम॒त्सु॑ घ्नन्तं॑ वृ॒त्राणि॑ सं॒जितं॑ ध॒नाना॑म् ॥
- 10.090.01a सह॑स्र॒शीर्षा॑ पु॒रुषः॑ सह॒स्राक्षः॑ सह॒स्रपा॑त् ।
- 10.090.01c स भूमिं॑ वि॒श्वतो॑ वृ॒त्वात्य॑तिष्ठद्दशाङ्गु॒लम् ॥
- 10.090.02a पु॒रुष ए॒वेदं॑ सर्वं॒ यद्भू॑तं॒ यच्च॑ भ॒व्यम् ।
- 10.090.02c उ॒तामृ॑तत्व॒स्येशा॑नो॒ यद॒न्नेना॑तिरोहति ॥
- 10.090.03a ए॒तावा॑नस्य॒ महि॑मातो॒ ज्यायाँ॑श्च॒ पूरु॑षः ।
- 10.090.03c पा॒दोऽस्य॑ वि॒श्वा भू॑तानि॒ त्रिपा॑दस्यामृतं॒ दिवि॑ ॥
- 10.090.04a त्रि॒पादूर्ध्वं॑ उ॒दैत्पु॑रुषः॒ पादोऽस्ये॑हा॒भवत्पु॑नः ।
- 10.090.04c ततो॑ वि॒ष्वङ् व्य॑क्रामत्सा॒शाना॑न॒शने॑ अ॒भि ॥
- 10.090.05a तस्मा॑द्वि॒राळ॑जायत॒ विरा॑जो॒ अधि॑ पूरुषः ।
- 10.090.05c स जा॑तो अ॒त्यरि॑च्यत॒ पश्चाद्भूमि॑मथो॒ पुरः ॥
- 10.090.06a यत्पु॑रुषेण॒ हवि॑षा॒ देवा॑ य॒ज्ञम॑तन्वत ।
- 10.090.06c वस॑न्तो अ॒स्यासी॑दाज्यं॒ ग्रीष्म॑ इ॒धमः॑ श॒रद्ध॑विः ॥
- 10.090.07a तं य॒ज्ञं ब॒र्हिषि॑ प्रौ॒क्षन्पु॑रुषं॒ जात॑मग्रतः ।
- 10.090.07c तेन॑ दे॒वा अ॒यज॑न्त सा॒ध्या ऋ॑षयश्च॒ ये ॥
- 10.090.08a तस्मा॑द्य॒ज्ञात्सर्व॑हुतः॒ सम्भृ॑तं॒ पृष॑दाज्यम् ।
- 10.090.08c प॒शून्ताँश्च॑क्रे॒ वाय॑व्या॒नार॑णान्ग्रा॒म्याश्च॑ ये ॥

- 10.090.09a तस्माद्यज्ञात्सर्वहुत ऋचः सामानि जज्ञिरे ।
- 10.090.09c छन्दांसि जज्ञिरे तस्माद्यजुस्तस्मादजायत ॥
- 10.090.10a तस्मादश्वा अजायन्त ये के चोभयादतः ।
- 10.090.10c गावो ह जज्ञिरे तस्मात्तस्माज्जाता अजावयः ॥
- 10.090.11a यत्पुरुषं व्यदधुः कतिधा व्यकल्पयन् ।
- 10.090.11c मुखं किमस्य कौ बाहू का ऊरू पादा उच्येते ॥
- 10.090.12a ब्राह्मणोऽस्य मुखमासीद्बाहू राजन्यः कृतः ।
- 10.090.12c ऊरू तदस्य यद्वैश्यः पद्भ्यां शूद्रो अजायत ॥
- 10.090.13a चन्द्रमा मनसो जातश्चक्षुः सूर्यो अजायत ।
- 10.090.13c मुखादिन्द्रश्चाग्निश्च प्राणाद्वायुरजायत ॥
- 10.090.14a नाभ्या आसीदन्तरिक्षं शीष्णो द्यौः समवर्तत ।
- 10.090.14c पद्भ्यां भूमिर्दिशः श्रोत्रात्तथा लोकाँ अकल्पयन् ॥
- 10.090.15a सप्तास्यासन्परिधयस्त्रिः सप्त समिधः कृताः ।
- 10.090.15c देवा यद्यज्ञं तन्वाना अबध्नन्पुरुषं पशुम् ॥
- 10.090.16a यज्ञेन यज्ञमयजन्त देवास्तानि धर्माणि प्रथमान्यासन् ।
- 10.090.16c ते ह नाकं महिमानः सचन्त यत्र पूर्वे साध्याः सन्ति देवाः ॥
- 10.091.01a सं जागृवद्भिर्जरमाण इध्यते दमे दमूना इषयन्निळस्पदे ।

- 10.091.01c विश्वस्य होता हविषो वरेण्यो विभुर्विभावा सुषखा सखीयते ॥
- 10.091.02a स दर्शतश्रीरतिधिगृहिगृहे वनेवने शिश्रिये तक्ववीरिव ।
- 10.091.02c जनंजनं जन्यो नाति मन्यते विश आ क्षेति विश्योश् विशंविशम् ॥
- 10.091.03a सुदक्षो दक्षैः क्रतुनासि सुक्रतुरग्ने कविः काव्येनासि विश्ववित् ।
- 10.091.03c वसुर्वसूनां क्षयसि त्वमेक इद्द्यावा च यानि पृथिवी च पुष्यतः ॥
- 10.091.04a प्रजानन्नग्ने तव योनिमृत्वियमिळायास्पदे घृतवन्तमासदः ।
- 10.091.04c आ ते चिकित्र उषसामिवेतयोऽरेपसः सूर्यस्येव रश्मयः ॥
- 10.091.05a तव श्रियो वर्ष्यस्येव विद्युतश्चित्राश्चिकित्र उषसां न केतवः ।
- 10.091.05c यदोषधीरभिसृष्टो वनानि च परि स्वयं चिनुषे अन्नमास्ये ॥
- 10.091.06a तमोषधीर्दधिरे गर्भमृत्वियं तमापो अग्निं जनयन्त मातरः ।
- 10.091.06c तमित्समानं वनिनश्च वीरुधोऽन्तर्वतीश्च सुवते च विश्वहा ॥
- 10.091.07a वातोपधूत इषितो वशां अनु तृषु यदन्ना वेविषद्वितिष्ठसे ।
- 10.091.07c आ ते यतन्ते रथ्योश् यथा पृथक्छर्धास्यग्ने अजराणि धक्षतः ॥
- 10.091.08a मेधाकारं विदथस्य प्रसाधनमग्निं होतारं परिभूतमं मतिम् ।
- 10.091.08c तमिदमे हविष्या समानमित्तमिन्महे वृणते नान्यं त्वत् ॥
- 10.091.09a त्वामिदत्र वृणते त्वायवो होतारमग्ने विदथेषु वेधसः ।
- 10.091.09c यद्देवयन्तो दधति प्रयांसि ते हविष्मन्तो मनवो वृक्तबर्हिषः ॥
- 10.091.10a तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।

- 10.091.10c तव प्रशास्त्रं त्वमध्वरीयसि ब्रह्मा चासि गृहपतिश्च नो दमे ॥
- 10.091.11a यस्तुभ्यमग्ने अमृताय मर्त्यः समिधा दाशदुत वा हविष्कृति ।
- 10.091.11c तस्य होता भवसि यासि दूत्यश्मुप ब्रूषे यजस्यध्वरीयसि ॥
- 10.091.12a इमा अस्मै मतयो वाचो अस्मदाँ ऋचो गिरः सुष्टुतयः समग्मत ।
- 10.091.12c वसूयवो वसवे जातवेदसे वृद्धासु चिद्वर्धनो यासु चाकनत् ॥
- 10.091.13a इमां प्रत्नाय सुष्टुतिं नवीयसीं वोचेयमस्मा उशते शृणोतु नः ।
- 10.091.13c भूया अन्तरा हृद्यस्य निस्पृशे जायेव पत्य उशती सुवासाः ॥
- 10.091.14a यस्मिन्नश्वास ऋषभास उद्गणो वशा मेषा अवसृष्टास आहुताः ।
- 10.091.14c कीलालपे सोमपृष्ठाय वेधसे हृदा मतिं जनये चारुमग्नये ॥
- 10.091.15a अहाव्यग्ने हविरास्ये ते स्रुचीव घृतं चम्बीव सोमः ।
- 10.091.15c वाजसनिं रयिमस्मे सुवीरं प्रशस्तं धेहि यशसं बृहन्तम् ॥
- 10.092.01a यज्ञस्य वो रथ्यं विश्पतिं विशां होतारमक्तोरतिथिं विभावसुम् ।
- 10.092.01c शोचञ्छुक्कासु हरिणीषु जर्भुरदृषा केतुर्यजतो द्यामशायत ॥
- 10.092.02a इममञ्जस्पामुभये अकृणवत धर्माणमग्निं विदथस्य साधनम् ।
- 10.092.02c अक्तुं न यह्ममुषसः पुरोहितं तनूनपातमरुषस्य निसते ॥
- 10.092.03a बळस्य नीथा वि पणेश्च मन्महे वया अस्य प्रहुता आसुरत्तवे ।
- 10.092.03c यदा घोरासो अमृतत्वमाशतादिजनस्य दैव्यस्य चर्किरन् ॥

- 10.092.04a ऋ॒तस्य॑ हि प्र॒सि॒ति॒द्यौ॑रु॒रु व्य॒चो न॒मो म॒ह्य॒श्र॒मतिः॑ प॒नी॒यसी॑ ।
- 10.092.04c इन्द्रो॑ मि॒त्रो वरु॑णः सं चि॒कि॒त्रिरे॑ऽथो भ॒गः स॒वि॒ता पू॒तद॑क्षसः ॥
- 10.092.05a प्र रु॒द्रेण॑ य॒यिना॑ यन्ति॒ सिन्ध॑वस्ति॒रो म॒हीम॑रमतिं द॒धन्वि॑रे ।
- 10.092.05c येभिः॑ परि॒ज्मा परि॑यन्तु॒रु अ॒यो वि रो॑रुवज्जठ॒रे वि॒श्वमु॑क्षते ॥
- 10.092.06a क्रा॒णा रु॒द्रा म॒रुतो॑ वि॒श्वकृ॑ष्टयो दि॒वः श्ये॑नासो अ॒सुर॑स्य नी॒ळ्यः ।
- 10.092.06c तेभिश्च॑ष्टे वरु॒णो मि॒त्रो अ॒र्य॒मेन्द्रो॑ दे॒वेभि॑रर्वशेभि॒रर्व॑शः ॥
- 10.092.07a इन्द्रे॑ भुजं॒ शश॑मानास॒ आश॑त॒ सूर॑ो दृशी॒के वृ॑षणश्च॒ पौंस्ये॑ ।
- 10.092.07c प्र ये न्व॑स्यार्ह॒णा त॑तक्षि॒रे यु॒जं वज्रं॑ नृष॒दने॑षु कार॒वः ॥
- 10.092.08a सू॒रश्चि॑दा ह॒रितो॑ अस्य॒ री॒रम॑दिन्द्रा॒दा कश्चि॑द्भयते त॒वी॒यसः॑ ।
- 10.092.08c भी॒मस्य॑ वृ॒ष्णो ज॒ठरा॑दभि॒श्वसो॑ दि॒वेदि॑वे स॒हुरि॑ स्तन्न॒बाधि॑तः ॥
- 10.092.09a स्तोमं॑ वो अ॒द्य रु॒द्राय॑ शि॒क्वसे॑ क्ष॒यद्वी॑राय॒ नम॑सा दि॒दिष्ट॑न ।
- 10.092.09c येभिः॑ शि॒वः स्व॑वाँ ए॒वया॑वभिर्दिवः॒ सिष॑क्ति॒ स्वय॑शा॒ निकाम॑भिः ॥
- 10.092.10a ते हि प्र॒जाया॑ अ॒भर॑न्त॒ वि श्र॑वो बृ॒हस्प॑तिर्वृष॒भः सो॑म॒जाम॑यः ।
- 10.092.10c यज्ञै॑रथ॒र्वा प्र॑थमो वि॒ धार॑यद्दे॒वा द॑क्षैर्भृ॒गवः॑ सं चि॒कि॒त्रिरे॑ ॥
- 10.092.11a ते हि द्या॑वापृथि॒वी भूरि॑रे॒तसा॑ न॒राशं॑सश्च॒तुरङ्गो॑ य॒मोऽदि॑तिः ।
- 10.092.11c दे॒वस्त्व॑ष्टा द्र॒वि॒णोदा॑ ऋ॒भुक्ष॑णः प्र॒ रो॑दसी॒ मरु॑तो वि॒ष्णुर॑हिरे ॥
- 10.092.12a उ॒त स्य॑ न उ॒शि॒जामु॑र्वि॒या क॑वि॒रहिः॑ शृ॒णोतु॑ बु॒ध्न्यो॑ऽ३ ह॒वीम॑नि ।
- 10.092.12c सू॒र्यामा॑सा वि॒चर॑न्ता दि॒विक्षि॑ता॒ धिया॑ श॒मीन॑हुषी॒ अस्य॑ बो॒धत॑म् ॥

- 10.092.13a प्र नः पूषा चरथं विश्वदेव्योऽपां नपादवतु वायुरिष्टये ।
- 10.092.13c आत्मानं वस्यो अभि वातमर्चत तदश्विना सुहवा यामनि श्रुतम् ॥
- 10.092.14a विशामासामभयानामधित्तं गीर्भिरु स्वयशसं गृणीमसि ।
- 10.092.14c आभिर्विश्वाभिरदितिमनर्वणमक्तोर्युवानं नृमणा अधा पतिम् ॥
- 10.092.15a रेभदत्र जनुषा पूर्वो अङ्गिरा ग्रावाण ऊर्ध्वा अभि चक्षुरध्वरम् ।
- 10.092.15c येभिर्विहाया अभवद्विचक्षणः पाथः सुमेकं स्वधितिर्वनन्वति ॥
- 10.093.01a महि द्यावापृथिवी भूतमुर्वी नारी यही न रोदसी सदं नः ।
- 10.093.01c तेभिर्नः पातं सह्यस एभिर्नः पातं शूषणि ॥
- 10.093.02a यज्ञेयज्ञे स मर्त्यो देवान्सपर्यति ।
- 10.093.02c यः सुम्रैर्दीर्घश्रुत्तम आविवासत्येनान् ॥
- 10.093.03a विश्वेषामिरज्यवो देवानां वार्महः ।
- 10.093.03c विश्वे हि विश्वमहसो विश्वे यज्ञेषु यज्ञियाः ॥
- 10.093.04a ते घा राजानो अमृतस्य मन्द्रा अर्यमा मित्रो वरुणः परिज्मा ।
- 10.093.04c कद्रुद्रो नृणां स्तुतो मरुतः पूषणो भगः ॥
- 10.093.05a उत नो नक्तमपां वृषणवसू सूर्यामासा सदनाय सधन्या ।
- 10.093.05c सचा यत्साद्येषामहिर्बुध्नेषु बुध्न्यः ॥
- 10.093.06a उत नो देवावश्विना शुभस्पती धामभिर्मित्रावरुणा उरुष्यताम् ।

- 10.093.06c महः स राय एषतेऽति धन्वेव दुरिता ॥
- 10.093.07a उत नो रुद्रा चिन्मृळतामश्विना विश्वे देवासो रथस्पतिर्भगः ।
- 10.093.07c ऋभुर्वाज ऋभुक्षणः परिज्मा विश्ववेदसः ॥
- 10.093.08a ऋभुर्ऋभुक्षा ऋभुर्विधतो मद आ ते हरी जूजुवानस्य वाजिना ।
- 10.093.08c दुष्टरं यस्य साम चिदृधग्यज्ञो न मानुषः ॥
- 10.093.09a कृधी नो अहयो देव सवितः स च स्तुषे मघोनाम् ।
- 10.093.09c सहो न इन्द्रो वह्निभिर्न्येषां चर्षणीनां चक्रं रश्मिं न योयुवे ॥
- 10.093.10a ऐषु द्यावापृथिवी धातं महदस्मे वीरेषु विश्वचर्षणि श्रवः ।
- 10.093.10c पृक्षं वाजस्य सातये पृक्षं रायोत तुर्वणे ॥
- 10.093.11a एतं शंसमिन्द्रास्मयुष्ट्वं कूचित्सन्तं सहसावन्नभिष्टये ।
- 10.093.11c सदा पाह्यभिष्टये मेदतां वेदता वसो ॥
- 10.093.12a एतं मे स्तोमं तना न सूर्ये द्युतद्यामानं वावृधन्त नृणाम् ।
- 10.093.12c संवननं नाश्व्यं तष्टेवानपच्युतम् ॥
- 10.093.13a वावर्त येषां राया युक्तैषां हिरण्ययी ।
- 10.093.13c नेमधिता न पौंस्या वृथेव विष्टान्ता ॥
- 10.093.14a प्र तद्दुःशीमे पृथवाने वेने प्र रामे वोचमसुरे मघवत्सु ।
- 10.093.14c ये युक्तवाय पञ्च शतास्मयु पथा विश्राव्येषाम् ॥
- 10.093.15a अधीन्वत्र सप्ततिं च सप्त च ।

10.093.15b सद्यो दिदिष्ट तान्वः सद्यो दिदिष्ट पार्थ्यः सद्यो दिदिष्ट मायवः ॥

10.094.01a प्रैते वदन्तु प्र वयं वदाम ग्रावभ्यो वाचं वदता वदद्भ्यः ।

10.094.01c यदद्भ्यः पर्वताः साकमाशवः श्लोकं घोषं भरथेन्द्राय सोमिनः ॥

10.094.02a एते वदन्ति शतवत्सहस्रवदभि क्रन्दन्ति हरितेभिरासभिः ।

10.094.02c विष्ट्वी ग्रावाणः सुकृतः सुकृत्यया होतुश्चित्पूर्वे हविरद्यमाशत ॥

10.094.03a एते वदन्त्यविदन्नना मधु न्यूङ्ख्यन्ते अधि पक्व आमिषि ।

10.094.03c वृक्षस्य शाखामरुणस्य बप्सतस्ते सूभर्वा वृषभाः प्रेमराविषुः ॥

10.094.04a बृहद्वदन्ति मदिरेण मन्दिनेन्द्रं क्रोशन्तोऽविदन्नना मधु ।

10.094.04c संरभ्या धीराः स्वसृभिरनर्तिषुराघोषयन्तः पृथिवीमुपब्दिभिः ॥

10.094.05a सुपर्णा वाचमक्रतोप द्यव्याखरे कृष्णा इषिरा अनर्तिषुः ।

10.094.05c न्यश्ङ्नि यन्त्युपरस्य निष्कृतं पुरू रेतो दधिरे सूर्यश्चितः ॥

10.094.06a उग्रा इव प्रवहन्तः समायमुः साकं युक्ता वृषणो बिभ्रतो धुरः ।

10.094.06c यच्छ्वसन्तो जग्रसाना अराविषुः शृण्व एषां प्रोथथो अर्वतामिव ॥

10.094.07a दशावनिभ्यो दशकक्ष्येभ्यो दशयोक्त्रेभ्यो दशयोजनेभ्यः ।

10.094.07c दशाभीशुभ्यो अर्चताजरेभ्यो दश धुरो दश युक्ता वहद्भ्यः ॥

10.094.08a ते अद्रयो दशयन्त्रास आशवस्तेषामाधानं पर्येति हर्यतम् ।

10.094.08c त ऊ सुतस्य सोम्यस्यान्धसोऽंशोः पीयूषं प्रथमस्य भेजिरे ॥

- 10.094.09a ते सोमादो हरी इन्द्रस्य निसतेऽंशुं दुहन्तो अध्यासते गवि ।
- 10.094.09c तेभिर्दुग्धं पपिवान्सोम्यं मध्विन्द्रो वर्धते प्रथते वृषायते ॥
- 10.094.10a वृषा वो अंशुर्न किला रिषाथनेळावन्तः सदमित्स्थनाशिताः ।
- 10.094.10c रैवत्येव महसा चारव स्थन यस्य ग्रावाणो अजुषध्वमध्वरम् ॥
- 10.094.11a तृदिला अतृदिलासो अद्रयोऽश्रमणा अशृथिता अमृत्यवः ।
- 10.094.11c अनातुरा अजरा स्थामविष्णवः सुपीवसो अतृषिता अतृष्णजः ॥
- 10.094.12a ध्रुवा एव वः पितरो युगेयुगे क्षेमकामासः सदसो न युञ्जते ।
- 10.094.12c अजुर्यासो हरिषाचो हरिद्रव आ द्यां रवेण पृथिवीमशुश्रवुः ॥
- 10.094.13a तदिद्वदन्त्यद्रयो विमोचने यामन्नञ्जस्पा इव घेदुपब्दिभिः ।
- 10.094.13c वपन्तो बीजमिव धान्याकृतः पृञ्चन्ति सोमं न मिनन्ति बप्सतः ॥
- 10.094.14a सुते अध्वरे अधि वाचमक्रता क्रीळ्यो न मातरं तुदन्तः ।
- 10.094.14c वि षू मुञ्चा सुषुवुषो मनीषां वि वर्तन्तामद्रयश्चायमानाः ॥

- 10.095.01a हये जाये मनसा तिष्ठ घोरे वचांसि मिश्रा कृणवावहै नु ।
- 10.095.01c न नौ मन्त्रा अनुदितास एते मयस्करन्परतरे चनाहन् ॥
- 10.095.02a किमेता वाचा कृणवा तवाहं प्राक्रमिषमुषसामग्रियेव ।
- 10.095.02c पुरुरवः पुनरस्तं परेहि दुरापना वात इवाहमस्मि ॥
- 10.095.03a इषुर्न श्रिय इषुधेरसना गोषाः शतसा न रंहिः ।

- 10.095.03c अ॒वीरे॑ क्र॒तौ वि॑ द॒विद्यु॑त॒न्नोरा॑ न मा॒युं चि॑तयन्त॒ धुन॑यः ॥
- 10.095.04a सा वसु॑ दधती॒ श्वशुरा॑य वय॒ उषो॑ यदि॒ वष्ट्य॑न्तिगृहात् ।
- 10.095.04c अस्तं॑ नन॒क्षे यस्मि॑न्नाक॒न्दिवा॒ नक्तं॑ श्रथि॒ता वै॑तसेन ॥
- 10.095.05a त्रिः॒ स्म मा॒हः श्रथ॑यो वै॒तसे॑नोत॒ स्म मे॑ऽव्यत्यै॒ पृणा॑सि ।
- 10.095.05c पु॒रूर॑वोऽनु॒ ते के॑तमा॒यं राजा॑ मे॒ वीर॑ तन्व॒श्स्तदा॑सीः ॥
- 10.095.06a या सु॒जूर्णिः॑ श्रेणिः॒ सुम॑न्नापि॒हृदि॑च॒त्तुर्न॒ ग्रन्थि॑नी॒ चरण॑युः ।
- 10.095.06c ता अ॒ञ्जयो॑ऽरु॒णयो॑ न स॒स्रुः श्रि॑ये गा॒वो न धे॑नवोऽन॒वन्त ॥
- 10.095.07a स॒मस्मि॑ञ्जायमान॒ आस॑त॒ ग्ना उ॑तेमवर्ध॒न्नद्य॑शः॒ स्वगूर्ताः॑ ।
- 10.095.07c म॒हे य॑त्त्वा पु॒रूर॑वो र॒णाय॑ावर्ध॒यन्द॑स्युह॒त्याय॑ दे॒वाः ॥
- 10.095.08a स॒चा यदा॑सु॒ जह॑तीष्व॒त्कम॑मानु॒षीषु॑ मानु॒षो नि॑षेवे ।
- 10.095.08c अ॒प स्म॑ म॒त्तर॑सन्ती॒ न भु॑ज्युस्ता॒ अत्र॑सन्नथ॒स्पृशो॑ नाश्वाः ॥
- 10.095.09a यदा॑सु॒ मर्तो॑ अ॒मृता॑सु॒ निस्पृ॑क्सं॒ क्षोणी॑भिः॒ क्रतु॑भिर्न॒ पृङ्गे॑ ।
- 10.095.09c ता आ॒तयो॑ न तन्वः॒ शुम्भ॑त॒ स्वा अ॒श्वासो॑ न क्री॒ळ्यो द॑न्द॒शानाः॑ ॥
- 10.095.10a वि॒द्युन्न॑ या प॒तन्ती॑ द॒विद्यो॑द्भ॒रन्ती॑ मे॒ अप्या॑ का॒म्यानि॑ ।
- 10.095.10c ज॒निष्ठो॑ अ॒पो न॑र्यः॒ सुजा॑तः॒ प्रोर्व॑शी॒ तिर॑त दी॒र्घमा॑युः ॥
- 10.095.11a ज॒ज्ञिष॑ इ॒त्था गो॑पीथ्याय॒ हि द॑धाथ॒ तत्पु॑रूर॒वो म॒ ओजः॑ ।
- 10.095.11c अ॒शासं॑ त्वा वि॒दुषी॑ स॒स्मिन्न॑हन्न॒ म आ॑शृ॒णोः कि॑म॒भुग्वदा॑सि ॥
- 10.095.12a कदा॑ स॒नुः पि॒तरं॑ जा॒त इ॒च्छा॑च्चक्र॒न्नाश्रु॑ वर्त॒यद्वि॑जानन् ।

- 10.095.12c को दम्पती समनसा वि यूयोदध यदग्निः श्वशुरेषु दीदयत् ॥
- 10.095.13a प्रति ब्रवाणि वर्तयते अश्रु चक्रन्न क्रन्ददाध्ये शिवायै ।
- 10.095.13c प्र तत्ते हिनवा यत्ते अस्मे परेह्यस्तं नहि मूर मापः ॥
- 10.095.14a सुदेवो अद्य प्रपतेदनावृत्परावतं परमां गन्तवा उ ।
- 10.095.14c अघा शयीत निऋतेरुपस्थेऽधैनं वृका रभसासो अद्युः ॥
- 10.095.15a पुरुरवो मा मृथा मा प्र पप्तो मा त्वा वृकासो अशिवास उ क्षन् ।
- 10.095.15c न वै स्त्रैणानि सख्यानिसन्ति सालावृकाणां हृदयान्येता ॥
- 10.095.16a यद्विरूपाचरं मर्त्येष्ववसं रात्रीः शरदश्चतस्रः ।
- 10.095.16c घृतस्य स्तोकं सकृदह् आश्नां तादेवेदं तातृपाणा चरामि ॥
- 10.095.17a अन्तरिक्षप्रां रजसो विमानीमुप शिञ्जाम्युर्वशीं वसिष्ठः ।
- 10.095.17c उप त्वा रातिः सुकृतस्य तिष्ठान्नि वर्तस्व हृदयं तप्यते मे ॥
- 10.095.18a इति त्वा देवा इम आहुरैळ यथेमेतद्भवसि मृत्युबन्धुः ।
- 10.095.18c प्रजा ते देवान्हविषा यजाति स्वर्ग उ त्वमपि मादयासे ॥
- 10.096.01a प्र ते महे विदथे शंसिषं हरी प्र ते वन्वे वनुषो हर्यतं मदम् ।
- 10.096.01c घृतं न यो हरिभिश्चारु सेचत आ त्वा विशन्तु हरिवर्षसं गिरः ॥
- 10.096.02a हरिं हि योनिमभि ये समस्वरन्हिन्वन्तो हरी दिव्यं यथा सदः ।
- 10.096.02c आ यं पृणन्ति हरिभिर्न धेनव इन्द्राय शूषं हरिवन्तमर्चत ॥

- 10.096.03a सो अस्य वज्रो हरितो य आयसो हरिर्निकामो हरिरा गभस्त्योः ।
- 10.096.03c द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे ॥
- 10.096.04a दिवि न केतुरधि धायि हर्यतो विव्यचद्वज्रो हरितो न रंहा ।
- 10.096.04c तुददहिं हरिशिप्रो य आयसः सहस्रशोका अभवद्धरिम्भरः ॥
- 10.096.05a त्वंत्वमहर्यथा उपस्तुतः पूर्वेभिरिन्द्र हरिकेश यज्वभिः ।
- 10.096.05c त्वं हर्यसि तव विश्वमुक्थ्यश्मसामि राधो हरिजात हर्यतम् ॥
- 10.096.06a ता वज्रिणं मन्दिनं स्तोम्यं मद इन्द्रं रथे वहतो हर्यता हरी ।
- 10.096.06c पुरूण्यस्मै सवनानि हर्यत इन्द्राय सोमा हरयो दधन्विरे ॥
- 10.096.07a अरं कामाय हरयो दधन्विरे स्थिराय हिन्वन्हरयो हरी तुरा ।
- 10.096.07c अर्वाद्भिर्यो हरिभिर्जोषमीयते सो अस्य कामं हरिवन्तमानशे ॥
- 10.096.08a हरिश्मशारुर्हरिकेश आयसस्तुरस्पेये यो हरिपा अवर्धत ।
- 10.096.08c अर्वाद्भिर्यो हरिभिर्वाजिनीवसुरति विश्वा दुरिता पारिषद्धरी ॥
- 10.096.09a सुवेव यस्य हरिणी विपेततुः शिप्रे वाजाय हरिणी दविध्वतः ।
- 10.096.09c प्र यत्कृते चमसे मर्मृजद्धरी पीत्वा मदस्य हर्यतस्यान्धसः ॥
- 10.096.10a उत स्म सन्न हर्यतस्य पस्त्योश्रत्यो न वाजं हरिवाँ अचिक्रदत् ।
- 10.096.10c मही चिद्धि धिषणाहर्यदोजसा बृहद्वयो दधिषे हर्यतश्चिदा ॥
- 10.096.11a आ रोदसी हर्यमाणो महित्वा नव्यंनव्यं हर्यसि मन्म नु प्रियम् ।
- 10.096.11c प्र पस्त्यमसुर हर्यतं गोराविष्कृधि हरये सूर्याय ॥

- 10.096.12a आ त्वा ह॒र्यन्तं॑ प्र॒युजो॑ ज॒नानां॑ रथे॒ वहन्तु॑ ह॒रिशि॑प्रमिन्द्र ।
- 10.096.12c पि॒बा यथा॑ प्र॒तिभृ॑तस्य॒ मध्वो॑ ह॒र्यन्य॑ज्ञं स॒धमा॑दे दशो॒णिम् ॥
- 10.096.13a अ॒पाः पूर्वे॑षां ह॒रिवः॑ सु॒ताना॑मथो॒ इदं॑ स॒वनं॑ के॒वलं॑ ते ।
- 10.096.13c म॒मद्वि॑ सोमं॒ मधु॑मन्तमिन्द्र स॒त्रा वृ॑षञ्ज॒ठर॑ आ वृ॒षस्व ॥
- 10.097.01a या अ॒षधीः॑ पूर्वा॒ जाता॑ दे॒वेभ्य॑स्त्रियु॒गं पु॒रा ।
- 10.097.01c म॒नै नु॑ ब॒भ्रूणा॑महं श॒तं धा॑मानि स॒प्त च ॥
- 10.097.02a श॒तं वो॑ अ॒म्ब धा॑मानि स॒हस्र॑मु॒त वो॒ रुहः॑ ।
- 10.097.02c अ॒धा श॑तक्र॒त्वो यू॒यमि॑मं मे॒ अग॑दं कृ॒त ॥
- 10.097.03a अ॒षधीः॑ प्र॒ति मो॑दध्वं पु॒ष्पव॑तीः प्र॒सूव॑रीः ।
- 10.097.03c अ॒श्वा इ॒व स॒जित्॑वरी॒र्वीरु॑धः पा॒रयि॑ष्णवः ॥
- 10.097.04a अ॒षधी॑रिति॒ मातर॑स्तद्वो॒ देवी॑रु॒प ब्रु॑वे ।
- 10.097.04c स॒नेय॑मश्वं गां वा॒स आ॑त्मानं॒ तव॑ पू॒रुष ॥
- 10.097.05a अ॒श्वत्थे॑ वो॒ निष॑दनं॒ पर्णे॑ वो॒ वस॑तिष्कृ॒ता ।
- 10.097.05c गो॒भाज॑ इ॒त्कि॒लास॑थ॒ यत्स॑नवथ॒ पू॒रुष॑म् ॥
- 10.097.06a यत्रौ॑षधीः स॒मग॑मत॒ राजा॑नः स॒मिता॑विव ।
- 10.097.06c वि॒प्रः स॑ उ॒च्यते॑ भि॒षग्र॑त्तो॒हामी॑वचा॒तनः॑ ॥
- 10.097.07a अ॒श्वाव॑तीं सो॒माव॑ती॒मूर्ज॑यन्ती॒मुदो॑जसम् ।

- 10.097.07c आ॒वि॒त्सि॒ सर्वा॑ अ॒ोष॒धी॒रस्मा॑ अ॒रि॒ष्ट॒ता॒तये॑ ॥
- 10.097.08a उ॒च्छु॒ष्मा॑ अ॒ोष॒धी॒नां॑ गा॒वो॑ गो॒ष्ठा॒दि॒वे॒रते॑ ।
- 10.097.08c ध॒नं॑ स॒नि॒ष्य॒न्ती॒ना॒मा॒त्मानं॑ तव॑ पू॒रुष॑ ॥
- 10.097.09a इ॒ष्कृ॒ति॒र्ना॒म॒ वो॒ मा॒ता॒थो॑ यू॒यं॒ स्थ॒ नि॒ष्कृ॒तीः॑ ।
- 10.097.09c सी॒राः॑ प॒त॒त्रि॒णी॑ स्थ॒न॒ यदा॑म॒यति॑ नि॒ष्कृ॒थ ॥
- 10.097.10a अ॒ति॒ वि॒श्वाः॑ प॒रि॒ष्ठा॒ स्ते॒न॒ इव॑ ब्र॒ज॒म॒क्रमुः॑ ।
- 10.097.10c अ॒ोष॒धीः॑ प्रा॒चु॒च्य॒वु॒र्य॒त्किं॑ च॒ त॒न्वो॑३ र॒पः॑ ॥
- 10.097.11a य॒दि॒मा॒ वा॒ज॒य॒न्न॒ह॒मो॒ष॒धी॒र्ह॒स्त॑ आ॒द॒धे॑ ।
- 10.097.11c आ॒त्मा॑ य॒क्ष्म॑स्य॒ न॒श्यति॑ पु॒रा॒ जी॒व॒गृ॒भो॑ यथा ॥
- 10.097.12a य॒स्यो॑ष॒धीः॑ प्र॒स॒र्प॒था॒ङ्ग॒म॒ङ्गं॑ प॒रु॒ष्प॒रुः॑ ।
- 10.097.12c ततो॑ य॒क्ष्मं॒ वि॒ बा॒ध॒ध्व॒ उ॒ग्रो॑ म॒ध्य॒म॒शी॒रिव॑ ॥
- 10.097.13a सा॒कं॑ य॒क्ष्म॒ प्र॒ प॒त॒ चा॒षे॒ण॑ कि॒कि॒दी॒वि॒ना॑ ।
- 10.097.13c सा॒कं॑ वा॒त॒स्य॑ ध्रा॒ज्या॑ सा॒कं॑ न॒श्य॒ नि॒हा॒क॒या॑ ॥
- 10.097.14a अ॒न्या॑ वो॒ अ॒न्या॑म॒व॒त्त्वन्या॑न्य॒स्या॒ उ॒पा॒व॒त॑ ।
- 10.097.14c ताः॑ सर्वाः॑ सं॒वि॒दा॒ना॒ इदं॑ मे॒ प्रा॒व॒ता॒ व॒चः॑ ॥
- 10.097.15a याः॑ फ॒लि॒नी॒र्या॑ अ॒फ॒ला॑ अ॒पु॒ष्पा॑ या॒श्च॑ पु॒ष्पि॒णीः॑ ।
- 10.097.15c बृ॒ह॒स्प॒ति॒प्र॒सू॒ता॒स्ता॑ नो॒ मु॒ञ्च॒न्त्वं॑ह॒सः॑ ॥
- 10.097.16a मु॒ञ्च॒न्तु॑ मा॒ श॒प॒थ्या॑३द॒थो॑ व॒रु॒ण॒या॒दु॒त॑ ।

- 10.097.16c अथो॑ यम॒स्य॒ प॒ड्बी॑शात्सर्व॒स्माद्दे॒वकि॑ल्बिषात् ॥
- 10.097.17a अ॒वप॑तन्तीर॒वद॑न्दि॒व ओ॒षध॑यस्परि॒ ।
- 10.097.17c यं जी॒वम॑श्न॒वाम॑है न स रि॒ष्याति॑ पू॒रुषः॑ ॥
- 10.097.18a या ओ॒षधीः॑ सोम॒राज्ञी॑र्ब॒ह्वीः श॑तवि॒चक्ष॑णाः ।
- 10.097.18c तासां॑ त्वम॒स्युत्त॑मा॒रं का॑माय शं ह॒दे ॥
- 10.097.19a या ओ॒षधीः॑ सोम॒राज्ञी॑र्वि॒ष्टिताः॑ पृथि॒वीम॑नु ।
- 10.097.19c बृह॒स्पति॑प्रसू॒ता अ॒स्यै सं द॑त्त वी॒र्य॑म् ॥
- 10.097.20a मा वो॑ रिष॒त्वनि॑ता यस्मै॑ चा॒हं ख॑नामि वः ।
- 10.097.20c द्वि॒प॒च॒तु॒ष्प॒द॒स्माकं॑ सर्व॒मस्त्व॑नातुरम् ॥
- 10.097.21a याश्चे॒दमु॑पशृ॒ण्वन्ति॑ याश्च॒ दूरं॑ प॒राग॑ताः ।
- 10.097.21c सर्वाः॑ सं॒गत्य॑ वी॒रुधो॑ऽस्यै सं द॑त्त वी॒र्य॑म् ॥
- 10.097.22a ओ॒षध॑यः सं वद॒न्ते सो॑मेन सह॒ राज्ञा॑ ।
- 10.097.22c यस्मै॑ कृ॒णोति॑ ब्राह्म॒णस्तं॑ राज॒न्पा॒रया॑मसि ॥
- 10.097.23a त्वमु॒त्तमा॑स्यो॒षधे॑ तव वृ॒क्षा उ॑पस्तयः ।
- 10.097.23c उ॒पस्ति॑रस्तु सो॒ऽस्माकं॑ यो अ॒स्माँ अ॑भिदा॒सति॑ ॥
- 10.098.01a बृह॒स्पते॑ प्रति॒ मे दे॒वता॑मिहि मि॒त्रो वा॒ यद्व॑रु॒णो वा॑सि पू॒षा ।
- 10.098.01c आदि॒त्यैर्वा॑ यद्व॒सुभि॑र्मरु॒त्वान्स॑ पर्ज॒न्यं श॑त॒नवे॑ वृषाय ॥

- 10.098.02a आ दे॒वो दू॒तो अ॒जिर॑श्चि॒कित्वा॑न्त्वद्दे॒वापे॑ अ॒भि मा॒मग॑च्छत् ।
- 10.098.02c प्र॒तीची॑नः प्र॒ति मा॒मा व॑वृ॒त्स्व द॑धामि ते द्यु॒मतीं॑ वा॒चमा॑सन् ॥
- 10.098.03a अ॒स्मे धे॑हि द्यु॒मतीं॑ वा॒चमा॑सन्बृ॒हस्प॑ते अ॒नमी॑वामिषि॒राम् ।
- 10.098.03c यया॑ वृ॒ष्टिं श॑न्त॒नवे॑ व॒नाव दि॒वो द्र॒प्सो म॑धु॒माँ आ वि॑वेश ॥
- 10.098.04a आ नो॑ द्र॒प्सा म॑धु॒मन्तो॑ वि॒शन्ति॑व॒न्द्र दे॒ह्यधि॑रथं स॒हस्र॑म् ।
- 10.098.04c नि षी॑द हो॒त्रमृ॑तु॒था य॑ज॒स्व दे॒वान्दे॒वापे॑ ह॒विषा॑ स॒पर्य॑ ॥
- 10.098.05a आ॒ष्टिषि॑णो हो॒त्रमृ॑षि॒र्निषी॑द॒न्देवा॑पि॒र्देव॑सु॒मतिं॑ चि॒कित्वा॑न् ।
- 10.098.05c स उ॒त्तर॑स्मा॒दध॑रं स॒मुद्र॑मपो दि॒व्या अ॒सृज॑द्व॒र्ष्या अ॒भि ॥
- 10.098.06a अ॒स्मिन्स॑मु॒द्रे अ॒ध्युत्त॑र॒स्मिन्ना॑पो दे॒वेभि॑र्नि॒वृता॑ अ॒तिष्ठ॑न् ।
- 10.098.06c ता अ॒द्रव॑न्ना॒ष्टिषि॑णेन सृ॒ष्टा दे॒वापि॑ना प्रे॒षिता॑ मृ॒क्षिणी॑षु ॥
- 10.098.07a यद्दे॒वापिः॑ श॑न्त॒नवे॑ पु॒रोहि॑तो हो॒त्राय॑ वृ॒तः कृ॒पय॑न्नदी॒धेत् ।
- 10.098.07c दे॒वश्रु॑तं वृ॒ष्टि॒विनिं॑ र॒राणो॑ बृ॒हस्प॑ति॒र्वाच॑म॒स्मा अ॒यच्छ॑त् ॥
- 10.098.08a यं त्वा॑ दे॒वापिः॑ शु॒शुचा॑नो अ॒ग्न आ॒ष्टिषि॑णो म॒नुष्यः॑ स॒मीधे॑ ।
- 10.098.08c वि॒श्वेभि॑दै॒वैर॑नु॒मद्य॑मानः प्र प॒र्जन्य॑मी॒रया॑ वृ॒ष्टि॒मन्त॑म् ॥
- 10.098.09a त्वां पू॒र्व ऋ॑षयो गी॒र्भिरा॑य॒न्त्वाम॑ध्व॒रेषु॑ पु॒रुहू॑त वि॒श्वे ।
- 10.098.09c स॒हस्रा॑ण्यधि॒रथान्य॑स्मे आ नो॑ य॒ज्ञं रो॑हि॒दश्वो॑प या॒हि ॥
- 10.098.10a ए॒तान्य॑ग्ने न॒वति॑र्न॒व त्वे॑ आ॒हुतान्य॑धि॒रथा॑ स॒हस्रा॑ ।
- 10.098.10c तेभि॑र्व॒र्धस्व॑ त॒न्वः शू॒र् पूर्वी॑र्दि॒वो नो॑ वृ॒ष्टि॒मिषि॑तो रि॒रीहि॑ ॥

- 10.098.11a ए॒तान्य॑ग्ने॒ नव॑तिं॒ सह॒स्रा॒ सं प्र॑ यच्छ॒ वृष्ण॑ इन्द्रा॒य भा॒गम् ।
- 10.098.11c वि॒द्वान्प॒थ ऋ॒तुशो॑ दे॒वयाना॑नप्यौ॒लानं॑ दि॒वि दे॒वेषु॑ धेहि ॥
- 10.098.12a अग्ने॑ बाध॒स्व वि॒ मृधो॑ वि॒ दुर्ग॑हा॒पामी॑वामप॒ रक्षांसि॑ सेध ।
- 10.098.12c अ॒स्मात्स॑मु॒द्राद्बृ॑हतो॒ दिवो॑ नोऽपां॒ भूमा॑नमुप॒ नः सृ॑जेह ॥

- 10.099.01a कं न॒श्चित्र॑मिष॒ण्यसि॑ चि॒कित्वा॑नपृथु॒ग्मानं॑ वाश्रं॒ वावृ॑ध॒ध्यै ।
- 10.099.01c क॒त्तस्य॑ दा॒तु श॑वसो॒ व्युष्टौ॑ त॒क्षद्व॑ज्रं॒ वृत्र॑तुरमपि॒न्वत् ॥
- 10.099.02a स हि॑ द्यु॒ता वि॒द्युता॑ वेति॒ साम॑ पृथुं॒ योनि॑मसुर॒त्वा स॑साद ।
- 10.099.02c स॒ सनी॑ळेभिः प्रस॒हानो॑ अ॒स्य भ्रा॑तुर्न॒ ऋते॑ स॒प्तथ॑स्य॒ मायाः॑ ॥
- 10.099.03a स॒ वाजं॑ या॒ताप॑दुष्पदा॒ यन्स्व॑र्षा॒ता परि॑ षद॒त्सनि॑ष्यन् ।
- 10.099.03c अ॒नर्वा॑ यच्छ॒तदुर॑स्य॒ वेदो॑ घ्न॒ञ्छिश्न॑देवाँ॒ अभि॑ व॒र्षसा॑ भूत् ॥
- 10.099.04a स॒ य॒ह्योऽ॑वनी॒र्गोष्व॑र्वा॒ जुहो॑ति प्र॒धन्या॑सु॒ सस्त्रिः॑ ।
- 10.099.04c अ॒पादो॑ यत्र॒ युज्या॑सोऽर॒था द्रो॑ण्यश्वास॒ ईर॑ते॒ घृतं॑ वाः ॥
- 10.099.05a स॒ रु॒द्रेभि॑रशस्त॒वार ऋ॑भ्वा॒ हित्वी॑ ग॒यमा॑रेअ॒वद्य॑ आ॒गात् ।
- 10.099.05c व॒म्रस्य॑ म॒न्ये मि॒थुना॑ वि॒व॒त्री अ॒न्नम॑भी॒त्यारो॑द॒यन्मु॑षायन् ॥
- 10.099.06a स॒ इ॒दासं॑ तु॒वीर॑वं॒ पति॑र्द॒न्षळ॑क्षं॒ त्रिशी॑र्षा॒णं द॑मन्यत् ।
- 10.099.06c अ॒स्य त्रि॑तो॒ न्वोज॑सा॒ वृधा॑नो॒ विपा॑ व॒राह॑मयोअ॒ग्रया॑ हन् ॥
- 10.099.07a स॒ द्रु॒हणे॑ म॒नुष॑ ऊ॒र्ध्वसा॑न आ॒ सा॒विष॑दर्श॒सानाय॑ शरुम् ।

- 10.099.07c स नृतमो नहुषोऽस्मत्सुजातः पुरोऽभिनदर्हन्दस्युहत्ये ॥
- 10.099.08a सो अभ्रियो न यवस उदन्यन्क्षयाय गातुं विदन्नो अस्मे ।
- 10.099.08c उप यत्सीददिन्दुं शरीरैः श्येनोऽयोपाष्टिर्हन्ति दस्यून् ॥
- 10.099.09a स ब्राधतः शवसानेभिरस्य कुत्साय शुष्णं कृपणे परादात् ।
- 10.099.09c अयं कविमनयच्छस्यमानमत्कं यो अस्य सनितोत नृणाम् ॥
- 10.099.10a अयं दशस्यन्नर्योभिरस्य दस्मो देवेभिर्वरुणो न मायी ।
- 10.099.10c अयं कनीन ऋतुपा अवेद्यमिमीताररुं यश्चतुष्पात् ॥
- 10.099.11a अस्य स्तोमेभिरौशिज ऋजिश्वा ब्रजं दरयद्वृषभेण पिप्रोः ।
- 10.099.11c सुत्वा यद्यजतो दीदयद्गीः पुर इयानो अभि वर्षसा भूत् ॥
- 10.099.12a एवा महो असुर वक्षथाय वम्रकः पडिभरुप सर्पदिन्द्रम् ।
- 10.099.12c स इयानः करति स्वस्तिमस्मा इषमूर्ज सुक्षितिं विश्वमाभाः ॥
- 10.100.01a इन्द्र दृह्य मघवन्त्वावदिद्भुज इह स्तुतः सुतपा बोधि नो वृधे ।
- 10.100.01c देवेभिर्नः सविता प्रावतु श्रुतमा सर्वतातिमदितिं वृणीमहे ॥
- 10.100.02a भराय सु भरत भागमृत्वियं प्र वायवे शुचिपे क्रन्ददिष्टये ।
- 10.100.02c गौरस्य यः पयसः पीतिमानश आ सर्वतातिमदितिं वृणीमहे ॥
- 10.100.03a आ नो देवः सविता साविषद्वय ऋजूयते यजमानाय सुन्वते ।
- 10.100.03c यथा देवान्प्रतिभूषेम पाकवदा सर्वतातिमदितिं वृणीमहे ॥

- 10.100.04a इन्द्रो॑ अ॒स्मे सु॒मना॑ अ॒स्तु वि॒श्वहा॑ राजा सोमः सु॒वित॑स्या॒ध्येतु॑ नः ।
- 10.100.04c यथा॑यथा मि॒त्रधि॑तानि सं॒धुरा॑ सर्वा॒ताति॑मदि॒तिं वृ॑णीमहे ॥
- 10.100.05a इन्द्र॑ उ॒क्थेन॑ शवसा॒ परु॑र्द्धे बृह॒स्पते॑ प्रतरी॒तास्या॑युषः ।
- 10.100.05c यज्ञो॑ म॒नुः प्र॑मति॒र्नः पि॒ता हि॒ कमा॑ सर्वा॒ताति॑मदि॒तिं वृ॑णीमहे ॥
- 10.100.06a इन्द्र॑स्य॒ नु सु॒कृतं॑ दै॒व्यं स॒होऽग्नि॑गृ॒हे ज॑रिता॒ मेधि॑रः क॒विः ।
- 10.100.06c यज्ञ॑श्च भू॒द्विद॑थे चा॒रुर॑न्तम॒ आ सर्वा॑ता॒तिमदि॑तिं वृणीमहे ॥
- 10.100.07a न वो॑ गुहा॒ चकृ॑म भूरि॒ दुष्कृतं॑ नावि॒ष्ट्यं व॑सवो दे॒वहे॑ळनम् ।
- 10.100.07c माकि॑र्नो दे॒वा अ॒नृत॑स्य॒ वर्ष॑स॒ आ सर्वा॑ता॒तिमदि॑तिं वृणीमहे ॥
- 10.100.08a अपा॑मीवां॒ सवि॑ता सा॒विष॑न्न्य॒श्वरी॑य इ॒दप॑ से॒धन्त्व॑द्रयः ।
- 10.100.08c ग्रा॒वा यत्र॑ मधु॒षुदु॑च्यते बृह॒दा सर्वा॑ता॒तिमदि॑तिं वृणीमहे ॥
- 10.100.09a ऊ॒र्ध्वो ग्रा॒वा व॑सवोऽस्तु सो॒तरि॑ विश्वा॒ द्वेषा॑सि स॒नुत॑र्युयोत ।
- 10.100.09c स नो॑ दे॒वः स॒विता॑ पा॒युरी॑ड्य॒ आ सर्वा॑ता॒तिमदि॑तिं वृणीमहे ॥
- 10.100.10a ऊ॒र्ज गा॒वो य॑वसे पी॒वो अ॒त्तन॑ ऋ॒तस्य॑ याः स॒दने॑ को॒शे अ॒ङ्घ्वे ।
- 10.100.10c त॒नूरे॑व त॒न्वो अ॒स्तु भे॑षज॒मा सर्वा॑ता॒तिमदि॑तिं वृणीमहे ॥
- 10.100.11a क्र॒तुप्रा॑वा ज॒रिता॑ श॒श्वता॑मव॒ इन्द्र॑ इ॒न्द्रा प्र॑मतिः सु॒ताव॑ताम् ।
- 10.100.11c पूर्ण॑मू॒धर्द्वि॑व्यं य॒स्य सि॒क्तय॑ आ सर्वा॒ताति॑मदि॒तिं वृ॑णीमहे ॥
- 10.100.12a चि॒त्रस्ते॑ भा॒नुः क्र॒तुप्रा॑ अ॒भिष्टिः॑ स॒न्ति स्पृ॑धो॒ जर॑णि॒प्रा अ॒धृष्टाः॑ ।
- 10.100.12c रजि॑ष्ठया॒ रज्या॑ प॒श्व आ॑ गो॒स्तू॒र्षति॑ पर्य॒ग्रं दु॒वस्युः॑ ॥

- 10.101.01a उद्बुध्यध्वं समनसः सखायः समग्निमिन्ध्वं बहवः सनीळाः ।
- 10.101.01c दधिक्रामग्निमुषसं च देवीमिन्द्रावतोऽवसे नि ह्वये वः ॥
- 10.101.02a मन्द्रा कृणुध्वं धिय आ तनुध्वं नावमरित्रपरणीं कृणुध्वम् ।
- 10.101.02c इष्कृणुध्वमायुधारं कृणुध्वं प्राञ्चं यज्ञं प्र णयता सखायः ॥
- 10.101.03a युनक्त सीरा वि युगा तनुध्वं कृते योनौ वपतेह बीजम् ।
- 10.101.03c गिरा च श्रुष्टिः सभरा असन्नो नेदीय इत्सृणयः पक्वमेयात् ॥
- 10.101.04a सीरा युञ्जन्ति कवयो युगा वि तन्वते पृथक् ।
- 10.101.04c धीरा देवेषु सुम्रया ॥
- 10.101.05a निराहावान्कृणोतन सं वरत्रा दधातन ।
- 10.101.05c सिञ्चामहा अवतमुद्रिणं वयं सुषेकमनुपक्षितम् ॥
- 10.101.06a इष्कृताहावमवतं सुवरत्रं सुषेचनम् ।
- 10.101.06c उद्रिणं सिञ्चे अक्षितम् ॥
- 10.101.07a प्रीणीताश्वान्हितं जयाथ स्वस्तिवाहं रथमित्कृणुध्वम् ।
- 10.101.07c द्रोणाहावमवतमश्मचक्रमंसत्रकोशं सिञ्चता नृपाणाम् ॥
- 10.101.08a व्रजं कृणुध्वं स हि वो नृपाणो वर्म सीव्यध्वं बहुला पृथूनि ।
- 10.101.08c पुरः कृणुध्वमायसीरधृष्टा मा वः सुस्रोच्चमसो दंहता तम् ॥
- 10.101.09a आ वो धियं यज्ञियां वर्त ऊतये देवा देवीं यजतां यज्ञियामिह ।

- 10.101.09c सा नो दुहीयद्यवसेव गत्वी सहस्रधारा पयसा मही गौः ॥
- 10.101.10a आ तू षिञ्च हरिमीं द्रोरुपस्थे वाशीभिस्तत्तताश्मन्मयीभिः ।
- 10.101.10c परि ष्वजध्वं दश कक्ष्याभिरुभे धुरौ प्रति वह्निं युनक्त ॥
- 10.101.11a उभे धुरौ वह्निरापिब्दमानोऽन्तयोनिव चरति द्विजानिः ।
- 10.101.11c वनस्पतिं वन आस्थापयध्वं नि षू दधिध्वमखनन्त उत्सम् ॥
- 10.101.12a कपृन्नरः कपृथमुद्घातन चोदयत खुदत वाजसातये ।
- 10.101.12c निष्टिग्रयः पुत्रमा च्यावयोतय इन्द्रं सबाध इह सोमपीतये ॥
- 10.102.01a प्र ते रथं मिथूकृतमिन्द्रोऽवतु धृष्णुया ।
- 10.102.01c अस्मिन्नाजौ पुरुहूत श्रवाय्ये धनभक्षेषु नोऽव ॥
- 10.102.02a उत्सम वातो वहति वासोऽस्या अधिरथं यदजयत्सहस्रम् ।
- 10.102.02c रथीरभून्मुद्गलानी गविष्ठौ भरे कृतं व्यचेदिन्द्रसेना ॥
- 10.102.03a अन्तर्यच्छ जिघांसतो वज्रमिन्द्राभिदासतः ।
- 10.102.03c दासस्य वा मघवन्नार्यस्य वा सनुतर्यवया वधम् ॥
- 10.102.04a उद्रो हृदमपिबज्जहृषाणः कूटं स्म तृहदभिमातिमेति ।
- 10.102.04c प्र मुष्कभारः श्रव इच्छमानोऽजिरं बाहू अभरत्सिषासन् ॥
- 10.102.05a न्यक्रन्दयन्नुपयन्त एनममेहयन्वृषभं मध्य आजेः ।
- 10.102.05c तेन सूभर्वं शतवत्सहस्रं गवां मुद्गलः प्रधने जिगाय ॥

- 10.102.06a ककद्वे वृषभो युक्त आसीदवावचीत्सारथिरस्य केशी ।
- 10.102.06c दुधेर्युक्तस्य द्रवतः सहानस ऋच्छन्ति ष्मा निष्पदो मुद्गलानीम् ॥
- 10.102.07a उत प्रधिमुदहन्नस्य विद्वानुपायुनग्वंसगमत्र शिक्तन् ।
- 10.102.07c इन्द्र उदावत्पतिमघ्न्यानामरंहत पद्याभिः ककुद्धान् ॥
- 10.102.08a शुनमष्ट्राव्यचरत्कपर्दी वरत्रायां दार्वानह्यमानः ।
- 10.102.08c नृमृणानि कृणवन्बहवे जनाय गाः पस्पशानस्तविषीरधत्त ॥
- 10.102.09a इमं तं पश्य वृषभस्य युञ्जं काष्ठाया मध्ये द्रुघणं शयानम् ।
- 10.102.09c येन जिगाय शतवत्सहस्रं गवां मुद्गलः पृतनाज्येषु ॥
- 10.102.10a आरे अघा को न्विश्त्था ददर्श यं युञ्जन्ति तम्वा स्थापयन्ति ।
- 10.102.10c नास्मै तृणं नोदकमा भरन्त्युत्तरो धुरो वहति प्रदेदिशत् ॥
- 10.102.11a परिवृक्तेव पतिविद्यमानट् पीप्याना कूचक्रेणेव सिञ्चन् ।
- 10.102.11c एषैष्या चिद्रथ्या जयेम सुमङ्गलं सिनवदस्तु सातम् ॥
- 10.102.12a त्वं विश्वस्य जगतश्चक्षुरिन्द्रासि चक्षुषः ।
- 10.102.12c वृषा यदाजिं वृषणा सिषाससि चोदयन्वधिणा युजा ॥
- 10.103.01a आशुः शिशानो वृषभो न भीमो घनाघनः क्षोभणश्चर्षणीनाम् ।
- 10.103.01c संक्रन्दनोऽनिमिष एकवीरः शतं सेना अजयत्साकमिन्द्रः ॥
- 10.103.02a संक्रन्दनेनानिमिषेण जिष्णुना युत्कारेण दुश्च्यवनेन धृष्णुना ।

- 10.103.02c तदिन्द्रेण जयत तत्सहध्वं युधो नर इषुहस्तेन वृष्णा ॥
- 10.103.03a स इषुहस्तैः स निषङ्गिभिर्वशी संस्रष्टा स युध इन्द्रो गणेन ।
- 10.103.03c संसृष्टजित्सोमपा बाहुशर्द्युश्ग्रधन्वा प्रतिहिताभिरस्ता ॥
- 10.103.04a बृहस्पते परि दीया रथेन रत्तोहामित्राँ अपबाधमानः ।
- 10.103.04c प्रभञ्जन्सेनाः प्रमृणो युधा जयन्नस्माकमेध्यविता रथानाम् ॥
- 10.103.05a बलविज्ञाय स्थविरः प्रवीरः सहस्वान्वाजी सहमान उग्रः ।
- 10.103.05c अभिवीरो अभिसत्वा सहोजा जैत्रमिन्द्र रथमा तिष्ठ गोवित् ॥
- 10.103.06a गोत्रभिदं गोविदं वज्रबाहुं जयन्तमज्म प्रमृणन्तमोजसा ।
- 10.103.06c इमं सजाता अनु वीरयध्वमिन्द्रं सखायो अनु सं रभध्वम् ॥
- 10.103.07a अभि गोत्राणि सहसा गाहमानोऽदयो वीरः शतमन्युरिन्द्रः ।
- 10.103.07c दुश्च्यवनः पृतनाषाळयुध्योऽस्माकं सेना अवतु प्र युत्सु ॥
- 10.103.08a इन्द्र आसां नेता बृहस्पतिर्दक्षिणा यज्ञः पुर एतु सोमः ।
- 10.103.08c देवसेनानामभिभञ्जतीनां जयन्तीनां मरुतो यन्त्वग्रम् ॥
- 10.103.09a इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।
- 10.103.09c महामनसां भुवनच्यवानां घोषो देवानां जयतामुदस्थात् ॥
- 10.103.10a उद्धर्षय मघवन्नायुधान्युत्सत्त्वनां मामकानां मनांसि ।
- 10.103.10c उद्धृत्रहन्वाजिनां वाजिनान्युद्रथानां जयतां यन्तु घोषाः ॥
- 10.103.11a अस्माकमिन्द्रः समृतेषु ध्वजेष्वस्माकं या इषवस्ता जयन्तु ।

- 10.103.11c अ॒स्माकं॑ वी॒रा उ॒त्तरे॑ भवन्त्वस्माँ॑ उ॒ दे॒वा अ॒वता॑ ह॒वेषु॑ ॥
- 10.103.12a अ॒मीषां॑ चि॒त्तं प्र॑ति॒लोभ॑यन्ती गृ॒हाणा॑ङ्गान्य॒प्वे प॑रेहि ।
- 10.103.12c अ॒भि प्रे॑हि नि॒र्दह॑ ह॒त्सु शो॑कैर॒न्धेना॑मि॒त्रास्त॑मसा स॒चन्ता॑म् ॥
- 10.103.13a प्रे॒ता ज॑यता नर इन्द्रो॑ वः शर्म॑ यच्छतु ।
- 10.103.13c उ॒ग्रा वः॑ सन्तु बा॒हवो॑ऽनाधृ॒ष्या यथा॑सथ ॥
- 10.104.01a अ॒सावि॑ सोमः पुरु॒हूत॑ तु॒भ्यं ह॑रि॒भ्यां य॑ज्ञमुप याहि॒ तूय॑म् ।
- 10.104.01c तु॒भ्यं गि॑रो वि॒प्रवी॑रा इ॒याना॑ द॒धन्वि॑र इन्द्र॒ पिबा॑ सु॒तस्य॑ ॥
- 10.104.02a अ॒प्सु धू॑तस्य ह॒रिवः॑ पि॒बेह॑ नृ॒भिः सु॑तस्य ज॒ठरं॑ पृ॒णस्व॑ ।
- 10.104.02c मि॒मि॒क्षु॒र्यम॑द्रय इन्द्र॒ तुभ्यं॑ तेभिर्वर्ध॒स्व म॑दमुक्थवाहः ॥
- 10.104.03a प्रो॒ग्रां पी॑तिं वृ॒ष्णा इ॒यमि॑ स॒त्यां प्र॑यै सु॒तस्य॑ ह॒र्यश्च॑ तु॒भ्यम् ।
- 10.104.03c इन्द्र॒ धेना॑भिरिह मा॒दय॑स्व धी॒भिर्वि॑श्वा॒भिः श॒च्या गृ॑णानः ॥
- 10.104.04a ऊ॒ती श॑चीवस्तव वी॒र्ये॑ण वयो द॒धाना॑ उ॒शिज॑ ऋ॒तज्ञाः॑ ।
- 10.104.04c प्र॒जाव॑दिन्द्र॒ मनु॑षो दुरो॒णे त॑स्थुर्गृ॒णन्तः॑ स॒धमा॑द्यासः ॥
- 10.104.05a प्र॒णीति॑भिष्टे ह॒र्यश्च॑ सु॒ष्टोः सु॑षु॒म्नस्य॑ पु॒रुरु॑चो जनासः ।
- 10.104.05c मं॒हि॒ष्ठा॒मूतिं॑ वि॒तिरे॑ द॒धाना॑ स्तो॒तार॑ इन्द्र॒ तव॑ सू॒नृता॑भिः ॥
- 10.104.06a उप॒ ब्र॒ह्मा॑णि ह॒रिवो॑ ह॒रिभ्यां॑ सोमस्य याहि पी॒तये॑ सु॒तस्य॑ ।
- 10.104.06c इन्द्र॒ त्वा य॑ज्ञः क्ष॒ममा॑णमान॒द्दाश्वाँ॑ अ॒स्यध्व॑रस्य प्र॒केतः॑ ॥

- 10.104.07a सहस्रवाजमभिमातिषाहं सुतेरणं मघवानं सुवृक्तिम् ।
- 10.104.07c उप भूषन्ति गिरो अप्रतीतमिन्द्रं नमस्या जरितुः पनन्त ॥
- 10.104.08a सप्तापो देवीः सुरणा अमृक्ता याभिः सिन्धुमतर इन्द्र पूर्भित् ।
- 10.104.08c नवतिं स्रोत्या नव च स्रवन्तीदेविभ्यो गातुं मनुषे च विन्दः ॥
- 10.104.09a अपो महीरभिशस्तेरमुञ्चोऽजागरास्वधि देव एकः ।
- 10.104.09c इन्द्र यास्त्वं वृत्रतूर्ये चकर्थ ताभिर्विश्वायुस्तन्वं पुपुष्याः ॥
- 10.104.10a वीरेण्यः क्रतुरिन्द्रः सुशस्तिरुतापि धेना पुरुहूतमीदृ ।
- 10.104.10c आर्दयद्वृत्रमकृणोदु लोकं ससाहे शक्रः पृतना अभिष्टिः ॥
- 10.104.11a शुनं हुवेम मघवानमिन्द्रमस्मिन्भरे नृतमं वाजसातौ ।
- 10.104.11c शृण्वन्तमुग्रमूतये समत्सु घ्नन्तं वृत्राणि संजितं धनानाम् ॥
- 10.105.01a कदा वसो स्तोत्रं हर्यत आव श्मशा रुधद्वाः ।
- 10.105.01c दीर्घं सुतं वाताप्याय ॥
- 10.105.02a हरी यस्य सुयुजा विव्रता वेरर्वन्तानु शेपा ।
- 10.105.02c उभा रजी न केशिना पतिर्दन् ॥
- 10.105.03a अप योरिन्द्रः पापज आ मर्तो न शश्रमाणो विभीवान् ।
- 10.105.03c शुभे यद्युयुजे तविषीवान् ॥
- 10.105.04a सचायोरिन्द्रश्चर्कष आँ उपानसः सपर्यन् ।

- 10.105.04c न॒दयो॑र्वि॒व्रत॑योः शूर॒ इन्द्रः॑ ॥
- 10.105.05a अ॒धि य॑स्त॒स्थौ केश॑वन्ता व्य॒चस्व॑न्ता न पु॒ष्ट्यै ।
- 10.105.05c व॒नोति॑ शि॒प्राभ्यां॑ शि॒प्रिणी॑वान् ॥
- 10.105.06a प्रा॒स्तौदृ॑ष्वौजा ऋ॒ष्वेभि॑स्त॒तत्त शूरः॑ श॒वसा ।
- 10.105.06c ऋ॒भुर्न॑ क्र॒तुभि॑र्मा॒तरि॑श्वा ॥
- 10.105.07a व॒ज्रं य॑श्च॒क्रे सु॑ह॒नाय॑ द॒स्यवे॑ हि॒रीम॑शो हि॒रीमा॑न् ।
- 10.105.07c अ॒रुत॑ह॒नुर॒द्भुतं॑ न र॒जः ॥
- 10.105.08a अ॒व नो॑ वृ॒जिना॑ शि॒शीहृ॑चा व॒नेमा॑नृ॒चः ।
- 10.105.08c ना॒ब्रह्मा॑ य॒ज्ञ ऋ॒धग्जो॑षति॒ त्वे ॥
- 10.105.09a ऊ॒र्ध्वा य॑त्ते त्रे॒तिनी॑ भू॒द्यज्ञ॑स्य धूर्षु॒ सद्म॑न् ।
- 10.105.09c स॒जूर्ना॑वं स्व॒यश॑सं स॒चायोः॑ ॥
- 10.105.10a श्रि॒ये ते॑ पृ॒श्चिरु॑प॒सेच॑नी भू॒च्छि॒ये द॒र्विर॑रेपाः ।
- 10.105.10c यया॑ स्वे पा॒त्रे सि॒ञ्चस॑ उ॒त् ॥
- 10.105.11a श॒तं वा॑ य॒दसु॑र्य॒ प्रति॑ त्वा सु॒मित्र॑ इ॒त्थास्तौ॑द्दु॒र्मित्र॑ इ॒त्थास्तौ॑त् ।
- 10.105.11c आ॒वो य॑द्द॒स्युह॑त्ये॒ कुत्स॑पु॒त्रं प्रा॒वो य॑द्द॒स्युह॑त्ये॒ कुत्स॑व॒त्सम् ॥
- 10.106.01a उ॒भा उ॑ नूनं॒ तदि॑द॒र्थये॑थे वि॒ तन्वा॑थे धि॒यो व॒स्त्रा॒पसे॑व ।
- 10.106.01c स॒धीची॑ना या॒तवे॑ प्रेम॒जीगः॑ सु॒दिने॑व पृ॒क्ष आ॑ तंस॒येथे॑ ॥

- 10.106.02a उ॒ष्टरे॑व॒ फ॒वरे॑षु श्र॒येथे॑ प्रा॒यो॒गे॒व श्वा॒त्र्या॒ शा॒सुरे॑थः ।
- 10.106.02c दू॒ते॒व हि॒ ष्ठो॑ य॒शसा॑ ज॒नेषु॑ मा॒प॒ स्था॒तं॑ म॒हिषे॑वा॒वपा॑नात् ॥
- 10.106.03a सा॒कं॒युजा॑ श॒कुन॑स्ये॒व प॒क्षा प॒श्वे॒व चि॒त्रा य॒जुरा॑ ग॒मिष्ट॑म् ।
- 10.106.03c अ॒ग्नि॑रि॒व दे॒वयो॑र्दी॒दिवा॑सा॒ परि॑ज्माने॒व य॒जथः॑ पु॒रुत्रा॑ ॥
- 10.106.04a आ॒पी वो॑ अ॒स्मे पि॒तरे॑व पु॒त्रो॒ग्रे॒व रु॒चा नृ॒पती॑व तु॒र्यै ।
- 10.106.04c इ॒र्ये॑व पु॒ष्ट्यै॑ कि॒रणे॑व भु॒ज्यै श्रु॑ष्टी॒वाने॑व ह॒वमा॑ ग॒मिष्ट॑म् ॥
- 10.106.05a वं॒सगे॑व पू॒षर्या॑ शि॒म्बा॒ता मि॒त्रे॒व ऋ॒ता श॒तरा॑ शा॒तप॑न्ता ।
- 10.106.05c वा॒जे॒वोच्चा॑ व॒यसा॑ घ॒र्म्ये॒ष्ठा मे॒षे॒वेषा॑ स॒पर्या॑३ पु॒रीषा॑ ॥
- 10.106.06a सृ॒ण्ये॒व ज॒र्भरी॑ तु॒फरी॑तू नै॒तो॒शे॒व तु॒फरी॑ प॒फरी॑का ।
- 10.106.06c उ॒द॒न्य॒जे॒व जे॑म॒ना म॒दे॒रू ता॑ मे॒ ज॒रा॒य्व॒जरं॑ म॒रायु॑ ॥
- 10.106.07a प॒ञ्चे॒व च॒र्चरं॑ जा॒रं म॒रायु॑ क्ष॒न्ने॒वा॒र्थेषु॑ त॒र्तरी॑थ उ॒ग्रा ।
- 10.106.07c ऋ॒भू ना॑प॒त्खर॑म॒ज्रा ख॒रञ्चु॑र्वा॒युर्न प॑फ॒रत्क्ष॑य॒द्रयी॑णाम् ॥
- 10.106.08a घ॒र्मे॒व म॒धु ज॒ठरे॑ स॒ने॒रू भ॒गे॒वि॒ता तु॒फरी॑ फा॒रि॒वार॑म् ।
- 10.106.08c प॒तरे॑व च॒चरा॑ च॒न्द्र॒नि॒र्णि॒ङ्मन॑ऋ॒ङ्गा म॒न॒न्या॑३ न॒ जग्मी॑ ॥
- 10.106.09a बृ॒ह॒न्ते॑व ग॒म्भरे॑षु प्र॒ति॒ष्ठां पा॒दे॒व गा॒धं तर॑ते वि॒दाथः॑ ।
- 10.106.09c क॒र्णे॑व शा॒सुर॑नु॒ हि स्म॒राथो॑ऽशे॒व नो॑ भ॒जतं॑ चि॒त्रम॑ग्नः ॥
- 10.106.10a आ॒र॒ङ्गरे॑व म॒ध्वे॒रये॑थे सा॒र॒घे॒व ग॒वि नी॑ची॒नबा॑रे ।
- 10.106.10c की॒ना॒रे॒व स्वे॑द॒मा॒सि॒ध्वि॒दाना॑ क्षा॒मे॒वो॒र्जा सू॒यव॑सा॒त्स॒चे॒थे ॥

- 10.106.11a ऋ॒ध्या॒म॒ स्तो॒मं॑ स॒नु॒याम॑ वा॒ज॒मा॒ नो॒ मन्त्रं॑ स॒रथे॑होप॒ या॒तम् ।
- 10.106.11c य॒शो॒ न॒ प॒क्वं॑ म॒धु॒ गो॒ष्वन्तरा॑ भू॒तांशो॑ अ॒श्विनोः॑ का॒मम॑प्राः ॥
- 10.107.01a आ॒वि॒र॒भू॒न्महि॑ मा॒घो॒न॒मेषां॑ वि॒श्वं॑ जी॒वं॒ तम॑सो॒ नि॒र॒मो॒चि ।
- 10.107.01c म॒हि॒ ज्यो॒तिः॑ पि॒तृभि॑र्दत्त॒मागा॑दुरुः प॒न्था॑ द॒क्षिणा॑या अ॒दर्शि॑ ॥
- 10.107.02a उ॒च्चा॑ दि॒वि॒ द॒क्षिणा॑वन्तो अ॒स्थुर्ये॑ अ॒श्वदाः॑ स॒ह॒ ते॒ सूर्ये॑ण ।
- 10.107.02c हि॒रण्य॑दा अ॒मृत॑त्वं भ॒जन्ते॑ वा॒सोदाः॑ सो॒म प्र॑ ति॒रन्त॑ आ॒युः ॥
- 10.107.03a दै॒वी॒ पू॒र्तिर्द॑क्षिणा दे॒वय॑ज्या न क॒वारि॑भ्यो न॒हि॒ ते॒ पृ॒णन्ति॑ ।
- 10.107.03c अ॒था॒ नरः॑ प्र॒यत॑दक्षिणासोऽव॒द्यभि॑या ब॒हवः॑ पृ॒णन्ति॑ ॥
- 10.107.04a श॒त॒धा॒रं॑ वा॒युम॑र्कं स्व॒र्विदं॑ नृ॒चक्ष॑सस्ते अ॒भि च॑क्षते ह॒विः ।
- 10.107.04c ये॒ पृ॒णन्ति॑ प्र च॒ यच्छ॑न्ति॒ संग॑मे॒ ते द॑क्षिणां दु॒हते॑ स॒प्तमा॑तरम् ॥
- 10.107.05a द॒क्षिणा॑वान्प्रथ॒मो हू॒त ए॒ति॒ द॒क्षिणा॑वान्ग्रा॒मणी॑रग्रमेति ।
- 10.107.05c तमे॒व॒ मन्ये॑ नृ॒पतिं॑ ज॒नानां॑ यः प्रथ॒मो द॑क्षिणा॒मावि॑वाय ॥
- 10.107.06a तमे॒व॒ ऋषिं॑ तमु॒ ब्रह्मा॑ण॒माहु॑र्यज्ञ॒न्यं॒ साम॑गा॒मुक्थ॑शासम् ।
- 10.107.06c स शु॒क्रस्य॑ त॒न्वो वे॒द ति॒स्रो यः॑ प्रथ॒मो द॑क्षिणा॒या र॑राध ॥
- 10.107.07a द॒क्षिणा॑श्वं द॒क्षिणा॑ गां द॒दाति॑ द॒क्षिणा॑ च॒न्द्रमु॑त य॒द्विर॑ण्यम् ।
- 10.107.07c द॒क्षिणा॑न्नं व॒नुते॑ यो न आ॒त्मा द॑क्षिणां व॒र्म कृ॑णुते वि॒जान॑न् ॥
- 10.107.08a न भो॒जा म॑मृ॒र्न न्य॑र्थ॒मीयु॑र्न रि॒ष्यन्ति॑ न व्यथ॒न्ते ह॑ भो॒जाः ।

- 10.107.08c इ॒दं॑ यद्वि॒श्वं॑ भु॒वनं॑ स्व॒श्वै॒तत्सर्वं॑ द॒क्षिणै॑भ्यो द॒दाति॑ ॥
- 10.107.09a भो॒जा जि॒ग्युः॑ सु॒रभिं॑ यो॒निम॒ग्रे भो॒जा जि॒ग्युर्व॒ध्वं॑ या सु॒वासाः॑ ।
- 10.107.09c भो॒जा जि॒ग्युरन्तः॑पे॒यं सु॒राया॑ भो॒जा जि॒ग्युर्ये॑ अ॒हूताः॑ प्र॒यन्ति॑ ॥
- 10.107.10a भो॒जाया॑श्वं॑ सं मृ॒जन्त्या॑शुं भो॒जाया॑स्ते क॒न्याश्च॑ शु॒म्भमा॑ना ।
- 10.107.10c भो॒जस्ये॑दं पु॒ष्करि॑णीव॒ वेश॑म॒ परि॑ष्कृतं दे॒वमा॒नेव॑ चि॒त्रम् ॥
- 10.107.11a भो॒जम॑श्वाः सु॒ष्ठुवा॑हो व॒हन्ति॑ सु॒वृ॒द्रथो॑ वर्तते द॒क्षिणा॑याः ।
- 10.107.11c भो॒जं दे॒वासोऽव॑ता भ॒रेषु॑ भो॒जः शत्रू॑न्सम॒नीकेषु॑ जेता ॥

- 10.108.01a कि॒मिच्छ॑न्ती॒ सर॒मा प्रे॒दमा॑न॒डूरे॑ ह्य॒ध्वा जगु॑रिः प॒राचैः॑ ।
- 10.108.01c का॒स्मेहि॑तिः का॒ परि॑तक्म्यासीत्कथं रसा॒या अ॒तरः॑ प॒यांसि॑ ॥
- 10.108.02a इन्द्र॑स्य दू॒तीरि॑षिता च॒रामि॑ मह॒ इच्छ॑न्ती प॒णयो॑ नि॒धीन्वः॑ ।
- 10.108.02c अ॒तिष्क॑दो भि॒यसा॑ तन्न॒ आव॑त्तथा रसा॒या अ॒तरं॑ प॒यांसि॑ ॥
- 10.108.03a की॒टिङ्ङि॑न्द्रः सर॒मे का॑ दृ॒शीका॑ यस्ये॒दं दू॒तीर॑सरः प॒राका॑त् ।
- 10.108.03c आ च॑ गच्छा॒न्मित्र॑मे॒ना द॑धामाथा ग॒वां गो॑पति॒र्नो भ॑वाति ॥
- 10.108.04a नाहं॑ तं वे॒द द॒भ्यं द॒भत्स॑ यस्ये॒दं दू॒तीर॑सरं प॒राका॑त् ।
- 10.108.04c न तं॑ गू॒हन्ति॑ स्र॒वतो॑ ग॒भीरा॑ ह॒ता इन्द्रे॑ण प॒णयः॑ शय॒ध्वे ॥
- 10.108.05a इ॒मा गा॑वः सर॒मे या॑ ऐच्छः परि॒ दि॒वो अ॒न्तान्सु॑भगे प॒तन्ती॑ ।
- 10.108.05c कस्त॑ ए॒ना अ॒व सृ॑जादयु॒ध्व्युता॑स्माक॒मायु॑धा सन्ति ति॒ग्मा ॥

- 10.108.06a अ॒से॒न्या॒ वः॒ प॒ण॒यो॒ व॒चां॒स्य॒नि॒ष॒व्या॒स्त॒न्वः॒ स॒न्तु॒ पा॒पीः॒ ।
- 10.108.06c अ॒धृ॒ष्टो॒ व॒ ए॒त्वा॒ अ॒स्तु॒ प॒न्था॒ बृ॒ह॒स्प॒ति॒र्व॒ उ॒भया॒ न॒ मृ॒ळात् ॥
- 10.108.07a अ॒यं॒ नि॒धिः॒ सर॒मे॒ अ॒द्रि॒बु॒ध्नो॒ गो॒भि॒र॒श्वे॒भि॒र्व॒सु॒भि॒न्यृ॒ष्टः॒ ।
- 10.108.07c र॒क्ष॒न्ति॒ तं॒ प॒ण॒यो॒ ये॒ सु॒गो॒पा॒ रे॒कु॒ प॒द॒म॒ल॒क॒मा॒ ज॒ग॒न्थ ॥
- 10.108.08a ए॒ह॒ ग॒म॒नृ॒षयः॒ सो॒म॒शि॒ता॒ अ॒या॒स्यो॒ अ॒ङ्गि॒र॒सो॒ न॒व॒ग्वाः॒ ।
- 10.108.08c त॒ ए॒त॒मूर्॒व॒ वि॒ भ॒ज॒न्त॒ गो॒ना॒म॒थै॒त॒द्व॒चः॒ प॒ण॒यो॒ व॒म॒न्ति॒त् ॥
- 10.108.09a ए॒वा॒ च॒ त्वं॒ सर॒म॒ आ॒ज॒ग॒न्थ॒ प्र॒बा॒धि॒ता॒ स॒ह॒सा॒ दै॒व्ये॒न॒ ।
- 10.108.09c स्व॒सा॒रं॒ त्वा॒ कृ॒ण॒वै॒ मा॒ पु॒न॒र्गा॒ अप॒ ते॒ ग॒वां॒ सु॒भ॒गे॒ भ॒जा॒म ॥
- 10.108.10a ना॒हं॒ वे॒द॒ भ्रा॒तृ॒त्वं॒ नो॒ स्व॒सृ॒त्व॒मि॒न्द्रो॒ वि॒दु॒र॒ङ्गि॒र॒सश्च॒ घो॒राः॒ ।
- 10.108.10c गो॒का॒मा॒ मे॒ अ॒च्छ॒द॒य॒न्य॒दा॒य॒म॒पा॒त॒ इ॒त॒ प॒ण॒यो॒ व॒री॒यः॒ ॥
- 10.108.11a दू॒र॒मि॒त॒ प॒ण॒यो॒ व॒री॒य॒ उ॒द्गा॒वो॒ य॒न्तु॒ मि॒न॒ती॒ऋ॒ते॒न॒ ।
- 10.108.11c बृ॒ह॒स्प॒ति॒र्या॒ अ॒वि॒न्द॒न्नि॒गू॒ल्हाः॒ सो॒मो॒ ग्रा॒वा॒ण॒ ऋ॒ष॒यश्च॒ वि॒प्राः॒ ॥
- 10.109.01a ते॒ऽव॒द॒न्प्र॒थ॒मा॒ ब्र॒ह्म॒कि॒ल्बि॒षे॒ऽकू॒पा॒रः॒ स॒लि॒लो॒ मा॒त॒रि॒श्वा॒ ।
- 10.109.01c वी॒ळु॒ह॒रा॒स्त॒प॒ उ॒ग्रो॒ म॒यो॒भू॒रा॒पो॒ दे॒वीः॒ प्र॒थ॒म॒जा॒ ऋ॒ते॒न॒ ॥
- 10.109.02a सो॒मो॒ रा॒जा॒ प्र॒थ॒मो॒ ब्र॒ह्म॒जा॒यां॒ पु॒नः॒ प्रा॒य॒च्छ॒द॒हृ॒णी॒य॒मा॒नः॒ ।
- 10.109.02c अ॒न्व॒र्ति॒ता॒ व॒रु॒णो॒ मि॒त्र॒ आ॒सी॒द॒ग्नि॒र्हो॒ता॒ ह॒स्त॒गृ॒ह्या॒ नि॒ना॒य ॥
- 10.109.03a ह॒स्ते॒नै॒व॒ ग्रा॒ह्य॒ आ॒धि॒र॒स्या॒ ब्र॒ह्म॒जा॒ये॒य॒मि॒ति॒ चे॒द॒वो॒च॒न् ।

- 10.109.03c न दू॒ताय॑ प्र॒ह्ये॑ तस्थ॒ एषा॑ तथा॒ राष्ट्रं॑ गु॒पितं॑ क्षत्रियस्य ॥
- 10.109.04a दे॒वा ए॒तस्या॑मवदन्त॒ पूर्वे॑ सप्त॒ऋषय॑स्तपसे॒ ये नि॑षेदुः ।
- 10.109.04c भी॒मा जा॒या ब्रा॒ह्मण॑स्योपनीता॒ दुर्घा॑ दधाति॒ परमे॑ व्योमन् ॥
- 10.109.05a ब्र॒ह्मचा॑री चरति॒ वेवि॑षद्विषः॒ स दे॒वानां॑ भवत्येकमङ्गम् ।
- 10.109.05c तेन॑ जा॒यामन्व॑विन्दद्बृ॒हस्पतिः॑ सोमेन॒ नीतां॑ जुहं॒श् न दे॒वाः ॥
- 10.109.06a पुन॑र्वै दे॒वा अ॒ददुः॑ पुन॒र्मनु॑ष्या॒ उत॑ ।
- 10.109.06c राजानः॑ स॒त्यं कृ॑ण्वाना॒ ब्रह्म॑जायां पुन॒र्ददुः॑ ॥
- 10.109.07a पुन॑र्दाय॒ ब्रह्म॑जायां कृ॒त्वी दे॒वैर्निकि॑ल्बिषम् ।
- 10.109.07c ऊ॒र्जं पृ॒थिव्या॑ भ॒क्तवा॑योरु॒गाय॑मुपासते ॥
- 10.110.01a समि॑द्धो अ॒द्य मनु॑षो दुरो॒णे दे॒वो दे॒वान्य॑जसि जा॒तवे॑दः ।
- 10.110.01c आ च॑ वह॒ मित्र॑महश्चि॒कित्वा॑न्त्वं दू॒तः क॒विर॑सि प्र॒चेताः॑ ॥
- 10.110.02a तनू॑नपा॒त्पथ॑ ऋ॒तस्य॑ या॒नान्म॑ध्वा॒ समञ्ज॑न्स्वदया॒ सुजि॑ह्व ।
- 10.110.02c मन्मा॑नि धी॒भिरु॑त य॒ज्ञमृ॑न्ध॒न्देव॑त्रा च॒ कृणु॑ह्यध्वरं॒ नः ॥
- 10.110.03a आ॒जुह्वा॑न॒ ईड्यो॑ व॒न्द्यश्चा॑ या॒ह्यग्ने॑ वसु॒भिः स॒जोषाः॑ ।
- 10.110.03c त्वं दे॒वाना॑मसि॒ यह्वा॑ होता॒ स ए॒नान्य॑क्षी॒षितो॑ यजी॒यान् ॥
- 10.110.04a प्रा॒चीनं॑ ब॒र्हिः प्र॑दिशा॒ पृथि॑व्या वस्तो॒रस्या॑ वृ॒ज्यते॑ अ॒ग्ने अ॒ह्नाम् ॥
- 10.110.04c व्यु॑ प्रथते॒ वितरं॑ वरी॒यो दे॒वेभ्यो॑ अ॒दित॑ये॒ स्योन॑म् ॥

- 10.110.05a व्यचस्वतीरुर्विया वि श्रयन्तां पतिभ्यो न जनयः शुम्भमानाः ।
- 10.110.05c देवीद्वारो बृहतीर्विश्वमिन्वा देवेभ्यो भवत सुप्रायणाः ॥
- 10.110.06a आ सुष्वयन्ती यजते उपाके उषासानक्ता सदतां नि योनौ ।
- 10.110.06c दिव्ये योषणे बृहती सुरुक्मे अधि श्रियं शुक्रपिशं दधाने ॥
- 10.110.07a दैव्या होतारा प्रथमा सुवाचा मिमाना यज्ञं मनुषो यजध्वै ।
- 10.110.07c प्रचोदयन्ता विदथेषु कारू प्राचीनं ज्योतिः प्रदिशा दिशन्ता ॥
- 10.110.08a आ नो यज्ञं भारती तूयमेत्विळा मनुष्वदिह चेतयन्ती ।
- 10.110.08c तिस्रो देवीर्बहिरैदं स्योनं सरस्वती स्वपसः सदन्तु ॥
- 10.110.09a य इमे द्यावापृथिवी जनित्री रूपैरपिंशद्भुवनानि विश्वा ।
- 10.110.09c तमद्य होतरिषितो यजीयान्देवं त्वष्टारमिह यक्षि विद्वान् ॥
- 10.110.10a उपावसृज त्मन्या समञ्जन्देवानां पाथ ऋतुथा हवींषि ।
- 10.110.10c वनस्पतिः शमिता देवो अग्निः स्वदन्तु हव्यं मधुना घृतेन ॥
- 10.110.11a सद्यो जातो व्यमिमीत यज्ञमग्निर्देवानामभवत्पुरोगाः ।
- 10.110.11c अस्य होतुः प्रदिश्यृतस्य वाचि स्वाहाकृतं हविरदन्तु देवाः ॥
- 10.111.01a मनीषिणः प्र भरध्वं मनीषां यथायथा मतयः सन्ति नृणाम् ।
- 10.111.01c इन्द्रं सत्यैरेरयामा कृतेभिः स हि वीरो गिर्वणस्युर्विदानः ॥
- 10.111.02a ऋतस्य हि सदसो धीतिरद्यौत्सं गार्ष्ट्यो वृषभो गोभिरानट् ।

- 10.111.02c उ॒दति॑ष्ठ॒त्तवि॑षेणा॒ रवे॑ण॒ म॒हान्ति॑ चि॒त्सं वि॒व्याचा॑ रजांसि ॥
- 10.111.03a इन्द्रः॑ किल॒ श्रुत्या॑ अस्य॒ वेद॑ स हि जिष्णुः॑ पथि॒कृत्सूर्या॑य ।
- 10.111.03c आ॒न्मेनां॑ कृ॒णव॑न्नच्युतो॒ भुव॑द्भोः पति॑र्दिवः॒ सन॑जा अ॒प्रती॑तः ॥
- 10.111.04a इन्द्रो॑ म॒ह्ना म॒हतो॑ अ॒र्णव॑स्य॒ व्रता॑मिनादङ्गिरोभिर्गृ॒णानः॑ ।
- 10.111.04c पु॒रूणि॑ चि॒न्नि त॑ताना॒ रजांसि॑ दा॒धार यो ध॑रुणं सत्यताता ॥
- 10.111.05a इन्द्रो॑ दि॒वः प्र॑तिमानं पृथि॒व्या विश्वा॑ वेद॒ सव॑ना ह॒न्ति शु॒ष्णाम् ।
- 10.111.05c म॒हीं चि॒द्व्यामा॑तनोत्सूर्येण॒ चास्क॑म्भ चि॒त्कम्भे॑न॒ स्कभी॑यान् ॥
- 10.111.06a वज्रे॑ण हि वृ॒त्रहा॑ वृ॒त्रम॑स्तरदे॒वस्य॑ शूशु॒वानस्य॑ मायाः ।
- 10.111.06c वि धृ॑ष्णो अत्र धृष॒ता जघ॑न्थाथाभवो मघवन्बाहो॒जाः ॥
- 10.111.07a सच॑न्त यदुष॒सः सूर्ये॑ण चि॒त्राम॑स्य के॒तवो॑ रामविन्दन् ।
- 10.111.07c आ यन्न॑क्षत्रं ददृ॒शे दि॒वो न पु॑नर्यतो नकिर॒द्धा नु वे॑द ॥
- 10.111.08a दूरं॑ किल प्रथ॒मा जग्मु॑रासामिन्द्रस्य॒ याः प्र॑सवे स॒सुरा॑पः ।
- 10.111.08c क्व स्वि॑दग्रं क्व बु॒ध आ॑सा॒मापो॑ मध्यं क्व वो नून॑मन्तः ॥
- 10.111.09a सृ॒जः सि॒न्धूर॑हिना जग्र॒सानाँ॑ आदि॒देताः॑ प्र विवि॒ज्रे ज॑वेन ।
- 10.111.09c मुमु॑क्षमाणा उत या मुमु॒चेऽधे॑देता न रमन्ते॒ निति॑क्ताः ॥
- 10.111.10a स॒धीचीः॑ सि॒न्धुमु॑शतीरिवायन्सनाज्जार आ॒रितः॑ पू॒र्भिदा॑साम् ।
- 10.111.10c अस्त॑मा ते पा॒र्थिवा॑ वसू॒न्यस्मे॑ जग्मुः॒ सूनृ॑ता इन्द्र॒ पूर्वीः॑ ॥

- 10.112.01a इन्द्र॑ पिब॑ प्र॒तिकामं॑ सु॒तस्य॑ प्रा॒तःसा॒वस्तव॑ हि पू॒र्वपी॑तिः ।
- 10.112.01c ह॒र्षस्व॑ ह॒न्तवे॑ शूर॑ श॒त्रूनु॒क्थेभि॑ष्टे वी॒र्या॑श् प्र ब्र॒वाम ॥
- 10.112.02a यस्ते॑ रथो॒ मनसो॑ ज॒वीयानेन्द्र॑ तेन॒ सोम॑पेयाय॒ याहि॑ ।
- 10.112.02c तूय॑मा ते॒ हर॑यः प्र॒ द्रव॑न्तु॒ येभिर्या॑सि वृष॒भिर्म॑न्द॒मानः ॥
- 10.112.03a ह॒रित्त्व॑ता व॒र्चसा॑ सू॒र्यस्य॑ श्रे॒ष्ठै रू॒पैस्त॑न्वं स्पर्श॒यस्व ।
- 10.112.03c अ॒स्माभि॑रिन्द्र॒ सखि॑भिर्हु॒वानः स॒ध्रीची॑नो मा॒दय॑स्वा निष॒द्य ॥
- 10.112.04a यस्य॑ त्य॒त्ते म॑हि॒मानं॑ म॒देष्वि॑मे म॒ही रो॑दसी॒ नावि॑वित्ताम् ।
- 10.112.04c तदो॑क आ॒ हरि॑भिरिन्द्र॒ युक्तैः॑ प्रि॒येभिर्या॑हि प्रि॒यम॑न्नमच्छ ॥
- 10.112.05a यस्य॑ श॒श्वत्प॑पिवाँ इन्द्र॑ श॒त्रून॑नानु॒कृत्या॑ र॒णया॑ च॒कर्त्थ॑ ।
- 10.112.05c स ते॑ पु॒रंधिं॑ त॒विषी॑मि॒यति॑ स ते॒ मदा॑य सु॒त इन्द्र॑ सोमः ॥
- 10.112.06a इदं॑ ते पा॒त्रं स॑न॒वित्त॑मिन्द्र॒ पिबा॑ सोम॒मेना॑ श॒तक्र॑तो ।
- 10.112.06c पूर्णं॑ आ॒हावो॑ म॒दिर॑स्य म॒ध्वो यं॑ वि॒श्व इ॒दभि॑ह॒र्यन्ति॑ दे॒वाः ॥
- 10.112.07a वि हि॑ त्वा॒मिन्द्र॑ पु॒रुधा॑ ज॒नासो॑ हि॒तप्र॑यसो वृष॒भ ह्य॑न्ते ।
- 10.112.07c अ॒स्माकं॑ ते म॒धुम॑त्त॒मानी॑मा भु॒वन्स॑व॒ना तेषु॑ ह॒र्य ॥
- 10.112.08a प्र त॑ इन्द्र॒ पू॒र्व्याणि॑ प्र॒ नूनं॑ वी॒र्या॑ वोचं प्रथ॒मा कृ॑तानि ।
- 10.112.08c स॒तीन॑म॒न्युर॑श्रथायो अ॒द्रिं सु॑वे॒दना॑म॒कृ॒णोर्ब्र॑ह्म॒णो गाम् ॥
- 10.112.09a नि षु॑ सी॒द ग॑ण॒पते॑ ग॒णेषु॑ त्वा॒माहु॑र्विप्र॒तमं॑ क॒वीना॑म् ।
- 10.112.09c न ऋ॑ते त्वत्क्रि॒यते॑ किं च॒नारे॑ म॒हाम॑र्कं म॒घव॑च्चि॒त्रम॑र्च ॥

10.112.10a अ॒भि॒ख्या॒ नो॑ म॒घ॒व॒न्ना॒ध॒मा॒ना॒न्स॒खे॑ बो॒धि॒ व॒सु॒प॒ते॒ स॒खी॑नाम् ।

10.112.10c र॒णं॑ कृ॒धि॒ र॒ण॑कृ॒त्स॒त्य॒शु॒ष्मा॒भ॒क्ते॑ चि॒दा॒ भ॒जा॒ रा॒ये॒ अ॒स्मा॒न् ॥

10.113.01a त॒म॒स्य॑ द्या॒वा॒पृ॒थि॒वी॒ स॒चे॒त॒सा॒ वि॒श्वे॑भि॒दे॒वैर॑नु शु॒ष्म॒मा॒व॒ता॒म् ।

10.113.01c य॒दै॒त्कृ॒ण॒वा॒नो॑ म॒हि॒मा॒न॒मि॒न्द्रि॒यं॑ पी॒त्वी॒ सो॒म॒स्य॑ क्र॒तु॒माँ॑ अ॒व॒र्ध॒त ॥

10.113.02a त॒म॒स्य॑ वि॒ष्णु॑र्म॒हि॒मा॒न॒मो॒ज॒सां॒शुं॑ द॒ध॒न्वा॒न्म॒धु॒नो॒ वि॒ र॒प्श॑ते ।

10.113.02c दे॒वे॒भि॒रि॒न्द्रो॑ म॒घ॒वा॒ स॒या॒व॒भि॒र्वृ॒त्रं॑ ज॒घ॒न्वाँ॑ अ॒भ॒व॒द्वे॒रे॒ण्यः॑ ॥

10.113.03a वृ॒त्रे॒ण॑ य॒द॒हि॒ना॒ बि॒भ्र॒दा॒यु॒धा॒ स॒म॒स्थि॒था॒ यु॒ध॒ये॒ शंस॑मा॒वि॒दे॑ ।

10.113.03c वि॒श्वे॑ ते॒ अ॒त्र॒ म॒रु॒तः॒ सह॑ त्म॒ना॒व॒र्ध॒न्नु॒ग्र॑ म॒हि॒मा॒न॒मि॒न्द्रि॒य॒म् ॥

10.113.04a ज॒ज्ञा॒न॒ ए॒व॒ व्य॒बा॒ध॒त॒ स्पृ॒धः॑ प्रा॒प॒श्य॒द्वी॒रो॒ अ॒भि॒ पौ॑स्यं॒ र॒ण॒म् ।

10.113.04c अ॒वृ॒श्च॒द॒द्रि॒म॒व॒ स॒स्य॑दः॒ सृ॒ज॒द॒स्त॒भ्रा॒न्ना॒कं॑ स्व॒प॒स्य॑या॒ पृ॒थु॒म् ॥

10.113.05a आ॒दि॒न्द्रः॑ स॒त्रा॒ त॒वि॒षी॒र॒प॒त्य॒त॒ व॒री॒यो॒ द्या॒वा॒पृ॒थि॒वी॒ अ॒बा॒ध॒त॑ ।

10.113.05c अ॒वा॒भ॒र॒द्धृ॒षि॒तो॒ व॒ज्र॑मा॒य॒सं॒ शे॒वं॑ मि॒त्रा॒य॒ व॒रु॑णाय॒ दा॒शु॒षे ॥

10.113.06a इ॒न्द्र॒स्या॒त्र॒ त॒वि॒षी॒भ्यो॑ वि॒र॒प्शि॒न॒ अ॒घ्रा॒य॒तो॒ अ॒रं॑ह॒य॒न्त॒ म॒न्य॑वे ।

10.113.06c वृ॒त्रं॑ य॒दु॒ग्रो॑ व्य॒वृ॒श्च॒दो॒ज॒सा॒पो॒ बि॒भ्र॒तं॑ त॒म॒सा॒ प॒री॒वृ॒त॒म् ॥

10.113.07a या॒ वी॒र्या॑णि॒ प्र॒थ॒मा॒नि॒ क॒र्त्वा॑ म॒हि॒त्वे॒भि॒र्य॑त॒मा॒नौ॒ स॒मी॒य॒तुः॑ ।

10.113.07c ध्वा॒न्तं॑ त॒मो॒ऽव॑ द॒ध्व॒से॒ ह॒त॑ इ॒न्द्रो॑ म॒हा॒ पूर्॒व॒हृ॒ता॒व॒प॒त्य॒त ॥

10.113.08a वि॒श्वे॑ दे॒वा॒सो॒ अ॒ध॒ वृ॒ष्ण॒या॒नि॒ ते॒ऽव॑र्ध॒य॒न्सो॒म॒व॒त्या॒ व॒च॒स्य॑या ।

- 10.113.08c रद्धं वृत्रमहिमिन्द्रस्य हन्मनाग्निर्न जम्भैस्तृष्वन्नमावयत् ॥
- 10.113.09a भूरि दक्षेभिर्वचनेभिर्ऋक्वभिः सख्येभिः सख्यानि प्र वोचत ।
- 10.113.09c इन्द्रो धुनिं च चुमुरिं च दम्भयञ्छद्दामनस्या शृणुते दभीतये ॥
- 10.113.10a त्वं पुरूगया भरा स्वश्व्या येभिर्मसै निवचनानि शंसन् ।
- 10.113.10c सुगोभिर्विश्वा दुरिता तरेम विदो षु ण उर्विया गाधमद्य ॥
- 10.114.01a घर्मा समन्ता त्रिवृतं व्यापतुस्तयोर्जुष्टिं मातरिश्वा जगाम ।
- 10.114.01c दिवस्पयो दिधिषाणा अवेषन्विदुर्देवाः सहसामानमर्कम् ॥
- 10.114.02a तिस्रो देष्ट्राय निऋतीरुपासते दीर्घश्रुतो वि हि जानन्ति वह्नयः ।
- 10.114.02c तासां नि चिक्व्युः कवयो निदानं परेषु या गुह्येषु व्रतेषु ॥
- 10.114.03a चतुष्कपर्दा युवतिः सुपेशा घृतप्रतीका वयुनानि वस्ते ।
- 10.114.03c तस्यां सुपर्णा वृषणा नि षेदतुर्यत्र देवा दधिरे भागधेयम् ॥
- 10.114.04a एकः सुपर्णः स समुद्रमा विवेश स इदं विश्वं भुवनं वि चष्टे ।
- 10.114.04c तं पाकेन मनसापश्यमन्तितस्तं माता रेळ्हि स उ रेळ्हि मातरम् ॥
- 10.114.05a सुपर्णं विप्राः कवयो वचोभिरेकं सन्तं बहुधा कल्पयन्ति ।
- 10.114.05c छन्दांसि च दधतो अध्वरेषु ग्रहान्सोमस्य मिमते द्वादश ॥
- 10.114.06a षट्त्रिंशांश्च चतुरः कल्पयन्तश्छन्दांसि च दधत आद्वादशम् ।
- 10.114.06c यज्ञं विमाय कवयो मनीष ऋक्सामाभ्यां प्र रथं वर्तयन्ति ॥

- 10.114.07a चतुर्दशान्ये महिमानो अस्य तं धीरा वाचा प्र णयन्ति सप्त ।
- 10.114.07c आप्नानं तीर्थं क इह प्र वोचद्येन पथा प्रपिबन्ते सुतस्य ॥
- 10.114.08a सहस्रधा पञ्चदशान्युक्था यावद्द्यावापृथिवी तावदित्तत् ।
- 10.114.08c सहस्रधा महिमानः सहस्रं यावद्ब्रह्म विष्टितं तावती वाक् ॥
- 10.114.09a कश्छन्दसां योगमा वेद धीरः को धिष्ण्यां प्रति वाचं पपाद ।
- 10.114.09c कमृत्विजामष्टमं शूरमाहुर्हरी इन्द्रस्य नि चिकाय कः स्वित् ॥
- 10.114.10a भूम्या अन्तं पर्येके चरन्ति रथस्य धूर्षु युक्तासो अस्थुः ।
- 10.114.10c श्रमस्य दायं वि भजन्त्येभ्यो यदा यमो भवति हर्म्ये हितः ॥

- 10.115.01a चित्र इच्छिशोस्तरुणस्य वक्षथो न यो मातरावप्येति धातवे ।
- 10.115.01c अनूधा यदि जीजनदधा च नु ववक्ष सद्यो महि दूत्यंश् चरन् ॥
- 10.115.02a अग्निर्ह नाम धायि दन्नपस्तमः सं यो वना युवते भस्मना दता ।
- 10.115.02c अभिप्रमुरा जुह्वा स्वध्वर इनो न प्रोथमानो यवसे वृषा ॥
- 10.115.03a तं वो विं न द्रुषदं देवमन्धस इन्दुं प्रोथन्तं प्रवपन्तमर्णवम् ।
- 10.115.03c आसा वह्निं न शोचिषा विरप्शिनं महिव्रतं न सरजन्तमध्वनः ॥
- 10.115.04a वि यस्य ते ज्रयसानस्याजर धत्तोर्न वाताः परि सन्त्यच्युताः ।
- 10.115.04c आ रगवासो युयुधयो न सत्वनं त्रितं नशन्त प्र शिषन्त इष्टये ॥
- 10.115.05a स इद्ग्निः कण्वतमः कण्वसखार्यः परस्यान्तरस्य तरुषः ।

- 10.115.05c अग्निः पातु गृणतो अग्निः सूरीनग्निर्ददातु तेषामवो नः ॥
- 10.115.06a वाजिन्तमाय सहस्रे सुपित्र्य तृषु च्यवानो अनु जातवेदसे ।
- 10.115.06c अनुद्रे चिद्यो धृषता वरं सते महिन्तमाय धन्वनेदविष्यते ॥
- 10.115.07a एवाग्निमर्तैः सह सूरीभिर्वसु ष्ट्वे सहसः सूनरो नृभिः ।
- 10.115.07c मित्रासो न ये सुधिता ऋतायवो द्यावो न द्युमैरभि सन्ति मानुषान् ॥
- 10.115.08a ऊर्जो नपात्सहसावन्निति त्वोपस्तुतस्य वन्दते वृषा वाक् ।
- 10.115.08c त्वां स्तोषाम त्वया सुवीरा द्राघीय आयुः प्रतरं दधानाः ॥
- 10.115.09a इति त्वाग्ने वृष्टिहव्यस्य पुत्रा उपस्तुतास ऋषयोऽवोचन् ।
- 10.115.09c ताँश्च पाहि गृणतश्च सूरीन्वषड्वषळित्यूर्ध्वासो अनक्षन्नमो नम इत्यूर्ध्वासो अनक्षन् ॥

- 10.116.01a पिबा सोमं महत इन्द्रियाय पिबा वृत्राय हन्तवे शविष्ठ ।
- 10.116.01c पिब राये शवसे ह्यमानः पिब मध्वस्तृपदिन्द्रा वृषस्व ॥
- 10.116.02a अस्य पिब क्षुमतः प्रस्थितस्येन्द्र सोमस्य वरमा सुतस्य ।
- 10.116.02c स्वस्तिदा मनसा मादयस्वार्वाचीनो रेवते सौभगाय ॥
- 10.116.03a ममत्तु त्वा दिव्यः सोम इन्द्र ममत्तु यः सूयते पार्थिवेषु ।
- 10.116.03c ममत्तु येन वरिवश्चकर्थ ममत्तु येन निरिणासि शत्रून् ॥
- 10.116.04a आ द्विबर्हा अमिनो यात्विन्द्रो वृषा हरिभ्यां परिषिक्तमन्धः ।
- 10.116.04c गव्या सुतस्य प्रभृतस्य मध्वः सत्रा खेदामरुशहा वृषस्व ॥

- 10.116.05a नि तिग्मानि भ्राशयन्भ्राश्यान्यव स्थिरा तनुहि यातुजूनाम् ।
- 10.116.05c उग्राय ते सहो बलं ददामि प्रतीत्या शत्रून्विगदेषु वृश्च ॥
- 10.116.06a व्यर्श्य इन्द्र तनुहि श्रवांस्योज स्थिरेव धन्वनोऽभिमातीः ।
- 10.116.06c अस्मद्यग्वावृधानः सहोभिरनिभृष्टस्तन्वं वावृधस्व ॥
- 10.116.07a इदं हविर्मघवन्तुभ्यं रातं प्रति सम्राळहृणानो गृभाय ।
- 10.116.07c तुभ्यं सुतो मघवन्तुभ्यं पक्वोऽद्धीन्द्र पिब च प्रस्थितस्य ॥
- 10.116.08a अद्धीदिन्द्र प्रस्थितेमा हवींषि चनो दधिष्व पचतोत सोमम् ।
- 10.116.08c प्रयस्वन्तः प्रति हर्यामसि त्वा सत्याः सन्तु यजमानस्य कामाः ॥
- 10.116.09a प्रेन्द्राग्निभ्यां सुवचस्यामियर्मि सिन्धाविव प्रेरयं नावमकैः ।
- 10.116.09c अया इव परि चरन्ति देवा ये अस्मभ्यं धनदा उद्भिदश्च ॥
- 10.117.01a न वा उ देवाः क्षुधमिद्वधं ददुरुताशितमुप गच्छन्ति मृत्यवः ।
- 10.117.01c उतो रयिः पृणतो नोप दस्यत्युतापृणन्मर्डितारं न विन्दते ॥
- 10.117.02a य आध्राय चकमानाय पित्वोऽन्नवान्सन्नफितायोपजग्मुषे ।
- 10.117.02c स्थिरं मनः कृणुते सेवते पुरोतो चित्स मर्डितारं न विन्दते ॥
- 10.117.03a स इद्भोजो यो गृहवे ददात्यन्नकामाय चरते कृशाय ।
- 10.117.03c अरमस्मै भवति यामहृता उतापरीषु कृणुते सखायम् ॥
- 10.117.04a न स सखा यो न ददाति सख्ये सचाभुवे सचमानाय पित्वः ।

- 10.117.04c अपास्मात्प्रेयान्न तदोको अस्ति पृणन्तमन्यमरणं चिदिच्छेत् ॥
- 10.117.05a पृणीयादिन्नाधमानाय तव्यान्द्राधीयांसमनु पश्येत पन्थाम् ।
- 10.117.05c ओ हि वर्तन्ते रथ्येव चक्रान्यमन्यमुप तिष्ठन्त रायः ॥
- 10.117.06a मोघमन्नं विन्दते अप्रचेताः सत्यं ब्रवीमि वध इत्स तस्य ।
- 10.117.06c नार्यमणं पुष्यति नो सखायं केवलाघो भवति केवलादी ॥
- 10.117.07a कृषन्नित्फाल आशितं कृणोति यन्नध्वानमप वृद्धे चरित्रैः ।
- 10.117.07c वदन्ब्रह्मावदतो वनीयान्पृणान्नापिरपृणन्तमभि ष्यात् ॥
- 10.117.08a एकपाद्भूयो द्विपदो वि चक्रमे द्विपात्त्रिपादमभ्येति पश्चात् ।
- 10.117.08c चतुष्पादेति द्विपदामभिस्वरे सम्पश्यन्पङ्कीरुपतिष्ठमानः ॥
- 10.117.09a समौ चिद्धस्तौ न समं विविष्टः सम्मातरा चिन्न समं दुहाते ।
- 10.117.09c यमयोश्चिन्न समा वीर्याणि ज्ञाती चित्सन्तौ न समं पृणीतः ॥
- 10.118.01a अग्ने हंसि न्यश्रिणं दीघन्मर्त्येष्वा ।
- 10.118.01c स्वे क्षये शुचिव्रत ॥
- 10.118.02a उत्तिष्ठसि स्वाहुतो घृतानि प्रति मोदसे ।
- 10.118.02c यत्त्वा स्रुचः समस्थिरन् ॥
- 10.118.03a स आहुतो वि रोचतेऽग्निरीळैन्यो गिरा ।
- 10.118.03c स्रुचा प्रतीकमज्यते ॥

- 10.118.04a घृतेनाग्निः समज्यते मधुप्रतीक आहुतः ।
- 10.118.04c रोचमानो विभावसुः ॥
- 10.118.05a जरमाणः समिध्यसे देवेभ्यो हव्यवाहन ।
- 10.118.05c तं त्वा हवन्त मर्त्याः ॥
- 10.118.06a तं मर्ता अमर्त्यं घृतेनाग्निं सपर्यत ।
- 10.118.06c अदाभ्यं गृहपतिम् ॥
- 10.118.07a अदाभ्येन शोचिषाग्ने रक्षस्त्वं दह ।
- 10.118.07c गोपा ऋतस्य दीदिहि ॥
- 10.118.08a स त्वमग्ने प्रतीकेन प्रत्योष यातुधान्यः ।
- 10.118.08c उरुक्षयेषु दीद्यत् ॥
- 10.118.09a तं त्वा गीर्भिरुरुक्षया हव्यवाहं समीधिरे ।
- 10.118.09c यजिष्ठं मानुषे जने ॥
- 10.119.01a इति वा इति मे मनो गामश्वं सनुयामिति ।
- 10.119.01c कुवित्सोमस्यापामिति ॥
- 10.119.02a प्र वाता इव दोधत उन्मा पीता अयंसत ।
- 10.119.02c कुवित्सोमस्यापामिति ॥
- 10.119.03a उन्मा पीता अयंसत रथमश्वा इवाशवः ।

- 10.119.03c कु॒वित्सो॒मस्यापा॒मिति॑ ॥
- 10.119.04a उप॑ मा॒ मतिर॑स्थित॒ वाश्रा॑ पु॒त्रमि॒व प्रि॒यम् ।
- 10.119.04c कु॒वित्सो॒मस्यापा॒मिति॑ ॥
- 10.119.05a अ॒हं त॒ष्टेव॑ व॒न्धुरं॑ पर्य॒चामि॑ ह॒दा म॒तिम् ।
- 10.119.05c कु॒वित्सो॒मस्यापा॒मिति॑ ॥
- 10.119.06a नहि॑ मे॒ अ॒क्षिप॑च्च॒नाच्छा॑न्त्सुः प॒ञ्च कृ॑ष्टयः ।
- 10.119.06c कु॒वित्सो॒मस्यापा॒मिति॑ ॥
- 10.119.07a नहि॑ मे॒ रोद॑सी॒ उभे॑ अ॒न्यं प॒दं च॒न प्र॑ति ।
- 10.119.07c कु॒वित्सो॒मस्यापा॒मिति॑ ॥
- 10.119.08a अ॒भि द्यां॑ म॒हिना॑ भुव॒मभी॑श्मां॒ पृथि॑वीं॒ मही॑म् ।
- 10.119.08c कु॒वित्सो॒मस्यापा॒मिति॑ ॥
- 10.119.09a ह॒न्ताहं॑ पृथि॒वीमि॒मां नि॑ द॒धानी॑ह॒ वेह॑ वा ।
- 10.119.09c कु॒वित्सो॒मस्यापा॒मिति॑ ॥
- 10.119.10a ओ॒षमि॑त्पृथि॒वीम॒हं ज॒ङ्घना॑नीह॒ वेह॑ वा ।
- 10.119.10c कु॒वित्सो॒मस्यापा॒मिति॑ ॥
- 10.119.11a दि॒वि मे॑ अ॒न्यः प॒क्षो॑श्धो॒ अन्य॑म॒चीकृ॑षम् ।
- 10.119.11c कु॒वित्सो॒मस्यापा॒मिति॑ ॥
- 10.119.12a अ॒हम॑स्मि॒ महाम॑हो॒ऽभि॒नभ्य॑मुदी॒षितः॑ ।

- 10.119.12c कु॒वित्सो॒मस्या॒पा॒मिति॑ ॥
- 10.119.13a गृ॒हो या॒म्यरं॑कृतो दे॒वेभ्यो॑ ह॒व्यवा॑हनः ।
- 10.119.13c कु॒वित्सो॒मस्या॒पा॒मिति॑ ॥
- 10.120.01a तदि॒दास॑ भुव॒नेषु॑ ज्येष्ठं॑ यतो॑ ज॒ज्ञ उ॒ग्रस्त्वेष॑नृ॒म्णाः ।
- 10.120.01c सद्यो॑ ज॒ज्ञानो॑ नि रि॒णाति॑ शत्रू॒ननु॑ यं विश्वे॑ म॒दन्त्यू॑माः ॥
- 10.120.02a वा॒वृ॒धानः॑ शवसा॑ भू॒र्यो॒जाः शत्रु॑र्दा॒साय॑ भियसं॑ दधाति ।
- 10.120.02c अ॒व्यन॑च्च॒ व्यन॑च्च स॒स्त्रि सं॑ ते न॒वन्त॑ प्रभृ॒ता म॑देषु ॥
- 10.120.03a त्वे क्र॒तुम॑पि वृ॒ज्जन्ति॑ विश्वे॑ द्वि॒यदि॑ते त्रि॒र्भव॑न्त्यू॒माः ।
- 10.120.03c स्वा॒दोः स्वा॑दी॒यः स्वा॒दुना॑ सृ॒जा स॒मदः॑ सु मधु॑ मधु॒नाभि॑ यो॒धीः ॥
- 10.120.04a इति॑ चि॒द्धि त्वा॑ ध॒ना ज॑यन्तं॒ मदे॑मदे॒ अनु॑मदन्ति॒ विप्राः॑ ।
- 10.120.04c ओ॒जी॒यो धृ॑ष्णो॒ स्थिर॑मा॒ तनु॑ष्व॒ मा त्वा॑ द॒भन्या॑तु॒धाना॑ दुरे॒वाः ॥
- 10.120.05a त्वया॑ व॒यं शा॑शद्महे॒ रणेषु॑ प्रपश्यन्तो॒ युधे॑न्या॒नि भूरि॑ ।
- 10.120.05c चो॒दया॑मि त॒ आयु॑धा॒ वचो॑भिः सं॒ ते शि॑शामि॒ ब्रह्म॑णा॒ वयांसि॑ ॥
- 10.120.06a स्तु॒षेय्यं॑ पु॒रुव॑र्षस॒मृभ्व॑मि॒नत॑म॒मा॒स्य॑मा॒स्याना॑म् ।
- 10.120.06c आ द॑र्षते॒ शवसा॑ सप्त॒ दानू॑न्प्र सा॒क्षते॑ प्रति॒माना॑नि भूरि॑ ॥
- 10.120.07a नि तद्द॑धिषेऽ॒वरं॑ परं॒ च यस्मि॑न्नावि॒थावसा॑ दुरो॒णे ।
- 10.120.07c आ मा॒तरा॑ स्थापयसे जिगलू॒ अत॑ इ॒नोषि॑ क॒र्वरा॑ पु॒रूणि॑ ॥

- 10.120.08a इ॒मा ब्र॒ह्म बृ॒हद्दिवो॑ वि॒व॒क्तीन्द्रा॑य शू॒षम॒ग्रियः॑ स्व॒र्षाः ।
- 10.120.08c म॒हो गो॒त्रस्य॑ क्ष॒यति॑ स्व॒राजो॑ दु॒रश्च॑ वि॒श्वा अ॒वृ॒णोद॑प॒ स्वाः ॥
- 10.120.09a ए॒वा म॒हान्बृ॒हद्दिवो॑ अ॒थर्वा॑वो॒चत्स्वां॑ तन्व॒श्मिन्द्र॑मेव ।
- 10.120.09c स्व॒सारो॑ मा॒तरि॑भ्वरी॒ररि॑प्रा हि॒न्वन्ति॑ च श॒वसा॑ वर्ध॒यन्ति॑ च ॥

- 10.121.01a हि॒र॒ण्यग॑र्भः॒ सम॑व॒र्तता॑ग्रे भू॒तस्य॑ जा॒तः प॑तिरेक॒ आसीत् ।
- 10.121.01c स दा॑धार पृथि॒वीं द्या॒मुते॑मां कस्मै॑ दे॒वाय॑ ह॒विषा॑ वि॒धेम ॥
- 10.121.02a य आ॑त्म॒दा ब॒लदा॑ यस्य॒ विश्व॑ उपा॒सते॑ प्रशिषं॒ यस्य॑ दे॒वाः ।
- 10.121.02c यस्य॑ छा॒यामृ॑तं॒ यस्य॑ मृ॒त्युः कस्मै॑ दे॒वाय॑ ह॒विषा॑ वि॒धेम ॥
- 10.121.03a यः प्रा॑णतो॒ निमि॑षतो॒ महि॑त्वैक॒ इद्रा॑जा जग॒तो ब॒भूव ।
- 10.121.03c य ई॑शे॒ अस्य॑ द्वि॒पद॑श्चतु॒ष्पदः॑ कस्मै॑ दे॒वाय॑ ह॒विषा॑ वि॒धेम ॥
- 10.121.04a यस्ये॑मे हि॒मव॑न्तो॒ महि॑त्वा॒ यस्य॑ स॒मुद्रं॑ र॒सया॑ सहाहुः ।
- 10.121.04c यस्ये॑माः प्र॒दिशो॑ यस्य॒ बाहू॑ कस्मै॑ दे॒वाय॑ ह॒विषा॑ वि॒धेम ॥
- 10.121.05a येन॑ द्यौरु॒ग्रा पृ॑थि॒वी च॑ दृ॒ळ्हा येन॑ स्व॒ स्तभि॑तं॒ येन॑ नाकः ।
- 10.121.05c यो अ॒न्तरि॑क्षे॒ रज॑सो॒ वि॒मानः॑ कस्मै॑ दे॒वाय॑ ह॒विषा॑ वि॒धेम ॥
- 10.121.06a यं क्र॑न्द॒सी अ॒वसा॑ तस्त॒भाने॑ अ॒भ्यैक्षे॑तां॒ मन॑सा॒ रेज॑माने ।
- 10.121.06c यत्रा॑धि॒ सूर॑ उ॒दितो॑ वि॒भाति॑ कस्मै॑ दे॒वाय॑ ह॒विषा॑ वि॒धेम ॥
- 10.121.07a आ॒पो ह॑ यद्वृ॒हती॑र्वि॒श्वमा॑य॒न्गर्भं॑ द॒धाना॑ जन॒यन्ती॑रग्निम् ।

- 10.121.07c ततो॑ दे॒वानां॑ सम॒वर्त॑तासुरेकः कस्मै॑ दे॒वाय॑ ह॒विषा॑ विधेम ॥
- 10.121.08a यश्चि॑दापो॒ महि॑ना पर्य॒पश्य॑द्दत्तं द॒धाना॑ जन॒यन्ती॑र्यज्ञम् ।
- 10.121.08c यो दे॒वेष्व॑धि दे॒व एक॑ आसीत्कस्मै॑ दे॒वाय॑ ह॒विषा॑ विधेम ॥
- 10.121.09a मा नो॑ हिंसीज्जनिता यः पृथि॒व्या यो वा दि॒वं स॒त्यध॑र्मा ज॒जान॑ ।
- 10.121.09c यश्चा॑पश्चन्द्रा बृ॒हती॑र्ज॒जान॑ कस्मै॑ दे॒वाय॑ ह॒विषा॑ विधेम ॥
- 10.121.10a प्र॒जाप॑ते न त्वदे॒तान्य॑न्यो वि॒श्वा जा॑तानि परि ता बभूव ।
- 10.121.10c यत्कामा॑स्ते जुहुमस्तन्नो॑ अस्तु व॒यं स्या॑म प॒तयो॑ रयी॒णाम् ॥
- 10.122.01a वसुं॑ न चि॒त्रम॑हसं गृणीषे वामं शे॒वम॑तिथि॒मद्वि॑षेण्यम् ।
- 10.122.01c स रा॑सते शु॒रुधो॑ वि॒श्वधाय॑सोऽग्नि॒र्होता॑ गृ॒हप॑तिः सु॒वीर्य॑म् ॥
- 10.122.02a जुषा॑णो अग्ने॒ प्रति॑ हर्य॒ मे व॒चो वि॒श्वानि॑ वि॒द्वान्व॑यु॒नानि॑ सु॒क्रतो॑ ।
- 10.122.02c घृ॒तनि॑र्णिग्ब्रह्म॒णो गा॒तुमे॑रय॒ तव॑ दे॒वा अ॒जन॑यन्ननु व्रतम् ॥
- 10.122.03a सप्त॑ धामानि परियन्नम॒त्यो दा॑शदाशुषे सु॒कृते॑ मामहस्व ।
- 10.122.03c सु॒वीरे॑ण रयि॒णाग्ने॑ स्वा॒भुवा॑ यस्त आ॒नट् स॒मिधा॑ तं जुषस्व ॥
- 10.122.04a यज्ञ॑स्य॒ केतुं॑ प्रथ॒मं पु॒रोहि॑तं ह॒विष्म॑न्त ईळते सप्त वा॒जिन॑म् ।
- 10.122.04c शृ॒ण्वन्त॑मग्निं घृ॒तपृ॑ष्ठमु॒क्ष्णं पृ॒णन्तं॑ दे॒वं पृ॒णते॑ सु॒वीर्य॑म् ॥
- 10.122.05a त्वं दू॒तः प्र॑थ॒मो व॑रेण्यः स हू॒यमा॑नो अ॒मृता॑य मत्स्व ।
- 10.122.05c त्वां म॑र्जयन्मरुतो दाशुषो गृ॒हे त्वां स्तो॑मेभिर्भृ॒गवो॑ वि रुरुचुः ॥

- 10.122.06a इषं॑ दु॒हन्सु॒दुघां॑ वि॒श्वधा॑यसं य॒ज्ञप्रि॒ये य॒जमा॑नाय सु॒क्रतो॑ ।
- 10.122.06c अ॒ग्ने घृ॒तस्त्रु॒स्त्रिर्ऋ॒तानि॑ दी॒द्यद्व॒र्तिर्य॒ज्ञं प॑रि॒यन्सु॒क्रतू॑यसे ॥
- 10.122.07a त्वा॒मिद॑स्या उ॒षसो॑ व्यु॒ष्टिषु॑ दू॒तं कृ॑ण॒वाना अ॑य॒जन्त॑ मानु॒षाः ।
- 10.122.07c त्वां दे॒वा मह॑याय्याय वावृ॒धुरा॑ज्यम॒ग्ने नि॒मृज॑न्तो अ॒ध्वरे॑ ॥
- 10.122.08a नि त्वा॑ वसि॒ष्ठा अ॒ह्नन्त॑ वा॒जिनं॑ गृ॒णन्तो॑ अ॒ग्ने वि॒दथे॑षु वे॒धसः॑ ।
- 10.122.08c रा॒यस्पोषं॑ य॒जमा॑नेषु धा॒रय॑ यू॒यं पा॑त स्व॒स्तिभिः॑ सदा॒ नः ॥
- 10.123.01a अ॒यं वे॒नश्चो॑द॒यत्पृ॑श्नि॒गर्भा॑ ज्यो॒तिर्जा॑रयू॒ रज॑सो वि॒माने॑ ।
- 10.123.01c इ॒मम॑पां॒ संग॑मे॒ सूर्य॑स्य शि॒शुं न॑ वि॒प्रा म॑तिभी रि॒हन्ति॑ ॥
- 10.123.02a स॒मुद्रा॑दूर्मि॒मुदिय॑र्ति वे॒नो न॒भोजाः॑ पृ॒ष्ठं ह॑र्य॒तस्य॑ दर्शि ।
- 10.123.02c अ॒मृत॑स्य सा॒नावधि॑ वि॒ष्टपि॑ भ्रा॒ट् स॒मानं॑ यो॒निम॒भ्यनू॑षत॒ ब्राः ॥
- 10.123.03a स॒मानं॑ पूर्वी॒रभि॑ वाव॒शाना॑स्ति॒ष्ठन्वत्स॑स्य॒ मातरः॑ सनी॒ळाः ।
- 10.123.03c अ॒मृत॑स्य सा॒नावधि॑ च॒क्रमा॑णा रि॒हन्ति॑ म॒ध्वो अ॒मृत॑स्य वा॒णीः ॥
- 10.123.04a जा॒नन्तो॑ रू॒पम॑कृ॒पन्त॑ वि॒प्रा मृ॑गस्य॒ घोषं॑ म॒हिष॑स्य हि ग॒मन् ।
- 10.123.04c अ॒मृते॑न॒ यन्तो॑ अ॒धि सि॒न्धुम॑स्थुर्वि॒दद्गन्ध॑र्वो अ॒मृता॑नि॒ नाम॑ ॥
- 10.123.05a अ॒प्सरा॑ जा॒रमु॑पसि॒ष्मिया॑णा योषा॒ बिभ॑र्ति॒ पर॑मे व्यो॒मन् ।
- 10.123.05c च॒रत्प्रि॑यस्य॒ योनि॑षु प्रि॒यः स॒न्सीद॑त्प॒क्षे हि॑र॒ण्यये॑ स वे॒नः ॥
- 10.123.06a ना॒के सु॑पर्ण॒मुप॑ यत्प॒तन्तं॑ ह॒दा वे॑नन्तो अ॒भ्यच॑क्षत॒ त्वा ।

- 10.123.06c हिरण्यपद्मं वरुणस्य दूतं यमस्य योनौ शकुनं भुरग्युम् ॥
- 10.123.07a ऊर्ध्वो गन्धर्वो अधि नाके अस्थात्प्रत्यङ्चित्रा बिभ्रदस्यायुधानि ।
- 10.123.07c वसानो अत्कं सुरभिं दृशे कं स्वर्णं नाम जनत प्रियाणि ॥
- 10.123.08a द्रप्सः समुद्रमभि यज्जिगाति पश्यन्गृध्रस्य चक्षसा विधर्मन् ।
- 10.123.08c भानुः शुक्रेण शोचिषा चकानस्तृतीये चक्रे रजसि प्रियाणि ॥

- 10.124.01a इमं नो अग्न उप यज्ञमेहि पञ्चयामं त्रिवृतं सप्ततन्तुम् ।
- 10.124.01c असौ हव्यवाळुत नः पुरोगा ज्योगेव दीर्घं तम आशयिष्ठाः ॥
- 10.124.02a अदेवाद्देवः प्रचता गुहा यन्प्रपश्यमानो अमृतत्वमेमि ।
- 10.124.02c शिवं यत्सन्तमशिवो जहामि स्वात्सख्यादरणीं नाभिमेमि ॥
- 10.124.03a पश्यन्नन्यस्या अतिथिं वयाया ऋतस्य धाम वि मिमे पुरूणि ।
- 10.124.03c शंसामि पित्रे असुराय शेवमयज्ञियाद्यज्ञियं भागमेमि ॥
- 10.124.04a बह्वीः समा अकरमन्तरस्मिन्निन्द्रं वृणानः पितरं जहामि ।
- 10.124.04c अग्निः सोमो वरुणस्ते च्यवन्ते पर्यावर्द्राष्ट्रं तदवाम्यायन् ॥
- 10.124.05a निर्माया उ त्पे असुरा अभूवन्त्वं च मा वरुण कामयासे ।
- 10.124.05c ऋतेन राजन्ननृतं विविञ्चन्मम राष्ट्रस्याधिपत्यमेहि ॥
- 10.124.06a इदं स्वरिदमिदास वाममयं प्रकाश उर्वश्न्तरिद्धम् ।
- 10.124.06c हनाव वृत्रं निरेहि सोम हविष्ट्वा सन्तं हविषा यजाम ॥

- 10.124.07a कविः कवित्वा दिवि रूपमासजदप्रभूती वरुणो निरपः सृजत् ।
- 10.124.07c क्षेमं कृण्वाना जनयो न सिन्धवस्ता अस्य वर्णं शुचयो भरिभ्रति ॥
- 10.124.08a ता अस्य ज्येष्ठमिन्द्रियं सचन्ते ता ईमा क्षेति स्वधया मदन्तीः ।
- 10.124.08c ता ई विशो न राजानं वृणाना बीभत्सुवो अप वृत्रादतिष्ठन् ॥
- 10.124.09a बीभत्सूनां सयुजं हंसमाहुरपां दिव्यानां सख्ये चरन्तम् ।
- 10.124.09c अनुष्टुभमनु चर्चूर्यमाणमिन्द्रं नि चिक्युः कवयो मनीषा ॥
- 10.125.01a अहं रुद्रेभिर्वसुभिश्चराम्यहमादित्यैरुत विश्वदेवैः ।
- 10.125.01c अहं मित्रावरुणोभा बिभर्म्यहमिन्द्राग्नी अहमश्विनोभा ॥
- 10.125.02a अहं सोममाहनसं बिभर्म्यहं त्वष्टारमुत पूषणं भगम् ।
- 10.125.02c अहं दधामि द्रविणं हविष्मते सुप्राव्येऽ यजमानाय सुन्वते ॥
- 10.125.03a अहं राष्ट्री संगमनी वसूनां चिकितुषी प्रथमा यज्ञियानाम् ।
- 10.125.03c तां मा देवा व्यदधुः पुरुत्रा भूरिस्थात्रां भूयविशयन्तीम् ॥
- 10.125.04a मया सो अन्नमत्ति यो विपश्यति यः प्राणिति य ई शृणोत्युक्तम् ।
- 10.125.04c अमन्तवो मां त उप क्षियन्ति श्रुधि श्रुत श्रद्धिवं ते वदामि ॥
- 10.125.05a अहमेव स्वयमिदं वदामि जुष्टं देवेभिरुत मानुषेभिः ।
- 10.125.05c यं कामये तंतमुग्रं कृणोमि तं ब्रह्माणं तमृषिं तं सुमेधाम् ॥
- 10.125.06a अहं रुद्राय धनुरा तनोमि ब्रह्मद्विषे शरवे हन्तवा उ ।

- 10.125.06c अ॒हं ज॒नाय॑ स॒मदं॑ कृ॒णो॒म्यहं॑ द्या॒वापृ॑थि॒वी आ॑ वि॒वेश ॥
- 10.125.07a अ॒हं सु॒वे पि॒तर॑मस्य॒ मूर्ध॑न्मम॒ योनि॑र॒प्स्व॒श॒न्तः स॒मु॒द्रे ।
- 10.125.07c ततो॑ वि॒ तिष्ठे॑ भु॒वनानु॑ वि॒श्वो॒तामूं॑ द्यां॒ वर्ष्म॑णो॒प स्पृ॑शामि ॥
- 10.125.08a अ॒हमे॒व वा॒त इ॒व प्र॑ वा॒म्यार॑भमा॒णा भु॒वनानि॑ वि॒श्वा ।
- 10.125.08c परो॑ दि॒वा पर॑ ए॒ना पृ॑थि॒व्यैता॑वती॒ महि॑ना सं॒ बभू॑व ॥

- 10.126.01a न तमं॑हो न॒ दुरि॑तं दे॒वासो॑ अ॒ष्ट म॒र्त्यम् ।
- 10.126.01c स॒जोष॑सो॒ यम॑र्य॒मा मि॒त्रो न॑यन्ति॒ वरु॑णो॒ अति॑ द्वि॒षः ॥
- 10.126.02a तद्धि॑ व॒यं वृ॑णीमहे॒ वरु॑ण॒ मित्रा॑र्य॒मन् ।
- 10.126.02c येना॑ नि॒रंह॑सो॒ यूयं॑ पाथ॒ नेथा॑ च॒ म॒र्त्यम॑ति॒ द्विषः॑ ॥
- 10.126.03a ते नू॒नं नो॑ऽय॒मूत॑ये॒ वरु॑णो॒ मित्रो॑ अ॒र्यमा॑ ।
- 10.126.03c नयि॑ष्ठा उ॒ नो ने॑षणि॒ पषि॑ष्ठा उ॒ नः प॑र्ष॒ण्यति॑ द्वि॒षः ॥
- 10.126.04a यूयं॑ वि॒श्वं परि॑ पाथ॒ वरु॑णो॒ मित्रो॑ अ॒र्यमा॑ ।
- 10.126.04c युष्मा॑कं॒ शर्म॑णि॒ प्रिये॑ स्याम॒ सुप्र॑णी॒तयो॑ऽति॒ द्विषः॑ ॥
- 10.126.05a आ॒दि॒त्यासो॑ अ॒ति स्त्रि॑धो॒ वरु॑णो॒ मित्रो॑ अ॒र्यमा॑ ।
- 10.126.05c उग्रं॑ मरु॒द्भी रु॒द्रं हु॒वेमे॑न्द्र॒मग्निं॑ स्व॒स्तये॑ऽति॒ द्विषः॑ ॥
- 10.126.06a ने॒तार॑ ऊ॒ षु॒ ण॑स्ति॒रो वरु॑णो॒ मित्रो॑ अ॒र्यमा॑ ।
- 10.126.06c अ॒ति वि॒श्वानि॑ दुरि॒ता रा॒जान॑श्च॒र्षणी॑नाम॒ति द्विषः॑ ॥

- 10.126.07a शु॒न॒म॒स्म॒भ्य॒मू॒तये॑ वरु॒णो॑ मि॒त्रो अ॒र्य॒मा ।
- 10.126.07c श॒र्म॑ य॒च्छ॒न्तु॑ स॒प्रथ॑ आ॒दि॒त्या॒सो॒ यदी॑म॒हे अ॒ति॒ द्वि॒षः॑ ॥
- 10.126.08a यथा॑ ह॒ त्यद्व॑स॒वो गौ॒र्यं॑ चि॒त्प॒दि॒ षि॒ता॒म॒मु॒ञ्च॒ता॒ यज॑त्राः ।
- 10.126.08c ए॒वो॒ ष्व॑श्॒स्म॒न्मु॒ञ्च॒ता॒ व्य॑हः॒ प्र ता॑र्य॒ग्ने प्र॒तरं॑ न आ॒युः॑ ॥

- 10.127.01a रा॒त्री॒ व्य॒ख्य॑दा॒यती॑ पु॒रु॒त्रा॒ दे॒व्य॑श्॒क्ष॒भिः॑ ।
- 10.127.01c वि॒श्वा अ॒धि श्रि॒योऽधि॑त ॥
- 10.127.02a ओ॒र्व॒प्रा अ॒म॒र्त्या॑ नि॒वतो॑ दे॒व्यु॑श्॒द्वतः॑ ।
- 10.127.02c ज्यो॑ति॒षा बा॒धते॑ त॒मः॑ ॥
- 10.127.03a नि॒रु॒ स्व॒सा॒र॒म॒स्कृ॒तो॒षसं॑ दे॒व्या॑यती ।
- 10.127.03c अ॒पेदु॑ हा॒सते॑ त॒मः॑ ॥
- 10.127.04a सा नो॑ अ॒द्य य॒स्या व॒यं नि॒ ते या॒म॒न्न॑वि॒द्महि॑ ।
- 10.127.04c वृ॒क्षे न॑ व॒सतिं॑ व॒यः॑ ॥
- 10.127.05a नि॒ ग्रा॒मा॒सो अ॒वि॒क्षत॑ नि॒ प॒द्व॒न्तो॒ नि प॒क्षि॑णः ।
- 10.127.05c नि॒ श्ये॑ना॒सश्चि॑दर्थि॒नः॑ ॥
- 10.127.06a या॒वया॑ वृ॒क्ष्यं॑ वृ॒क्षं॑ य॒वय॑ स्ते॒न॒मूर्म्ये॑ ।
- 10.127.06c अ॒था नः॑ सु॒तरा॑ भ॒व ॥
- 10.127.07a उ॒प मा॑ पे॒पि॒श॒त्त॒मः॑ कृ॒ष्णं॑ व्य॒क्त॒म॒स्थि॑त ।

- 10.127.07c उष ऋणो॑व॒ या॒तय॑ ॥
- 10.127.08a उप॑ ते॒ गा॒ इ॒वा॒करं॑ वृ॒णीष्व॑ दु॒हित॑र्दिवः ।
- 10.127.08c रा॒त्रि॒ स्तो॒मं॒ न जि॒ग्युषे॑ ॥
- 10.128.01a म॒मा॒ग्ने॑ व॒र्चो॑ वि॒ह॒वे॒ष्वस्तु॑ व॒यं त्वे॒न्धा॒नास्त॑न्वं पु॒षेम॑ ।
- 10.128.01c म॒ह्यं न॑म॒न्तां प्र॑दि॒शश्च॑त॒स्रस्त्व॑या॒ध्यक्षे॑ण॒ पृ॒त॒ना॒ ज॒येम॑ ॥
- 10.128.02a म॒म दे॒वा वि॒ह॒वे स॑न्तु॒ सर्व॑ इ॒न्द्र॒व॒न्तो म॑रु॒तो वि॒ष्णु॑र॒ग्निः ।
- 10.128.02c म॒मा॒न्तरि॑क्ष॒मु॒रु॒लोक॑मस्तु॒ म॒ह्यं वा॑तः॒ प॒व॒तां का॑मे॒ अ॒स्मिन् ॥
- 10.128.03a म॒यि दे॒वा द्र॑वि॒ण॒मा य॑ज॒न्तां म॒य्या॒शीर॑स्तु॒ म॒यि दे॒व॒हृ॒तिः ।
- 10.128.03c दै॒व्या हो॑ता॒रो व॑नु॒ष॒न्त॒ पूर्वे॑ऽरि॒ष्टाः स्या॑म॒ तन्वा॑ सु॒वी॒राः ॥
- 10.128.04a म॒ह्यं य॑ज॒न्तु म॑म॒ या॒नि ह॒व्या॒कू॒तिः स॒त्या म॑न॒सो मे॑ अस्तु ।
- 10.128.04c ए॒नो मा॑ नि॒ गां क॑त॒म॒च्च॒नाहं॑ वि॒श्वे दे॒वासो॑ अ॒धि वो॑च॒ता नः ॥
- 10.128.05a दे॒वीः ष॒ळु॒र्वी॒रु॒ नः कृ॑णो॒त वि॒श्वे दे॒वास॑ इ॒ह वी॑र॒य॒ध्वम् ।
- 10.128.05c मा॑ हा॒स्महि॑ प्र॒ज॒या मा॑ त॒नू॒भिर्मा॑ र॒धाम॑ द्वि॒षते॑ सो॒म रा॑ज॒न् ॥
- 10.128.06a अ॒ग्ने म॑न्युं प्र॒ति॒नु॒द॒न्प॑रे॒षाम॑द॒ब्धो गो॒पाः परि॑ पा॒हि न॑स्त्वम् ।
- 10.128.06c प्र॒त्यञ्चो॑ य॒न्तु नि॒गु॒तः पु॑न॒स्तेऽ॒मैषां॑ चि॒त्तं प्र॑बु॒धां वि॑ ने॒शत् ॥
- 10.128.07a धा॒ता धा॑तृ॒णां भु॑व॒न॒स्य य॑स्पति॒र्दे॒वं त्रा॑ता॒रम॑भि॒माति॑षा॒हम् ।
- 10.128.07c इ॒मं य॑ज्ञम॒श्विनो॑भा बृ॒हस्प॑ति॒र्दे॒वाः पा॑न्तु॒ यज॑मा॒नं न्य॑र्थात् ॥

- 10.128.08a उरुव्यचा॑ नो॒ महिषः॑ शर्म॑ यंसद॒स्मिन्हवे॑ पुरु॒हूतः॑ पुरु॒क्षुः ।
- 10.128.08c स नः॑ प्रजा॒यै ह॑र्यश्च॒ मृळ्येन्द्र॑ मा नो॒ रीरिषो॑ मा॒ परा॑ दाः ॥
- 10.128.09a ये नः॑ सप॒त्ना अप॑ ते भव॒न्त्वन्द्रा॑ग्निभ्यामव॒ बाधामहे॑ तान् ।
- 10.128.09c वसवो॑ रु॒द्रा आ॑दि॒त्या उपरि॑स्पृशं॒ मोग्रं॑ चेत्तारमधिराजमक्रन् ॥
- 10.129.01a नासदा॑सीन्नो॒ सदा॑सीत्तदानीं॒ नासीद्र॑जो नो॒ व्योमा॑ परो॒ यत् ।
- 10.129.01c किमा॑वरीवः॒ कुह॑ कस्य॒ शर्मन्न॑म्भः॒ किमा॑सीद्गहनं॒ गभीर॑म् ॥
- 10.129.02a न मृ॒त्युरा॑सीदमृतं॒ न तर्हि॑ न रात्र्या॒ अह्ना॑ आसीत्प्रकेतः ।
- 10.129.02c आनी॑दवातं॒ स्वधया॑ तदेकं॒ तस्माद्धान्यन्न॑ परः॒ किं च॑नास ॥
- 10.129.03a तम आ॑सीत्तमसा॒ गूळ्ह॑मग्रेऽप्रकेतं॒ सलिलं॑ सर्वमा॒ इदम् ।
- 10.129.03c तुच्छे॑नाभ्वपिहितं॒ यदा॑सीत्तपसस्तन्महिनाजायतैकम् ॥
- 10.129.04a काम॑स्तदग्रे॒ समव॑र्तताधि॒ मनसो॑ रेतः॒ प्रथमं॑ यदासीत् ।
- 10.129.04c सतो॑ बन्धुमसति॒ निरवि॑न्दन्हृदि॒ प्रती॑ष्या॒ कवयो॑ मनीषा ॥
- 10.129.05a तिरश्ची॑नो॒ विततो॑ रश्मिरेषामधः॒ स्विदा॑सीश्दुपरि॒ स्विदा॑सीश्त् ।
- 10.129.05c रेतो॑धा आ॒सन्महि॑मान॒ आसन्स्व॑धा॒ अवस्ता॑त्प्रयतिः॒ परस्ता॑त् ॥
- 10.129.06a को अ॒द्धा वेद॑ क इह॒ प्र वोच॑त्कुत॒ आजा॑ता कुत॒ इयं॑ विसृष्टिः ।
- 10.129.06c अ॒र्वाग्दे॑वा अस्य॒ विसर्ज॑निनाथा॒ को वेद॑ यत आबभूव ॥
- 10.129.07a इयं॑ विसृष्टि॒र्यत॑ आबभूव॒ यदि॑ वा दधे॒ यदि॑ वा न ।

10.129.07c यो अस्याध्यक्षः परमे व्योमन्सो अङ्ग वेद यदि वा न वेद ॥

10.130.01a यो यज्ञो विश्वतस्तन्तुभिस्तत एकशतं देवकर्मेभिरायतः ।

10.130.01c इमे वयन्ति पितरो य आययुः प्र वयाप वयेत्यासते तते ॥

10.130.02a पुमाँ एनं तनुत उत्कृणत्ति पुमान्वि तले अधि नाके अस्मिन् ।

10.130.02c इमे मयूखा उप सेदुरू सदः सामानि चक्रुस्तसराण्योतवे ॥

10.130.03a कासीत्प्रमा प्रतिमा किं निदानमाज्यं किमासीत्परिधिः क आसीत् ।

10.130.03c छन्दः किमासीत्प्रउगं किमुक्थं यद्देवा देवमयजन्त विश्वे ॥

10.130.04a अग्नेर्गायत्र्यभवत्सयुगवोष्णिहया सविता सं बभूव ।

10.130.04c अनुष्टुभा सोम उक्थैर्महस्वान्बृहस्पतेर्बृहती वाचमावत् ॥

10.130.05a विरागिमत्रावरुणयोरभिश्चरिन्द्रस्य त्रिष्टुबिह भागो अहः ।

10.130.05c विश्वान्देवाञ्जगत्या विवेश तेन चाकृप्र ऋषयो मनुष्याः ॥

10.130.06a चाकृप्रे तेन ऋषयो मनुष्या यज्ञे जाते पितरो नः पुराणे ।

10.130.06c पश्यन्मन्ये मनसा चक्षसा तान्य इमं यज्ञमयजन्त पूर्वे ॥

10.130.07a सहस्तोमाः सहछन्दस आवृतः सहप्रमा ऋषयः सप्त दैव्याः ।

10.130.07c पूर्वेषां पन्थामनुदृश्य धीरा अन्वालेभिरे रथ्योश्च न रश्मीन् ॥

10.131.01a अप प्राच इन्द्र विश्वाँ अमित्रानपापाचो अभिभूते नुदस्व ।

- 10.131.01c अपोदी॑चो॒ अप॑ शू॒राध॑राच॒ उ॒रौ॒ यथा॑ तव॒ शर्म॑न्मदे॒म ॥
- 10.131.02a कु॒विद॑ङ्ग॒ यव॑मन्तो॒ यवं॑ चिद्यथा॒ दान्त्य॑नुपूर्व॒ वियू॑य ।
- 10.131.02c इहे॑हैषां॒ कृणु॑हि॒ भोज॑नानि॒ ये ब॑र्हिषो॒ नमो॑वृक्तिं॒ न जग्मुः॑ ॥
- 10.131.03a नहि॑ स्थू॒र्यु॑तुथा॒ यात॑मस्ति॒ नोत॑ श्रवो॒ विवि॑दे॒ संग॑मेषु ।
- 10.131.03c ग॒व्यन्त॑ इन्द्रं॒ सख्या॑य॒ विप्रा॑ अ॒श्वाय॑न्तो॒ वृष॑णं॒ वाज॑यन्तः ॥
- 10.131.04a यु॒वं सु॒राम॑मश्विना॒ नमु॑चा॒वासुरे॑ स॒चा ।
- 10.131.04c वि॒पिपा॑ना॒ शुभ॑स्पती॒ इन्द्रं॑ कर्म॒स्वाव॑तम् ॥
- 10.131.05a पु॒त्रमि॑व॒ पित॑रावश्विनो॒भेन्द्रा॑वथुः॒ काव्यै॑र्द॒सना॑भिः ।
- 10.131.05c यत्सु॑रामं॒ व्यपि॑बः॒ शची॑भिः॒ सर॑स्वती॒ त्वा म॑घवन्नभिष्णाक् ॥
- 10.131.06a इन्द्रः॑ सु॒त्रामा॑ स्ववाँ॒ अ॒वोभिः॑ सु॒मृळी॑को॒ भवतु॑ विश्ववेदाः ।
- 10.131.06c बा॒धतां॑ द्वेषो॒ अभ॑यं॒ कृणो॑तु॒ सुवी॑र्यस्य॒ पत॑यः॒ स्याम॑ ॥
- 10.131.07a तस्य॑ व॒यं सु॑मतौ॒ यज्ञि॑यस्यापि॒ भद्रे॑ सौ॒मन॑से॒ स्याम॑ ।
- 10.131.07c स सु॒त्रामा॑ स्ववाँ॒ इन्द्रो॑ अ॒स्मे आ॒राचि॑द्द्वेषः॒ सनु॑तर्युयोतु ॥

- 10.132.01a ई॒जान॑मिद्वयौर्गूर्ता॒वसु॑रीजानं॒ भूमि॑रभि॒ प्रभू॑षणि ।
- 10.132.01c ई॒जानं॑ दे॒वाव॑श्विना॒वभि॑ सु॒म्रैर॑वर्धताम् ॥
- 10.132.02a ता वां॑ मि॒त्राव॑रुणा॒ धार॑यत्ति॒क्षती॑ सु॒षुम्ने॑षित॒त्वता॑ यजामसि ।
- 10.132.02c यु॒वोः क्रा॑णाय॒ सख्यै॑रभि॒ ष्याम॑ र॒क्षसः॑ ॥

10.132.03a अ॒धा चि॒न्नु यद्दि॒षाम॑हे वा॒मभि॑ प्रि॒यं रे॒कणः॑ प॒त्यमा॑नाः ।

10.132.03c द॒द्वौ वा॒ यत्पु॑ष्यति रे॒कणः॑ स॒म्वा॒रन्न॑किरस्य म॒घानि॑ ॥

10.132.04a अ॒साव॑न्यो अ॒सुर॑ सू॒यत॑ द्यौस्त्वं वि॒श्वेषां॑ वरुणा॒सि रा॒जा ।

10.132.04c मूर्धा॑ रथस्य चाक॒न्नैता॑वतैनसान्तक॒ध्रुक् ॥

10.132.05a अ॒स्मिन्स्वे॑श्तच्छक॒पूत॑ ए॒नो हि॒ते मि॒त्रे नि॒गतान्॑हन्ति वी॒रान् ।

10.132.05c अ॒वोर्वा॑ यद्वा॒त्तनू॑ष्ववः प्रि॒यासु॑ यज्ञि॒यास्व॑र्वा ॥

10.132.06a यु॒वोर्हि॑ मा॒तादि॑तिर्वि॒चेत॑सा द्यौर्न भूमिः प॒यसा॑ पु॒पूत॑नि ।

10.132.06c अ॒व प्रि॒या दि॑दिष्टन सू॒रो नि॒निक्त॑ रश्मि॒भिः ॥

10.132.07a यु॒वं ह्य॒प्ररा॑जावसीद॒तं तिष्ठ॑द्रथं न धूर्ष॑दं व॒नर्ष॑दम् ।

10.132.07c ता नः॑ क॒णूक॑यन्ती॒र्नृमै॑धस्त॒त्रे अ॒ंहसः॑ सु॒मेध॑स्त॒त्रे अ॒ंहसः॑ ॥

10.133.01a प्रो ष्व॑स्मै पु॒रोरथ॑मिन्द्राय शूषम॒र्चत॑ ।

10.133.01c अ॒भीके॑ चिदु॒ लोक॑कृ॒त्संगे॑ स॒मत्सु॑ वृ॒त्रहा॑स्माकं बोधि चोदि॒ता न॑भन्ताम॒न्यके॑षां ज्या॒का अ॒धि
ध॒न्वसु॑ ॥

10.133.02a त्वं सि॒न्धूर्वा॑सृजोऽध॒राचो॑ अ॒हन्न॑हिम् ।

10.133.02c अ॒शत्रु॑रिन्द्र जज्ञिषे वि॒श्वं पु॑ष्यसि वा॒र्यं तं॑ त्वा परि॑ ष्व॒जाम॑हे न॒भन्ता॑म॒न्यके॑षां ज्या॒का अ॒धि
ध॒न्वसु॑ ॥

10.133.03a वि षु॑ वि॒श्वा अ॒रात॑योऽ॒र्यो न॑शन्त नो धि॒यः ।

10.133.03c अस्तासि॑ शत्र॒वे॒ व॒धं॒ यो॒ न॒ इन्द्र॑ जिघांसति॒ या॒ ते॒ रातिर्दि॑र्वसु॒ नभन्ता॑मन्यकेषां॒ ज्याका॑ अधि॒ धन्वसु॑ ॥

10.133.04a यो॒ न॒ इन्द्रा॑भितो॒ जनो॑ वृकायुरादिदेशति ।

10.133.04c अध॒स्पदं॑ तमीं॒ कृधि॑ विबाधो॒ असि॑ सासहिर्नभन्ता॑मन्यकेषां॒ ज्याका॑ अधि॒ धन्वसु॑ ॥

10.133.05a यो॒ न॒ इन्द्रा॑भिदासति॒ सना॑भिर्यश्च॒ निष्ट्यः॑ ।

10.133.05c अव॑ तस्य॒ बलं॑ ति॒र मही॑व॒ द्यौर॑ध॒ त्मना॑ नभन्ता॑मन्यकेषां॒ ज्याका॑ अधि॒ धन्वसु॑ ॥

10.133.06a वयमिन्द्र॑ त्वायवः॒ सखि॑त्वमा॒ रभाम॑हे ।

10.133.06c ऋ॒तस्य॑ नः॒ पथा॑ नयाति॒ विश्वानि॑ दुरिता॒ नभन्ता॑मन्यकेषां॒ ज्याका॑ अधि॒ धन्वसु॑ ॥

10.133.07a अ॒स्मभ्यं॑ सु॒ त्वमिन्द्र॑ तां॒ शि॒क्ष॒ या॒ दो॒हते॑ प्रति॒ वरं॑ ज॒रित्रे॑ ।

10.133.07c अ॒च्छि॒द्रो॒क्षी॑ पी॒पय॑द्यथा॒ नः॒ सह॑स्रधारा॒ पयसा॑ मही॒ गौः ॥

10.134.01a उ॒भे॒ यदिन्द्र॑ रोदसी॒ आप॑प्राथोषा॒ इव॑ ।

10.134.01c म॒हान्तं॑ त्वा॒ मही॑नां॒ सम्राजं॑ चर्षणीनां॒ देवी॑ ज॒नित्र्य॑जीजनद्द्रा॒ ज॒नित्र्य॑जीजनत् ॥

10.134.02a अव॑ स्म दुर्हणायतो॒ मर्त॑स्य॒ तनु॑हि॒ स्थिर॑म् ।

10.134.02c अध॒स्पदं॑ तमीं॒ कृधि॑ यो॒ अस्माँ॑ आदिदेशति॒ देवी॑ ज॒नित्र्य॑जीजनद्द्रा॒ ज॒नित्र्य॑जीजनत् ॥

10.134.03a अव॑ त्या॒ बृ॒हती॑रिषो॒ विश्व॑श्चन्द्रा॒ अमि॑त्रहन् ।

10.134.03c श॒ची॑भिः॒ शक्र॑ धू॒नुहीन्द्र॑ विश्वा॒भिरू॒तिभिर्दे॑वी॒ ज॒नित्र्य॑जीजनद्द्रा॒ ज॒नित्र्य॑जीजनत् ॥

10.134.04a अव॑ यत्त्वं॒ श॒त॒क्र॒त॒विन्द्र॑ विश्वानि॒ धू॒नुषे॑ ।

- 10.134.04c रयिं न सुन्वते सचा सहस्रिणीभिरूतिभिर्देवी जनित्र्यजीजनद्भद्रा जनित्र्यजीजनत् ॥
- 10.134.05a अत्र स्वेदा इवाभितो विष्वक्पतन्तु दिद्यवः ।
- 10.134.05c दूर्वाया इव तन्तवो व्यश्मदेतु दुर्मतिर्देवी जनित्र्यजीजनद्भद्रा जनित्र्यजीजनत् ॥
- 10.134.06a दीर्घं ह्यङ्कुशं यथा शक्तिं बिभर्षि मन्तुमः ।
- 10.134.06c पूर्वेण मघवन्पदाजो वयां यथा यमो देवी जनित्र्यजीजनद्भद्रा जनित्र्यजीजनत् ॥
- 10.134.07a नकिर्देवा मिनीमसि नकिरा योपयामसि मन्त्रश्रुत्यं चरामसि ।
- 10.134.07c पक्षेभिरपिकक्षेभिरत्राभि सं रभामहे ॥
- 10.135.01a यस्मिन्वृक्षे सुपलाशे देवैः सम्पिबते यमः ।
- 10.135.01c अत्रा नो विश्वतिः पिता पुराणाँ अनु वेनति ॥
- 10.135.02a पुराणाँ अनुवेनन्तं चरन्तं पापयामुया ।
- 10.135.02c असूयन्नभ्यचाकशं तस्मा अस्पृहयं पुनः ॥
- 10.135.03a यं कुमार नवं रथमचक्रं मनसाकृणोः ।
- 10.135.03c एकेषं विश्वतः प्राञ्चमपश्यन्नधि तिष्ठसि ॥
- 10.135.04a यं कुमार प्रावर्तयो रथं विप्रेभ्यस्परि ।
- 10.135.04c तं सामानु प्रावर्तत समितो नाव्याहितम् ॥
- 10.135.05a कः कुमारमजनयद्रथं को निरवर्तयत् ।
- 10.135.05c कः स्वित्तदद्य नो ब्रूयादनुदेयी यथाभवत् ॥

- 10.135.06a यथाभवदनुदेयी ततो अग्रमजायत ।
- 10.135.06c पुरस्ताद्धुन्न आततः पश्चान्निरयणं कृतम् ॥
- 10.135.07a इदं यमस्य सादनं देवमानं यदुच्यते ।
- 10.135.07c इयमस्य धम्यते नाळीरयं गीर्भिः परिष्कृतः ॥
- 10.136.01a केश्यश्रिं केशी विषं केशी विभर्ति रोदसी ।
- 10.136.01c केशी विश्वं स्वर्दृशे केशीदं ज्योतिरुच्यते ॥
- 10.136.02a मुनयो वातरशनाः पिशङ्गा वसते मला ।
- 10.136.02c वातस्यानु ध्राजिं यन्ति यद्देवासो अविक्षत ॥
- 10.136.03a उन्मदिता मौनेयेन वाताँ आ तस्थिमा वयम् ।
- 10.136.03c शरीरेदस्माकं यूयं मर्तासो अभि पश्यथ ॥
- 10.136.04a अन्तरिक्षेण पतति विश्वा रूपावचाकशत् ।
- 10.136.04c मुनिर्देवस्यदेवस्य सौकृत्याय सखा हितः ॥
- 10.136.05a वातस्याश्वो वायोः सखाथो देवेषितो मुनिः ।
- 10.136.05c उभौ समुद्रावा क्षेति यश्च पूर्व उतापरः ॥
- 10.136.06a अप्सरसां गन्धर्वाणां मृगाणां चरणे चरन् ।
- 10.136.06c केशी केतस्य विद्वान्सखा स्वादुर्मादिन्तमः ॥
- 10.136.07a वायुरस्मा उपामन्थत्पिनष्टि स्मा कुनन्नमा ।

- 10.136.07c केशी॑ वि॒षस्य॑ पा॒त्रेण॑ य॒द्रु॒द्रेणा॑पि॒बत्स॒ह ॥
- 10.137.01a उ॒त दे॒वा अ॒वहि॑तं दे॒वा उ॒न्नय॑था पु॒नः ।
- 10.137.01c उ॒ताग॑श्च॒क्रुषं॑ दे॒वा दे॒वा जी॒वय॑था पु॒नः ॥
- 10.137.02a द्वा॒विमौ॑ वा॒तौ वा॒त आ॒ सि॒न्धो॒रा प॒राव॑तः ।
- 10.137.02c द॒क्षं ते॑ अ॒न्य आ॒ वातु॑ प॒रान्यो॑ वा॒तु य॒द्रपः॑ ॥
- 10.137.03a आ॒ वात॑ वा॒हि भे॒षजं॑ वि॒ वात॑ वा॒हि य॒द्रपः॑ ।
- 10.137.03c त्वं हि॑ वि॒श्वभे॑ष॒जो दे॒वानां॑ दू॒त ई॒यसे॑ ॥
- 10.137.04a आ॒ त्वाग॑मं शं॒ताति॑भि॒रथो॑ अ॒रि॒ष्टता॑तिभिः ।
- 10.137.04c द॒क्षं ते॑ भ॒द्रमा॑भा॒र्ष प॒रा य॒क्ष्मं सु॑वामि ते ॥
- 10.137.05a त्रा॒यन्ता॑मि॒ह दे॒वास्त्रा॑य॒तां म॒रुतां॑ ग॒णः ।
- 10.137.05c त्रा॒यन्तां॑ वि॒श्वा भू॑तानि य॒थाय॑म॒रपा॑ अ॒सत् ॥
- 10.137.06a आ॒प इ॒द्वा उ॑ भे॒षजी॑रापो॒ अमी॑व॒चात॑नीः ।
- 10.137.06c आ॒पः स॒र्वस्य॑ भे॒षजी॑स्तास्ते कृ॒ण्वन्तु॑ भे॒षज॑म् ॥
- 10.137.07a ह॒स्ताभ्यां॑ द॒शशा॑खाभ्यां॒ जिह्वा॑ वा॒चः पु॒रोग॑वी ।
- 10.137.07c अ॒नाम॑यि॒क्षुभ्यां॑ त्वा ता॒भ्यां त्वो॑प॒ स्पृशा॑मसि ॥
- 10.138.01a तव॑ त्य॒ इन्द्र॑ स॒ख्येषु॑ व॒ह्य ऋ॒तं म॒न्वा॒ना व्य॑दर्दि॒रुर्व॑लम् ।

- 10.138.01c यत्रा दशस्यन्नुषसो रिणन्नपः कुत्साय मन्मन्नह्यश्च दंसयः ॥
- 10.138.02a अवासृजः प्रस्वः श्वञ्चयो गिरीनुदाज उस्त्रा अपिबो मधु प्रियम् ।
- 10.138.02c अवर्धयो वनिनो अस्य दंससा शुशोच सूर्य ऋतजातया गिरा ॥
- 10.138.03a वि सूर्यो मध्ये अमुचद्रथं दिवो विदद्दासाय प्रतिमानमार्यः ।
- 10.138.03c दृळ्हानि पिप्रोरसुरस्य मायिन इन्द्रो व्यास्यच्चकृवाँ ऋजिश्चना ॥
- 10.138.04a अनाधृष्टानि धृषितो व्यास्यन्निर्धीरदेवाँ अमृणदयास्यः ।
- 10.138.04c मासेव सूर्यो वसु पुर्यमा ददे गृणानः शत्रूरशृणाद्विरुक्मता ॥
- 10.138.05a अयुद्धसेनो विभ्वा विभिन्दता दाशदृत्रहा तुज्यानि तेजते ।
- 10.138.05c इन्द्रस्य वज्रादबिभेदभिश्नथः प्राक्रामच्छुन्ध्यूरजहादुषा अनः ॥
- 10.138.06a एता त्या ते श्रुत्यानि केवला यदेक एकमकृणोरयज्ञम् ।
- 10.138.06c मासां विधानमदधा अधि द्यवि त्वया विभिन्नं भरति प्रधिं पिता ॥

- 10.139.01a सूर्यरश्मिर्हरिकेशः पुरस्तात्सविता ज्योतिरुदयाँ अजस्रम् ।
- 10.139.01c तस्य पूषा प्रसवे याति विद्वान्सम्पश्यन्विश्वा भुवनानि गोपाः ॥
- 10.139.02a नृचक्षा एष दिवो मध्य आस्त आपप्रिवान्नोदसी अन्तरिक्षम् ।
- 10.139.02c स विश्वाचीरभि चष्टे घृताचीरन्तरा पूर्वमपरं च केतुम् ॥
- 10.139.03a रायो बुध्नः संगमनो वसूनां विश्वा रूपाभि चष्टे शचीभिः ।
- 10.139.03c देव इव सविता सत्यधर्मेन्द्रो न तस्थौ समरे धनानाम् ॥

- 10.139.04a विश्वावसुं सोम गन्धर्वमापो ददृशुषीस्तदृतेना व्यायन् ।
- 10.139.04c तदन्ववैदिन्द्रो रारहाण आसां परि सूर्यस्य परिधीरपश्यत् ॥
- 10.139.05a विश्वावसुरभि तन्नो गृणातु दिव्यो गन्धर्वो रजसो विमानः ।
- 10.139.05c यद्वा घा सत्यमुत यन्न विद्म धियो हिन्वानो धिय इन्नो अन्व्याः ॥
- 10.139.06a सस्त्रिमविन्दच्चरणे नदीनामपावृणोद्दुरो अश्मव्रजानाम् ।
- 10.139.06c प्रासां गन्धर्वो अमृतानि वोचदिन्द्रो दत्तं परि जानादहीनाम् ॥
- 10.140.01a अग्ने तव श्रवो वयो महि भ्राजन्ते अर्चयो विभावसो ।
- 10.140.01c बृहद्भानो शवसा वाजमुक्थ्यंश् दधासि दाशुषे कवे ॥
- 10.140.02a पावकवर्चाः शुक्रवर्चा अनूनवर्चा उदियर्षि भानुना ।
- 10.140.02c पुत्रो मातरा विचरन्नुपावसि पृणक्षि रोदसी उभे ॥
- 10.140.03a ऊर्जो नपाज्जातवेदः सुशस्तिभिर्मन्दस्व धीतिभिर्हितः ।
- 10.140.03c त्वे इषः सं दधुर्भूरिवर्षसश्चित्रोतयो वामजाताः ॥
- 10.140.04a इरज्यन्नग्ने प्रथयस्व जन्तुभिरस्मे रायो अमर्त्य ।
- 10.140.04c स दर्शतस्य वपुषो वि राजसि पृणक्षि सानसिं क्रतुम् ॥
- 10.140.05a इष्कर्तारमध्वरस्य प्रचेतसं क्षयन्तं राधसो महः ।
- 10.140.05c रातिं वामस्य सुभगां महीमिषं दधासि सानसिं रयिम् ॥
- 10.140.06a ऋतावानं महिषं विश्वदर्शतमग्निं सुम्नाय दधिरे पुरो जनाः ।

10.140.06c श्रुत्कर्णं सप्रथस्तमं त्वा गिरा दैव्यं मानुषा युगा ॥

10.141.01a अग्ने अच्छा वदेह नः प्रत्यङ्गनः सुमना भव ।

10.141.01c प्र नो यच्छ विशस्पते धनदा असि नस्त्वम् ॥

10.141.02a प्र नो यच्छत्वर्यमा प्र भगः प्र बृहस्पतिः ।

10.141.02c प्र देवाः प्रोत सूनृता रायो देवी ददातु नः ॥

10.141.03a सोमं राजानमवसेऽग्निं गीर्भिर्हवामहे ।

10.141.03c आदित्यान्विष्णुं सूर्यं ब्रह्माणं च बृहस्पतिम् ॥

10.141.04a इन्द्रवायू बृहस्पतिं सुहवेह हवामहे ।

10.141.04c यथा नः सर्व इज्जनः संगत्यां सुमना असत् ॥

10.141.05a अर्यमणं बृहस्पतिमिन्द्रं दानाय चोदय ।

10.141.05c वातं विष्णुं सरस्वतीं सवितारं च वाजिनम् ॥

10.141.06a त्वं नो अग्ने अग्निभिर्ब्रह्म यज्ञं च वर्धय ।

10.141.06c त्वं नो देवतातये रायो दानाय चोदय ॥

10.142.01a अयमग्ने जरिता त्वे अभूदपि सहसः सूनो नह्यश्न्यदस्त्याप्यम् ।

10.142.01c भद्रं हि शर्म त्रिवरूथमस्ति त आरे हिंसानामप दिद्युमा कृधि ॥

10.142.02a प्रवत्ते अग्ने जनिमा पितूयतः साचीव विश्वा भुवना न्यृञ्जसे ।

- 10.142.02c प्र सप्तयः प्र सनिषन्त नो धियः पुरश्चरन्ति पशुपा इव त्मना ॥
- 10.142.03a उत वा उ परि वृणद्धि बप्सद्धोरग्न उलपस्य स्वधावः ।
- 10.142.03c उत खिल्या उर्वराणां भवन्ति मा ते हेतिं तविषीं चुक्रुधाम ॥
- 10.142.04a यदुद्धतो निवतो यासि बप्सत्पृथगेषि प्रगार्धिनीव सेना ।
- 10.142.04c यदा ते वातो अनुवाति शोचिर्वमेव श्मश्रु वपसि प्र भूम ॥
- 10.142.05a प्रत्यस्य श्रेणयो ददृश्र एकं नियानं बहवो रथासः ।
- 10.142.05c बाहू यदग्ने अनुमर्मृजानो न्यङ्ङुत्तानामन्वेषि भूमिम् ॥
- 10.142.06a उक्ते शुष्मा जिहतामुक्ते अर्चिरुक्ते अग्ने शशमानस्य वाजाः ।
- 10.142.06c उच्छ्वञ्चस्व नि नम वर्धमान आ त्वाद्य विश्वे वसवः सदन्तु ॥
- 10.142.07a अपामिदं न्ययनं समुद्रस्य निवेशनम् ।
- 10.142.07c अन्यं कृणुष्वेतः पन्थां तेन याहि वशाँ अनु ॥
- 10.142.08a आयने ते परायणे दूर्वा रोहन्तु पुष्पिणीः ।
- 10.142.08c हृदाश्च पुण्डरीकाणि समुद्रस्य गृहा इमे ॥

- 10.143.01a त्यं चिदत्रिमृतजुरमर्थमश्वं न यातवे ।
- 10.143.01c कक्षीवन्तं यदी पुना रथं न कृणुथो नवम् ॥
- 10.143.02a त्यं चिदश्वं न वाजिनमरेणवो यमत्नत ।
- 10.143.02c दृळ्हं ग्रन्थिं न वि घ्यतमत्रिं यविष्ठमा रजः ॥

- 10.143.03a नरा दंसिष्ठवत्रये शुभ्रा सिषासतं धियः ।
- 10.143.03c अथा हि वां दिवो नरा पुन स्तोमो न विशसे ॥
- 10.143.04a चिते तद्वां सुराधसा रातिः सुमतिरश्विना ।
- 10.143.04c आ यन्नः सदने पृथौ समने पर्षथो नरा ॥
- 10.143.05a युवं भुज्युं समुद्र आ रजसः पार ईङ्घितम् ।
- 10.143.05c यातमच्छा पतत्रिभिर्नासत्या सातये कृतम् ॥
- 10.143.06a आ वां सुमैः शंयू इव मंहिष्ठा विश्ववेदसा ।
- 10.143.06c समस्मे भूषतं नरोत्सं न पिप्युषीरिषः ॥
-
- 10.144.01a अयं हि ते अमर्त्य इन्दुरत्यो न पत्यते ।
- 10.144.01c दत्तो विश्वायुर्वेधसे ॥
- 10.144.02a अयमस्मासु काव्य ऋभुर्वज्रो दास्वते ।
- 10.144.02c अयं बिभर्त्यूर्ध्वकृशनं मदमृभुर्न कृत्व्यं मदम् ॥
- 10.144.03a घृषुः श्येनाय कृत्वन् आसु स्वासु वंसगः ।
- 10.144.03c अत्र दीधेदहीशुवः ॥
- 10.144.04a यं सुपर्णाः परावतः श्येनस्य पुत्र आभरत् ।
- 10.144.04c शतचक्रं योऽह्यो वर्तनिः ॥
- 10.144.05a यं ते श्येनश्चारुमवृकं पदाभरदरुणं मानमन्धसः ।

- 10.144.05c ए॒ना व॒यो वि॒ ता॒र्या॒यु॒र्जी॒वस॑ ए॒ना जा॒गार॑ ब॒न्धु॒ता ॥
- 10.144.06a ए॒वा तदि॒न्द्र इ॒न्दु॒ना दे॒वेषु॑ चि॒द्वार॑याते॒ महि॑ त्यजः ।
- 10.144.06c क्र॒त्वा व॒यो वि॒ ता॒र्या॒युः सु॒क्रतो॑ क्र॒त्वा॒यम॒स्मदा॑ सु॒तः ॥
- 10.145.01a इ॒मां ख॒ना॒म्योष॑धिं वी॒रुधं॑ ब॒लव॑त्त॒माम् ।
- 10.145.01c य॒या स॒पत्नीं॑ बा॒धते॑ य॒या सं॒विन्द॑ते॒ पति॑म् ॥
- 10.145.02a उ॒त्ता॒नप॑र्णे सु॒भगे॑ दे॒वजू॑ते स॒हस्व॑ति ।
- 10.145.02c स॒पत्नीं॑ मे॒ परा॑ ध॒म प॑तिं मे॒ के॒वलं॑ कुरु ॥
- 10.145.03a उ॒त्त॒रा॒हमु॑त्तर॒ उत्त॑रेदु॒त्तरा॑भ्यः ।
- 10.145.03c अ॒था स॒पत्नी॑ या॒ ममा॑ध॒रा सा॑ध॒राभ्यः॑ ॥
- 10.145.04a न॒ह्यस्या॑ नाम॒ गृ॒भ्णामि॑ नो अ॒स्मिन्न॑म॒ते ज॑ने ।
- 10.145.04c प॒रामे॑व॒ परा॑व॒तं स॒पत्नीं॑ ग॒मया॑मसि ॥
- 10.145.05a अ॒हम॑स्मि॒ सह॑मा॒नाथ॑ त्व॒मसि॑ सा॒सहिः॑ ।
- 10.145.05c उ॒भे स॒हस्व॑ती भू॒त्वी स॒पत्नीं॑ मे स॒हाव॑है ॥
- 10.145.06a उ॒प तेऽधां॑ स॒हमा॑ना॒मभि॑ त्वा॒धां स॒हीय॑सा ।
- 10.145.06c मा॒मनु॑ प्र॒ ते म॑नो॒ वत्सं॑ गौ॒रिव॑ धा॒वतु॑ प॒था वा॑रि॒व धा॑वतु ॥
- 10.146.01a अ॒र॒ण्यान्य॑र॒ण्यान्य॑सौ॒ या प्रे॒व न॑श्यसि ।

- 10.146.01c क॒था ग्रा॒मं न पृ॒च्छसि॑ न त्वा भी॒रिव॑ वि॒न्दती॑ ३ ॥
- 10.146.02a वृ॒षार॒वाय॑ वद॒ते यदु॑पावति चि॒च्चिकः॑ ।
- 10.146.02c आ॒घा॒टिभि॑रिव धावयन्न॒रण्यानि॑र्महीयते ॥
- 10.146.03a उ॒त गा॒व इ॒वा॒द॒न्त्यु॒त वे॒शमे॑व दृश्यते ।
- 10.146.03c उ॒तो अ॒र॒ण्य॒निः सा॒यं श॒कटी॑रिव सर्जति ॥
- 10.146.04a गा॒मङ्गै॑ष आ ह्यति दा॒र्वङ्गै॑षो अ॒पाव॑धीत् ।
- 10.146.04c व॒सन्न॑रण्या॒न्यां सा॒यम॑क्रु॒क्षदिति॑ मन्यते ॥
- 10.146.05a न वा अ॒रण्यानि॑र्हन्त्यन्यश्चे॒न्नाभि॑गच्छति ।
- 10.146.05c स्वा॒दोः फ॒लस्य॑ जग्ध्वाय॒ यथा॑कामं नि पद्यते ॥
- 10.146.06a आ॒ञ्ज॒नग॑न्धिं सु॒रभिं॑ ब॒ह॒न्नाम॑कृषी॒वला॑म् ।
- 10.146.06c प्रा॒हं मृ॒गाणां॑ मा॒तर॑म॒रण्यानि॑मशंसिषम् ॥
- 10.147.01a श्र॒त्ते द॑धामि प्रथ॒माय॑ म॒न्यवेऽह॑न्यद्वृ॒त्रं न॒र्यं वि॒वेर॑पः ।
- 10.147.01c उ॒भे य॑त्त्वा भवतो रो॒दसी॑ अनु॒ रेज॑ते शु॒ष्मात्पृ॑थि॒वी चि॑दद्रि॒वः ॥
- 10.147.02a त्वं मा॒याभि॑रनवद्य मा॒यिनं॑ श्रवस्यता मनसा वृ॒त्रम॑र्दयः ।
- 10.147.02c त्वा॒मि॒न्नरो॑ वृणते गवि॒ष्टिषु॑ त्वां वि॒श्वा॒सु ह॒व्यास्वि॑ष्टिषु ॥
- 10.147.03a ऐ॒षु चा॑कन्धि पुरु॒हूत॑ सू॒रिषु॑ वृ॒धासो॑ ये म॒घव॑न्नान॒शुर्म॑घम् ।
- 10.147.03c अ॒र्चन्ति॑ तो॒के त॑नये परि॒ष्टिषु॑ मे॒धसा॑ता वा॒जिन॑म॒हये॑ धने ॥

- 10.147.04a स इ॒न्नु रा॒यः सु॒भृत॑स्य चा॒कन॑न्मदं॒ यो अ॒स्य रं॒ह्यं चि॒केत॑ति ।
- 10.147.04c त्वावृ॑धो म॒घव॑न्दाश्व॒ध्वरो म॒क्षू स वा॑जं॒ भर॑ते॒ धना॑ नृ॒भिः ॥
- 10.147.05a त्वं श॒र्घाय॑ म॒हिना॑ गृ॒णान॑ उ॒रु कृ॑धि म॒घव॑ञ्छ॒ग्धि रा॒यः ।
- 10.147.05c त्वं नो॑ मि॒त्रो वरु॑णो न मा॒यी पि॒त्वो न द॑स्म द॒यसे॑ वि॒भक्ता॑ ॥
- 10.148.01a सु॒ष्वाणा॑स इ॒न्द्र स्तु॑मसि॒ त्वा स॑सवांसश्च॒ तुवि॑नृ॒म्ण वा॑जम् ।
- 10.148.01c आ नो॑ भर सु॒वितं॑ यस्य चा॒कन्त॑मना॒ तना॑ सनु॒याम॒ त्वोताः॑ ॥
- 10.148.02a ऋ॒ष्वस्त्व॑मिन्द्र शूर॒ जातो॑ दा॒सीर्वि॑शः॒ सूर्ये॑ण स॒ह्याः ।
- 10.148.02c गु॒हा हि॑तं गु॒ह्यं गू॒ळ्हम॑प्सु बिभृ॒मसि॑ प्र॒स्रव॑णे न सोमम् ॥
- 10.148.03a अ॒र्यो वा गि॑रो अ॒भ्यर्च॑ वि॒द्वानृ॑षीणां॒ विप्रः॑ सु॒मतिं॑ च॒कानः॑ ।
- 10.148.03c ते स्या॑म॒ ये र॒णय॑न्त॒ सोमै॑रे॒नोत॑ तु॒भ्यं रथो॑ळ्ह भ॒क्षैः ॥
- 10.148.04a इ॒मा ब्र॑ह्मेन्द्र॒ तुभ्यं॑ शंसि॒ दा नृ॑भ्यो॒ नृणां॑ शूर॒ शवः॑ ।
- 10.148.04c तेभि॑र्भव॒ सक्र॑तुर्येषु॒ चाक॑न्न॒त त्रा॑यस्व गृ॒णत॑ उ॒त स्ती॑न् ॥
- 10.148.05a श्रु॒धी ह॑वमिन्द्र शूर॒ पृथ्या॑ उ॒त स्त॑वसे॒ वेन्य॑स्या॒कैः ।
- 10.148.05c आ य॑स्ते॒ योनिं॑ घृ॒तव॑न्त॒मस्वा॑रू॒र्मिर्न॑ नि॒मैर्द्र॑वयन्त॒ वक्वाः॑ ॥
- 10.149.01a स॒विता॑ य॒त्रैः पृ॑थि॒वीम॑र॒म्णाद॑स्क॒म्भने॑ स॒विता॑ द्याम॒दंह॑त् ।
- 10.149.01c अ॒श्वमि॑वाधु॒क्षुनि॑मन्त॒रि॒क्षम॑तूर्ते॒ बद्धं॑ स॒विता॑ स॒मुद्र॑म् ॥

- 10.149.02a यत्रा॑ समु॒द्र॑ स्क॒भितो॑ व्यौ॒नद॑पां॒ नपा॑त्सवि॒ता तस्य॑ वे॒द ।
- 10.149.02c अतो॑ भूर॒त आ॑ उ॒त्थितं॑ र॒जोऽतो॑ द्यावा॒पृथि॑वी अ॒प्रथे॑ताम् ॥
- 10.149.03a प॒श्चेद॑म॒न्यद॑भव॒द्यज॑त्रम॒मर्त्य॑स्य भु॒वन॑स्य भू॒ना ।
- 10.149.03c सु॒प॒र्णो अ॒ङ्ग स॑वि॒तुर्ग॑रु॒त्मान्पूर्वो॑ जा॒तः स॑ उ॒ अस्या॑नु॒ धर्म॑ ॥
- 10.149.04a गाव॑ इ॒व ग्रा॑मं॒ यूयु॑धि॒रिवा॑श्वा॒न्वाश्रे॑व॒ वत्सं॑ सु॒मना॑ दु॒हाना॑ ।
- 10.149.04c पति॑रि॒व जा॑याम॒भि नो॑ न्ये॒तु ध॑र्ता॒ दिवः॑ स॒विता॑ वि॒श्ववा॑रः ॥
- 10.149.05a हि॒रण्य॑स्तूपः॒ सवि॑तर्यथा॒ त्वाङ्गि॑रसो॒ जुह्वे॑ वाजे॒ अस्मि॑न् ।
- 10.149.05c ए॒वा त्वा॑र्च॒न्नव॑से॒ वन्द॑मानः॒ सोम॑स्येवांशुं॒ प्रति॑ जा॒गरा॑हम् ॥
- 10.150.01a स॒मिद्ध॑श्चित्स॒मिध्य॑से॒ देवे॑भ्यो॒ हव्य॑वा॒हन ।
- 10.150.01c आ॒दि॒त्यै रु॒द्रैर्व॑सु॒भिर्न आ॑ ग॒हि मृ॒ळीका॑य॒ न आ॑ ग॒हि ॥
- 10.150.02a इ॒मं य॒ज्ञमि॑दं॒ वचो॑ जु॒जुषा॑ण॒ उपा॑ग॒हि ।
- 10.150.02c म॒र्तास॑स्त्वा॒ समि॑धान॒ हवाम॑हे॒ मृळी॑काय॒ हवाम॑हे ॥
- 10.150.03a त्वा॒मु जा॑तवे॒दसं॑ वि॒श्ववा॑रं॒ गृणे॑ धि॒या ।
- 10.150.03c अ॒ग्ने दे॒वाँ आ॑ व॒ह नः॑ प्रि॒यव्र॑तान्मृ॒ळीका॑य॒ प्रि॒यव्र॑तान् ॥
- 10.150.04a अ॒ग्निर्दे॒वो दे॒वाना॑म॒भवत्पु॑रोहि॒तोऽग्निं॑ म॒नुष्या॑श्च॒ ऋष॑यः॒ समी॑धिरे ।
- 10.150.04c अ॒ग्निं म॒हो ध॑नसा॒ताव॑हं॒ हुवे॑ मृ॒ळीकं॑ ध॒नसा॑तये ॥
- 10.150.05a अ॒ग्निर॑त्रिं॒ भर॑द्वा॒जं ग॑वि॒ष्ठिरं॑ प्रा॒वन्नः॑ क॒ण्वं त्र॑सद॒स्युमा॑हवे ।

10.150.05c अग्निं वसिष्ठो हवते पुरोहितो मृळीकाय पुरोहितः ॥

10.151.01a श्रद्धयाग्निः समिध्यते श्रद्धया हूयते हविः ।

10.151.01c श्रद्धां भगस्य मूर्धनि वचसा वेदयामसि ॥

10.151.02a प्रियं श्रद्धे ददतः प्रियं श्रद्धे दिदासतः ।

10.151.02c प्रियं भोजेषु यज्वस्विदं म उदितं कृधि ॥

10.151.03a यथा देवा असुरेषु श्रद्धामुग्रेषु चक्रिरे ।

10.151.03c एवं भोजेषु यज्वस्वस्माकमुदितं कृधि ॥

10.151.04a श्रद्धां देवा यजमाना वायुगोपा उपासते ।

10.151.04c श्रद्धां हृदय्यश्याकृत्या श्रद्धया विन्दते वसु ॥

10.151.05a श्रद्धां प्रातर्हवामहे श्रद्धां मध्यंदिनं परि ।

10.151.05c श्रद्धां सूर्यस्य निमृचि श्रद्धे श्रद्धापयेह नः ॥

10.152.01a शास इत्था महँ अस्यमित्रखादो अद्भुतः ।

10.152.01c न यस्य हन्यते सखा न जीयते कदा चन ॥

10.152.02a स्वस्तिदा विशस्पतिर्वृत्रहा विमृधो वशी ।

10.152.02c वृषेन्द्रः पुर एतु नः सोमपा अभयंकरः ॥

10.152.03a वि रत्तो वि मृधो जहि वि वृत्रस्य हनू रुज ।

- 10.152.03c वि॒ मन्यु॑मिन्द्र॒ वृत्र॑हन्नमि॒त्रस्या॑भिदा॒सतः॑ ॥
- 10.152.04a वि॒ न इन्द्र॑ मृ॒धो जहि॑ नी॒चा यच्छ॑ पृ॒तन्य॑तः ।
- 10.152.04c यो अ॒स्माँ अ॒भिदा॑सत्य॒धरं॑ गमया॒ तमः॑ ॥
- 10.152.05a अ॒पेन्द्र॑ द्विषतो॒ मनोऽप॑ जि॒ज्यास॑तो॒ वध॑म् ।
- 10.152.05c वि॒ मन्योः॑ शर्म॒ यच्छ॑ वरी॒यो यव॑या॒ वध॑म् ॥

- 10.153.01a ई॒ङ्ख्यन्ती॑रप॒स्युव॑ इन्द्रं॒ जात॑मुपा॒सते॑ ।
- 10.153.01c भेजा॑नासः॒ सुवी॑र्यम् ॥
- 10.153.02a त्वमिन्द्र॑ ब॒लादधि॑ स॒हसो॑ जा॒त ओज॑सः ।
- 10.153.02c त्वं वृष॑न्वृषे॒दसि॑ ॥
- 10.153.03a त्वमिन्द्रा॑सि वृ॒त्रहा॑ व्य॒श्न्तरि॑त्तमतिरः ।
- 10.153.03c उ॒द्दयाम॑स्त॒भ्ना ओज॑सा ॥
- 10.153.04a त्वमिन्द्र॑ स॒जोष॑सम॒र्कं बिभ॑र्षि॒ बाह्वोः॑ ।
- 10.153.04c वज्रं॑ शि॒शान॑ ओजसा ॥
- 10.153.05a त्वमिन्द्रा॑भिभूर॒सि विश्वा॑ जा॒तान्यो॑जसा ।
- 10.153.05c स विश्वा॑ भुव॒ आभवः॑ ॥

- 10.154.01a सोम॑ ए॒केभ्यः॑ पवते॒ घृत॑मेक॒ उपा॑सते ।

- 10.154.01c येभ्यो मधु प्रधावति ताँश्चिदेवापि गच्छतात् ॥
- 10.154.02a तपसा ये अनाधृष्यास्तपसा ये स्वर्ययुः ।
- 10.154.02c तपो ये चक्रिरे महस्ताँश्चिदेवापि गच्छतात् ॥
- 10.154.03a ये युध्यन्ते प्रधनेषु शूरासो ये तनूत्यजः ।
- 10.154.03c ये वा सहस्रदक्षिणास्ताँश्चिदेवापि गच्छतात् ॥
- 10.154.04a ये चित्पूर्वं ऋतसाप ऋतावान ऋतावृधः ।
- 10.154.04c पितृन्तपस्वतो यम ताँश्चिदेवापि गच्छतात् ॥
- 10.154.05a सहस्रणीथाः कवयो ये गोपायन्ति सूर्यम् ।
- 10.154.05c ऋषीन्तपस्वतो यम तपोजाँ अपि गच्छतात् ॥
- 10.155.01a अरायि कारो विकटे गिरिं गच्छ सदान्वे ।
- 10.155.01c शिरिम्बिठस्य सत्वभिस्तेभिष्ट्वा चातयामसि ॥
- 10.155.02a चत्तो इतश्चत्तामुतः सर्वा भ्रूणान्यारुषी ।
- 10.155.02c अराय्यं ब्रह्मणस्पते तीक्ष्णशृणुगोदृषन्निहि ॥
- 10.155.03a अदो यद्दारु प्लवते सिन्धोः पारे अपूरुषम् ।
- 10.155.03c तदा रभस्व दुर्हणो तेन गच्छ परस्तरम् ॥
- 10.155.04a यद्ध प्राचीरजगन्तोरो मण्डूरधाणिकीः ।
- 10.155.04c हता इन्द्रस्य शत्रवः सर्वे बुद्बुदयाशवः ॥

- 10.155.05a परी॒मे॒ गा॒म॒ने॒ष॒त॒ पर्य॑ग्नि॒म॒हृ॒ष॒त॒ ।
- 10.155.05c दे॒वेष्व॑क्र॒त॒ श्र॒वः॒ क॒ इ॒माँ॑ आ॒ द॒ध॒र्ष॑ति ॥
- 10.156.01a अ॒ग्निं॑ हि॒न्व॒न्तु॒ नो॒ धि॒यः॒ स॒प्ति॒मा॒शु॒मि॒वा॒जि॒षु॒ ।
- 10.156.01c ते॒न॑ जे॒ष्म॒ ध॒नं॑ध॒न॒म् ॥
- 10.156.02a य॒या॒ गा॒ आ॒क॒रा॒म॒हे॒ से॒न॒या॒ग्ने॒ त॒वो॒त्या॒ ।
- 10.156.02c तां॑ नो॒ हि॒न्व॒ म॒घ॒त्त॒ये ॥
- 10.156.03a आ॒ग्ने॑ स्था॒रं॒ र॒यिं॑ भ॒र॒ पृथुं॑ गो॒म॒न्त॒म॒श्वि॒न॒म् ।
- 10.156.03c अ॒ङ्घि॑ खं॒ वर्त॑या॒ प॒णि॒म् ॥
- 10.156.04a अ॒ग्ने॑ न॒क्ष॒त्र॒म॒ज॒र॒मा॒ सूर्य॑ रो॒ह॒यो॒ दि॒वि॒ ।
- 10.156.04c द॒ध॒ज्ज्यो॑ति॒ज॒नि॒भ्यः॑ ॥
- 10.156.05a अ॒ग्ने॑ के॒तु॒र्वि॒शा॒म॒सि॒ प्रे॒ष्ठः॒ श्रे॒ष्ठ॑ उ॒प॒स्थ॑सत् ।
- 10.156.05c बो॒धा॑ स्तो॒त्रे॒ व॒यो॒ द॒ध॒त् ॥
- 10.157.01a इ॒मा॒ नु॒ कं॒ भु॒व॒ना॒ सी॒ष॒धा॒मे॒न्द्र॑श्च॒ वि॒श्वे॑ च॒ दे॒वाः ॥
- 10.157.02a य॒ज्ञं॑ च॒ न॒स्त॒न्वं॑ च॒ प्र॒जां॑ चा॒दि॒त्यै॑रि॒न्द्रः॒ सह॑ ची॒कृ॒पा॒ति ॥
- 10.157.03a आ॒दि॒त्यै॑रि॒न्द्रः॒ स॒ग॒णो॒ म॒रु॒द्भि॒र॒स्मा॒कं॑ भू॒त्व॒वि॒ता॒ त॒नू॒ना॒म् ॥
- 10.157.04a ह॒त्वा॒य॒ दे॒वा॒ अ॒सु॒रा॒न्य॒दा॒य॒न्दे॒वा॒ दे॒व॒त्व॒म॒भि॒र॒क्ष॑माणाः ॥

10.157.05a प्र॒त्यञ्च॑म॒र्कम॑नय॒ञ्छ॒चीभि॑रादि॒त्स्व॒धामि॑षि॒रां पर्य॑पश्यन् ॥

10.158.01a सू॒र्यो नो॑ दि॒वस्पा॑तु वा॒तो अ॒न्तरि॑क्षात् ।

10.158.01c अ॒ग्नि॒र्नः पा॑थि॒विभ्यः॑ ॥

10.158.02a जोषा॑ स॒वित॑र्यस्य॒ ते हरः॑ श॒तं स॒वाँ अ॒र्हति॑ ।

10.158.02c पा॒हि नो॑ दि॒द्युतः॑ प॒तन्त्याः॑ ॥

10.158.03a च॒क्षु॒र्नो दे॒वः स॒विता॑ च॒क्षु॒र्न उ॒त प॑र्वतः ।

10.158.03c च॒क्षु॒र्धा॒ता द॑धातु नः ॥

10.158.04a च॒क्षु॒र्नो धे॒हि च॒क्षु॒षे च॒क्षुर्वि॒ख्यै त॒नूभ्यः॑ ।

10.158.04c सं चे॒दं वि च॑ पश्येम ॥

10.158.05a सु॒सं॒दृशं॑ त्वा व॒यं प्र॒ति प॑श्येम सू॒र्य ।

10.158.05c वि प॑श्येम नृ॒चक्ष॑सः ॥

10.159.01a उ॒दसौ॑ सू॒र्यो अ॒गादु॑द॒यं मा॒मको॑ भ॒गः ।

10.159.01c अ॒हं तद्वि॑द्व॒ला प॑ति॒मभ्य॑सा॒क्षि वि॑षास॒हिः ॥

10.159.02a अ॒हं के॒तुर॒हं मूर्धा॑हि॒मुग्रा॑ वि॒वाच॑नी ।

10.159.02c म॒मेद॑नु॒ क्रतुं॑ प॒तिः से॒हाना॑या॒ उपा॑चरेत् ॥

10.159.03a म॒म पु॒त्राः श॒त्रुह॑णोऽथो॒ मे दु॒हिता॑ वि॒राट् ।

- 10.159.03c उ॒ताह॑मस्मि॒ संज॑या॒ प॒त्यौ॑ मे॒ श्लो॑क॒ उत्त॑मः ॥
- 10.159.04a ये॒नेन्द्रो॑ ह॒विषा॑ कृ॒त्व्यभ॑वद्द्यु॒न्नुत्त॑मः ।
- 10.159.04c इ॒दं तद॑क्रि॒ देवा॑ अ॒सप॑त्ना॒ किला॑भुवम् ॥
- 10.159.05a अ॒सप॑त्ना॒ सप॑त्न॒घ्नी॒ जय॑न्त्य॒भिभू॑वरी ।
- 10.159.05c आ॒वृ॒क्षम॑न्यासां॒ वर्चो॑ रा॒धो अ॒स्थेय॑सामिव ॥
- 10.159.06a स॒मजै॑षमिमा॒ अहं॑ स॒पत्नी॑र॒भिभू॑वरी ।
- 10.159.06c यथा॑ह॒मस्य॑ वी॒रस्य॑ वि॒राजा॑नि॒ जन॑स्य च ॥
- 10.160.01a ती॒व्रस्या॑भि॒वय॑सो॒ अस्य॑ पा॒हि स॑र्व॒रथा॑ वि॒ हरी॑ इ॒ह मु॑ञ्च ।
- 10.160.01c इन्द्र॑ मा॒ त्वा य॑ज॒माना॑सो॒ अन्ये॑ नि॒ रीर॑मन्तु॒भ्यमि॑मे॒ सुता॑सः ॥
- 10.160.02a तु॒भ्यं सु॒तास्तु॑भ्यमु॒ सोत्वा॑स॒स्त्वां गि॑रः श्वा॒त्र्या आ॑ ह्यन्ति ।
- 10.160.02c इन्द्रे॑द॒मद्य॑ स॒वनं॑ जुषा॒णो वि॑श्वस्य॒ विद्वाँ॑ इ॒ह पा॑हि॒ सोम॑म् ॥
- 10.160.03a य उ॑शा॒ता म॑नसा॒ सोम॑मस्मै॒ सर्व॑हृदा॒ देव॑कामः सु॒नोति॑ ।
- 10.160.03c न गा॑ इन्द्र॒स्तस्य॑ प॒रा द॑दाति॒ प्रश॑स्तमि॒च्चारु॑मस्मै॒ कृ॑णोति ॥
- 10.160.04a अ॒नु॒स्प॑ष्टो भ॒वत्ये॑षो॒ अस्य॑ यो॒ अस्मै॑ रे॒वान्न॑ सु॒नोति॑ सोमम् ।
- 10.160.04c नि॒रर॑त्नौ म॒घवा॑ तं द॒धाति॑ ब्रह्म॒द्विषो॑ ह॒न्त्यना॑नुदिष्टः ॥
- 10.160.05a अ॒श्वाय॑न्तो॒ गव्य॑न्तो॒ वाज॑यन्तो॒ हवाम॑हे॒ त्वोप॑गन्त॒वा उ॑ ।
- 10.160.05c आ॒भूष॑न्तस्ते॒ सुम॑तौ॒ नवा॑यां॒ वय॑मिन्द्र॒ त्वा शु॑नं हु॒वेम॑ ॥

10.161.01a मुञ्चामि॑ त्वा॒ ह॒वि॒षा॑ जी॒वना॑य॒ क॒म॒ज्ञा॑त॒य॒क्ष्मा॑दु॒त॒ रा॒ज॒य॒क्ष्मा॑त् ।

10.161.01c ग्रा॒हि॒र्ज॒ग्राह॑ यदि॒ वै॒त॒दे॒नं॑ तस्या॒ इन्द्रा॑ग्नी॒ प्र॒मु॒मु॒क्त॒मे॒नम् ॥

10.161.02a यदि॑ क्षि॒ता॒यु॒र्यदि॑ वा॒ परे॑तो॒ यदि॑ मृ॒त्यो॒र॒न्ति॒कं॑ नी॒त ए॒व ।

10.161.02c त॒मा॒ ह॒रामि॑ नि॒ऋ॒ते॒रु॒प॒स्था॑द॒स्पा॒र्ष॒मे॒नं॑ श॒त॒शा॒र॒दा॒य ॥

10.161.03a स॒ह॒स्रा॒क्षेण॑ श॒त॒शा॒र॒दे॒न॒ श॒ता॒यु॒षा॑ ह॒वि॒षा॒हा॒र्ष॒मे॒नम् ।

10.161.03c श॒तं॒ यथे॑मं॒ श॒र॒दो॒ न॒या॒ती॒न्द्रो॒ वि॒श्व॒स्य॑ दु॒रि॒त॒स्य॑ पा॒रम् ॥

10.161.04a श॒तं जी॒व॒ श॒र॒दो॒ वर्ध॑मानः॒ श॒तं हे॑म॒न्ता॒ञ्छ॒त॒मु॒ व॒स॒न्तान् ।

10.161.04c श॒त॒मिन्द्रा॑ग्नी॒ स॒वि॒ता॒ बृ॒ह॒स्प॒तिः॑ श॒ता॒यु॒षा॑ ह॒वि॒षे॑मं॒ पु॒न॒र्दुः ॥

10.161.05a आ॒हा॒र्ष॑ त्वा॒वि॒दं॒ त्वा॒ पु॒न॒रा॒गाः॑ पु॒न॒र्न॒व ।

10.161.05c सर्वा॑ङ्ग॒ सर्व॑ ते॒ च॒क्षुः॑ सर्वा॒मा॒यु॑श्च॒ तेऽवि॑दम् ॥

10.162.01a ब्र॒ह्म॒णा॒ग्निः॑ सं॒वि॒दा॒नो॑ र॒क्षो॒हा॒ बा॒ध॒ता॒मि॒तः॑ ।

10.162.01c अ॒मी॒वा॒ यस्ते॑ गर्भं॒ दु॒र्णा॑मा॒ यो॒नि॒मा॒श॒ये ॥

10.162.02a यस्ते॑ गर्भ॒ममी॑वा॒ दु॒र्णा॑मा॒ यो॒नि॒मा॒श॒ये ।

10.162.02c अ॒ग्नि॑ष्टं॒ ब्र॒ह्म॒णा॒ सह॑ नि॒ष्क्र॒व्या॑द॒मनी॑न॒शत् ॥

10.162.03a यस्ते॑ ह॒न्ति॑ प॒त॒य॒न्तं॑ नि॒ष॒त्स्रुं॑ यः॒ स॒री॒सृ॒पम् ।

10.162.03c जा॒तं॒ यस्ते॑ जि॒घांस॑ति॒ तमि॑तो॒ ना॒श॒या॒मसि॑ ॥

- 10.162.04a यस्त ऊरू विहरत्यन्तरा दम्पती शये ।
- 10.162.04c योनिं यो अन्तरारेळ्ह तमितो नाशयामसि ॥
- 10.162.05a यस्त्वा भ्राता पतिर्भूत्वा जारो भूत्वा निपद्यते ।
- 10.162.05c प्रजां यस्ते जिघांसति तमितो नाशयामसि ॥
- 10.162.06a यस्त्वा स्वप्नेन तमसा मोहयित्वा निपद्यते ।
- 10.162.06c प्रजां यस्ते जिघांसति तमितो नाशयामसि ॥
- 10.163.01a अक्षीभ्यां ते नासिकाभ्यां कर्णाभ्यां छुबुकादधि ।
- 10.163.01c यक्ष्मं शीर्षण्यं मस्तिष्काज्जिह्वाया वि वृहामि ते ॥
- 10.163.02a ग्रीवाभ्यस्त उष्णिहाभ्यः कीकसाभ्यो अनूक्यात् ।
- 10.163.02c यक्ष्मं दोषण्यश्मंसाभ्यां बाहुभ्यां वि वृहामि ते ॥
- 10.163.03a आन्त्रेभ्यस्ते गुदाभ्यो वनिष्ठोर्हृदयादधि ।
- 10.163.03c यक्ष्मं मतस्त्राभ्यां यक्रः प्लाशिभ्यो वि वृहामि ते ॥
- 10.163.04a ऊरुभ्यां ते अष्ठीवद्भ्यां पाष्णिभ्यां प्रपदाभ्याम् ।
- 10.163.04c यक्ष्मं श्रोणिभ्यां भासदाद्भ्रंससो वि वृहामि ते ॥
- 10.163.05a मेहनाद्वनंकरणाह्लोमभ्यस्ते नखेभ्यः ।
- 10.163.05c यक्ष्मं सर्वस्मादात्मनस्तमिदं वि वृहामि ते ॥
- 10.163.06a अङ्गादङ्गाह्लोम्लोम्लो जातं पर्वणिपर्वणि ।

- 10.163.06c यद्मं सर्वस्मादात्मनस्तमिदं वि वृहामि ते ॥
- 10.164.01a अपेहि मनसस्पतेऽप क्राम परश्चर ।
- 10.164.01c परो निऋत्या आ चद्व बहुधा जीवतो मनः ॥
- 10.164.02a भद्रं वै वरं वृणते भद्रं युञ्जन्ति दक्षिणम् ।
- 10.164.02c भद्रं वैवस्वते चक्षुर्बहुत्रा जीवतो मनः ॥
- 10.164.03a यदाशसा निःशसाभिशासोपारिम जाग्रतो यत्स्वपन्तः ।
- 10.164.03c अग्निर्विश्वान्यप दुष्कृतान्यजुष्टान्यारे अस्मद्घातु ॥
- 10.164.04a यदिन्द्र ब्रह्मणस्पतेऽभिद्रोहं चरामसि ।
- 10.164.04c प्रचेता न आङ्गिरसो द्विषतां पात्वंहसः ॥
- 10.164.05a अजैष्माद्यासनाम चाभूमानागसो वयम् ।
- 10.164.05c जाग्रत्स्वप्नः संकल्पः पापो यं द्विष्मस्तं स ऋच्छतु यो नो द्वेष्टि तमृच्छतु ॥
- 10.165.01a देवाः कपोत इषितो यदिच्छन्दूतो निऋत्या इदमाजगाम ।
- 10.165.01c तस्मा अर्चाम कृणवाम निष्कृतिं शं नो अस्तु द्विपदे शं चतुष्पदे ॥
- 10.165.02a शिवः कपोत इषितो नो अस्त्वनागा देवाः शकुनो गृहेषु ।
- 10.165.02c अग्निर्हि विप्रो जुषतां हविर्नः परि हेतिः पक्षिणी नो वृणक्तु ॥
- 10.165.03a हेतिः पक्षिणी न दभात्यस्मानापृथां पदं कृणुते अग्निधाने ।

- 10.165.03c शं नो गोभ्यश्च पुरुषेभ्यश्चास्तु मा नो हिंसीदिह देवाः कपोतः ॥
- 10.165.04a यदुलूको वदति मोघमेतद्यत्कपोतः पदमग्नौ कृणोति ।
- 10.165.04c यस्य दूतः प्रहित एष एतत्तस्मै यमाय नमो अस्तु मृत्यवे ॥
- 10.165.05a ऋचा कपोतं नुदत प्रणोदमिषं मदन्तः परि गां नयध्वम् ।
- 10.165.05c संयोपयन्तो दुरितानि विश्वा हित्वा न ऊर्जं प्र पतात्पतिष्ठः ॥
- 10.166.01a ऋषभं मा समानानां सपत्नानां विषासहिम् ।
- 10.166.01c हन्तारं शत्रूणां कृधि विराजं गोपतिं गवाम् ॥
- 10.166.02a अहमस्मि सपत्नहेन्द्र इवारिष्ठो अक्षतः ।
- 10.166.02c अधः सपत्ना मे पदोरिमे सर्वे अभिष्ठिताः ॥
- 10.166.03a अत्रैव वोऽपि नह्याम्युभे आर्त्नी इव ज्यया ।
- 10.166.03c वाचस्पते नि षेधेमान्यथा मदधरं वदान् ॥
- 10.166.04a अभिभूरहमागमं विश्वकर्मेण धाम्ना ।
- 10.166.04c आ वश्चित्तमा वो व्रतमा वोऽहं समितिं ददे ॥
- 10.166.05a योगक्षेमं व आदायाहं भूयासमुत्तम आ वो मूर्धानमक्रमीम् ।
- 10.166.05d अधस्पदान्म उद्वदत मण्डूका इवोदकान्मण्डूका उदकादिव ॥
- 10.167.01a तुभ्येदमिन्द्र परि पिच्यते मधु त्वं सुतस्य कलशस्य राजसि ।

- 10.167.01c त्वं रयिं पुरुवीरामु नस्कृधि त्वं तपः परितप्याजयः स्वः ॥
- 10.167.02a स्वर्जितं महि मन्दानमन्धसो हवामहे परि शक्रं सुताँ उप ।
- 10.167.02c इमं नो यज्ञमिह बोध्या गहि स्पृधो जयन्तं मघवानमीमहे ॥
- 10.167.03a सोमस्य राज्ञो वरुणस्य धर्मणि बृहस्पतेरनुमत्या उ शर्मणि ।
- 10.167.03c तवाहमद्य मघवन्नपस्तुतौ धातर्विधातः कलशाँ अभक्षयम् ॥
- 10.167.04a प्रसूतो भक्षमकरं चरावपि स्तोमं चेमं प्रथमः सूरिरुन्मृजे ।
- 10.167.04c सुते सातेन यद्यागमं वां प्रति विश्वामित्रजमदग्नी दमे ॥

- 10.168.01a वातस्य नु महिमानं रथस्य रुजन्नेति स्तनयन्नस्य घोषः ।
- 10.168.01c दिविस्पृग्यात्यरुणानि कृण्वन्नृतो एति पृथिव्या रेणुमस्यन् ॥
- 10.168.02a सं प्रेरते अनु वातस्य विष्ठा ऐनं गच्छन्ति समनं न योषाः ।
- 10.168.02c ताभिः सयुक्सरथं देव ईयतेऽस्य विश्वस्य भुवनस्य राजा ॥
- 10.168.03a अन्तरिक्षे पथिभिरीयमानो न नि विशते कतमच्चनाहः ।
- 10.168.03c अपां सखा प्रथमजा ऋतावा क्व स्विज्जातः कुत आ बभूव ॥
- 10.168.04a आत्मा देवानां भुवनस्य गर्भो यथावशं चरति देव एषः ।
- 10.168.04c घोषा इदस्य शृण्विरे न रूपं तस्मै वाताय हविषा विधेम ॥

- 10.169.01a मयोभूर्वातो अभि वातूस्त्रा ऊर्जस्वतीरोषधीरा रिशन्ताम् ।

10.169.01c पीवस्वतीर्जीवधन्याः पिबन्त्ववसाय पद्वते रुद्र मृळ ॥

10.169.02a याः सरूपा विरूपा एकरूपा यासामग्निरिष्ट्या नामानि वेद ।

10.169.02c या अङ्गिरसस्तपसेह चक्रुस्ताभ्यः पर्जन्य महि शर्म यच्छ ॥

10.169.03a या देवेषु तन्वश्मैरयन्त यासां सोमो विश्वा रूपाणि वेद ।

10.169.03c ता अस्मभ्यं पयसा पिन्वमानाः प्रजावतीरिन्द्र गोष्ठे रिरीहि ॥

10.169.04a प्रजापतिर्मह्यमेता रराणो विश्वैदेवैः पितृभिः संविदानः ।

10.169.04c शिवाः सतीरुप नो गोष्ठमाकस्तासां वयं प्रजया सं सदेम ॥

10.170.01a विभ्राड्बृहत्पिबतु सोम्यं मध्वायुर्दधद्यज्ञपतावविहुतम् ।

10.170.01c वातजूतो यो अभिरक्षति त्मना प्रजाः पुपोष पुरुधा वि राजति ॥

10.170.02a विभ्राड्बृहत्सुभृतं वाजसातमं धर्मन्दिवो धरुणे सत्यमर्पितम् ।

10.170.02c अमित्रहा वृत्रहा दस्युहन्तमं ज्योतिर्जज्ञे असुरहा सपत्नहा ॥

10.170.03a इदं श्रेष्ठं ज्योतिषां ज्योतिरुत्तमं विश्वजिद्धनजिदुच्यते बृहत् ।

10.170.03c विश्वभ्राड्भ्राजो महि सूर्यो दृश उरु पप्रथे सह ओजो अच्युतम् ॥

10.170.04a विभ्राजञ्ज्योतिषा स्वश्रगच्छो रोचनं दिवः ।

10.170.04c येनेमा विश्वा भुवनान्याभृता विश्वकर्मणा विश्वदेव्यावता ॥

10.171.01a त्वं त्यमिततो रथमिन्द्र प्रावः सुतावतः ।

- 10.171.01c अ॒शृ॒णोः॑ सो॒मिनो॑ ह॒वम् ॥
- 10.171.02a त्वं॑ म॒खस्य॑ दो॒धतः॑ शि॒रोऽव॑ त्व॒चो भ॑रः ।
- 10.171.02c अ॒गच्छः॑ सो॒मिनो॑ गृ॒हम् ॥
- 10.171.03a त्वं॑ त्य॒मिन्द्र॑ म॒र्त्यमा॑स्त्र॒बुध्नाय॑ वे॒न्यम् ।
- 10.171.03c मु॒हुः श्र॑थ॒ना म॑न॒स्यवे॑ ॥
- 10.171.04a त्वं॑ त्य॒मिन्द्र॑ सू॒र्यं प॑श्चा॒ सन्तं॑ पु॒रस्कृ॑धि ।
- 10.171.04c दे॒वानां॑ चि॒त्तिरो॑ व॒शम् ॥
- 10.172.01a आ या॑हि व॒नसा॑ स॒ह गा॑वः स॒चन्त॑ वर्त॒निं यदू॑धभिः ॥
- 10.172.02a आ या॑हि व॒स्व्या धि॒या मं॑हि॒ष्ठो जा॑र॒यन्म॑खः सु॒दानु॑भिः ॥
- 10.172.03a पि॒तुभृ॑तो न तन्तु॒मित्सु॑दान॒वः प्र॑ति द॒ध्मो य॑जाम॒सि ॥
- 10.172.04a उ॒षा अ॒प स्व॑सु॒स्तमः॑ सं वर्त॒यति॑ वर्त॒निं सु॑जा॒तता॑ ॥
- 10.173.01a आ त्वा॑हा॒र्षम॑न्त॒रोधि॑ ध्रु॒वस्ति॑ष्ठावि॒चाच॑लिः ।
- 10.173.01c वि॒शस्त्वा॑ सर्वा॒ वाञ्छ॑न्तु॒ मा त्व॑द्रा॒ष्ट्रमधि॑ भ्र॒शत् ॥
- 10.173.02a इ॒हैवै॑धि मा॒प च्यो॑ष्ठाः प॒र्वत॑ इ॒वावि॑चाचलिः ।
- 10.173.02c इन्द्र॑ इ॒वेह॑ ध्रु॒वस्ति॑ष्ठेह॒ राष्ट्र॑मु॒ धार॑य ॥
- 10.173.03a इ॒ममिन्द्रो॑ अ॒दीध॑रद्भु॒वं ध्रु॒वेण॑ ह॒विषा॑ ।

- 10.173.03c तस्मै॑ सोमो॑ अधि॑ ब्रवत्तस्मा॑ उ ब्रह्म॑णस्पतिः॑ ॥
- 10.173.04a ध्रुवा॑ द्यौर्ध्रुवा॑ पृथि॒वी ध्रुवा॑सः पर्व॒ता इमे॑ ।
- 10.173.04c ध्रु॒वं विश्व॑मिदं॒ जगद्भ्रु॑वो राजा॑ विशा॒मय॑म् ॥
- 10.173.05a ध्रु॒वं ते राजा॑ वरु॒णो ध्रु॒वं दे॒वो बृह॑स्पतिः ।
- 10.173.05c ध्रु॒वं त इन्द्र॑श्चाग्निश्च॑ रा॒ष्ट्रं धार॑यतां ध्रु॒वम् ॥
- 10.173.06a ध्रु॒वं ध्रु॒वेण॑ ह॒विषा॑भि सोमं॑ मृशा॒मसि॑ ।
- 10.173.06c अथो॑ त इन्द्रः॑ के॒वली॑र्विशो॑ ब॒लिह॑तस्करत् ॥
- 10.174.01a अ॒भीव॑र्तेन॑ ह॒विषा॑ येनेन्द्रो॑ अ॒भिवा॑वृते ।
- 10.174.01c तेना॑स्मान्ब्रह्म॑णस्पतेऽभि॑ रा॒ष्ट्राय॑ वर्तय ॥
- 10.174.02a अ॒भिवृ॑त्य स॒पत्नान॑भि या नो॑ अ॒रात॑यः ।
- 10.174.02c अ॒भि पृ॑तन्यन्तं॑ तिष्ठा॒भि यो न॑ इ॒रस्य॑ति ॥
- 10.174.03a अ॒भि त्वा॑ दे॒वः स॒विता॑भि सोमो॑ अ॒वीवृ॑तत् ।
- 10.174.03c अ॒भि त्वा॑ विश्वा॑ भू॒तान्य॑भीव॒र्तो यथा॑ससि ॥
- 10.174.04a येनेन्द्रो॑ ह॒विषा॑ कृ॒त्व्यभ॑वद्भ्यु॒म्युत्त॑मः ।
- 10.174.04c इदं॑ तद॒क्रि दे॒वा अस॑पत्नः॒ किला॑भुवम् ॥
- 10.174.05a अस॑पत्नः॒ सप॑त्नहा॒भिरा॑ष्ट्रो॒ विषा॑सहिः ।
- 10.174.05c यथा॑ह॒मेषां॑ भू॒तानां॑ वि॒राजा॑नि॒ जन॑स्य च ॥

10.175.01a प्र वो॑ ग्रा॒वाणः॑ स॒विता॑ दे॒वः सु॒वतु॑ ध॒र्मणा॑ ।

10.175.01c धूर्षु॑ यु॒ज्यध्वं॑ सु॒नुत॑ ॥

10.175.02a ग्रा॒वाणो॑ अ॒प दु॒च्छुना॑म॒प से॒धत॑ दु॒र्मति॑म् ।

10.175.02c उ॒स्राः क॑र्त॒न भे॒षज॑म् ॥

10.175.03a ग्रा॒वाण॑ उ॒परे॑ष्वा म॒हीय॑न्ते स॒जोष॑सः ।

10.175.03c वृ॒ष्णे द॑ध॒तो वृ॒ष्णय॑म् ॥

10.175.04a ग्रा॒वाणः॑ स॒विता॑ नु वो॑ दे॒वः सु॒वतु॑ ध॒र्मणा॑ ।

10.175.04c य॒जमा॑नाय सु॒न्वते॑ ॥

10.176.01a प्र॒ सून॑व ऋ॒भूणां॑ बृ॒हन्न॑वन्त वृ॒जना॑ ।

10.176.01c क्षा॒मा ये॒ विश्व॑धाय॒सोऽश्न॑न्धे॒नुं न मा॒तर॑म् ॥

10.176.02a प्र॒ देवं॑ दे॒व्या धि॒या भ॑रता जा॒तवे॑द॒सम् ।

10.176.02c ह॒व्या नो॑ व॒क्षदा॑नुषक् ॥

10.176.03a अ॒यमु॑ ष्य प्र॒ देव॑यु॒र्होता॑ य॒ज्ञाय॑ नी॒यते॑ ।

10.176.03c रथो॑ न यो॒रभी॑वृ॒तो घृ॒णीवा॑ञ्चे॒तति॑ त्म॒ना ॥

10.176.04a अ॒यम॑ग्नि॒रुरु॑ष्य॒त्यमृ॑ता॒दिव॑ जन्म॒नः ।

10.176.04c स॒हस॑श्चि॒त्सही॑यान्दे॒वो जी॑वा॒तवे॑ कृ॒तः ॥

- 10.177.01a पतंगमक्तमसुरस्य मायया हृदा पश्यन्ति मनसा विपश्चितः ।
- 10.177.01c समुद्रे अन्तः कवयो वि चक्षते मरीचीनां पदमिच्छन्ति वेधसः ॥
- 10.177.02a पतंगो वाचं मनसा बिभर्ति तां गन्धर्वोऽवदद्भे अन्तः ।
- 10.177.02c तां द्योतमानां स्वर्य मनीषामृतस्य पदे कवयो नि पान्ति ॥
- 10.177.03a अपश्यं गोपामनिपद्यमानमा च परा च पथिभिश्चरन्तम् ।
- 10.177.03c स सघ्रीचीः स विषूचीर्वसान आ वरीवर्ति भुवनेष्वन्तः ॥
- 10.178.01a त्यमू षु वाजिनं देवजूतं सहावानं तरुतारं रथानाम् ।
- 10.178.01c अरिष्टनेमिं पृतनाजमाशुं स्वस्तये तार्क्ष्यमिहा हुवेम ॥
- 10.178.02a इन्द्रस्येव रातिमाजोहुवानाः स्वस्तये नावमिवा रुहेम ।
- 10.178.02c उर्वी न पृथ्वी बहुले गभीरे मा वामेतौ मा परेतौ रिषाम ॥
- 10.178.03a सद्यश्चिद्यः शवसा पञ्च कृष्टीः सूर्य इव ज्योतिषापस्ततान ।
- 10.178.03c सहस्रसाः शतसा अस्य रंहिर्न स्मा वरन्ते युवतिं न शर्याम् ॥
- 10.179.01a उत्तिष्ठताव पश्यतेन्द्रस्य भागमृत्वियम् ।
- 10.179.01c यदि श्रातो जुहोतन यद्यश्रातो ममत्तन ॥
- 10.179.02a श्रातं हविरो ष्विन्द्र प्र याहि जगाम सूरु अध्वनो विमध्यम् ।

10.179.02c परि॑ त्वास॑ते नि॒धिभिः॑ सखा॑यः कु॒लपा॑ न ब्रा॒जपतिं॑ चरन्तम् ॥

10.179.03a श्रा॒तं म॒न्य ऊ॒धनि॑ श्रा॒तम॒ग्नौ सु॒श्रा॒तं म॒न्ये त॒दृ॒तं न॒वीयः॑ ।

10.179.03c मा॒ध्यंदि॑नस्य स॒वनस्य॑ द॒ध्नः पि॒बेन्द्र॑ वज्रि॒न्पुरु॑कृ॒ज्जुषा॑णः ॥

10.180.01a प्र॑ ससा॒हिषे॑ पु॒रुहू॑त श॒त्रूञ्ज्ये॑ष्ठस्ते शु॒ष्म इ॒ह रा॒तिर॑स्तु ।

10.180.01c इन्द्रा॑ भर॒ दक्षि॑णेना॒ वसू॑नि पतिः॒ सिन्धू॑नामसि॒ रेवती॑नाम् ॥

10.180.02a मृ॒गो न भी॑मः कु॒चरो॑ गि॒रिष्ठाः॑ प॒राव॑त आ॒ जग॑न्था॒ पर॑स्याः ।

10.180.02c सृ॒कं संशाय॑ प॒विमि॑न्द्र ति॒ग्मं वि॒ शत्रू॑न्ताळि॒ह वि॒ मृधो॑ नुदस्व ॥

10.180.03a इन्द्र॑ क्षत्र॒मभि॑ वाम॒मोजो॑ऽजायथा॒ वृष॑भ चर्ष॒णीना॑म् ।

10.180.03c अपा॑नुदो॒ जन॑ममि॒त्रय॑न्त॒मुरुं॑ दे॒वेभ्यो॑ अ॒कृणो॑रु॒ लोक॑म् ॥

10.181.01a प्रथ॑श्च॒ यस्य॑ स॒प्रथ॑श्च॒ नामा॑नुष्टु॒भस्य॑ ह॒विषो॑ ह॒विर्य॑त् ।

10.181.01c धा॒तुर्द्यु॑तानात्स॒वितु॑श्च॒ विष्णो॑ रथं॒तर॑मा॒ जभारा॑ वसिष्ठः ॥

10.181.02a अ॒विन्द॑न्ते अ॒तिहि॑तं॒ यदा॑सीद्य॒ज्ञस्य॑ धाम॒ पर॑मं गुहा॒ यत् ।

10.181.02c धा॒तुर्द्यु॑तानात्स॒वितु॑श्च॒ विष्णो॑र्भर॒द्वाजो॑ बृहदा॒ चक्रे॑ अ॒ग्नेः ॥

10.181.03a तेऽवि॑न्दन्म॒नसा॑ दी॒ध्याना॑ य॒जु ष्कन्नं॑ प्रथ॒मं दे॒वया॑नम् ।

10.181.03c धा॒तुर्द्यु॑तानात्स॒वितु॑श्च॒ विष्णो॑रा॒ सूर्या॑द॒भर॑न्धर्म॒मेते॑ ॥

- 10.182.01a बृहस्पतिर्नयतु दुर्गहा तिरः पुनर्नेषदघशंसाय मन्म ।
- 10.182.01c क्षिपदशस्तिमप दुर्मतिं हन्नथा करद्यजमानाय शं योः ॥
- 10.182.02a नराशंसो नोऽवतु प्रयाजे शं नो अस्त्वनुयाजो हवेषु ।
- 10.182.02c क्षिपदशस्तिमप दुर्मतिं हन्नथा करद्यजमानाय शं योः ॥
- 10.182.03a तपुर्मूर्धा तपतु रक्षसो ये ब्रह्मद्विषः शरवे हन्तवा उ ।
- 10.182.03c क्षिपदशस्तिमप दुर्मतिं हन्नथा करद्यजमानाय शं योः ॥

- 10.183.01a अपश्यं त्वा मनसा चेकितानं तपसो जातं तपसो विभूतम् ।
- 10.183.01c इह प्रजामिह रयिं रराणः प्र जायस्व प्रजया पुत्रकाम ॥
- 10.183.02a अपश्यं त्वा मनसा दीध्यानां स्वायां तनू ऋत्व्ये नाधमानाम् ।
- 10.183.02c उप मामुच्चा युवतिर्बभूयाः प्र जायस्व प्रजया पुत्रकामे ॥
- 10.183.03a अहं गर्भमदधामोषधीष्वहं विश्वेषु भुवनेष्वन्तः ।
- 10.183.03c अहं प्रजा अजनयं पृथिव्यामहं जनिभ्यो अपरीषु पुत्रान् ॥

- 10.184.01a विष्णुर्योनिं कल्पयतु त्वष्टा रूपाणि पिंशतु ।
- 10.184.01c आ सिञ्चतु प्रजापतिर्धाता गर्भं दधातु ते ॥
- 10.184.02a गर्भं धेहि सिनीवालि गर्भं धेहि सरस्वति ।
- 10.184.02c गर्भं ते अश्विनौ देवावा धत्तां पुष्करस्रजा ॥

10.184.03a हिरण्ययी॑ अरणी॑ यं निर्मन्थ॑तो अश्विना॑ ।

10.184.03c तं ते गर्भं॑ हवामहे॑ दशमे॑ मासि॑ सूतवे॑ ॥

10.185.01a महि॑ त्रीणामवो॑ऽस्तु द्युत्तं॑ मित्रस्यार्य॑म्णः ।

10.185.01c दुराध॑र्ष वरुण॑स्य ॥

10.185.02a नहि॑ तेषाममा॑ चन॑ नाध्वसु॑ वारणेषु॑ ।

10.185.02c ईशे॑ रिपुरघ॑शंसः ॥

10.185.03a यस्मै॑ पुत्रासो॑ अदितेः॑ प्र जीवसे॑ मर्त्याय॑ ।

10.185.03c ज्योतिर्य॑च्छन्त्यज॑स्रम् ॥

10.186.01a वात॑ आ वातु॑ भेषजं॑ शम्भु॑ मयोभु॑ नो हृदे॑ ।

10.186.01c प्र ण॑ आयूंषि॑ तारिषत् ॥

10.186.02a उत॑ वात॑ पितासि॑ न उत॑ भ्रातोत॑ नः सखा॑ ।

10.186.02c स नो॑ जीवातवे॑ कृधि ॥

10.186.03a यददो॑ वात॑ ते गृहे॑ऽमृतस्य॑ निधिर्हितः॑ ।

10.186.03c ततो॑ नो देहि॑ जीवसे॑ ॥

10.187.01a प्राग्नये॑ वाचमीरय॑ वृषभाय॑ क्षितीनाम् ।

- 10.187.01c स नः प॑र्षदति॑ द्विषः॑ ॥
- 10.187.02a यः॑ पर॑स्याः॑ परा॑वत॑स्तिरो॑ धन्वा॑तिरो॑चते॑ ।
- 10.187.02c स नः॑ प॑र्षदति॑ द्विषः॑ ॥
- 10.187.03a यो॑ रक्षा॑सि नि॒जूर्वति॑ वृषा॑ शु॒क्रेण॑ शोचि॑षा ।
- 10.187.03c स नः॑ प॑र्षदति॑ द्विषः॑ ॥
- 10.187.04a यो॑ विश्वा॑भि वि॒पश्यति॑ भुव॑ना सं च प॑श्यति॑ ।
- 10.187.04c स नः॑ प॑र्षदति॑ द्विषः॑ ॥
- 10.187.05a यो॑ अस्य॑ पारे॑ रज॑सः शु॒क्रो अ॒ग्निरजा॑यत ।
- 10.187.05c स नः॑ प॑र्षदति॑ द्विषः॑ ॥

- 10.188.01a प्र॑ नूनं॑ जा॒तवे॑दसम॒श्वं हि॑नोत॒ वाजि॑नम् ।
- 10.188.01c इ॒दं नो॑ ब॒र्हिरा॑सदे॑ ॥
- 10.188.02a अ॒स्य प्र॑ जा॒तवे॑दसो॒ विप्र॑वीरस्य॒ मीळ्हु॑षः ।
- 10.188.02c म॒हीमि॑यर्मि॒ सुष्टु॑तिम् ॥
- 10.188.03a या॑ रुचो॑ जा॒तवे॑दसो॒ देव॑त्रा॒ हव्य॑वाहनीः ।
- 10.188.03c ताभि॑र्नो॒ यज्ञ॑मिन्वतु ॥

- 10.189.01a आ॒यं गौः॑ पृ॒श्निर॑क्री॒मीद॑सद॒न्मा॑तरं॒ पुरः॑ ।

10.189.01c पि॒तरं॑ च॒ प्र॒यन्स्वः॑ ॥

10.189.02a अ॒न्तश्च॑रति॒ रोच॑नास्य॒ प्राणा॑द॒पान॑ती ।

10.189.02c व्य॒रव्य॑न्महि॒षो दि॑वम् ॥

10.189.03a त्रिं॑शद्दाम॒ वि रा॑जति॒ वाक्प॑तंगाय॒ धीय॑ते ।

10.189.03c प्र॒ति व॒स्तो॒रह॑ द्युभिः ॥

10.190.01a ऋ॒तं च॑ स॒त्यं चा॒भीद्वा॑त्तपसोऽ॒ध्यजा॑यत ।

10.190.01c ततो॑ रा॒त्र्यजा॑यत॒ ततः॑ स॒मुद्रो॑ अ॒र्णवः॑ ॥

10.190.02a स॒मुद्रा॑दर्ण॒वादि॑ सं॒वत्स॑रो अजायत ।

10.190.02c अ॒हो॒रा॒त्राणि॑ वि॒दध॑द्वि॒श्वस्य॑ मि॒षतो॑ वशी ॥

10.190.03a सू॒र्या॒चन्द्र॑मसौ॒ धा॒ता य॑थापूर्वमकल्पयत् ।

10.190.03c दि॒वं च॑ पृथि॒वीं चा॒न्तरि॑त्तमथो॒ स्वः ॥

10.191.01a सं॒समि॑द्युवसे॒ वृष॑न्नग्ने॒ विश्वा॑न्यर्य॒ आ ।

10.191.01c इ॒ळ्स्प॑दे॒ समि॑ध्यसे॒ स नो॑ वसू॒न्या भर॑ ॥

10.191.02a सं॒ गच्छ॑ध्वं॒ सं व॑दध्वं॒ सं वो॑ मनांसि॒ जान॑ताम् ।

10.191.02c दे॒वा भा॑गं॒ यथा॑ पूर्वे॒ संजा॑नाना॒ उपा॑सते ॥

10.191.03a स॒मानो॑ म॒न्त्रः स॑मि॒तिः स॒मानी॑ स॒मानं॑ म॒नः स॒ह चि॑त्तमे॒षाम् ।

10.191.03c स॒मानं॑ म॒न्त्र॑म॒भि म॒न्त्र॑ये वः स॒माने॑न॒ वो ह॒विषा॑ जु॒होमि॑ ॥

10.191.04a स॒मानी॑ व आ॒कू॒तिः स॒माना॑ हृ॒दया॑नि वः ।

10.191.04c स॒मान॑मस्तु॒ वो मनो॑ यथा॒ वः सु॒सहा॑सति ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 26 March 2009